



MALAYSIA

**PENYATA RASMI PARLIMEN
DEWAN RAKYAT**

**PARLIMEN KESEBELAS
PENGKAL KEDUA
MESYUARAT KEDUA**

K A N D U N G A N

JAWAPAN-JAWAPAN LISAN BAGI PERTANYAAN-PERTANYAAN

(Halaman 1)

RANG UNDANG-UNDANG:

Rang Undang-undang Keterangan Mahkamah Syariah
(Wilayah-wilayah Persekutuan) (Pindaan) 2005

(Halaman 16)

USUL:

Menangguhkan Mesyuarat Di Bawah P.M. 16(3)

(Halaman 79)

UCAPAN-UCAPAN PENANGGUHAN:

**Jarum dan Kondom Percuma Bukan Jawapan
Kepada Masalah HIV/AIDS**

- *Y.B. Salahuddin bin Ayub (Kubang Kerian)*

(Halaman 79)

**Memorandum UMNO Wilayah Persekutuan Bagi
Mengehadkan Kuasa Datuk Bandar Kuala Lumpur**

- *Y.B. Tuan Tan Kok Wai (Cheras)*

(Halaman 84)

AHLI-AHLI DEWAN RAKYAT

Yang Berhormat Tuan Yang di-Pertua, Tan Sri Dato' Seri Diraja Ramli bin Ngah Talib, PSM., SPCM., AMN., JP. (Pasar Salak) - UMNO

“ Timbalan Yang di-Pertua, Datuk Lim Si Cheng, PJN., PIS. (Kulai) - MCA

“ Timbalan Yang di-Pertua, Datuk Dr. Yusof bin Yacob, PGDK., ADK. (Sipitang) - UMNO

MENTERI

1. Yang Amat Berhormat Perdana Menteri, Menteri Kewangan dan Menteri Keselamatan Dalam Negeri, Dato' Seri Abdullah bin Haji Ahmad Badawi, S.P.M.S., S.S.S.J., S.P.S.A., S.S.A.P., S.P.D.K., D.P., S.P.N.S., D.G.P.N., D.S.S.A., D.M.P.N., D.J.N., K.M.N., A.M.N. (Kepala Batas) - UMNO

2. “ Timbalan Perdana Menteri dan Menteri Pertahanan, Dato' Sri Mohd. Najib bin Tun Haji Abdul Razak, S.S.A.P., S.I.M.P., D.P.M.S., D.S.A.P., P.N.B.S., D.U.B.C.(T). (Pekan) - UMNO

3. Yang Berhormat Menteri Perumahan dan Kerajaan Tempatan, Dato' Seri Ong Ka Ting, S.P.M.P., D.P.M.P. (Tanjong Piai) - MCA

4. “ Menteri Kerja Raya, Dato' Seri S. Samy Vellu, S.P.M.J., S.P.M.P., D.P.M.S., P.C.M., A.M.N. (Sungai Siput) - MIC

5. “ Menteri Tenaga, Air dan Komunikasi, Dato' Seri Dr. Lim Keng Yaik, S.P.M.P., D.G.P.N., D.P.C.M. (Beruas) - GERAKAN

6. “ Menteri di Jabatan Perdana Menteri, Tan Sri Bernard Giluk Dompok, P.S.M., S.P.D.K. (Ranau) - UPKO

7. “ Menteri Perdagangan Antarabangsa dan Industri, Dato' Seri Rafidah binti Abd. Aziz, S.P.M.T., S.P.M.P., D.P.M.S., A.M.N. (Kuala Kangsar) - UMNO

8. “ Menteri Luar Negeri, Datuk Seri Syed Hamid bin Syed Jaafar Albar, S.P.M.J., S.P.D.K., D.P.M.J., S.M.J., A.M.N. (Kota Tinggi) - UMNO

9. “ Menteri Pertanian dan Industri Asas Tani, Tan Sri Dato' Haji Muhyiddin bin Haji Mohd. Yassin, P.S.M., S.P.M.J., S.M.J., P.I.S., B.S.I. (Pagoh) - UMNO

10. “ Menteri Penerangan, Datuk Paduka Abdul Kadir bin Haji Sheikh Fadzir, D.H.M.S., P.G.D.K., D.S.D.K., A.M.K. (Kulim-Bandar Baharu) – UMNO

11. “ Menteri Sumber Manusia, Datuk Wira Dr. Fong Chan Onn, D.C.S.M., D.M.S.M. (Alor Gajah) - MCA

12. “ Menteri di Jabatan Perdana Menteri, Dato' Seri Mohamed Nazri bin Abdul Aziz, S.P.M.P., D.M.S.M., A.M.P., B.K.T. (Padang Rengas) - UMNO

13. “ Menteri Hal Ehwal Dalam Negeri, Dato' Azmi bin Khalid, D.P.M.P., S.M.P., P.J.K. (Padang Besar) - UMNO

14. “ Menteri Pelajaran, Dato' Hishammuddin bin Tun Hussein, S.I.M.P., D.S.A.P., D.P.M.J. (Sembrong) - UMNO

15. “ Menteri Kebudayaan, Kesenian dan Warisan, Datuk Seri Utama Dr. Rais Yatim, S.J.M.K., S.P.N.S., D.S.N.S. (Jelebu) - UMNO

16. “ Menteri Pembangunan Wanita, Keluarga dan Masyarakat, Dato' Seri Hajah Shahrizat binti Abdul Jalil, D.G.P.N., D.I.M.P. (Lembah Pantai) - UMNO

17. “ Menteri Sains, Teknologi dan Inovasi, Dato' Dr. Haji Jamaludin bin Dato' Mohd. Jarjis, S.I.M.P., D.I.M.P., S.A.P. (Rompin) - UMNO

18. Yang Berhormat Menteri Pengangkutan, Dato' Sri Chan Kong Choy, S.S.A.P., D.S.A.P., D.P.M.S., (Selayang) – MCA.
19. “ Menteri Kewangan Kedua, Senator Tan Sri Datuk Seri Nor Mohamed bin Yakcop
20. “ Menteri Wilayah Persekutuan, Tan Sri Dato' Seri Utama Mohd. Isa bin Abdul Samad, P.S.M., S.P.N.S., D.S.N.S., P.M.C. (Jempol) – UMNO
21. “ Menteri Pelancongan, Datuk Dr. Leo Michael Toyad, P.G.D.K., J.B.S. (Mukah) - PBB
22. “ Menteri Perusahaan Perladangan dan Komoditi, Datuk Peter Chin Fah Kui, P.G.B.K., P.B.S., A.B.S. (Miri) – SUPP
23. “ Menteri Perdagangan Dalam Negeri dan Hal Ehwal Pengguna, Datuk Mohd. Shafie bin Haji Apdal, D.S.A.P., P.G.D.K., D.M.S.M. (Semporna) - UMNO
24. “ Menteri Pengajian Tinggi, Dato' Dr. Haji Shafie bin Haji Mohd. Salleh, D.S.S.A., S.M.S., S.S.A., K.M.N. (Kuala Langat) – UMNO
25. “ Menteri Kemajuan Luar Bandar dan Wilayah, Dato' Abdul Aziz bin Shamsuddin, D.P.M.S., D.S.A.P., P.G.D.K., D.M.S.M., D.P.M.P., D.S.D.K. (Shah Alam) - UMNO
26. “ Menteri Pembangunan Usahawan dan Koperasi, Dato' Mohamed Khaled bin Nordin, D.S.P.N., S.M.J., P.I.S. (Pasir Gudang) - UMNO
27. “ Menteri di Jabatan Perdana Menteri, Dato' Mustapa bin Mohamed (Jeli) - UMNO
28. “ Menteri di Jabatan Perdana Menteri, Dato' Mohd Radzi bin Sheikh Ahmad (Kangar) - UMNO
29. “ Menteri Sumber Asli dan Alam Sekitar, Dato' Sri Adenan bin Satem (Batang Sadong) – PBB
30. “ Menteri di Jabatan Perdana Menteri, Datuk Dr. Maximus Johnity Ongkili, A.S.D.K., J.P. (Kota Marudu) - PBS
31. “ Menteri Kesihatan, Datuk Dr. Chua Soi Lek (Labis) - MCA
32. “ Menteri Belia dan Sukan, Datuk Azalina binti Othman Said (Pengerang) - UMNO
33. “ Menteri di Jabatan Perdana Menteri, Prof. Dato' Dr. Abdullah bin Md. Zin (Besut) - UMNO

TIMBALAN MENTERI

1. Yang Berhormat Timbalan Menteri Pertanian dan Industri Asas Tani, Dato' Seri Kerk Choo Ting (Simpang Renggam) – GERAKAN
2. “ Timbalan Menteri Pengangkutan, Datuk Douglas Uggah Embas (Betong) - PBB
3. “ Timbalan Menteri Hal Ehwal Dalam Negeri, Datuk Tan Chai Ho, P.J.N., K.M.N., A.M.N. (Bandar Tun Razak) - MCA
4. “ Timbalan Menteri Pembangunan Wanita, Keluarga dan Masyarakat, Datuk G. Palanivel, D.S.S.A., S.S.A., P.J.K. (Hulu Selangor) - MIC
5. “ Timbalan Menteri Belia dan Sukan, Datuk Ong Tee Keat, P.J.N., S.M.S. (Pandan) - MCA

6. Yang Berhormat Timbalan Menteri Pertanian dan Industri Asas Tani, Dato' Seri Mohd. Shariff bin Omar, D.G.P.N., D.M.P.N., P.P.T. (Tasek Gelugor) – UMNO
7. “ Timbalan Menteri Pertahanan, Dato' Zainal Abidin bin Zin, D.P.M.P., P.M.P. (Bagan Serai) - UMNO
8. “ Timbalan Menteri Pengangkutan, Dato' Seri Tengku Azlan ibni Sultan Abu Bakar, S.P.T.J., D.S.A.S. (Jerantut) - UMNO
9. “ Timbalan Menteri Perusahaan Perladangan dan Komoditi, Datuk Anifah bin Haji Aman (Kimanis) - UMNO
10. “ Timbalan Menteri Kemajuan Luar Bandar dan Wilayah, Datuk Dr. Tiki anak Lafe (Mas Gading) - SPDP
11. “ Timbalan Menteri Kewangan, Dato' Dr. Ng Yen Yen, D.I.M.P., D.S.A.P. (Raub) - MCA
12. “ Timbalan Menteri Kesihatan, Datuk Dr. Abdul Latiff bin Ahmad (Mersing) - UMNO
13. “ Timbalan Menteri Pelajaran, Dato' Hon Choon Kim (Seremban) - MCA
14. “ Timbalan Menteri di Jabatan Perdana Menteri, Datuk M. Kayveas, P.J.N. (Taiping) - PPP
15. “ Timbalan Menteri Penerangan, Dato' Donald Lim Siang Chai (Petaling Jaya Selatan) - MCA
16. “ Timbalan Menteri Pengajian Tinggi, Dato' Fu Ah Kiow (Kuantan) – MCA
17. “ Timbalan Menteri Penerangan, Datuk Zainudin bin Maidin (Merbok) – UMNO
18. “ Timbalan Menteri Keselamatan Dalam Negeri, Dato' Haji Noh bin Haji Omar, D.P.M.S., D.M.S.M., K.M.N., A.S.A., P.J.K., J.P. (Tanjong Karang) - UMNO
19. “ Timbalan Menteri Pembangunan Usahawan dan Koperasi, Dato' Khamsiyah binti Yeop, P.P.T., A.M.N., A.M.P., P.M.P. (Lenggong) – UMNO
20. “ Timbalan Menteri Keselamatan Dalam Negeri, Tuan Chia Kwang Chye (Bukit Bendera) - GERAKAN
21. “ Timbalan Menteri Sumber Asli dan Alam Sekitar, Dato' S. G. Sothinathan (Telok Kemang) - MIC
22. “ Timbalan Menteri Perdagangan Dalam Negeri dan Hal Ehwal Pengguna, Dato' S. Veerasingam, P.M.P., A.M.P, A.M.N. (Tapah) - MIC
23. “ Timbalan Menteri Kebudayaan, Kesenian dan Warisan, Dato' Wong Kam Hoong, K.M.N. (Bayan Baru) - MCA
24. “ Timbalan Menteri Pelajaran, Dato' Mahadzir bin Mohd. Khir (Sungai Petani) - UMNO
25. “ Timbalan Menteri Perdagangan Antarabangsa dan Industri, Dato' Haji Ahmad Husni bin Mohd. Hanadzlah, P.P.T., A.M.P. (Tambun) - UMNO
26. “ Timbalan Menteri Pelancongan, Datuk Ahmad Zahid bin Hamidi, D.M.S.M., P.P.T., P.J.K. (Bagan Datok) – UMNO
27. “ Timbalan Menteri Perumahan dan Kerajaan Tempatan, Datuk Robert Lau Hoi Chew, J.B.S. (Sibu) - SUPP
28. “ Timbalan Menteri Luar Negeri, Dato' Joseph Salang Gandum (Julau) - PBDS

29. Yang Berhormat Timbalan Menteri Sains, Teknologi dan Inovasi, Dato' Kong Cho Ha (Lumut) - MCA
30. “ Timbalan Menteri Perdagangan Antarabangsa dan Industri, Dato' Mah Siew Keong, (Telok Intan) - GERAKAN
31. “ Timbalan Menteri Kerja Raya, Dato' Ir. Mohd. Zin bin Mohamed, D.P.T.J., J.P. (Sepang) – UMNO
32. “ Timbalan Menteri Tenaga, Air dan Komunikasi, Dato' Shaziman bin Abu Mansor, A.N.S. (Tampin) – UMNO
33. “ Timbalan Menteri Wilayah Persekutuan, Dato' Zulhasnan bin Rafique, D.I.M.P., A.M.N. (Setiawangsa) - UMNO
34. “ Timbalan Menteri Perumahan dan Kerajaan Tempatan, Datuk Azizah binti Mohd. Dun (Beaufort) – UMNO
35. “ Timbalan Menteri Sumber Manusia, Datuk Abdul Rahman bin Bakar (Marang) - UMNO
36. “ Timbalan Menteri Kemajuan Luar Bandar dan Wilayah, Dato' Dr. Awang Adek bin Hussin (Bachok) – UMNO
37. “ Timbalan Menteri di Jabatan Perdana Menteri, Tuan Joseph Entulu anak Belaun (Selangau) - PBDS
38. “ Mulia Timbalan Menteri Kewangan, Datuk Tengku Putera bin Tengku Awang (Hulu Terengganu) – UMNO

SETIAUSAHA PARLIMEN

1. Yang Berhormat Setiausaha Parlimen di Jabatan Perdana Menteri, Dato' Mohd Johari bin Baharum (Kubang Pasu) - UMNO
2. “ Setiausaha Parlimen di Jabatan Perdana Menteri, Dato' Dr. Mashitah binti Ibrahim (Baling) - UMNO
3. “ Setiausaha Parlimen Kementerian Kewangan, Dato' Seri Dr. Hilmi bin Yahaya (Balik Pulau) - UMNO
4. “ Setiausaha Parlimen Kementerian Keselamatan Dalam Negeri, Datuk Wira Abu Seman Yusop (Masjid Tanah) - UMNO
5. “ Setiausaha Parlimen Kementerian Perumahan dan Kerajaan Tempatan, Dr S. Subramaniam (Segamat) - MIC
6. “ Setiausaha Parlimen Kementerian Kerja Raya, Dato' Yong Khoo Seng (Stampin) - SUPP
7. “ Setiausaha Parlimen Kementerian Perdagangan Antarabangsa dan Industri, Datin Paduka Dr. Tan Yee Kew (Klang) – MCA
8. “ Setiausaha Parlimen Kementerian Luar Negeri, Dato' Zainal Abidin bin Osman (Nibong Tebal) - UMNO
9. “ Setiausaha Parlimen Kementerian Pertanian dan Industri Asas Tani, Datuk Hajah Rohani binti Haji Abdul Karim (Batang Lupar) - PBB
10. “ Setiausaha Parlimen Kementerian Penerangan, Puan Noriah binti Kasnon (Sungai Besar) - UMNO
11. “ Setiausaha Parlimen Kementerian Hal Ehwal Dalam Negeri, Dato' Paduka Haji Abdul Rahman bin Ibrahim (Pokok Sena) - UMNO
12. “ Setiausaha Parlimen Kementerian Pelajaran, Puan Komala Devi (Kapar) – MIC

13. Yang Berhormat Setiausaha Parlimen Kementerian Pembangunan Wanita, Keluarga dan Masyarakat, Puan Chew Mei Fun (Petaling Jaya Utara) - MCA
14. “ Setiausaha Parlimen Kementerian Sains, Teknologi dan Inovasi, Profesor Datuk Dr. Mohd. Ruddin bin Ab. Ghani (Bukit Katil) – UMNO
15. “ Setiausaha Parlimen Kementerian Perdagangan Dalam Negeri dan Hal Ehwal Pengguna, Tuan Hoo Seong Chang (Kluang) - MCA
16. “ Setiausaha Parlimen Kementerian Wilayah Persekutuan, Tuan Yew Teong Look (Wangsa Maju) - MCA
17. “ Setiausaha Parlimen Kementerian Perusahaan Perladangan dan Komoditi, Tuan Ng Lip Yong @ Ng Lip Sat (Batu) - GERAKAN
18. “ Setiausaha Parlimen Kementerian Pengajian Tinggi, Datuk Dr. Adham bin Baba (Tenggara) - UMNO
19. “ Setiausaha Parlimen Kementerian Pembangunan Usahawan dan Koperasi, Tuan Samsu Baharun bin Haji Abdul Rahman (Silam) - UMNO
20. “ Setiausaha Parlimen Kementerian Sumber Asli dan Alam Sekitar, Tuan Sazmi bin Miah (Machang) - UMNO
21. “ Setiausaha Parlimen Kementerian Kesihatan, Tuan Lee Kah Choon (Jelutong) - GERAKAN
22. “ Setiausaha Parlimen Kementerian Belia dan Sukan, Tuan Sa. Vigneswaran (Kota Raja) - MIC

AHLI-AHLI

1. Yang Berhormat Tuan Aaron Ago Dagang (Kanowit) - PBDS
2. “ Brig. Jen. (B) Dato’ Seri Abdul Hamid bin Haji Zainal Abidin (Parit Buntar) - UMNO
3. “ Tuan Haji Abdul Fatah bin Haji Haron (Rantau Panjang) - PAS
4. “ Datuk Abdul Ghapur bin Salleh (Kalabakan) - UMNO
5. “ Dato’ Haji Ab. Halim bin Ab. Rahman (Pengkalan Chepa) - PAS
6. “ Datuk Abdul Rahim bin Bakri (Kudat) - UMNO
7. “ Dato’ Abdul Rahman bin Ariffin (Jerlun) - UMNO
8. “ Datuk Patinggi Tan Sri Abdul Taib bin Mahmud (Kota Samarahan) - PBB
9. “ Dato’ Abu Bakar bin Taib (Langkawi) - UMNO
10. “ Tuan Ahmad Shabery Cheek (Kemaman) - UMNO
11. “ Tuan Alexander Nanta Linggi (Kapit) - PBB
12. “ Datuk Haji Astaman bin Abdul Aziz (Titiwangsa) - UMNO
13. “ Dato’ Paduka Haji Badruddin bin Amiruldin (Jerai) - UMNO
14. “ Tuan Baharum bin Mohamed (Sekijang) - UMNO
15. “ Tuan Bernard S. Maraat @ Ben (Pensiangan) - PBRS
16. “ Tuan Billy Abit Joo, K.M.N. (Hulu Rajang) - PBDS
17. “ Datuk Bung Moktar bin Radin (Kinabatangan) - UMNO
18. “ Tuan Che Azmi bin Hj. A. Rahman (Kuala Nerus) – UMNO
19. “ Dato Haji Che Min bin Che Ahmad (Pasir Puteh) - PAS

-
20. Yang Berhormat Tuan Chong Chieng Jen (Bandar Kuching) - DAP
 21. “ Puan Chong Eng (Bukit Mertajam) - DAP
 22. “ Tuan Chong Hon Min (Sandakan) - BEBAS
 23. “ Dato’ Chor Chee Heung (Alor Star) - MCA
 24. “ Tuan Chow Kon Yeow (Tanjong) - DAP
 25. “ Dato’ Chua Jui Meng (Bakri) – MCA
 26. “ Tuan Devamany a/l S. Krishnasamy (Cameron Highlands) - MIC
 27. “ Tuan Donald Peter Mojuntin (Penampang) – UPKO
 28. “ Ir. Edmund Chong Ket Wah (Batu Sapi) - PBS
 29. “ Tuan Eric Enchin Majimbun (Sepanggar) - SAPP
 30. “ Tuan Haji Fadillah bin Yusof (Petra Jaya) - PBB
 31. “ Dato’ Firdaus bin Harun (Rembau) - UMNO
 32. “ Tuan Fong Kui Lun (Bukit Bintang) - DAP
 33. “ Cik Fong Po Kuan (Batu Gajah) - DAP
 34. “ Dato’ Ghazali bin Ibrahim (Padang Terap) - UMNO
 35. “ Dato’ Goh Siow Huat (Rasah) - MCA
 36. “ Ir. Haji Hamim bin Samuri (Ledang) - UMNO
 37. “ Datuk Haji Hasan bin Malek (Kuala Pilah) - UMNO
 38. “ Tuan Hashim bin Jahaya (Kuala Kedah) - UMNO
 39. “ Ir. Hasni bin Haji Mohammad (Pontian) - UMNO
 40. “ Tuan Henry Sum Agong (Bukit Mas) - PBB
 41. “ Tan Sri Dato’ Hew See Tong (Kampar) - MCA
 42. “ Tuan Huan Cheng Guan (Batu Kawan) - GERAKAN
 43. “ Yang Berhomrat Tuan Haji Idris bin Haji Haron (Tangga Batu) - UMNO
 44. “ Tuan Haji Ismail bin Haji Abd. Muttalib (Maran) - UMNO
 45. “ Tuan Haji Ismail bin Haji Mohamed Said (Kuala Krau) - UMNO
 46. “ Tuan Haji Ismail bin Noh (Pasir Mas) - PAS
 47. “ Datuk Ismail Sabri bin Yaakob (Bera) - UMNO
 48. “ Dato’ Jacob Dungau Sagan (Baram) - SPDP
 49. “ Dr. James Dawos Mamit (Mambong) - PBB
 50. “ Tuan Jawah anak Gerang (Lubok Antu) - PBDS
 51. “ Tuan Jelaing anak Mersat (Saratok) - SPDP
 52. “ Tuan Jimmy Donald (Sri Aman) - PBDS
 53. “ Datu Seri Joseph Pairin Kitingan (Keningau) - PBS
 54. “ Dr. Junaidy bin Abdul Wahab (Batu Pahat) - UMNO
 55. “ Datuk Juslie Ajirol (Libaran) - UMNO
 56. “ Tan Sri Dato’ K.S. Nijhar (Subang) - MIC
 57. “ Dato’ Kamarudin bin Jaffar (Tumpat) - PAS

58. Yang Berhormat Tuan R. Karpal Singh (Bukit Gelugor) - DAP
59. " Tuan Lau Yeng Peng (Puchong) - GERAKAN
60. " Dato' Seri Law Hieng Ding (Sarikei) - SUPP
61. " Puan Lim Bee Kau, A.M.K., B.K.M., P.J.K., J.P. (Padang Serai) - MCA
62. " Tuan Lim Hock Seng (Bagan) - DAP
63. " Tuan Lim Kit Siang (Ipoh Timor) - DAP
64. " Tuan Liow Tiong Lai (Bentong) - MCA
65. " Tuan Loh Seng Kok (Kelana Jaya) - MCA
66. " Dato' Loke Yuen Yow (Tanjong Malim) - MCA
67. " Tuan M. Kula Segaran (Ipoh Barat) - DAP
68. " Datuk Dr. Marcus Makin Mojigoh (Putatan) - UPKO
69. " Tuan Markiman bin Kobiran (Hulu Langat) - UMNO
70. " Dato' Haji Mat Yasir bin Haji Ikhsan (Sabak Bernam) – UMNO
71. " Tuan Haji Md. Alwi bin Che Ahmad (Ketereh) – UMNO
72. " Datuk Haji Mohamad bin Haji Aziz (Sri Gading) - UMNO
73. " Tuan Mohamad Shahrum bin Osman (Lipis) - UMNO
74. " Tuan Mohamed Razali bin Che Mamat, J. P. (Kuala Krai) - UMNO
75. " Datuk Mohd. Zaid bin Ibrahim (Kota Bharu) - UMNO
76. " Tuan Mohd. Daud bin Tarihep (Kuala Selangor) - UMNO
77. " Dr. Mohd. Hayati bin Othman (Pendang) - PAS
78. " Datuk Haji Mohd. Said bin Yusof (Jasin) – UMNO
79. " Dato' Mohd. Sarit bin Haji Yusoh (Temerloh) – UMNO
80. " Tuan Mohd. Yusop bin Majid (Setiu) – UMNO
81. " Tuan Nasaruddin bin Hashim (Parit) – UMNO
82. " Datuk Nur Jazlan bin Mohamed (Pulai) – UMNO
83. " Datuk Dr. Rahman bin Ismail (Gombak) – UMNO
84. " Tuan Raimi Unggi (Tenom) – UMNO
85. " Dato' Raja Ahmad Zainuddin bin Raja Haji Omar (Larut) – UMNO
86. " Tan Sri Dato' Seri Diraja Ramli bin Ngah Talib (Pasir Salak) – UMNO
87. " Tuan Razali bin Ibrahim (Muar) – UMNO
88. " Dato' Razali bin Ismail (Kuala Terengganu) – UMNO
89. " Tuan Richard Riot anak Jaem (Serian) – SUPP
90. " Datuk Ronald Kiandee (Beluran) – UMNO
91. " Datuk Rosli bin Mat Hassan (Dungun) – UMNO
92. " Puan Rosnah bte. Haji Abd. Rashid Shirlin (Papar) – UMNO
93. " Dr. Rozaidah binti Talib (Ampang) – UMNO
94. " Tuan Salahuddin bin Ayub (Kubang Kerian) – PAS
95. " Datuk Salleh bin Tun Said (Kota Belud) – UMNO

96. Yang Berhormat Ir. Shaari bin Hassan (Tanah Merah) – UMNO
97. “ Dato’ Shahrir Abdul Samad (Johor Bahru) – UMNO
98. “ Tuan Shim Paw Fatt (Tawau) - SAPP
99. “ Datuk Seri Dr. Siti Zaharah binti Sulaiman (Paya Besar) – UMNO
100. “ Dato’ Suhaili bin Abdul Rahman (Labuan) – UMNO
101. “ Tuan Syed Hood bin Syed Edros (Parit Sulung) – UMNO
102. “ Dato’ Seri Diraja Syed Razlan ibni Syed Putra Jamalullail (Arau) – UMNO
103. “ Puan Tan Ah Eng (Gelang Patah) - MCA
104. “ Dato’ Dr. Tan Kee Kwong (Segambut) - GERAKAN
105. “ Tuan Tan Kok Wai (Cheras) - DAP
106. “ Cik Tan Lian Hoe (Bukit Gantang) - GERAKAN
107. “ Dr. Tan Seng Giaw (Kepong) – DAP
108. “ Tuan Teng Boon Soon (Tebrau) - MCA
109. “ Datuk Tengku Adnan bin Tengku Mansor (Putrajaya) - UMNO
110. “ Mulia Tengku Razaleigh Hamzah, D.K., P.S.M., S.P.M.K., S.S.A.P., S.P.M.S. (Gua Musang) – UMNO
111. “ Puan Teresa Kok Suh Sim (Seputeh) – DAP
112. “ Tan Sri Dato’ Seri Dr. Ting Chew Peh (Gopeng) – MCA
113. “ Dato’ Seri Tiong King Sehingga (Bintulu) – SPDP
114. “ Tuan Tiong Thai King (Lanang) – SUPP
115. “ Datuk Wahab bin Haji Dollah (Kuala Rajang) – PBB
116. “ Dato’ Wan Adnan bin Wan Mamat (Indera Mahkota) – UMNO
117. “ Datin Seri Dr. Wan Azizah binti Wan Ismail (Permatang Pauh) – KEADILAN
118. “ Dato’ Dr. Wan Azmi bin Wan Ariffin (Sik) – UMNO
119. “ Dato’ Dr. Wan Hashim bin Wan Teh (Gerik) – UMNO
120. “ Datuk Haji Wan Junaidi bin Tuanku Jaafar (Santubong) - PBB
121. “ Ir. Dr. Wee Ka Siong (Ayer Hitam) - MCA
122. “ Tuan Wilfred Madius Tangau (Tuaran) – UPKO
123. “ Tuan Wong Nai Chee (Kota Melaka) – MCA
124. “ Dato’ Yap Pian Hon (Serdang) – MCA
125. “ Datuk Dr. Yee Moh Chai (Kota Kinabalu) - PBS

MENTERI/TIMBALAN MENTERI (SENATOR)

1. Yang Berhormat Menteri Kewangan Kedua, Tan Sri Nor Mohamed Yakcop

DEWAN RAKYAT**PEGAWAI-PEGAWAI KANAN****Setiausaha Dewan Rakyat**

Dato' Abdullah bin Abdul Wahab

Ketua Penolong Setiausaha

Roosme binti Hamzah

Ruhana binti Abdullah

Riduan bin Rahmat

Pegawai Undang-Undang

Muzalni bin Soid

Penolong Setiausaha

Muhd Sujairi bin Abdullah

Lavinia a/p Vyveganathan

Bazlinda binti Bahrin

Farah Nurdiana binti Azhar

PETUGAS-PETUGAS**CAWANGAN DOKUMENTASI**

Azhari bin Hamzah

Hajah Paizah binti Haji Salehuddin

Hajah Supiah binti Dewak

Mohamed bin Osman

Ab. Talip bin Hasim

Hadzirah binti Ibrahim

Saadiah binti Jamaludin

Syed Azuddin bin Syed Othman

Hairan bin Mohtar

Jamilah Intan binti Haji Bohari

Nurziana binti Ismail

Nik Elyana binti Ahyat

Marzila binti Muslim

Habibunisah binti Mohd. Azir

Aisyah binti Razki

Yoogeswari a/p Muniandy

Nor Liyana binti Ahmad

Mohd. Izhar bin Hashim

PETUGAS-PETUGAS UNIT CETAK

Kamaroddin bin Mohd.

YusofMohamedShahrizan bin Sarif

Alias bin Mohd. Nor

JURUBAHASA SERENTAK

Ungku Fauzie bin Ungku A. Rahman

Mazidah binti Mohamed

Cik Lee Jing Jing

BENTARA MESYUARAT

Lt. Kol (B) Mohamed Nor bin Mohd. Darus

Mejar (B) Mohd Azimi bin Arifin

PETUGAS-PETUGAS**CAWANGAN KOMPUTER**

Mohd Shah bin Rahman

Sulaiman bin Sirad

PETUGAS-PETUGAS**CAWANGAN PERUNDANGAN**

Mohd. Shariff bin Hussein

Azmi bin Othman

Zafniza binti Zakaria

Hindun binti Wahari

Rozaimah binti Mohamad Ariffin

Mohd. Sidek bin Mohd. Sani

Mazlina binti Ali

Norlaila binti Abdullah Sidi

Ropiah binti Tambi

Suhairi bin Othman

MALAYSIA
DEWAN RAKYAT
Rabu, 6 Julai 2005

Mesyuarat dimulakan pada pukul 10.00 pagi

DOA

[Tuan Yang di-Pertua *mempengerusikan Mesyuarat*]

JAWAPAN-JAWAPAN LISAN BAGI PERTANYAAN-PERTANYAAN

1. Datuk Haji Wan Junaidi bin Tuanku Jaafar [Santubong] minta Menteri Tenaga, Air dan Komunikasi menyatakan:-

- (a) adakah kementerian telah membuat kajian terperinci untuk mengetahui keciciran (*wasted*) tenaga dan berapakah jumlah kerugian disebabkan keciciran tenaga di negara ini. Sila beri nilai keciciran tenaga mengikut negeri, dan
- (b) adakah kementerian telah menerima pakai prinsip-prinsip tenaga bersama (*common energy principles*) untuk negara. Kalau ya, bila telah dilaksanakan dan jikalau tidak kenapa.

Timbalan Menteri Tenaga, Air dan Komunikasi [Dato' Shaziman bin Abu Mansor]: Terima kasih Tuan Yang di-Pertua. Untuk makluman Ahli Yang Berhormat bagi menjawab soalan yang dibangkitkan oleh Ahli Yang Berhormat bagi Santubong, kehilangan tenaga (*wasted energy*) boleh berlaku dalam dua keadaan iaitu kehilangan teknikal dan bukan teknikal. Dalam hal ini kehilangan teknikal memang tidak dapat dielakkan oleh kerana akan berlaku semasa aktiviti penjanaan tenaga elektrik yang dikenali sebagai *generation loss* dan aktiviti penghantaran elektrik yang dikenali sebagai *transmission loss*.

Mengikut kajian Suruhanjaya Tenaga kira-kira 45% hingga 68% daripada sumber tenaga dalam bentuk bahan api seperti minyak, gas asli dan arang batu akan hilang semasa penjanaan elektrik. Keadaan ini berlaku di dalam penjana generator yang digunakan untuk menukar tenaga kimia, bahan api ke tenaga elektrik. Di samping itu janakuasa elektrik akan mengalami kehilangan tambahan sebanyak 10% hingga 15% apabila tenaga elektrik ini dihantar ke stesen-stesen elektrik pengguna.

Kehilangan penghantaran, *transmission loss* dengan izin berlaku dalam kabel-kabel talian penghantaran yang menyumbangkan kepada rangkaian gred kebangsaan di mana semakin panjang talian penghantaran tersebut maka semakin besarnya kehilangan ini yang akan berlaku.

Manakala kehilangan bukan teknikal berlaku disebabkan oleh terdapatnya kegiatan mencuri bekalan elektrik oleh pengguna-pengguna yang tidak bertanggungjawab. Berdasarkan maklumat Tenaga Nasional Berhad untuk tempoh Januari 2000 hingga Mei 2004 terdapat sebanyak 7,433 kes kecurian bekalan elektrik yang telah dikesan di Semenanjung Malaysia yang mana telah mengakibatkan Tenaga Nasional Berhad (TNB) mengalami kerugian RM22.95 juta. Jumlah kerugian yang dialami oleh Tenaga Nasional Berhad mengikut negeri-negeri adalah seperti berikut:

NEGERI	JUMLAH KERUGIAN (RM JUTA)
Perak	5.55
Selangor	3.462

Johor	3.070
Pulau Pinang	3.007
Melaka	2.225
Wilayah Persekutuan	1.989
Pahang	1.649
Kedah	0.85
Negeri Sembilan	0.615
Kelantan	0.357
Terengganu	0.121
Perlis	0.052

Berhubung dengan prinsip-prinsip tenaga bersama (*common energy principles*) sebagai mana yang dibangkitkan oleh Yang Berhormat, kementerian ini ingin menjelaskan bahawa terdapat tiga prinsip yang terkandung dalam Dasar Tenaga Negara iaitu pertama pembekalan elektrik yang mencukupi pada kos penjanaan yang rendah (*least cost*) supaya takrif yang dikenakan adalah pada kadar yang munasabah. Kedua, amalan penggunaan tenaga yang cekap di pelbagai sektor penggunaan sama ada industri ataupun domestik yang dapat menggalakkan penggunaan tenaga elektrik secara bijak dan berhemah serta mengurangkan pembaziran yang berlaku pada tenaga elektrik. Ketiga, mengurangkan kesan negatif terhadap alam sekitar yang berpunca dari penjanaan tenaga elektrik.

Pada masa ini sebahagian besar janakuasa elektrik sama ada bilik TNB atau penjana-penjana bebas telah beralih kepada penggunaan gas sepenuhnya sebagai bahan pembakar. Namun begitu penggunaan arang batu sebagai bahan bakar dalam penjanaan elektrik tidak akan mencemarkan alam sekitar dengan penggunaan *clean cold technology* yang dapat mengawal kesan-kesan negatif kepada alam sekitar.

Pada dasarnya kerajaan sememangnya memberi perhatian serta melaksanakan prinsip-prinsip tersebut dalam aktiviti pembekalan elektrik sejajar dengan panduan yang digariskan dalam Dasar Tenaga Negara. Terima kasih.

Datuk Haji Wan Junaidi bin Tuanku Jaafar [Santubong]: Terima kasih Tuan Yang di-Pertua. Kita semua mengetahui bahawa apabila kita mencirikan penggunaan tenaga ini maka banyakkah penjanaan tenaga yang dibuat. Apabila banyak penjanaan tenaga dibuat sama ada dengan menggunakan *fuel* dengan izin ataupun menggunakan *cold power generation* ataupun apa sahaja cara penjanaan ini nescaya ini telah mengurangkan sumber asli yang ada dalam negara kita dan sebaliknya juga kesan kepada *ozone layer* dan sebagainya. *The energy principle* yang kita bincangkan di sini telah dipersoalkan pada tahun 1992 berhubung dengan penggunaan dengan efisien tenaga ini. Macam mana pihak pembangunan, pihak Kementerian Perumahan, arkitek, jurutera dan sebagainya merancang dan membina bangunan-bangunan supaya *energy-efficient* untuk menghalang daripada kecikiran ini.

Di Amerika umpamanya 300 bilion satu tahun kerugian ini oleh kerana *inefficiency* penggunaan tenaga. Jadi persoalan saya apakah tindakan kementerian untuk menghalang kecikiran ini, sama ada sudah berbincang dengan Kementerian Wilayah dan juga Kementerian Kerajaan Tempatan, badan kumpulan seperti arkitek, jurutera dan sebagainya, pemaju dan kontraktor untuk menghalang kecikiran ini dan mengguna perkakas bangunan yang lebih efisien yang boleh menghalang daripada kecikiran dan kemasukan panas daripada luar bangunan. Terima kasih.

Dato' Shaziman bin Abu Mansor: Terima kasih Tuan Yang di-Pertua dan Yang Berhormat bagi Santubong. Untuk pengetahuan Ahli-ahli Yang Berhormat dalam kementerian ini terdapat satu jawatankuasa yang dinamakan Jawatankuasa Perancangan Pembekalan Elektrik dan takrif. Di dalam jawatankuasa ini terdapat salah satu wakilnya daripada Suruhanjaya Tenaga.

Tujuan mengadakan Jawatankuasa Perancangan Perbekalan Elektrik dan Takrif ini untuk membincangkan hala tuju bekalan elektrik negara ini dan jawatankuasa ini juga mengarahkan Suruhanjaya Tenaga dan Elektrik supaya mengkaji bagaimana kaedah-kaedah yang boleh dilakukan supaya dapat melahirkan tenaga elektrik yang lebih efisien bukan sahaja dari segi penjanaan tetapi juga bagi pihak pengguna supaya pengguna boleh dapat menggunakan tenaga elektrik itu dalam suasana yang lebih bererti maknanya tidak membazirkan tenaga elektrik sewenang-wenangnya di negara ini. Sebagai contoh bangunan di kementerian saya sendiri yang mana kementerian ini telah mereka bentuk satu bangunan yang menggunakan tenaga elektrik yang lebih menjimatkan jika hendak dibandingkan dengan bangunan-bangunan yang lain di negara ini. Terima kasih.

Datuk Haji Mohamad bin Haji Aziz [Sri Gading]: *Asssamu'alaikum warahmatullahi wabarakatuh*, selamat pagi dan terima kasih Tuan Yang di-Pertua. Air menjadi salah satu tenaga yang terpenting. Dari air akan datang tenaga dan air tidak dapat dipisahkan dengan kehidupan manusia malahan sebenarnya air itu tidak boleh dipisahkan dengan kehidupan-kehidupan di alam maya. Itu sebabnya air lebih luas daripada tanah. Sebagai kementerian yang bertanggungjawab kepada air saya mohon di Dewan yang mulia ini agar Timbalan Menteri Tenaga, Air dan Komunikasi memberikan perhatian dan seboleh-bolehnya pihak kementerian menyelesaikan masalah-masalah dan gangguan-gangguan bekalan air dan kualiti air yang rendah yang dibekalkan kepada hampir kepada 400,000 penduduk daerah Batu Pahat, ada krisis air di daerah Batu Pahat iaitu di daerah saya, Tuan Yang di-Pertua, yang mana daerah Batu Pahat ini mengandungi empat Parlimen, Batu Pahat, Parit Sulong, Ayer Hitam dan Sri Gading sendiri.

Dilema yang dihadapi oleh penduduk-penduduk Batu Pahat yang berjumlah 400,000 ini Yang Berhormat Timbalan Menteri saya lihat dan rasai lebih daripada 10 tahun yang lalu apabila perjanjian penswastaan 14 loji rawatan air di negeri Johor ditandatangani pada 31 Mei 1994 di antara syarikat milik penuh kerajaan negeri Johor dengan syarikat air Johor Sendirian dengan Southern Water Corporation Sendirian Berhad.

Maknanya, semua air yang dibekalkan oleh SAJ kepada pengguna-pengguna melalui loji-loji air yang dikendalikan oleh SWC tetapi apabila SWC gagal mengendalikan semua loji-loji air untuk menentukan bekalan air yang mencukupi dan kualiti air yang tertinggi sesuai dengan kualiti yang ditetapkan oleh Kementerian Kesihatan Malaysia maka terjadilah gangguan-gangguan air yang serius yang dihadapi oleh penduduk-penduduk Batu Pahat.

Ini soal kementerian yang ada kaitan dengan air. Saya melihat kegagalan dan ketidakcekapan pihak SWC, Tuan Yang di-Pertua, mengendalikan loji-loji air...

Tuan Lim Hock Seng [Bagan]: Apa ini?

Datuk Haji Mohamad bin Haji Aziz [Sri Gading]: ...Loji-loji rawatan air ini satu dosa yang amat besar...

Cik Fong Po Kuan: *[Menyampuk]*

Datuk Haji Mohamad bin Haji Aziz [Sri Gading]: ...Kepada penduduk-penduduk Batu Pahat. DAP you diamlah! Ini masalah rakyatlah! Barisan Nasional sedang usahakan.

Beberapa Ahli Pembangkang: Ya, ya, ya!

Datuk Haji Mohamad bin Haji Aziz [Sri Gading]: Sebagai contoh kegagalan SWC membekalkan air yang mencukupi kepada penduduk-penduduk Batu Pahat dari Januari 2002 hingga 2005 sebanyak 102 kali kegagalan. Maknanya, semenjak itu ada 102 kali kegagalan di mana penduduk-penduduk tidak mendapat bekalan air. Hendak mandi jenazah pun terpaksa ditangguhkan. Buat kerja kahwin pun terpaksa...

Cik Fong Po Kuantiti [Batu Gajah]: Barisan Nasional boleh! *[Menyampuk]*

Seorang Ahli: Kahwin?

Datuk Haji Mohamad bin Haji Aziz [Sri Gading]: Apa hal ini?

Beberapa Ahli: *[Ketawa]*

Cik Fong Po Kuantiti [Batu Gajah]: Barisan Nasional boleh! *[Menyampuk]*

Tuan Lim Hock Seng [Bagan]: Buat apa?

Seorang Ahli: Kahwin?

Datuk Haji Mohamad bin Haji Aziz [Sri Gading]: Krisis ini lebih teruk, Yang Berhormat Timbalan Menteri, selama sebulan ini. Yang saya rasa kecewa saya tidak melihat ada usaha-usaha yang dijalankan oleh SWC untuk menentukan mereka mematuhi perjanjian.

Beberapa Ahli Pembangkang: *[Menyampuk]*

Datuk Haji Mohamad bin Haji Aziz [Sri Gading]: Apa hal *you all* ini? Tuan Yang di-Pertua, tolong amankanlah DAP.

Seorang Ahli: Teruskan, teruskan.

Datuk Haji Mohamad bin Haji Aziz: DAP dan juga pembangkang apabila kita hendak menyuarakan masalah rakyat, dia kacau.

Beberapa Ahli Pembangkang: *[Menyampuk]*

Datuk Haji Mohamad bin Haji Aziz [Sri Gading]: Konon dia hendak jadi juara kepada rakyat. Sebenarnya yang menjadi juara kepada rakyat ialah Barisan Nasional, bukan parti pembangkang. *[Tepuk]*

Tuan Lim Kit Siang [Ipoh Timor]: Peraturan Mesyuarat, Peraturan Mesyuarat!

Datuk Haji Mohamad bin Haji Aziz [Sri Gading]: Apa benda Peraturan Mesyuarat?

Tuan Lim Kit Siang [Ipoh Timor]: Peraturan Mesyuarat, Tuan Yang di-Pertua. Kita simpati dengan perkara yang Yang Berhormat bangkitkan. Kita tahu bahawa isteri Yang Berhormat ada di sini. Dia mahu *perform...*

Datuk Haji Mohamad bin Haji Aziz [Sri Gading]: Saya...

[Dewan menjadi gamat seketika dengan ketawa]

Tuan Lim Kit Siang [Ipoh Timor]: Dia mahu tunjuk kepada isteri dia. Kita simpati tetapi tidak boleh begitu penyelewengan!

Datuk Haji Mohamad bin Haji Aziz [Sri Gading]: Apa kena-mengena?

Tuan Lim Kit Siang [Ipoh Timor]: Penyelewengan ini yang sangat luar biasa! Tidak bolehlah!

Datuk Haji Mohamad bin Haji Aziz [Sri Gading]: Apa kena-mengena ini? Saya sedang buat penjelasan, Tuan Yang di-Pertua. Oleh sebab kegagalan SWC mengendalikan semua loji-loji air...

Tuan Yang di-Pertua: Yang Berhormat.

Datuk Haji Mohamad bin Haji Aziz [Sri Gading]: ...yang terpaksa dibekalkan kepada SAJ, saya berharap...

Tuan Yang di-Pertua: Yang Berhormat.

Datuk Haji Mohamad bin Haji Aziz [Sri Gading]: ...Yang Berhormat Timbalan Menteri sendiri dan pihak Kerajaan Persekutuan tolong ambil perhatian perkara ini dan kalau boleh dibatalkan serta-merta perjanjian...

Tuan Yang di-Pertua: Baik. Yang Berhormat.

Datuk Haji Mohamad bin Haji Aziz [Sri Gading]: ...antara Kerajaan Negeri Johor dengan SWC kerana kegagalan SWC mengendalikan semua loji-loji air untuk membekalkan kepada rakyat!

Cik Fong Po Kuantiti [Batu Gajah]: Barisan Nasional boleh! *[Menyampuk]*

Datuk Haji Mohamad bin Haji Aziz [Sri Gading]: Saya berharap mendapat pandangan dan komen daripada Yang Berhormat Timbalan Menteri.

Tuan Yang di-Pertua: Ya.

Datuk Haji Mohamad bin Haji Aziz [Sri Gading]: Terima kasih, Tuan Yang di-Pertua.

Tuan Lim Hock Seng [Baan]: Air, air!

Dato' Paduka Haji Badruddin bin Amiruldin [Jerai]: DAP *respect* lah! *Respect, you know?*

Cik Fong Po Kuantiti [Batu Gajah]: Apa *respect*?

Tuan Lim Hock Seng [Baan]: Yang Berhormat jawab. Air, air! Air, jawab!

Dato' Shaziman bin Abu Mansor: Terima kasih Yang Berhormat bagi Sri Gading. Tuan Yang di-Pertua, soalan ini.....

Tuan Yang di-Pertua: Kalau hendak jawab, jawablah.

Dato' Shaziman bin Abu Mansor: Soalan ini terkeluar daripada...

Tuan Lim Hock Seng [Baan]: *[Ketawa]*

Dato' Shaziman bin Abu Mansor: perbincangan kita. Tetapi kalau Tuan Yang di-Pertua izinkan saya beri penerangan sedikit sebab melibatkan kepentingan orang ramai suka saya maklumkan bahawa kementerian ini telah dimaklumkan oleh Badan Kawal Selia Air Johor bahawa mereka memang mengalami masalah kekurangan air di negeri Johor khususnya di Batu Pahat kerana berpunca daripada musim kemarau dan apabila musim kemarau ini berlaku sudah pasti air di sungai itu yang agak kurang dan memandangkan Johor tanahnya adalah merupakan tanah gambut dan banyak diusahakan tanam pertanian kelapa sawit maka kandungan asid di dalam air sungai itu agak tinggi dan enapan dalam air sungai juga agak tinggi.

Maka dari segi pemprosesan air untuk rawatan ia mengambil masa dan memerlukan usaha yang lebih intensif untuk proses air ini. Walau bagaimanapun, Badan Kawal Selia Air Johor (BAKAJ) mereka mengatakan kepada kementerian ini mereka telah mengambil langkah-langkah jangka pendek dan jangka sederhana. Di antaranya jangka sederhana dia telah meminta disediakan tangki-tangki statik di kawasan-kawasan tekanan rendah dan juga memberikan perkhidmatan-perkhidmatan bekalan air menerusi lori-lori tangki ke kawasan-kawasan yang terjejas dan sekiranya masalah ini masih berlarutan mereka mengharapkan dari segi pegawai daerah dan pemimpin-pemimpin setempat memaklumkan kepada Badan Kawal Selia Air Johor supaya dapat ditangani secepat mungkin kerana pada masa ini kementerian ini masih belum lagi mempunyai kuasa mutlak berhubung dengan pembekalan air. Sebagaimana yang kita ketahui Rang Undang-undang Suruhanjaya Perairan Negara dan juga Rang Undang-undang Industri Bekalan Air masih belum dibentangkan dan dijangkakan dibentangkan pada sesi yang akan datang. Terima kasih Tuan Yang di-Pertua.

2. Puan Tan Ah Eng [Gelang Patah] minta Menteri Keselamatan Dalam Negeri menyatakan sama ada usaha kerajaan yang mempromosikan pasukan Polis Diraja Malaysia mendapat sambutan yang hangat di kalangan kaum Cina.

Timbalan Menteri Keselamatan Dalam Negeri [Tuan Chia Kwang Chye]: Tuan Yang di-Pertua, sambutan daripada belia-belia keturunan Cina untuk menyertai pasukan Polis Diraja Malaysia telah menunjukkan peningkatan. Ini dapat dilihat berdasarkan kepada jumlah permohonan kaum Cina yang dipanggil temu duga atau menghadiri temu duga terbuka serta mereka yang berjaya dilantik ke jawatan Kadet, ASP, Inspektor dan Konstabel.

Pada tahun 2000, seramai 422 orang telah dipanggil temu duga atau menghadiri temu duga terbuka. Pada tahun berikut pula iaitu tahun 2001 hanya seramai 312 orang yang dipanggil temu duga atau menghadiri temu duga terbuka. Walaupun bilangan ini

menunjukkan penurunan sehingga 224 orang, pada tahun 2004 bilangan ini telah meningkat kepada 397 orang iaitu peningkatan sebanyak 7.2% kalau dibandingkan dengan tahun yang lalu dan terus meningkat kepada 673 orang pada tahun 2004.

Manakala jika dilihat dari segi bilangan kaum Cina yang berjaya dilantik ke jawatan kadet ASP, inspektor dan konstabel pula ia terus menunjukkan peningkatan iaitu seramai 43 orang pada tahun 2000, 50 orang pada tahun 2001, 57 orang pada tahun 2002, 105 orang pada tahun 2003 dan 130 orang pada tahun 2004. Sekian terima kasih.

Puan Tan Ah Eng [Gelang Patah]: Terima kasih Tuan Yang di-Pertua, terima kasih kepada Yang Berhormat Timbalan Menteri. Saya rasa sambutan masih jauh daripada memuaskan. Selain daripada faktor minat dan pilihan, adakah kementerian pernah mengkaji dan menyiasat untuk mengesan sebab-sebab yang sebenarnya sambutan dingin pemohon kaum Cina bukan kerana layanan yang kurang saksama dan adil ataupun diskriminasi terhadap pemohon dan juga pegawai PDRM yang berketurunan Cina. Adakah persepsi diskriminasi ini satu realiti? Terima kasih.

Tuan Chia Kwang Chye: Tuan Yang di-Pertua, menunjukkan kajian yang telah dibuat kenapa bahawa pada 10 tahun kebelakangan ini di mana adalah permohonan yang begitu pesat dan memberi lebih peluang pekerjaan atau pilihan kerja di tempat-tempat dan sektor-sektor lain. Oleh sebab itu nampaknya golongan pemohon-pemohon dari kaum Cina khususnya mengenai soalan ini dan yang kedua adalah dengan ... dan sebagainya di mana banyak kolej-kolej telah ditubuhkan dan mereka pun mempunyai peluang untuk meningkatkan pelajaran mereka sehingga STPM dan universiti.

Oleh sebab itu kita nampak kekurangan alasan daripada keturunan dan sebagainya. Memang anggapan di kalangan masyarakat Cina di mana pasukan beruniform ada satu anggapan berbanding dengan kerja-kerja lain tidak memuaskan dan pasukan polis memang gaji dianggap rendah masa kerja yang panjang, kerja yang teruk dan ...

Akhir sekali Tuan Yang di-Pertua, ada didapati bahawa keluarga-keluarga kadang-kadang tidak membenarkan mereka walaupun mereka telah menjalani latihan, membenarkan mengambil tawaran dan sebagainya. Sekian, terima kasih.

Tuan R. Karpal Singh [Bukit Gelugor]: Terima kasih Tuan Yang di-Pertua. Soalan tambahan. Keturunan Cina khususnya angka-angka yang diberi oleh Timbalan Menteri tadi menunjukkan keturunan Cina tidak berapa suka menyertai PDRM. Di antara lain satu faktor ialah diskriminasi yang kekal dalam PDRM mengenai kenaikan pangkat. Adakah ini benar? *[Dewan menjadi gamat seketika]*

Tuan Chia Kwang Chye: Tuan Yang di-Pertua, walaupun kerajaan telah mengambil pelbagai usaha dan langkah-langkah untuk menghebahkan melalui surat khabar dan juga radio dan TV dan juga melalui parti-parti politik yang berkenaan kita masih mendapat permohonan daripada kaum Cina yang berkurangan. Kalau permohonan asalnya berkurangan jadi susah untuk menawarkan kepada mereka. Tetapi ramai daripada kaum Cina dan lain-lain bangsa suka dan lebih minat memohon untuk jawatan-jawatan yang tinggi seperti ASP dan ke atas atau *Chief Inspector* dan ke atas.

Oleh sebab itu nisbah di antara kaum Cina yang dalam jawatan-jawatan tinggi berbanding dengan secara am atau *average* dengan izin memang tinggi. Sebagai satu andaian ialah pada keseluruhannya anggota polis mengikut kaum ialah 78.4% dari kaum Melayu, 20.5% dari kaum Cina dan dari kaum India ialah 3.7% dan lain-lain bangsa ialah 15.1%.

Tapi kalau kita tengok statistik khas untuk jawatan atau pegawai kanan nisbahnya berlainan di mana kaum Melayu ialah 73.7% dan kaum Cina ialah 10.3% kalau berbanding dengan keseluruhannya cuma 20.9%. Nampaknya lebih berminat untuk jawatan pegawai kanan. Sekian terima kasih.

3. Cik Tan Lian Hoe [Bukit Gantang] minta Menteri Pertanian dan Industri Asas Tani menyatakan sejauh mana petani-petani luar bandar mendapat peluang dan manfaat daripada perkembangan pembangunan sektor bioteknologi.

Setiausaha Parlimen Kementerian Pertanian dan Industri Asas Tani [Datuk Hajah Rohani binti Haji Abdul Karim]: Tuan Yang di-Pertua, berdasarkan perkembangan dan kejayaan bioteknologi di beberapa negara dalam sektor pertanian, penggunaan bioteknologi mampu membuka peluang dan membawa manfaat kepada golongan petani-petani luar bandar di negara ini.

Bioteknologi menyuntik teknologi tinggi ke dalam sektor ini dan memberi faedah menerusi yang pertama penajaan baka-baka atau *variety* baru yang lebih baik dan kompetitif di pasaran yang mampu meningkatkan produktiviti dan menghasilkan produk yang mempunyai rasa, warna dan bentuk, yang menarik dan seragam serta jangka hayat pasaran yang lebih panjang dengan izin *longer shelf life*. Sekali gus boleh menjana pendapatan yang lebih tinggi kepada petani-petani yang menggunakan baka-baka *variety* baru tersebut.

Kedua, selain daripada peningkatan kualiti baka-baka baru bioteknologi juga dapat menyelesaikan masalah yang dapat ditangani oleh teknologi konvensional seperti pembaikan baka dan contoh masalah yang dimaksudkan ialah seperti masalah penyakit virus. Bioteknologi berupaya menjana baka-baka baru yang tahan kepada penyakit virus yang jarang sekali dapat diatasi dengan teknologi konvensional.

Ketiga, penghasilan produk diagnostik yang boleh menjamin kualiti serta keselamatan makanan bagi hasil pertanian. Penggunaan produk bioteknologi ini dapat memberi keyakinan dan menjamin kepada pengguna dan pengimport untuk membeli atau mengimport hasil pertanian dari petani-petani kita. Produk diagnostik juga dapat digunakan untuk mengesan penyakit tanaman dan ternakan sebelum ia merebak menjadi wabak.

Keempat, pengawalan mutu hasil – pengawalan mutu hasil pertanian melalui bioteknologi seperti produk bebas dari pencemaran sisa kimia atau racun melalui pengguna *biosensor* dan diagnostik dan lain-lain aplikasi.

Bagi perusahaan yang memerlukan pelaburan yang lebih tinggi seperti ternakan lembu, kambing dan akuakultur, petani luar bandar boleh menjalankan perusahaan ini secara berkelompok. Itulah di antara peluang dan manfaat yang boleh disumbangkan kepada golongan petani-petani luar bandar di negara ini melalui perkembangan sektor bioteknologi.

Cik Tan Lian Hoe [Bukit Gantang]: Terima kasih Tuan Yang di-Pertua, terima kasih Setiausaha Parlimen. Memang kita tidak dapat menafikan, pembangunan sektor bioteknologi ini dalam bidang sektor pertanian membawa keuntungan bukan sahaja kepada petani bahkan sebagai pemangkin dalam pertumbuhan ekonomi negara kita.

Tetapi persoalannya, berapa ramaikan petani-petani di peringkat akar umbi di negara kita ini yang betul-betul didedahkan mendapat manfaat daripada bioteknologi pertanian dan apakah langkah-langkah yang akan diambil oleh Kementerian dan jumlah peruntukan yang akan diagihkan dalam mendidik dan membawa bioteknologi pertanian kepada petani-petani di peringkat akar umbi. Sekian.

Datuk Hajah Rohani binti Haji Abdul Karim: Terima kasih Yang Berhormat. Mengenai dari segi persoalan yang ditanyakan oleh Yang Berhormat tadi iaitu berapa ramai dan berapa jumlah *allocation*, Yang Berhormat, dari segi penggunaan bioteknologi dan segala proses penyelidikan ini tidak dapat kita sekali gus terus mendapatkan keputusannya.

Dari segi berapa ramai yang mendapat manfaat daripada bioteknologi ini adalah dari segi berapa banyak baka-baka, *varieties*, *processes*, nilai-nilai tambahan yang dapat kita peroleh daripada kajian-kajian yang menggunakan bioteknologi. Secara khususnya, saya tidak dapat memberikan angka seperti yang dipohon tetapi dari segi manfaatnya terpulung kepada berapa banyak *varieties*, baka-baka dan *research* lain yang kita peroleh yang menggunakan teknologi terkini iaitu bioteknologi.

Kadang-kadang benda ini tidak dapat kita sukat, tetapi nilainya adalah dari segi produk-produk yang dihasilkan daripada penyelidikan yang menggunakan bioteknologi tersebut. Terima kasih.

Dr. Mohd. Hayati bin Othman [Pendang]: Terima kasih Tuan Yang di-Pertua dan terima kasih Setiausaha Parlimen. Saya hendak tunjuk di sini ada satu biovermi

teknologi yang telah dibuat di tempat saya iaitu di Guar Kepayang, Pendang iaitu menggunakan cacing dan menghasilkan baja kompos yang saya sentuh dalam ucapan perbahasan yang lalu.

Masalahnya di sini adalah dari segi bantuan kewangan dan juga bantuan teknik menyediakan bahan yang menggunakan najis haiwan, hampas daripada tebu, hampas daripada kelapa dan juga hampas daripada haiwan sendiri yang ditenak cacing tersebut di dalam bangsal untuk menghasilkan baja kompos. Dinyatakan di sini beliau mampu menghasilkan dua tan dalam satu bulan dan hasrat untuk menghasilkan 40 tan metrik dalam masa satu bulan dan belanja yang digunakan sekarang sudah hampir RM60,000.

Saya hendak bertanya adakah pihak kementerian bercadang untuk memajukan konsep biovermi teknologi ini di dalam kementerian itu sendiri. Terima kasih.

Datuk Hajah Rohani binti Haji Abdul Karim: Terima kasih Yang Berhormat dan seperti yang telah saya membuat jawapan semasa perbahasan, Yang Berhormat ini adalah sangat dialu-alukan dan sebenarnya kita memang menjurus ke arah apa Yang Berhormat sarankan itu iaitu menggunakan segala yang kita dapat di dalam negara kita sendiri untuk mengadakan yang terbaru, teknik-teknik dan sebagainya yang menggunakan cacing dan sebagainya.

Tadi Yang Berhormat katakan, ini adalah berkaitan dengan soalan tadi, sebab kadang-kadang dari segi bioteknologi ini dia berbentuk perkhidmatan pun ada juga. Bentuk produk pun ada juga. Seperti kalau kita melihat contoh bioteknologi seperti yang kita fahami adalah seperti perkhidmatan tisu kultur, lepas itu persemaian permainan berhadap pun juga menggunakan bioteknologi dan pemindahan embrio dan ada juga kita menggunakan enzim seperti Yang Berhormat katakan tadi. Enzim yang boleh dijadikan sebagai baja dan juga enzim boleh juga diadakan seperti untuk mengadakan *value-added*, pemprosesan hiliran seperti untuk kita menggunakan fermentasi yang menghasilkan produk seperti budu, tempoyak, tempe atau patik. Itu pun bioteknologi.

Kita jangan memikirkan bioteknologi itu sesuatu yang begitu *distant*, begitu saintifik tetapi ini adalah semuanya bioteknologi. Sebab itulah tadi dari segi khususnya saya tidak dapat memberi tahu angka, impak dan sebagainya tetapi ini adalah sesuatu yang kita harus juruskan untuk masa kini supaya kita lebih kompetitif seperti kalau buahnya. Kita hendak buah manis semacam buah Siam. Kita hendak buah juga buah besar macam buah-buah yang lain. Itu adalah berkaitan dengan bioteknologi dan juga warna. Ada orang suka warna hijau walau pun masak...

Tuan Yang di-Pertua: Yang Berhormat, Yang Berhormat...

Datuk Hajah Rohani binti Haji Abdul Karim: Ya.

Tuan Yang di-Pertua: Jangan jadikan buah Siam sebagai perumpamaan.

Datuk Hajah Rohani binti Haji Abdul Karim: Tidak. Tidak [*Dewan riuh*] Itu untuk kita membuat ... [*Ketawa*] [*Dewan semakin riuh*] ... perbandingan sebab dia orang kata buah Siam manis, Tuan Yang di-Pertua. Tetapi buah Malaysia lagi manis. Insya-Allah [*Disorak*] Terima kasih.

Tuan Yang di-Pertua: Saya setuju.

Tuan Razali bin Ibrahim [Muar]: Terima kasih Tuan Yang di-Pertua. Dalam kerajaan memperkenalkan industri pertanian ini, kita tengok ada tiga institut telah ditubuhkan untuk menjalankan R&D, Pembangunan *agriculture*, *pharmaceutical* dan berbagai-bagai lagi.

Soalan asal tadi menyatakan tentang bagaimana peluang bagi petani-petani luar bandar yang terlibat dengan kebun-kebun kecil dan sebagainya bermanfaat daripada apa yang dilakukan oleh kerajaan. Dalam jawapan tadi dapat saya lihat, kementerian terlalu *commercialize* pertanian ini, dengan izin. Menjadi persoalan kepada ramai petani-petani di tempat saya sebagai contoh dan saya yakin di banyak tempat lain bagaimana mereka boleh mendapat manfaat.

Kerisauannya begini, soalan tambahan saya bagaimana kementerian boleh memberi jaminan apabila produk yang dihasilkan melalui R & D tinggi ini dengan hasil lebih besar, lebih baik dapat memberi jaminan bahawa produk mereka yang tidak menggunakan teknologi ini di kampung-kampung kerana tidak sampai kepada mereka terus terjamin kerana kita lihat di pasar-pasar tani, produk ini kalau tidak dapat kita saingi kerana industri pertanian ini bukan macam industri automotif atau perindustrian yang hanya khusus kepada golongan-golongan tertentu kerana di Malaysia ada ramai petani-petani kecil. Bagaimana kementerian boleh memberi jaminan bahawa produk mereka yang tidak menggunakan R & D kementerian ini akan terus dapat bersaing dengan hasil-hasil pertanian komersial. Terima kasih.

Datuk Hajah Rohani binti Haji Abdul Karim: Terima kasih Yang Berhormat. Satu Yang Berhormat, saya hendak membetulkan sedikit memang sebenarnya kita hendak menuju hala tuju *commercialize*. Itu tidak boleh dipertikaikan sebab satu cara pertanian kita untuk maju mendapatkan lonjakan adalah untuk kita *commercialize* pertanian.

Tetapi dari segi Yang Berhormat tadi katakan bagaimana petani-petani ini mendapat manfaat daripada hasil penyelidikan-penyelidikan yang telah diadakan. Untuk makluman Yang Berhormat, memang MARDI sebagai sebuah institusi di bawah kementerian ini memang setelah mereka mengadakan '*trial plots*', setelah mereka mengadakan *evaluation* terhadap baka-baka yang telah dijuruskan untuk menjadi yang terbaik, mereka juga akan menggunakan pertubuhan-pertubuhan peladang untuk mereka mencuba juga baka tersebut.

Tetapi itu adalah dari segi kecil-kecilan dan insya-Allah dengan hasil yang diperolehi, dari situlah *variety* ini kita boleh panjangkan kepada petani-petani.

Tetapi Yang Berhormat, bioteknologi ini adalah sesuatu yang memang menggunakan kewangan yang tinggi. Oleh yang demikian, digalakkan menerusi usahawan-usahawan berkelompok, ini adalah satu strategi yang digunakan oleh kementerian untuk menggunakan usahawan-usahawan berkelompok, untuk mengkomersialkan dan menggunakan *variety* atau baka-baka atau teknologi yang terkini supaya ia dapat disebar dan ia juga dapat menjadi lebih kompetitif sebab sesuatu yang tidak dapat dipisahkan dari bioteknologi ini adalah menggunakan pelaburan yang tinggi.

Oleh sebab itulah kadang-kadang untuk petani-petani kecil, kita melalui MARDI dan menggunakan pertubuhan-pertubuhan peladang akan menggunakan seperti yang biasa tetapi pada masa yang sama memang kita juga menggalakkan syarikat-syarikat atau swasta untuk sama-sama mengadakan satu tindakan yang selari supaya kedua-dua pihak, yang petani-petani kecil ini juga dapat menggunakan hasil-hasil teknologi. Tetapi pada masa yang sama untuk mendapat lonjakan dan untuk menggunakan pelaburan yang lebih baik dan lebih tinggi kita seharusnya mengkomersialkan dan menggunakan syarikat-syarikat swasta di mana kita menggalakkan usahawan-usahawan berkecimpung secara berkelompok. Terima kasih.

[Soalan No.4 - Y.B. Dato' Abdul Rahman bin Ariffin (Jerlun) tidak hadir]

5. Dato' Abdul Rahman bin Ariffin [Jerlun] minta Menteri Perumahan dan Kerajaan Tempatan menyatakan:-

- (a) adakah kementerian sedar tahap kebersihan dan pengindahan pekan-pekan oleh Pihak Berkuasa Tempatan (PBT) masih lagi berada di peringkat yang tidak memuaskan; dan
- (b) apakah tindakan segera kementerian bagi mengatasi masalah ini sebelum sambutan Bulan Kemerdekaan tahun ini.

Timbalan Menteri Perumahan dan Kerajaan Tempatan [Datuk Azizah binti Mohd. Dun]: Tuan Yang di-Pertua, bagi soalan bahagian (a), Kementerian Perumahan dan Kerajaan Tempatan sedar akan tahap kebersihan dan pengindahan yang tidak memuaskan di sesetengah kawasan PBT. Oleh yang demikian, kementerian sentiasa memberi kerjasama dan membantu pihak berkuasa tempatan untuk menjaga kebersihan sepanjang tahun termasuklah kerja-kerja pengindahan melalui pemberian peruntukan dan khidmat

nasihat. Untuk makluman Ahli Yang Berhormat pada dasarnya tugas menjaga kebersihan dan pengindahan pekan-pekan adalah di bawah tanggungjawab pihak berkuasa tempatan.

Walau bagaimanapun, kementerian melalui Jabatan Kerajaan Tempatan dan Jabatan Landskap Negara telah merangka dan melaksanakan program-program kebersihan dan pengindahan dalam Rancangan Malaysia Kelapan dengan tumpuan khusus kepada setiap bandar dan pekan.

Di antara program jangka panjang ialah dengan menyediakan pelan induk landskap untuk majlis perbandaran dan daerah, pembangunan taman-taman awam baru, menaik taraf taman-taman awam sedia ada, pengindahan jalan-jalan utama dan juga mengadakan kempen menanam pokok seluruh negara. Bagi program kebersihan, kementerian juga telah menyediakan garis panduan untuk diguna pakai oleh PBT mengenai kebersihan parit dan longkang serta pelan tindakan bagi pengurusan sisa pepejal. Selain daripada itu projek-projek infrastruktur seperti naik taraf parit dan longkang oleh PBT juga dilaksanakan. Di samping itu kementerian juga mengadakan program pendidikan dan kesedaran awam yang berkaitan dengan kebersihan.

Bagi soalan bahagian (b), untuk makluman Ahli Yang Berhormat, sempena Bulan Kemerdekaan pada tahun ini kementerian telah mengedarkan surat pekelling kepada semua PBT agar sentiasa memastikan dan meningkatkan kebersihan dan keindahan di kawasan masing-masing. Bagi meningkatkan kebersihan dan keindahan bandar, pihak kementerian sedang menganjurkan pertandingan PBT mapan sempena Bulan Kemerdekaan.

Di samping itu kementerian juga akan menganjurkan kempen menanam pokok bunga raya di kawasan pihak berkuasa tempatan bertujuan untuk menceriakan lagi bandar dan pekan di samping dapat memupuk semangat perpaduan dan menanam sifat kebanggaan dan kecintaan rakyat Malaysia terhadap bunga raya sebagai bunga kebangsaan. Terima kasih.

Dato' Abdul Rahman bin Ariffin [Jerlun]: Terima kasih Tuan Yang di-Pertua dan terima kasih Yang Berhormat Timbalan Menteri. Kalau dilihat kepada peruntukan cukup banyak diperoleh oleh pihak berkuasa tempatan. Tetapi secara praktikalnya kalau dilihat di peringkat bawah - di peringkat tertentu, banyak lagi tempat-tempat yang kita lihat sukar untuk kita jawab seolah-olah macam kakitangan tidak melakukan kerja. Cuma di sini Tuan Yang di-Pertua, tiga soalan ringkas daripada saya:-

- (i) oleh sebab kos menjaga bandar-bandar dan pekan-pekan ini tinggi menjelang hari kemerdekaan, adakah pihak kementerian bercadang untuk mengadakan satu kejutan kepada pihak-pihak tertentu sebagai menguatkuasakan disiplin pengguna-pengguna bandar agar dapat mengeluarkan kompaun ataupun saman besar-besaran kepada mereka yang tidak bertanggungjawab terutamanya premis-premis makanan dan tempat-tempat awam;
- (ii) adakah kementerian bercadang untuk mengekalkan sifat ataupun disiplin cintakan kebersihan dan keindahan, mewujudkan satu gotong-royong besar-besaran, mungkin gotong-royong kemerdekaan melibatkan semua peringkat daripada murid-murid sekolah, NGO dan pihak berkuasa tempatan sendiri dan juga semua orang awam; dan
- (iii) bagi melicinkan program-program yang disebutkan, adakah kementerian bercadang mengeluarkan peruntukan khas menjelang hari kemerdekaan yang boleh melibatkan aktiviti Ahli-ahli Parlimen Barisan Nasional.

Datuk Azizah binti Mohd. Dun: Terima kasih Yang Berhormat di atas soalan dan keprihatinan tentang kebersihan dan keindahan di kawasan PBT di seluruh negara. Untuk menjawab soalan Yang Berhormat berkenaan dengan kos untuk menjaga yang tinggi dan tentang mengadakan kompaun terhadap premis ini, saya ingin memaklumkan kepada Yang Berhormat dan Dewan yang mulia ini bahawa setiap PBT mempunyai *by-laws* atau undang-undang kecilnya sendiri tentang kebersihan ini. Saya difahamkan memang sudah tersedia

ada undang-undang kecil ini untuk mereka mengadakan kompaun terhadap premis-premis perniagaan yang kurang bersih, termasuklah premis-premis perniagaan seperti restoran dan sebagainya dan mereka juga dikenakan supaya mengadakan *grading* terhadap premis-premis khususnya premis-premis yang ada kaitan dengan penyediaan makanan iaitu restoran-restoran.

Tanggungjawab untuk menjalankan *enforcement* ini, dengan izin, adalah PBT itu masing-masing, bukan pihak kementerian kita. Walau bagaimanapun kita menerima dengan baik cadangan daripada Yang Berhormat tadi dan akan menggalakkan supaya PBT mengambil tindakan untuk *enforce by-laws* mereka yang sudah dia ada untuk memastikan kebersihan di kawasan PBT itu terpelihara.

Berkenaan dengan disiplin kebersihan melibatkan semua peringkat di dalam negara kita menjelang Bulan Kemerdekaan ini, untuk makluman Yang Berhormat kementerian telah pun mengatur beberapa program seperti yang saya sebutkan dalam jawapan saya tadi, termasuklah program menanam pokok bunga raya serentak di seluruh negara pada 3 September yang akan datang ini, yang akan dilancarkan oleh Yang Amat Berhormat Perdana Menteri di Putrajaya dan dilaksanakan di seluruh negara di ibu-ibu negeri di dalam negara kita Malaysia ini.

Selain daripada itu seperti yang saya sebutkan tadi, kita juga melibatkan beberapa PBT dalam pertandingan Anugerah PBT Mapan 2005 melibatkan majlis-majlis perbandaran yang telah pun menyediakan program-program mereka iaitu termasuklah dalam program *Local Agenda 21*.

Sebanyak tujuh PBT telah pun di senarai pendek yang terlibat dalam pertandingan ini yang akan berlangsung sepanjang Bulan Kemerdekaan. Penilaian - antara kriteria-kriteria yang akan dinilai ialah daripada segi kebersihan dan pengindahan serta juga program sambutan yang mengambil kira penyertaan dan penglibatan PBT, masyarakat dan pihak swasta sepanjang Bulan Kemerdekaan.

Kita juga akan mengadakan lawatan ke kampung-kampung tradisional di dalam kawasan PBT termasuklah di negeri Melaka, Perak, Pulau Pinang, Terengganu dan lain-lain lagi di mana tujuannya ini adalah untuk memastikan sepanjang Bulan Kemerdekaan ini, kawasan-kawasan ini akan sentiasa diperindah, diceria dan dicahayakan sepanjang Bulan Kemerdekaan.

Antara program yang akan dilaksanakan di kawasan-kawasan yang saya sebutkan tadi ini ialah termasuklah kempen besar-besaran bergotong-royong yang akan melibatkan wakil-wakil rakyat tempatan di tempat-tempat tersebut. Jadi saya berharap sangatlah Ahli-ahli Yang Berhormat yang ada di sini yang kawasannya ada saya sebutkan tadi turut sama untuk menjayakan program-program di sepanjang Bulan Kemerdekaan ini.

Saya juga mengucapkan terima kasih kepada Yang Berhormat tadi kerana menimbulkan tentang peruntukan khas sepanjang Bulan Kemerdekaan ini.

Untuk makluman Ahli Yang Berhormat, walaupun kementerian tidak mempunyai peruntukan khas untuk tujuan Bulan Kemerdekaan ini tetapi kementerian telah mengatur program-program seperti yang saya sebutkan tadi. Tetapi saya berharap juga pihak tertentu akan mendengar saranan Yang Berhormat tadi dan memberikan kita peruntukan untuk perkara ini. Terima kasih.

Dr. Tan Seng Giaw [Kepong]: Tuan Yang di-Pertua, soalan tambahan. Saya memang tertarik kepada hujah yang disampaikan mengenai begitu rajinnya kementerian membersihkan negara kita. Saya hendak jawapan yang bukan panjanglah, tepat, persis dan jitu.

Dato' Paduka Haji Badruddin bin Amiruldin [Jerai]: Kepong, soalan.

Dr. Tan Seng Giaw [Kepong]: Di Dewan Bandaraya Kuala Lumpur sekarang kita belanja lebih RM10 juta setiap tahun untuk membersihkan, menyelenggara dan sebagainya. Tanya Yang Berhormat Timbalan Menteri. Saya tahu lebih RM10 juta, tetapi adakah Yang Berhormat sedar, faham dan akan mengambil tindakan, walaupun pihak PBT menanam pokok dan sebagainya tetapi ada orang juga yang menceroboh, yang menebang dan sebagainya. Seperti di Jinjang Selatan sekarang, ada orang yang memusnahkan kawasan

hijau yang pokoknya ditanam oleh DBKL, tetapi PBT tidak mengambil tindakan. Kadangkala di tempat-tempat yang kosong diberi TOL dan sebagainya hingga kebersihan terjejas. Apakah tindakan yang berkesan, yang berterusan, yang berpanjangan?

Tuan Yang di-Pertua: Sila.

Datuk Azizah binti Mohd. Dun: Terima kasih Yang Berhormat bagi Kepong yang begitu prihatin tentang menjaga kebersihan dan rajin dalam usaha untuk menjaga kebersihan ini.

Yang Berhormat, memang kita di kementerian amat peka tentang menjaga kebersihan dan kita rajinlah seperti mana Yang Berhormat katakan untuk memastikan negara kita bersih. Lihatlah belanja yang telah dikeluarkan oleh DBKL untuk menjaga kebersihan, RM10 juta itu satu perbelanjaan yang cukup banyak. Dan saya berharap Yang Berhormat bagi Kepong juga akan turut sama memastikan kebersihan di kawasan Yang Berhormat sendiri. Jangan cakap sahaja orang lain perlu buat kerja-kerja ini tetapi Yang Berhormat sendiri juga perlu rajinlah untuk menjaga supaya Kepong itu bersih.

Dr. Tan Seng Giaw [Kepong]: *[Bangun]*

Seorang Ahli: Duduk, duduk! *[Ketawa]*

Datuk Azizah binti Mohd. Dun: Saya menjawab ini Yang Berhormat. Saya menjawab, saya menjawab.

Berkenaan dengan tadi Yang Berhormat katakan di Jinjang dan sebagainya pokok yang ditebang tidak diendahkan oleh PBT. Saya yakinlah Yang Berhormat, kalau pokok-pokok itu yang tidak boleh ditebang memang ada perintah perlindungan terhadap pokok-pokok itu dan tidak mungkin akan ditebang jika ada perintah, kecuali setelah dibincangkan.

Dr. Tan Seng Giaw [Bangun]: *[Bangun]*

Datuk Azizah binti Mohd. Dun: Tunggu dahululah Yang Berhormat, tunggulah Yang Berhormat! Jangan rajin sangat mahu berdiri, jangan rajin sangat mahu berdiri. *[Ketawa]* Jadi, saya rasakan jika ini sudah dibincangkan dalam PBT ...

Dato' Paduka Haji Badruddin bin Amiruldin [Jerai]: Jangan kacaulah Kepong, jangan kacau!

Datuk Azizah binti Mohd. Dun: ...dan ada keperluan, kita mengimbangi di antara perlu menjaga alam sekitar kita dan juga pembangunan kita seimbangkan. Ini niat kerajaan kita dan ditekankan oleh Yang Amat Berhormat Perdana Menteri kita menjaga alam sekitar ini, Yang Berhormat bagi Kepong. Saya berharap jika Yang Berhormat ada maklumat-maklumat yang berkaitan, yang menebang pokok-pokok ini yang sepatutnya tidak ditebang, silalah, rajin-rajinlah bagi maklumat ini, laporan ini kepada pihak PBT dan juga kepada kementerian kita. Terima kasih.

6. Datuk Mohd. Zaid bin Ibrahim [Kota Baharu] minta Menteri Kebudayaan, Kesenian dan Warisan menyatakan apakah perancangan jangka pendek dan jangka panjang yang telah dirumuskan oleh kementerian di dalam mempromosikan kebudayaan dan kesenian tradisional Kelantan seperti Main Puteri, Tarian Menora, Makyung dan Dikir Barat.

Timbalan Menteri Kebudayaan, Kesenian dan Warisan [Dato' Wong Kam Hoong]: Tuan Yang di-Pertua, Kementerian Kebudayaan, Kesenian dan Warisan sangat prihatin terhadap pembangunan kesenian tradisional seperti Main Puteri, Tarian Menora, Makyung dan Dikir Barat. Untuk memastikan pembangunan kesenian tradisional berterusan secara amnya dan kesenian tradisional yang hampir pupus khususnya, tindakan yang sedang dan akan diambil oleh kementerian adalah seperti berikut,:

Strategi sedang diambil,

- (i) memperbanyakkan aktiviti seni budaya termasuk pementasan dan bengkel kesenian tradisional kepada masyarakat bandar

- dan luar bandar di seluruh negara melalui program merakyatkan seni dan budaya;
- (ii) mewujudkan kumpulan pelapis melalui program pemeliharaan dan pembangunan kesenian tradisional di setiap negeri. Aktiviti diadakan dalam bentuk bengkel dan latihan hujung minggu bersama tokoh setempat iaitu *Insitu Training*, dengan izin;
 - (iii) program pemupukan dan apresiasi seni budaya yang melibatkan pelajar sekolah rendah dalam program Tunas Budaya, dan pelajar sekolah menengah dalam program Kumpulan Giat Budaya. Kedua-dua aktiviti ini melibatkan pelajar dalam bidang seni tari, teater, muzik dan silat;
 - (iv) penerbitan dan pengedaran bahan seni budaya seperti buku, *phamhlet*, CD dan VCD ke sekolah, perpustakaan awam, agensi kerajaan swasta;
 - (v) menjadikan Makyung, Wayang Kulit dan Bangsawan sebagai subjek wajib kepada semua pelajar Akademi Seni Kebangsaan dalam usaha pembangunan kesenian tradisional;
 - (vi) menyediakan bantuan kewangan kepada pertubuhan dan persatuan seni budaya untuk membantu melaksanakan aktiviti seni dan budaya;
 - (vii) menyediakan skim latihan secara berterusan kepada penggiat seni, karyawan dan budayawan bagi meningkatkan tahap pengetahuan dan kepakaran mereka dalam bidang seni budaya dan warisan.

Strategi yang akan diambil,

- (i) pembinaan taman budaya negeri sebagai pusat latihan dan kegiatan seni negeri – Kementerian Kebudayaan, Kesenian dan Warisan akan membina taman budaya bagi negeri Kelantan, Johor, Selangor, Sabah dan Sarawak di bawah Rancangan Malaysia Kesembilan sebagai tambahan kepada sembilan taman budaya negeri yang sedia ada di lain-lain negeri. Taman budaya merupakan lokasi sebagai pusat pentadbiran dan pusat kegiatan seni budaya negeri termasuk pementasan dan persembahan, pertandingan, pameran dan latihan dalam pelbagai bidang seni seperti muzik, tarian, teater, nyanyian, permainan tradisional dan puisi;
- (ii) pembinaan pusat seni – Kementerian ini merancang untuk membina pusat seni iaitu, dengan izin, *performing hall* di peringkat daerah di bawah Rancangan Malaysia Kesembilan bagi menyemarakkan pembangunan kebudayaan dan kesenian di kawasan luar bandar;
- (iii) program pengiktirafan kepada penggiat seni – pengiktirafan diberikan kepada penggiat kesenian tradisional melalui Skim Anugerah Seni Negara. Program ini akan diperluaskan lagi untuk memberi peluang kepada lebih ramai penggiat seni diberi pengiktirafan yang sesuai.

Sekian.

Datuk Mohd. Zaid bin Ibrahim[Kota Bharu]: Terima kasih Timbalan Menteri. Dalam tindakan yang diumumkan tadi - sembilan kesemuanya - saya berpendapat halangan utama ialah halangan daripada kumpulan-kumpulan yang menentang seni. Semalam kita dengar daripada Menteri sendiri menjawab bagaimana banyak peraturan-peraturan yang ada yang begitu ketat, begitu mengongkong dan seolah-olah kementerian begitu, dengan izin, *apologetic* kepada kumpulan ini yang kononnya seni ini

menggambarkan satu keadaan hidup yang *decadent*. Semalam kita dengar dalam Dewan ini juga nampak pusat pun jadi masalah bagi sesetengah orang.

Saya hendak tahu semua program dan perancangan yang disediakan ini tidak akan berjaya jika Kementerian tidak sanggup mengawal tekanan-tekanan daripada tiap-tiap negeri, misalnya alasan-alasan yang digunakan oleh kumpulan-kumpulan ini sama ada agama ataupun moral ataupun macam-macam alasan yang digunakan untuk menentang seni.

Bagaimanakah Kementerian bercadang untuk mengatasi tentangan ini sama ada daripada *censorship board*, daripada jabatan-jabatan negeri, jabatan-jabatan agama kononnya atas alasan agama yang menentang perkembangan seni seperti yang berlaku di Kelantan, kita kena jelas budaya seni di kongkong selama PAS memerintah negeri itu. Kita sendiri di negeri-negeri lainnya diperintah oleh UMNO pun bukan kurang tekanan. Saya ingin bertanya apakah perancangan untuk mengatasi perkara ini? Terima kasih.

Dato' Wong Kam Hoong: Terima kasih, Yang Berhormat bagi Kota Bharu yang memang prihatin berkenaan dengan perkembangan bidang kebudayaan dan kesenian. Memang ada sesetengah negeri khususnya yang diterajui oleh PAS, seperti di Kelantan di mana Tarian Menora dan Makyung dilarang dimainkan kepada orang awam. Maka, Kementerian saya semakin lama semakin liberal, iaitu akan berbincang pada keseluruhannya dengan agensi-agensi lain supaya di negara kita, kita akan mempelbagaikan aktiviti-aktiviti kesenian dan kebudayaan kepada seluruh negara.

Bak kata pepatah Orang Minangkabau iaitu marilah kita bersama-sama menuju ke satu arah yang lebih liberal iaitu '*Kalau bertangkai boleh dijinjing, kalau bertali boleh dihelahkan*'. Sekian, terima kasih.

7. Tuan Lau Yeng Peng [Puchong] minta Menteri Kesihatan menyatakan:

- (a) rancangan Kementerian untuk pelaksanaan Skim Insurans Kesihatan Kebangsaan; dan
- (b) bilakah kerja-kerja membaik pulih hospital terbengkalai di seluruh negara dapat disiapkan sepenuhnya dan jaminan Kementerian masalah projek pembinaan hospital terbengkalai tidak akan berulang lagi.

Setiausaha Parlimen Kementerian Kesihatan [Tuan Lee Kah Choon]: Tuan Yang di-Pertua, untuk menjawab soalan bahagian (a) kerajaan memang prihatin dan menyedari akan perlunya diwujudkan mekanisme pembiayaan yang bersesuaian untuk negara. Lanjutan dari itu, kerajaan menerusi Unit Perancangan Ekonomi di Jabatan Perdana Menteri dan Kementerian Kesihatan telah mengkaji pelaksanaan perwujudan mekanisme pembiayaan kesihatan berkenaan.

Pengalaman pelbagai negara luar telah dihalusi dan diteliti. Selain dari itu, Kementerian Kesihatan juga telah dan akan terus sentiasa mendapatkan maklum balas dari pelbagai pihak bagi memastikan mekanisme pembiayaan kesihatan negara ini diterima oleh semua golongan rakyat mampu bertahan lama, fleksibel dan telus sejajar dengan prinsip-prinsip yang terkandung dalam Wawasan 2020.

Di bawah Skim Insurans Kesihatan Kebangsaan ini, *National Health Care Financing Authority* akan diwujudkan bagi menjalankan tugas *governance, urus tadbir* dan menyelenggara mekanisme pembiayaan kesihatan negara. Adalah disarankan agar badan ini beroperasi sebagai satu badan berkanun di bawah Kementerian Kesihatan yang berfungsi sebagai tanpa laba serta tidak diswastakan.

Badan ini akan menjalankan pelbagai fungsi seperti membuat perancangan, memastikan aspek kualiti, pemantauan dan sebagainya secara telus supaya dana yang di kumpul digunakan secara optimum tanpa pembaziran dan penyalahgunaan. Adalah dicadangkan pelaksanaan mekanisme pembiayaan kesihatan ini akan dibuat secara berperingkat-peringkat mulai dalam tempoh Rancangan Malaysia Kesembilan. Aspek

terperinci mengenai perkara ini belum dimuktamadkan lagi. Perancangan terus dan sentiasa bersedia menerima pandangan daripada pelbagai pihak.

Untuk menjawab soalan bahagian (b) buat masa ini terdapat 12 buah projek hospital kerajaan yang sedang di pelbagai peringkat pembinaan dan telah diklasifikasikan sebagai projek lewat jadual iaitu kelewatan melebihi 10%. Pemantauan projek-projek ini dilaksanakan bersama pihak Jabatan Kerja Raya dan surat-surat amaran telah dikeluarkan kepada kontraktor-kontraktor yang terlibat.

Sekiranya didapati tiada kemajuan yang dilakukan tindakan menamatkan kontrak akan dibuat seperti mana yang telah berlaku terhadap kontraktor projek Hospital Cameron Highlands. Kementerian Kesihatan tidak dapat memberi jaminan masalah pembinaan hospital terbengkalai ini tidak akan berulang kerana ia disebabkan oleh pelbagai faktor yang di luar dari kawalan kementerian seperti:

- (i) masalah kewangan pihak kontraktor;
- (ii) kurang berpengalaman melaksanakan projek;
- (iii) pengurusan projek oleh pihak kontraktor yang lemah dan lain-lain;

Walau bagaimanapun, masalah ini mungkin dapat dikurangkan dengan memastikan kontraktor projek dipilih di kalangan kontraktor yang berpengalaman, berwibawa serta mempunyai *track record* yang baik. Sekian, terima kasih.

Tuan Lau Yeng Peng: Terima kasih, Tuan Yang di-Pertua dan terima kasih jawapan daripada Yang Berhormat Setiausaha Parlimen. Mengenai peralatan-peralatan yang akan digunakan di hospital-hospital yang baru, saya difahamkan bahawa peralatan-peralatan yang digunakan adalah berjuta-juta ringgit harganya. Saya hendak tanya Yang Berhormat, apakah rancangan ataupun satu langkah yang tertentu bagi memastikan bahawa peralatan-peralatan yang digunakan di hospital-hospital tertentu ini akan mengoptimalkan keberkesannya supaya wang ringgit rakyat ini tidak akan dibazirkan.

Kerana baru-baru ini kita dengar banyak alat-alat yang canggih, moden tetapi *utilization rate*, dengan izin, adalah di bawah satu garis yang amat mengecewakan. Apakah langkah-langkah tertentu dari kementerian bagi memastikan bahawa alat-alat perubatan ataupun *equipments* ini dapat dioptimumkan supaya kesihatan dan kesejahteraan rakyat dapat dijamin. Sekian, terima kasih.

Tuan Lee Kah Choan: Berkaitan dengan peralatan canggih yang kita beli ini, kita memang gunakan dengan baik untuk kebajikan dan kesihatan rakyat kerana kita tidak beli peralatan ini jikalau kita tidak perlu. Dari satu segi lagi ialah Kementerian Kesihatan juga sangat mementingkan berkaitan dengan latihan yang kita beri kepada doktor-doktor dan kakitangan-kakitangan kita supaya peralatan yang canggih ini dapat digunakan dengan baik.

8. Tuan Haji Fadillah bin Haji Yusof [Petra Jaya] minta Menteri Tenaga, Air dan Komunikasi menyatakan berapakah jumlah dana terkumpul hasil sumbangan syarikat telekomunikasi kepada MMCC dan berapakah jumlah yang telah dibelanjakan ke arah mempertingkatkan liputan telekomunikasi di Malaysia amnya dan Sarawak khususnya. Apakah masalah yang membendung atau melambatkan liputan telekomunikasi di Sarawak khususnya.

Timbalan Menteri Tenaga, Air dan Komunikasi [Dato' Shaziman bin Abu Mansor]: Tuan Yang di-Pertua, untuk makluman Ahli Yang Berhormat, bagi soalan pertama, sejak tahun 2003 sehingga kini jumlah dana terkumpul hasil sumbangan syarikat-syarikat telekomunikasi kepada Kumpulan Wang Pemberian Perkhidmatan Sejagat (PPS) di bawah Suruhanjaya Komunikasi dan Multimedia (SKMM) adalah RM1.2 bilion. Sebanyak RM331 juta telah diperuntukkan untuk projek-projek kemudahan perkhidmatan telekomunikasi di luar bandar, di kawasan pedalaman di seluruh Malaysia.

Daripada jumlah tersebut sebanyak RM66 juta telah diperuntukkan bagi meningkatkan liputan telekomunikasi di 24 buah daerah dan kawasan pedalaman negeri

Sarawak. Pada keseluruhannya sebanyak 1,920 telefon awam dan 32,133 talian telefon individu telah dipasang dengan pelaksanaan projek-projek berkenaan di 65 buah daerah di seluruh negara.

Tuan Yang di-Pertua, bagi soalan kedua, pihak SKMM hanya menghadapi masalah-masalah kecil seperti kelulusan tapak dan logistik. Ini adalah masalah-masalah yang lumrah dihadapi dalam pengendalian projek-projek telekomunikasi yang membabitkan pembinaan menara-menara telekomunikasi.

Pada keseluruhannya pelaksanaan projek meningkatkan liputan telekomunikasi di negeri Sarawak dan dana kumpulan wang PPS berjalan lancar dan dijangka dapat disiapkan pada akhir tahun 2005. Terima kasih.

Tuan Yang di-Pertua: Ahli-ahli Yang Berhormat, sekian sahajalah sesi soal jawab untuk pagi ini.

[Masa untuk pertanyaan bagi Jawab Lisan telah cukup]

RANG UNDANG-UNDANG

RANG UNDANG-UNDANG KETERANGAN MAHKAMAH SYARIAH (WILAYAH-WILAYAH PERSEKUTUAN) (PINDAAN) 2005

Bacaan Kali Yang Kedua dan Ketiga

Aturan Urusan Mesyuarat dibacakan bagi menyambung semula perbahasan yang ditangguhkan atas masalah, "Bahawa Rang Undang-undang ini dibacakan kali yang kedua sekarang." ***[5 Julai 2005]***

Tuan Yang di-Pertua: Saya minta Menteri untuk menyambung berucap.

11.10 pagi.

Menteri di Jabatan Perdana Menteri [Dato' Dr. Abdullah bin Md. Zin]: Tuan Yang di-Pertua, saya sambung semula pembentangan terhadap pindaan Undang-undang Keterangan Mahkamah Syariah (Wilayah-Wilayah Persekutuan) (Pindaan) 2005.

Pindaan-pindaan yang dicadangkan di dalam Undang-undang Keterangan Mahkamah Syariah (Wilayah-Wilayah Persekutuan) (Pindaan) 2005 adalah seperti berikut.

Fasal Pertama mengandungi tajuk ringkas Akta yang dicadangkan iaitu Akta Keterangan Mahkamah Syariah (Wilayah-Wilayah Persekutuan) (Pindaan) 2005.

Fasal 2 ialah pindaan am untuk menggantikan perkataan dalam "Akta ibu" iaitu Akta Keterangan Mahkamah Syariah 561, teks bahasa Inggeris di mana terdapat di dalamnya kecuali dalam takrif *Administration Act* dalam subseksyen 3(1), perkataan "*Islamic Law*" dengan perkataan "*Hukum Syarak*". Manakala dalam teks bahasa kebangsaan dengan menggantikan perkataan "prosedur" di mana-mana juga terdapat dengan perkataan "*tatacara*". Pindaan ini adalah untuk menyeragamkan penggunaan istilah.

Fasal 3 untuk menggantikan takrif hukum syarak dalam subseksyen 3(1) "Akta ibu" dengan memasukkan takrif baru "*Hukum Syarak*".

Fasal 4 bertujuan untuk meminda seksyen 76 "Akta ibu", teks bahasa Inggeris, dengan memotong perkataan "*to*" yang terdapat selepas perkataan "*evidence of any*".

Fasal 5 bertujuan untuk meminda subseksyen 83(1) "Akta ibu", teks bahasa Inggeris, dengan memasukkan koma selepas perkataan "*adil*".

Fasal 6 bertujuan untuk meminda subseksyen 97(2) "Akta ibu", teks bahasa Inggeris, dengan menggantikan perkataan "*cross examination*" dengan perkataan "*cross examining*".

Fasal 7 bertujuan untuk meminda subseksyen 130(2) "Akta ibu" dengan subseksyen 2 yang baru pindaan ini bertujuan untuk menjelaskan bahawa hukum syarak akan dipakai "jika terdapat apa-apa *lacuna* atau ketidakselarasan" dalam "Akta ibu".

Tuan Yang di-Pertua, saya mohon mencadangkan.

Setiausaha Parlimen Kementerian Sains, Teknologi dan Inovasi [Datuk Dr. Mohd. Ruddin bin Ab. Ghani]: Tuan Yang di-Pertua, saya mohon menyokong.

Tuan Yang di-Pertua: Ahli-ahli Yang Berhormat, masalah di hadapan Majlis ialah rang undang-undang bernama suatu Akta untuk meminda Akta Keterangan Mahkamah Syariah (Wilayah-Wilayah Persekutuan) 1997 dibacakan kali yang kedua sekarang dan terbuka untuk dibahaskan. Yang Berhormat bagi Kemaman.

11.13 pagi.

Tuan Ahmad Shabery Cheek [Kemaman]: Terima kasih Tuan Yang di-Pertua. Saya bangun untuk mengambil bahagian bagi membahaskan rang undang-undang bagi meminda Akta Keterangan Mahkamah Syariah (Wilayah-Wilayah Persekutuan) 1997.

Tuan Yang di-Pertua, saya kira apa yang telah dibentangkan oleh Yang Berhormat Dato' Menteri tadi adalah satu perkara asas yang perlu kita sama-sama menyokong dan apatah lagi beberapa langkah yang telah diambil oleh pihak kementerian, khususnya dalam menyeragamkan undang-undang yang berkaitan dengan pentadbiran agama Islam dan undang-undang yang berkaitan dengan undang-undang syariah dalam negara ini telah pun dibuat sebelum ini.

Dalam perkara ini kita harus sama-sama mengakui bahawa terdapat banyak negeri-negeri di dalam negara kita telah sama-sama berusaha melaksanakan proses penyeragaman tersebut. Misalnya, di Terengganu, empat undang-undang telah diseragamkan iaitu:

- (i) Enakmen Pentadbiran Hal Ehwal Agama Islam Terengganu Tahun 2001
- (ii) Enakmen Undang-undang Keterangan Mahkamah Syariah 2001, Enakmen Tatacara Jenayah Syariah 2001, dan
- (iii) Enakmen Tatacara Mal Mahkamah Syariah 2001.

Begitu juga di Sarawak telah melaksanakan tanggungjawab penyeragaman ini pada tahun 2001, Kelantan dalam tahun 2002, Melaka dalam tahun 2002 juga, Selangor dalam tahun 2003, Pahang dalam tahun 2003, Johor dalam tahun 2003 dan Negeri Sembilan dalam tahun 2003.

Apa yang ingin saya utarakan di sini ialah bahawa kalau dilihat di sini undang-undang yang diseragamkan ini sebenarnya telah diterima oleh semua pihak termasuk daripada parti-parti yang berbeza kepada parti yang memerintah di Kerajaan Pusat dan kalau kita lihat di Terengganu dan Kelantan telah melaksanakannya dalam tahun 2001, manakala Kelantan dalam tahun 2002.

[Timbalan Yang di-Pertua (Datuk Lim Si Cheng) **mempengerusikan Mesyuarat**]

Saya percaya bahawa mereka melaksanakannya kerana mereka bersetuju bahawa undang-undang yang telah dicadangkan di peringkat Wilayah-Wilayah Persekutuan adalah satu undang-undang yang baik. Saya teringat dalam tahun 2001 apabila Enakmen Tatacara Jenayah Syariah Negeri Terengganu telah dibentangkan, ketika itu dalam pembentangan, pihak Kerajaan Negeri Terengganu yang diperintah oleh PAS pada waktu itu dengan begitu bangga sekali mengatakan bahawa undang-undang yang dibentangkan

ini adalah satu undang-undang yang penting ke arah merealisasikan undang-undang Islam dalam negeri Terengganu itu sendiri dan ia berbangga bahawa ini adalah bukti bahawa kejayaan negeri itu dalam meningkatkan lagi pelaksanaan sistem syariah dalam negeri tersebut dan mereka berbangga ini adalah hasil daripada kepakaran pakar-pakar undang-undang daripada negeri Terengganu pada ketika itu.

Saya teringat apabila ditanya, kenapakah undang-undang yang dipinda pada waktu itu kelihatan sama dengan undang-undang yang telah ada di peringkat Wilayah-wilayah Persekutuan dalam negara kita. Jawab pemimpin PAS pada waktu itu ialah secara kebetulan.

Saya teringat bahawa setelah diperiksa pada tahun 2001, segala apa yang dibentangkan di negeri Terengganu pada waktu itu sebenarnya bukan sahaja sebagai orang kata adalah tiruan. Sebenarnya tidak tiruan. Setiap perkataan, setiap ayat, malah kalau ada dalam bentuk kesalahan *typing* atau kesalahan *typo* pun ditiru bulat-bulat. Ertinya apabila melaksanakan undang-undang tersebut atau memperkenalkan undang-undang tersebut, bukanlah dalam bentuk meniru tetapi ia dianggap sebagai fotokopi ataupun salinan, fotokopi secara bulat-bulat daripada apa yang telah dilaksanakan di peringkat Wilayah-wilayah Persekutuan.

Dato' Raja Ahmad Zainuddin bin Raja Haji Omar [Larut]: *[Bangun]*

Tuan Ahmad Shabery Cheek [Kemaman]: Silakan.

Timbalan Yang di-Pertua [Datuk Lim Si Cheng]: Yang Berhormat bagi Larut.

Dato' Raja Ahmad Zainuddin bin Raja Haji Omar [Larut]: Terima kasih, syabas Yang Berhormat. Pertama kali tahniahlah kepada Barisan Nasional kerana dapat menawan semula Terengganu dengan cemerlang selepas boleh dikatakan rakyat menderita di bawah pemerintahan pembangkang.

Tadi Yang Berhormat menyebut bahawa Kelantan sudah buat, Terengganu pun sudah mulakan. Ternyata bahawa Barisan Nasional mendahului, terlebih dahulu melakukannya di Wilayah Persekutuan. Soalnya sekarang ialah di Kelantan, apakah Yang Berhormat melihat bahawa pelaksanaan rang undang-undang ini benar-benar dilakukan mengikut kehendak penyeragamannya atau mana-mana individu. Minta sedikit penjelasan sebagai peringkat awal ini. Terima kasih.

Tuan Ahmad Shabery Cheek [Kemaman]: Saya kira setelah undang-undang ini diluluskan di peringkat Dewan Undangan Negeri masing-masing, mereka seharusnya menghormati, melaksana dan juga menguatkuasakannya. Tetapi saya ingin menarik perhatian di sini, misalnya Enakmen Pentadbiran Hal Ehwal Agama Islam Terengganu yang telah diseragamkan dengan Wilayah Persekutuan yang dibuat juga dalam tahun 2001

Misalnya jelas mentakrifkan, memberikan takrifan yang jelas tentang apa itu masjid. Antara lainnya yang telah dibuat oleh PAS ialah kalau orang hendak bina masjid mestilah terlebih dahulu meminta kebenaran daripada pejabat agama yang menyatakan bahawa sekiranya tanah itu adalah tanah milik persendirian, ia mesti diwakafkekalkan. Ia menyebut kalau tanah itu adalah tanah kerajaan pun, ia mesti wakafkan kepada pejabat agama.

Ini yang ternyata dan kemudiannya ditafsirkan apa itu takrif masjid, misalnya, mestilah sembahyang Jumaatnya cukup mukalaf dan sebagainya. Ini saya minta Yang Berhormat Dato' Menteri dapat jelaskan kemudiannya tentang soal takrif masjid ini. Tetapi malangnya ingin saya menarik perhatian di sini terutama rakan-rakan saya daripada PAS di sana. Baru-baru ini, ada satu peristiwa yang berlaku di kampung yang bernama Kampung Bujal di kawasan Parlimen Kemaman di mana saya berkesempatan untuk mewakili kawasan Parlimen ini.

Satu bangunan telah dibuat tidak mengikut peraturan sebagaimana peraturan yang termaktub untuk membuat masjid sebagaimana yang ternyata dalam Enakmen Pentadbiran Hal Ehwal Agama Islam Terengganu 2001 yang dibuat oleh Kerajaan PAS sendiri. Pihak kerajaan menganggap bahawa bangunan ini bukan masjid kerana kebetulannya memang tidak pernah sembahyang Jumaat dibuat di sana kerana kebetulan

juga bahawa di kampung tersebut hanyalah penduduknya sekitar 20 orang. Kampung Bujal adalah sebuah kampung di dalam kampung. Kampung besarnya bernama Payuh. Sudah ada Masjid Kampung Payuh yang sepatutnya masjid ini digunakan untuk beberapa kampung-kampung kecil dan tidak patut dibuat masjid lain kerana difikirkan akan mengurangkan bilangan jemaah di kampung yang bernama Kampung Payuh tadi. Tetapi PAS telah menjadikan ini isu, kononnya mengatakan bahawa Kerajaan Barisan Nasional Terengganu telah merobohkan masjid. Digerakkan orang daripada seluruh negara datang berdemonstrasi di negeri Terengganu mengatakan bahawa kerajaan telah merobohkan masjid, kerajaan zalim merobohkan masjid.

Saya ingin beritahu di sini bahawa, untuk tahun ini di negeri Terengganu, kerajaan Terengganu merancang untuk bukan merancang tender sudah mula dikeluarkan mulai bulan Jun dan Julai ini untuk membina 30 buah masjid di negeri Terengganu. Rancangan kami di Terengganu dalam sepanjang masa empat tahun ini insya-Allah sebanyak 212 masjid akan dibina sama ada masjid baru ataupun mengganti masjid-masjid lama yang usang.

Di Kemaman sendiri perlu saya beri tahu bahawa untuk tahun ini setahun kita memerintah lima buah masjid baru akan dibina. Dalam setahun memerintah lima buah masjid baru akan dibina. Berbeza dengan PAS memerintah, lima tahun dia memerintah sebuah masjid pun tidak dibina di Kemaman. Saya ulang sekali lagi, setahun Barisan Nasional baru memerintah di Terengganu lima masjid akan dibuat, tender dia dikeluarkan di Kemaman sahaja dan tetapi PAS, lima tahun dia memerintah sebuah masjid pun tidak dibuat. Kenapa bila sudah tidak memerintah, bila sudah kalah baru sibuk hendak buat masjid di tempat yang tidak ada penduduk, tidak mengikut undang-undang yang mereka sendiri buat.

Apa makna kalau Yang Berhormat Menteri mencadangkan undang-undang yang baik dipakai di negeri-negeri yang berkenaan tetapi mereka sendiri menolak undang-undang yang mereka laksanakan.

Tuan Haji Ismail bin Noh [Pasir Mas]: *[Bangun]*

Tuan Ahmad Shabery Cheek [Kemaman]: Ini yang berlaku di Kemaman. Saya sedih kerana rakan-rakan saya daripada PAS turut menghasut orang ramai.

Timbalan Yang di-Pertua [Datuk Lim Si Cheng]: Yang Berhormat, Yang Berhormat Pasir Mas.

Tuan Ahmad Shabery Cheek [Kemaman]: Sila, sila.

Tuan Haji Ismail bin Noh [Pasir Mas]: Terima kasih Tuan Yang di-Pertua, terima kasih Yang Berhormat kawan saya daripada Kemaman. Saya tertarik dengan penjelasan yang tidak jelas yang dijelaskan oleh Yang Berhormat daripada Kemaman. Pertama sekali saya tertarik dengan definisi masjid. Dikata bahawa masjid itu disyaratkan sembahyang Jumaat, kemudian cukup dengan 40, cukup dengan kuota, cukup dengan kuorum orangnya. Sebenarnya dalam Islam ini tidak semestinya masjid itu solat Jumaat, itu yang saya hendak perbetulkan. Ada masjid yang semata-mata untuk iktikaf diniatkan masjid itu untuk iktikaf dan tidak digunakan untuk solat Jumaat.

Di Kuala Lumpur pun ada masjid yang tidak dibuat solat Jumaat, di Kelantan banyak masjid-masjid yang tidak di niat kemudian tidak diniatkan untuk solat Jumaat tapi hanya untuk iktikaf, itu dia biar faham di antara masjid jamek dengan masjid ghairul jamek. Ertinya masjid jamek dengan masjid yang tidak mengadakan solat Jumaat, maknanya di sana ada juga masjid yang tidak didirikan solat Jumaat tetapi masjid juga ataupun di sana surau. Di dalam apa keadaan pun tidak akanlah Barisan Nasional tidak lihat bahawa di sana ada orang solat, ada orang sembahyang lima waktu, tidak lima waktu pun dua waktu, tiga waktu maghrib dan isyak paling-paling kurangnya. Mengapa dirobohkan?

Sudah tidak ada suatu rasa sedikit sebanyak rasa simpati walaupun tidaklah kita kata sangat tetapi rasa simpati, tempat orang sembahyang, yang lain kuil-kuil hindu, kuil-kuil yang diri tengah jalan, tepi jalan itu mungkin tidak ada apa-apa. Ini yang hadir orang Islam sembahyang di situ, saya tengok dalam video yang tersebar itu memang masjid, masjid iktikaf dan masjid bukan untuk didirikan solat Jumaat. Bagaimana sebuah kerajaan bestari -

Terengganu bestari roboh masjid? Ini soalnya dan rakyat sudah tahu sudah sekarang ini. Jadi minta pandangan Yang Berhormat.

Tuan Ahmad Shabery Cheek [Kemaman]: Terima kasih Yang Berhormat bagi Pasir Mas membantu saya untuk menjelaskan lagi apa yang tidak jelas. Pertamanya, kalau PAS ada fahaman bahawa masjid itu asal ada bangunan sahaja ada orang hendak solat, maka itu masjid, kenapa dibuat enakmen ini? Yang memberi takrif masjid begini, yang mengatakan kalau hendak buat masjid mengikut peraturan-peraturan tertentu. Kenapa dibuat undang-undang?

Sepatutnya PAS menganggap bahawa ini adalah undang-undang taghut, kalau undang-undang ini taghut, maka taghutlah PAS. Ini dibuat dalam tahun 2001 sewaktu PAS memerintah negeri Terengganu tentang pentakrifan masjid yang dinyatakan dalam enakmen tersebut. Kalau PAS mengatakan bahawa masjid tidak semestinya sembahyang Jumaat jangan buat. Enakmen ataupun dalam enakmen tersebut mengatakan bahawa asal bangunan sahaja boleh diri rasa tengok padang kosong kita buat bangunan ada orang sembahyang berapa kali waktu, maka ini masjid tidak boleh roboh. Tengah jalan boleh buat, depan rumah Yang Berhormat boleh buat, tidak boleh untuk kerajaan bertindak.

Nyatakan dalam enakmen tersebut asal ada bangunan dan kalau ada orang bersolat maka dipanggil masjid tidak boleh disentuh, kenapa PAS tidak buat begitu? Kenapa waktu memerintah dia memberikan penegasan orang lain tidak boleh buat bangunan tanpa mengikut peraturan-peraturan untuk membina masjid tetapi bila sudah kalah baru bercakap hendak bina masjid, itu persoalannya. Sebab itulah kalau disebutkan di kampung tersebut, apabila kampung tersebut sebenarnya tidak ada masjid - Saya bercakap ini, ada orang PAS bersyarah bahawa kerajaan Barisan Nasional zalim macam ekstremis di India, dia kata - merobohkan Masjid Babbri. Masjid Babbri orang sudah bersolat sana dan digelar masjid di sana setelah beratus tahun.

Ini selepas kawasan tersebut tidak diperbaharui lesen menduduki sementara (LMS) pada 31.12.2004 tahun yang lepas punya, bangunan masjid itu apa yang PAS panggil masjid tidak ada lagi. Cuma ada beberapa batang ceracak sahaja. Bila notis diberi, diajak berunding ada orang PAS datang berunding dan berjanji tidak akan ada lagi bangunan baru dibuat selepas perundingan tamat tempoh tersebut, kalau bangunan lama yang sudah dibuat tidak ada orang sentuh PAS berjanji tidak akan - orang PAS, pemimpin PAS pada waktu itu berjanji tidak akan buat lagi tetapi mereka terus bangunkan bangunan tersebut dan dalam sekelip mata secara kilat mereka gelarkan masjid.

Dato' Razali bin Ismail [Kuala Terengganu]: *[Bangun]*

Tuan Ahmad Shabery Cheek [Kemaman]: Apakah kalau orang buat bangunan ini di Kelantan, semua buat bangunan dan PAS panggil masjid? Sila.

Dato' Razali bin Ismail [Kuala Terengganu]: Tuan Yang di-Pertua, saya agak keliru sedikit Yang Berhormat kalau boleh beri penjelasan. Pasir Mas tadi menyatakan dia tengok melalui televisyen. Televisyen, ya lah sama ada ia merupakan satu imej yang benar-benar sebab yang bercakap ini ialah orang daripada kawasannya. Jadi di sini saya minta orang daripada kawasan sendiri dapat memberi penjelasan, mungkin agak sedikit kekeliruan Pasir Mas tadi sebab dia beritahu tadi dia melihat melalui televisyen, jadi kadang-kadang manipulasi boleh dilakukan ke atas imej-imej dalam televisyen itu. Tetapi daripada mata orang daripada kawasan Parlimen itu sendiri yang melihatnya apakah benar yang disebut oleh Pasir Mas itu masjid ataupun hanya sanya tiang-tiang yang berceracakan sahaja. Kalau boleh Ahli Parlimen Kemaman menjelaskan.

Tuan Ahmad Shabery Cheek [Kemaman]: Perlu saya jelaskan di sini setelah rundingan dibuat dengan pihak Pejabat Tanah beritahu jangan buat lagi bangunan lain, pada waktu itu barulah wang dikutip dan sebagainya buat bangunan. Ada bangunan dan serta-merta secara *instant* macam maggie mee dipanggil mini masjid. Sebenarnya di sana pun sebelum ini tidak pernah orang sana sendiri panggil masjid pun. Orang PAS daripada luar datang ini adalah modal kerana Terengganu sudah kalah dalam pilihan raya yang lepas, sudah tidak ada modal lain untuk digembar-gemburkan bahawa, okey kita gunakan perkataan 'masjid', itu yang berlaku. Tetapi ia hanya menjalankan undang-undang

sebagaimana yang PAS sendiri buat. PAS sendiri waktu memerintah banyak LMS dibatalkan.

Saya hendak cerita tentang bagaimana isu yang sebenarnya, izinkan saya di sini, oleh kerana perkara ini perkara yang besar yang berkaitan dengan hal ehwal pentadbiran, hal ehwal agama Islam dan akan diseragamkan dalam seluruh negara kita. Kebetulan ia berlaku di kawasan saya di Kemaman. Isu yang sebenarnya ialah sewaktu PAS memerintah dahulu mereka benarkan apa yang disebutkan organisasi JSR, JSR itu menggantikan JKK, bila PAS naik memerintah diisytiharkan JKK adalah organisasi haram. JKK organisasi haram maka ditubuhkan satu organisasi di peringkat akar umbi mereka sendiri yang bernama JSR. JSR – Jawatankuasa Syura Rakyat. Bunyinya Islam. Mereka ini ialah terdiri daripada mereka yang lapar kuasa. Baru dapat kuasa dia hendak tunjukkan belang dia. Tindakan yang pertama dibuat oleh mereka ini di peringkat kampung bila dia naik, “apa milik kerajaan negeri?” Milik kerajaan negeri ialah balai raya. “Siapa guna balai raya ini?” Budak-budak sekolah Tadika KEMAS yang menggunakan balai raya, dihambat budak-budak ini. Di Kemaman bukan sebuah, dua buah, tetapi tiga puluh tujuh buah. Di seluruh Terengganu lebih daripada 350 buah Tadika KEMAS yang ditutup oleh PAS dan hambat budak ini keluar. Ramai di kalangan budak-budak ini, anak-anak kita yang baru hendak belajar ABC, baru hendak belajar alif ba ta, baru hendak belajar doa traumanya sampai sekarang.

Kita tahu bahawa kadang-kadang yang kita ingat waktu sekolah kita yang paling kita ingat darjah satu kalau yang tidak masuk tadika, macam mana bapak kita hantar, siapa cikgu kita yang pertama, cikgu mana yang paling kita sayangi, bangunan sekolah macam mana, tingkapnya, pintunya kita ingat dan inilah yang paling diingat oleh anak-anak yang umur empat tahun, lima tahun, enam tahun. Datang kerajaan PAS mereka trauma melihat orang berjanggut, berserban, berjubah datang membawa rantai besi beritahu, “Kamu *get out!*” - Dia tak cakap orang putihlah, keluar daripada bangunan ini kerana ini adalah milik kami. Di kampung yang sama satu kes, kampung yang sama dekat Kampung Bujal itu Kampung Payuh. Kalau saudara pergi hendak beritahu ada pemimpin PAS lima minit daripada situ. Ini Tuhan punya kuasa sebab itu yang menimbulkan perkara ini penduduk setempat.

Datuk Bung Mokhtar bin Raden [Kinabatangan]: *[Bangun]*

Tuan Ahmad Shabery Cheek [Kemaman]: Sila.

Datuk Bung Mokhtar bin Raden [Kinabatangan]: Terima kasih Yang Berhormat Kemaman. Kalau benarlah dakwaan Yang Berhormat, kita amat sedih sebab kita merasakan seolah-olah satu malapetaka yang melanda orang-orang Melayu yang beragama Islam dan kalau kejadian demi kejadian ini tidak diberhentikan, tidak kembali ke pangkal jalan bermakna kita akan sesat di hujung jalan. Jadi apakah Yang Berhormat ada saranan supaya kita walaupun mungkin berlainan ideologi, berlainan cara perjuangan tetapi kita boleh berunding secara rasional, secara bijaksana untuk menyelesaikan masalah. Saya tidak percaya perlu ada kekerasan untuk mendapat, mencapai sesuatu kebaikan. Minta penjelasan.

Tuan Ahmad Shabery Cheek [Kemaman]: Saya amat setuju dengan saranan Yang Berhormat Kinabatangan bahawa kalau boleh tidak ada sebab sesama kita hendak tunjukkan kekerasan begitu, saya ingat dalam dahulu lagi dah, UMNO pernah menawarkan, kita adakan muzakarah perpaduan Melayu sebaik sahaja selepas pilihan raya tahun 1999. PAS tolak dengan pelbagai syarat. Kalau tidak silap saya ada tiga syarat atau empat syarat. Yang anehnya tidak ada satu syarat pun yang mengatakan kita mesti kembali pada Islam, melaksanakan undang Islam semuanya berkaitan dengan kebendaan. Fasal minyak, fasal Harakah dan sebagainya. Ini antara yang saya beritahu bahawa saya harap selepas ini mereka bersetuju untuk kembali. Jadi saya hendak sambung lagi cerita.

Tuan Salahuddin bin Haji Ayub [Kubang Kerian]: *[Bangun]*

Tuan Ahmad Shabery Cheek [Kemaman]: Sila.

Tuan Salahuddin bin Haji Ayub [Kubang Kerian]: Terima kasih Tuan Yang di-Pertua dan terima kasih sahabat saya dari Kemaman. Saya hendak berbalik kepada masalah masjid tadi. Gostan sedikit. Kes ini kes yang berlaku di Kampung Bujal dan satu

kes sahaja. Kalau sahabat saya daripada Kemaman berhujah bahawa kita mesti patuh pada undang-undang, saya setuju. Kita dalam negara kita dan apa yang digubal dan diluluskan oleh Parlimen ini kita mesti patuh, itu kita setuju baik parti kerajaan ataupun kami daripada pembangkang. Tetapi di sana juga kita mesti faham bahawa mana-mana kerajaan pun hatta Allah s.w.t. pun di samping kekuasaan yang dimiliki tetapi di sana apa yang dinamakan budi bicara, apa yang dinamakan *discretion*. Sifat ampun dan memaafkan kepada Tuhan Yang Maha Esa. Demikian juga kerajaan.

Sebagai contoh kalau saudara berhujah tentang enakmen, tentang akta, adakah kita boleh beri jaminan hari ini semua rakyat dalam negara kita – isu CF sebagai contoh. CF satu kelulusan yang perlu sebelum menduduki mana-mana bangunan. Berapa banyak taman-taman perumahan, berapa banyak Kementerian Perumahan yang terlepas pandang, duduk dulu baru bagi CF, tetapi ini semua boleh diatur dirunding kalau ada suatu budi bicara daripada pihak kerajaan. Kes Kampung Bujal masjid itu saya pun lihat. Dari istilah bahasa secara literal dan semua itu kita boleh bahas kemudian tetapi di situ ada tempat bersembahyang dan satu, satu. Sebab itu dalam pertemuan saya semasa saya menghantar memorandum saya mengatakan kepada Yang Berhormat Rasul yang menerima memorandum ini saya kata, tidak bolehkah berunding? Rundingan, jangan hantar FRU, jangan hantar *buldozer* tolak bangunan ini. Dan kalau tidak boleh budi bicara pun ambil tindakan mahkamah. Kita boleh *settle* di mahkamah. Kalau kita mahu cakap tentang perpaduan Melayu dan seumpamanya tentang tadi saudara ada membangkitkan Kemaman ada membangkitkan tentang tadika, tentang taska yang dihalau dan seumpamanya itu pada saya kes-kes yang terpencil yang boleh kita bincang bersama.

Di Melaka sebagai contoh banyak masjid, sekolah-sekolah tadika di Melaka yang kami terpaksa mengambil tindakan mahkamah. Dirobuhkan datang dengan mangga besi dan seumpamanya, ini kalau kita hendak bicara tentang politik, jika kita hendak mempolitikkan isu ini.

Tetapi saya mohon, baik mana pun, kalau PAS memerintah atau BN memerintah Terengganu sekarang ini, hanya satu masjid, takkan kita tidak boleh hendak berunding? Ajak, panggil penduduk ini untuk mereka mengadakan perundingan, hanya satu sahaja. Ada kalanya lebih baik kalau kita hantar *buldozer*, kita hantar jentolak, kita tolak bangunan ini, itu saya minta penjelasan kalau boleh. Terima kasih.

Tuan Ahmad Shabery Cheek [Kemaman]: Terima kasih, terima kasih kerana sudi datang ke kawasan saya. Dengan sekali datang, Yang Berhormat tidak memahami tentang segala isu di sana. Sebelum tanggal 31 Disember 2004, notis sudah diberi bahawa kalau di kawasan tersebut, orang tidak buat apa-apa bangunan, LMS tidak akan disambungkan. Masjid itu tidak wujud lagi pada waktu itu kecuali beberapa ceracak, apa yang disebut masjid, saya tidak mahu sebut masjid, apa yang disebut masjid, tidak wujud lagi. Sebulan atau dua bulan selepas itu, pihak pejabat tanah datang.

Tuan Haji Ismail bin Noh [Pasir Mas]: Ceracak itu apa?

Tuan Ahmad Shabery Cheek [Kemaman]: Tiang-tiang, tidak ada bangunan Yang Berhormat bagi Pasir Mas tengok dalam video atau apa, tidak ada lagi. Buat perundingan? Sudah ada perundingan kata jangan buat lagi selepas ini. Siapa yang sudah buat rumahnya, tidak disentuh, siapa yang sudah buat bangunan rumah di sini lebih daripada 40% teruskan, tidak semua dirobuhkan. Budi bicara ada tetapi yang belum buat lagi janganlah dibuat sebab sejarahnya PAS kata ini kerana orang yang memakmurkan kawasan tersebut patut diberi tanah.

Sebenarnya, sebelum itu tanah tersebut patut diberikan kepada penduduk tempatan di sekitar kampung tersebut yang benar-benar miskin, ada projek pertanian sebelum itu. Tetapi yang diberi, orang luar, luar daripada kawasan tersebut, luar daripada Kemaman. Macam Yang Berhormat bawa berunding kata diperkenalkan ini namanya Che Lah dari Kampung Bujal, tidak ada. Dia bukan daripada kampung itu, dia orang Kelantan, duduk dalam Kemaman di satu kawasan perumahan elit yang bernama Lot 144. Yang Berhormat berterak kata ini orang miskin, kami tahu dia miskin atau dia kaya. Yang Berhormat tahu tidak, kesalahan yang paling besar yang dibuat oleh pemimpin PAS di sana waktu memerintah, dia menjajakan tanah dan mengatakan siapa hendak tanah, mari datang berjumpa dengan kami. Wakil rakyat mereka dan pemimpin-pemimpin GSR datang

berjumpa dengan kami, bagi borang dan kami akan proses tujuh hari tujuh malam pada waktu tersebut. Tujuh hari tujuh malam, bayangkan.

Kemudiannya dia katakan bahawa oleh kerana pejabat tanah tidak ada kemampuan untuk mengukur tanah tersebut, kita akan melantik pengukur-pengukur swasta dan sila bayar wang pada kami – ada RM400, RM500. Tanah yang baik misalnya di satu kawasan yang bernama Meraga Beris – tidak jauh dari tempat tersebut, kalau siapa tahu Awana Kijal, berhampiran dengan hotel terbesar di Pantai Timur. Tanah yang begitu strategik yang memang akan dapat dijual dengan harga yang mahal. Rancangan kerajaan sebelum ini untuk menjadikan kawasan itu ialah kawasan *industrial park*. PAS kata, siapa hendak tanah ini? Tetapi mesti orang kaya. Antara yang memohonnya orang yang gaji RM15 ribu sebulan, bukan rakyat miskin. Ada gaji RM7 ribu, RM8 ribu dan yang duduk di Kampung Bujal yang dapat tanah ini bukanlah tanah yang pertama miskin, setengah mereka itu sudah ada beberapa tanah yang lain. Sebab itulah perlu dihuraikan kembali, disusun kembali. Ada setengah tempat di Terengganu, tapak sekolah pun dibagi.

Dato' Kamarudin bin Jaffar [Tumpat]: *[Bangun]*

Tuan Ahmad Shabery Cheek [Kemaman]: Sila.

Timbalan Yang di-Pertua [Datuk Lim Si Cheng]: Yang Berhormat bagi Tumpat.

Dato' Kamarudin bin Jaffar [Tumpat]: Tuan Yang di-Pertua, Yang Berhormat bagi Kemaman dan sahabat-sahabat, saya tidak berhajat untuk hendak mencelah dalam perbahasan ini kerana tajuknya agak lain, tetapi saya sekadar untuk bertanya dan memohon penjelasan yang amat *simple* dan saya bersetuju dengan Yang Berhormat bagi Kinabatangan tadi bahawa penyelesaian sepatutnya dilakukan dengan cara yang lebih aman, lebih adil dan tidak dengan cara menggunakan jentera untuk meroboh bangunan yang sepatutnya di hala ke Jerleh yang mana Ayah Pin sedang bermaharajalela dan belum ada lagi jentolak atau traktor dihantar ke sana.

Soalan saya kepada Yang Berhormat bagi Kemaman ialah setakat yang saya ikuti, pemimpin PAS Terengganu, Datuk Mustapha Ali telah meminta untuk mengadakan perbincangan, muzakarah atau perbahasan dengan pimpinan Kerajaan Negeri Terengganu untuk menyelesaikan isu ini. Kenapakah permintaan itu tidak disambut supaya segala modal ini dapat kita dengar dengan baik, dengan adil dan kalau perbahasan itu dilakukan di Terengganu, dapat diikuti oleh rakyat Terengganu supaya mereka dapat memberikan pertimbangan dan keputusan mereka berasaskan kepada maklumat-maklumat yang didapati daripada kedua-dua pihak ini. Jadi kalau itu diterima oleh Yang Amat Berhormat Menteri Besar Terengganu, mungkin kita tidak perlu mengambil masa untuk mendengar pertahanan oleh pihak Yang Berhormat tentang apa yang dilakukan oleh Kerajaan Negeri Terengganu hari ini. Terima kasih.

Tuan Ahmad Shabery Cheek [Kemaman]: Ini bukan pertahan, saya perlu mendedahkan juga tentang penyelewengan PAS dalam isu tanah ini dahulu. Ini saya hendak beritahu bahawa macam yang tadi, saya hendak sambung kepada yang disebut oleh Yang Berhormat bagi Kubang Kerian, apa perundingan? Perundingan sudah dibuat, tetapi balik sahaja pegawai daerah yang berkenaan, terus waktu itu dikumpulkan, masa itu juga dibuat dengan serta-merta. Misalnya kalau ...

Tuan Salahuddin bin Ayub [Kubang Kerian]: *[Bangun]*

Tuan Ahmad Shabery Cheek [Kemaman]: Ya.

Tuan Salahuddin bin Ayub [Kubang Kerian]: Terima kasih Tuan Yang di-Pertua. Perundingan, kalau kita panjangkan demi rakyat, apa salahnya? Saya rasa seorang negarawan sebagai contoh, yang pernah saya sebut dalam Dewan yang mulia ini, Tuanku Abdul Rahman sebagai contoh, untuk menyelesaikan masalah negara boleh panggil Chin Peng untuk berunding di Baling, Kedah dan Chin Peng diberikan jaminan keselamatan pergi dan balik ke hutan. Ini contoh yang dibuat oleh seorang negarawan. Saya tidak kata siapa yang paling baik, saya tidak kata kami yang terbaik, pemimpin PAS. Apa yang baik itu, kita kena terima sebagai baik, tidak baik kita terima sebagai baik. Tidak betul kita boleh bawa ke mahkamah. Tetapi perundingan itu apa salahnya? Kalau sekali

tidak boleh, dua kali, tiga kali. Adakah perundingan itu lebih baik dengan kita menghantar buldozer robohkan rumah ini, masjid ini? Itu sahaja, terima kasih.

Tuan Ahmad Shabery Cheek [Kemaman]: Bayangkan Yang Berhormat...

Datuk Rosli bin Mat Hassan [Dungun]: Dungun sekali.

Tuan Ahmad Shabery Cheek [Kemaman]: Baik, saya habiskan dahulu Yang Berhormat bagi Dungun. Bayangkan Yang Berhormat sekarang ini buat satu khemah dalam ini. Tuan Yang di-Pertua kata, jangan buat khemah. Buat khemah dalam ini kerana rasa tidak hendak balik ke Kubang Kerian, buat khemah dalam ini dan Yang Berhormat setuju tidak akan buat khemah. Tuan Yang di-Pertua balik, Yang Berhormat kerahkan orang mari pakat buat khemah secara besar-besaran. Itu bukan orang yang patut tahu apa erti perundingan, adab tidak ada. Sudah bersetuju, kami tidak akan sentuh, tidak buat lagi, yang mana yang tidak dibina, tidak akan dibina lagi, sudah setuju. Tetapi bila sudah habis, datang tengok, sekarang ini buat lagi. Ini saya hendak cerita apa yang disebut sebelum Yang Berhormat bagi Dungun bangun.

Yang Berhormat bagi Tumpat, tentang tawaran seorang pemimpin PAS untuk berbincang. Pada 16 Jun yang lepas, Yang Berhormat bagi Kubang Kerian bersama beribu-ribu orang, dibawa dari seluruh negara datang ke Kuala Terengganu. Saya hendak beritahu, 16 Jun, bukan lama, hanya kira-kira dua minggu lebih yang lepas. Beribu-ribu orang yang dibawa, tidak tahulah dalam Harakah dia tulis 8 ribu, *whatever*, ramai orang yang dia bawa, berdemonstrasi, pekik jahanam Idris dan sebagainya, pekik di luar. Masuk menghantar memorandum, ini hendak cerita menghantar memorandum. Pihak Kerajaan Terengganu menunggu dalam bangunan Wisma Darul Iman – pejabat pentadbiran Kerajaan Negeri Terengganu, tunggu. Berbeza waktu PAS memerintah dahulu, ada isu nelayan, Pemuda UMNO pergi, Menteri Besar lari. Dia kata, hendak bagi, letak di *guard*, rumah *guard* itu sahaja.

Baru-baru ini, pada 16 Jun, termasuk Yang Berhormat bagi Kubang Kerian datang bersama dengan Pemimpin Besar Terengganu sebagai perundingnya, sebagai ketua delegasinya, orang paling hebatlah sebab tidakkan dia pilih orang ini. Ketua delegasi, seorang Dato', bekas Exco. Dahulu terkenal sewaktu dia jadi Exco, duit zakat yang sepatut dia bagi orang ramai, dia bagi juga pada anak dia untuk belajar [*Dewan riuh*] Ini Exco ini. Inilah yang terbaik dipilih PAS untuk berunding, dihantar pada hari itu memorandum.

Bila dia sebut, dia bagi pada waktu itu ada empat orang, dua orang Exco daripada Kerajaan Terengganu, dua orang Ahli Dewan Undangan Negeri biasa menyambut dengan begitu baik. Sedia makan, sedia minum, sila duduk mari kita bincang. Apa yang terjadi, itu dia perunding terbaik PAS bila sebut sepatah perkataan keadaannya begini, dia bangkit bangun, bohong keluar terus daripada Dewan. Inilah cara Pemimpin PAS berunding. [*Dewan bertambah riuh*]

Saudara ada atau tidak di situ? Saudara ada saya tahu, saudara tidak keluar tetapi yang ini keluar kerana dia takut kepada kebenaran yang berlaku sekarang ini.

Datuk Rosli bin Mat Hassan [Dungun]: Terima kasih, Yang Berhormat bagi Kemaman. Saya sebenarnya jalan hendak keluar, terima kasih. Tadi sebenarnya hendak keluar mesyuarat tetapi nampak hangat sedikit, masuk balik.

Yang Berhormat bagi Kemaman, saya kalau boleh mendapat penjelasan dan menambah sedikit tentang kekeliruan yang sedang berlaku terutama sekali daripada sahabat saya Yang Berhormat bagi Tumpat dan Yang Berhormat bagi Kubang Kerian. Dua-dua ini tokoh PAS yang saya amat hormati, walaupun saya dari UMNO saya amat hormati dan kalau ada dua tokoh ini berada di Terengganu, saya rasa masalah PAS Terengganu tidak akan terjadi seperti hari ini.

Yang Berhormat mungkin berfikir seperti Yang Berhormat berfikir dalam menguruskan parti tetapi tidak faham jenis-jenis pemimpin yang militan, yang tidak toleran, yang tidak mempunyai semangat kepimpinan yang berjiwa besar seperti Yang Berhormat hendak tadi. Terdiri daripada hampir keseluruhan Pemimpin-pemimpin PAS di Terengganu.

Walaupun kes Kampung Bujal di Kemaman ini yang dikatakan masjid, walaupun saya mengisytiharkan itu sebagai markas PAS kerana saya juga terlibat dalam kes ini secara langsungnya kerana kes ini tidak akan timbul kalau tidak adu domba dan permulaan yang diketuai oleh PAS Terengganu yang Yang Berhormat Ketua Pergerakan Pemuda PAS, Yang Berhormat bagi Kubang Kerian sendiri datang.

Saya tengok semua video dari A sampai Z, ada himpunan raksasa yang sebelum ini kita tenang di Terengganu selepas kita mengambil alih. Kita mengambil alih Terengganu kita tunggu prosedur, peraturan dan sebagainya. Kepimpinan UMNO dan Barisan Nasional Terengganu mengikut peraturan, tidak seperti selepas 1999, dia lompat pagar, dia kunci, dia rampas kereta Exco dan sebagainya. Itu sejarah dahulu, kita bukan hendak berdendam dan sebagainya.

Kita berjanji pada hari ini, masalah tanah, masalah apa, bagi pihak Yang Amat Berhormat Menteri Besar Terengganu, PAS kah, UMNO kah, tidak berparti kah, rakyat Terengganu yang layak dapat tanah kita pastikan dapat tanah di Terengganu bermula pada pemerintahan BN kali ini. Ini tidak ada timbul masalah perundingan, tidak perundingan, sudah perundingan Yang Berhormat. Sebenarnya DO itu janggut dia dulu pendek, sekarang panjang, orang panggil dia Mustafa janggut sudah sekarang. DO Kemaman yang berunding masalah ini seperti Yang Berhormat bagi Kemaman nyatakan tadi kes Kampung Bujal, ini satu kes sahaja. Pasal satu kes diperbesarkan.

Ini masalah politik kita selesaikan cara politik tetapi kalau kes keselamatan kita selesai secara keselamatan.

Timbalan Yang di-Pertua [Datuk Lim Si Cheng]: Yang Berhormat, apakah soalan?

Datuk Rosli bin Mat Hassan [Dungun]: Dalam soalanlah ini, Tuan Yang di-Pertua. Dia cuma kes ini, ia agak rentetan dia panjang sedikit. Tuan Yang di-Pertua, masalah kes ini, tunjuk perasaan yang ada, yang diketuai oleh pemimpin-pemimpin PAS yang datang 90% bukan orang Terengganu. Mungkin yang saya banyak dengar daripada Kelantan, yang tidak faham apa yang berlaku di Terengganu.

Inilah perkara-perkara, saya rasa kasihan kepada Yang Berhormat bagi Kubang Kerian selaku Ketua Pergerakan PAS. Dia seorang pejuang yang saya hormati tetapi bukan dalam kes ini. Kes ini Yang Berhormat bagi Kubang Kerian telah di *trapped*...

Timbalan Yang di-Pertua [Datuk Lim Si Cheng]: Yang Berhormat, Yang Berhormat, soalan, keluarkan soalan.

Datuk Rosli bin Mat Hassan [Dungun] ... telah di *trapped* dalam Pimpinan PAS Terengganu. Dato' Mustafa Ali, semua orang kenal seorang tokoh, dia pun baik dengan saya, dia pun bertanding dengan saya Parlimen Dungun. Dahulu dia Ahli Parlimen Dungun, sekarang saya ganti, dia pun setuju saya...

Timbalan Yang di-Pertua [Datuk Lim Si Cheng]: Yang Berhormat, Yang Berhormat, bukan masa untuk Yang Berhormat berucap.

Datuk Rosli bin Mat Hassan [Dungun]: Tuan Yang di-Pertua, dalam kes Kampung Bujal, apa yang dinamakan masjid, inilah markas PAS dan banyak lagi apa yang kita katakan masjid-masjid PAS yang haram sebenarnya di Terengganu, sekarang sudah menjadi tumpuan orang-orang PAS di seluruh Terengganu. Dahulu semua pergi masjid, tinggal kosong, sekarang dia banyak, di Dungun ada, di Besut ada, di Setiu ada, di seluruh negeri.

Saya minta Kepimpinan PAS Nasional, khususnya Yang Berhormat bagi Tumpat, saya pun suka hati kalau dia jadi Setiausaha Agung, kita ucapkan tahniah pada hari ini supaya melihat dalam bentuk yang lebih saksama kerana kita hendak kedamaian. Masalah hendak bertanding, Yang Berhormat pun pernah duduk dalam UMNO dahulu, pernah jadi Wakil Rakyat, sekarang dalam PAS. Saya pun sekarang dalam UMNO, kita bersahabat yang pentingnya kita berjuang untuk kepentingan negara, kepentingan negeri dan rakyat kita.

Dalam kes Kampung Bujal, ini bukan masalah pembelaan pemimpin-pemimpin UMNO tetapi hendak menyelesaikan apa yang kita namakan adu domba yang tidak benar, yang bohong dilakukan oleh pemimpin-pemimpin PAS Terengganu. Itu sahaja penjelasan yang saya rasa Yang Berhormat bagi Kemaman kena jelas, sejelas-jelasnya supaya penyelesaian secara adil. Perundingan tidak ada masalah, dari dahulu kita bersetuju dengan secara perundingan tetapi dalam hal-hal yang dipolitikkan isu-isu yang tidak tepat, tidak benar, maka kita terpaksa menjalankan tugas dan tanggungjawab kita dengan saksama. Yang Berhormat bagi Kemaman. Terima kasih.

Tuan Ahmad Shabery Cheek [Kemaman]: Terima kasih, Yang Berhormat bagi Dungun. Saya pun sama-sama rasa simpati terutama dengan Yang Berhormat bagi Kubang Kerian. Saya juga berasa bangga, Yang Berhormat mempunyai pandangan yang berbeza, yang memberi nafas baru kepada kepimpinan PAS yang dianggap sederhana dan memahami realiti tetapi...

Timbalan Yang di-Pertua [Datuk Lim Si Cheng]: Yang Berhormat, Peraturan Mesyuarat.

Tuan Lim Hock Seng [Bagan]: Peraturan 36(1), Bukankah kita sedang membincang satu akta, meminda Akta Keterangan Mahkamah Syariah. Ini sekarang sudah terjadi satu pentas untuk dua parti berlawan...

Cik Fong Po Kuantiti [Batu Gajah]: UMNO dan PAS.

Tuan Lim Hock Seng [Bagan]: Ada di antara kita di sini ingin mengambil...

Timbalan Yang di-Pertua [Datuk Lim Si Cheng]: Baik, baik.

Tuan Lim Hock Seng [Bagan]: ...bahagian dalam perbincangan dan kami ada 40 usul dari ahli yang bukan kerajaan. Itu semua penting-penting belaka tetapi kita membuang masa untuk bergaduh di sini. Saya berharap, Tuan Yang di-Pertua boleh ambil perhatian 36(1), jangan terlebih.

Timbalan Yang di-Pertua [Datuk Lim Si Cheng]: Baik, baik. Semua duduk dahulu. Ahli-ahli Yang Berhormat, ini satu rang undang-undang pindaan bertujuan untuk menyeragamkan penggunaan istilah dan juga tarif hukum yang berkenaan. Saya harap supaya kita jangan jauh terkeluar daripada tajuk. Saya minta Kemaman, adakah perkara-perkara yang berkaitan dengan pindaan, kita bangkitkan, bincangkan terlebih dahulu, supaya...

Tuan Ahmad Shabery Cheek [Kemaman]: Yang Berhormat, Tuan Yang di-Pertua.

Tuan Haji Abdul Fatah bin Haji Haron [Rantau Panjang]: Minta jalan sedikit

Datuk Haji Mohamad bin Haji Aziz [Sri Gading]: Bagi sayalah, saya dahulu berdiri.

Timbalan Yang di-Pertua [Datuk Lim Si Cheng]: Yang Berhormat, Yang Berhormat.

Tuan Ahmad Shabery Cheek [Kemaman]: Kesemua ini.

Tuan Haji Abdul Fatah bin Haji Haron [Rantau Panjang]: Satu sahaja, jadi yang ini mustahak ini.

Tuan Ahmad Shabery Cheek [Kemaman]: Yang Berhormat dahulu.

Timbalan Yang di-Pertua [Datuk Lim Si Cheng]: Yang Berhormat.

Datuk Haji Mohamad bin Haji Aziz [Sri Gading]: Tuan Yang di-Pertua. Saya hendak mencelahlah.

Timbalan Yang di-Pertua [Datuk Lim Si Cheng]: Baik saya belum habiskan, Yang Berhormat. Lagipun memang saya bersetujulah ini Peraturan Mesyuarat 36(1), kita perlu mematuhi. Walau bagaimanapun, saya hanya minta supaya kita jangan jauh terkeluar lagi daripada tajuk.

Datuk Bung Moktar bin Radin [Kinabatangan]: Saya pun setuju dengan Tuan Yang di-Pertua.

Timbalan Yang di-Pertua [Datuk Lim Si Cheng]: Baik.

Datuk Haji Mohamad bin Haji Aziz [Sri Gading]: Tuan Yang di-Pertua, [Ketawa] terima kasih. Pendedahan Kemaman ini, Tuan Yang di-Pertua, kerana dia membincangkan berkaitan dengan Undang-undang Syariah yang diguna pakai di wilayah yang ditiru atau dalam bahasa Indonesia diciplak oleh Kerajaan PAS memerintah dari tahun 1999 sehingga 2004. Jadi, dia ada kaitan...

Timbalan Yang di-Pertua [Datuk Lim Si Cheng]: Yang Berhormat, Yang Berhormat saya bersetuju dan ada kaitan...

Datuk Haji Mohamad bin Haji Aziz [Sri Gading]: Ya, Bagan itu tersilap, Bagan itu macam...

Timbalan Yang di-Pertua [Datuk Lim Si Cheng]: ..ada berkaitan hanya saya minta jangan terkeluar jauh daripada tajuk...

Datuk Haji Mohamad bin Haji Aziz [Sri Gading]: Tidak, tidak keluar Tuan Yang di-Pertua. Ini adalah enakmen antara Wilayah dengan Terengganu yang di...

Timbalan Yang di-Pertua [Datuk Lim Si Cheng]: Tidak apa, Yang Berhormat. Kita boleh ringkaskan sebab sebagai...

Datuk Haji Mohamad bin Haji Aziz [Sri Gading]: Ya, sebab saya, saya...Tuan Yang di-Pertua...

Timbalan Yang di-Pertua [Datuk Lim Si Cheng]: ..sebab sebagai Tuan Yang di-Pertua juga saya terikat oleh Peraturan Mesyuarat...

Datuk Haji Mohamad bin Haji Aziz [Sri Gading]: Semua orang terikat dengan peraturan Tuan Yang di-Pertua....

Timbalan Yang di-Pertua [Datuk Lim Si Cheng]: Hanya saya tidak akan berhentikan Yang Berhormat memberikan hujah-hujah tertentu tetapi mintalah janganlah terkeluar sangat jauh daripada tajuk, baiklah Yang Berhormat Kemaman, sila.

Datuk Haji Mohamad bin Haji Aziz [Sri Gading]: Tidak terkeluar Tuan Yang di-Pertua, pasal saya...

Tuan Ahmad Shabery Cheek [Kemaman]: [Bangun]

Datuk Haji Mohamad bin Haji Aziz [Sri Gading]: Benarkan saya habiskan.

Tuan Ahmad Shabery Cheek [Kemaman]: [Duduk]

Datuk Haji Mohamad bin Haji Aziz [Sri Gading]: Pendedahan yang dibuat oleh Kemaman ialah rentetan, tingkah laku, kezaliman...

Timbalan Yang di-Pertua [Datuk Lim Si Cheng]: Yang Berhormat perkara-perkara ini ada peluang, ada tempat, ada masa untuk kita kemukakan tetapi bukan semasa kita mengadakan perbincangan terhadap Rang Undang-Undang pindaan ini ...

Datuk Haji Mohamad bin Haji Aziz [Sri Gading]: Tidak, sebab saya menjurus apa yang didedahkan oleh Kemaman...

Timbalan Yang di-Pertua [Datuk Lim Si Cheng]: Kalau hendak masuk, teruskan masuk Yang Berhormat tidak payah pergi sana dan sini, teruskan soalan.

Datuk Haji Mohamad bin Haji Aziz [Sri Gading]: Yalah, pasal apa yang didedahkan oleh Kemaman itu tadi memang satu realiti yang harus difahami oleh rakyat Malaysia. Kalau hendak cerita tentang penyelewengan, pelanggaran undang-undang, ego, pemimpin PAS, kerajaan PAS banyak Tuan Yang di-Pertua. Dia menang dan dia pecah tol di Kuala Terengganu, kunci pagar, malam itu juga kunci pagar pejabat Menteri Besar Terengganu.....

Tuan Haji Idris bin Haji Haron [Tangga Batu]: Tutup terus!

Datuk Haji Mohamad bin Haji Aziz [Sri Gading]: Tutup, EXCO tengah bawa kereta...

Tuan Haji Idris bin Haji Haron [Tangga Batu]: Kemas!

Datuk Haji Mohamad bin Haji Aziz [Sri Gading]: ...di tahan tengah-tengah malam ini sudah kerajaan PAS, mu berambus!

Timbalan Yang di-Pertua [Datuk Lim Si Cheng]: Yang Berhormat, Yang Berhormat, ini apa ...tadi Yang Berhormat kata apa?

Datuk Haji Mohamad bin Haji Aziz [Sri Gading]: Ini apa yang didedahkan oleh Kemaman, saya hendak menjurus ke situ Tuan Yang di-Pertua, jadi maknanya [*Dewan menjadi riuh seketika*] Jadi kena... saya ingat pemimpin PAS kena insaf, banyak anda punya doa. Tumpat kasihan, dia Setiausaha Agong sekarang tetapi tahniahlah, saya harap agaknya PAS akan berubahlah, Kubang Kerian sahabat saya. Cerita soal keampunan, tetapi kenapa PAS memerintah dahulu tidak ada ampun bagi orang-orang UMNO?

Beberapa ahli: [Menyampuk]

Tuan Haji Abdul Fatah bin Haji Haron [Rantau Panjang]: [Menyampuk]

Datuk Haji Mohamad bin Haji Aziz [Sri Gading]: Aaah! Rantau Panjang.

[Timbalan Yang di-Pertua (Datuk Dr. Yusof bin Yacob) **mempengerusikan Mesyuarat**]

Datuk Haji Mohamad bin Haji Aziz [Sri Gading]: Ini Pasir Mas saya lihat antara ulama' PAS yang ada di Parlimen ini ialah Pasir Mas tetapi dalam kebatilan itu pun hendak dipertahankan, jadi ini kadang-kadang ada masalah, *double standard* ini macam mana ini? Jadi beginilah ringkas, banyak sangat dosa PAS sudah, dosa banyak sangat. Pemimpin-pemimpin ini pun tahu, cubaan politik apa hendak buat, pertahankan juga yang bengkok hendak diluruskan. Yang salah hendak dibetulkan, saya ingat beginilah untuk keselamatan umat Melayu dan Islam, sampai masanya bubar sahajalah PAS ini.

Beberapa ahli: [Ketawa]

Datuk Haji Mohamad bin Haji Aziz [Sri Gading]: Bubar sahaja. Yang Setiausaha Agong ini pun mudah masuk UMNO, kita pun mengalu-alukan dia masuk UMNO, bertandamlah Tumpat itu esok atas keizinan UMNO.

Tuan Haji Abdul Fatah bin Haji Haron [Rantau Panjang]: Cakap baik-baik sedikit, isteri dia tengok itu!

Datuk Haji Mohamad bin Haji Aziz [Sri Gading]: Astaghfirullah! Tidak, kamu semua ini baik-baik sebenarnya, betul! Ini Ahli-ahli Parlimen PAS yang ada di sini baik-baik, betul-betul baik-baik, saya hormati sahabat-handai rakan-rakan ini, termasuklah Rantau Panjang ini, orang-orang yang baik-baik.

Beginilah untuk kebaikan terus bagi umat Melayu dan agama Islam dalam negara ini, bubar PAS, ramai-ramai masuk UMNO. Selesai masalah ini dan jadi tidak timbullah apa-apa masalah Tuan Yang di-Pertua, saya ingat boleh dipersetujui untuk dipertimbangkan, sebab banyak sangat penyelewengan. Yang cuba hendak ditutup, hendak ditutupkan itu tetapi akhirnya juga kebenaran akan terserlah.

Tidak usahlah kita sama-sama dalam agama Islam ini, dosa tetap dosa, pahala tetap pahala yang baik tentulah baik dan yang jahat tentulah jahat. Hendak tutup macam mana? Ini soal di Kampong Bujal ini saudara-mara saya ramai di Kemaman ini, di Kampong Batu Gajah, ini jalan yang samalah. Memang kalau kampung ini... Allah ... memang tidak layak pun tetapi itulah.

Apabila hendak jadikan modal politik hendak himpun seluruh orang PAS, yang tidak faham pun ramai orang PAS tidak faham tetapi dia diapi-apikan, diapi-apikan kerana orang PAS ini dia ada satu fiil. Semasa kerajaan PAS di Terengganu, kalau kita lawan sahaja dia, dia buat satu istilah "*Mu lawan PAS, mu lawan Islam*". Hah, takutlah orang hendak melawan walaupun dia punya arahan ataupun undang-undang dia ataupun dia

punya cara pentadbiran bertentangan dengan Islam tetapi dia gunakan "*Mu langgar mu lawan PAS, mu lawan Islam*"

Beberapa ahli: *[Ketawa]*

Datuk Haji Mohamad bin Haji Aziz [Sri Gading]: Takutlah, pasal lawan Islam, takutlah. Orang Melayu pula memang kuat agama Islam, lebih-lebih lagi macam orang Terengganu, orang Kelantan, orang Melayu baik-baik ini dan penganut Islam yang kuat. Apabila sebut lawan PAS, lawan Islam, kalahlah dia takutlah dia, ini jadi pertanyaan saya kepada Kemaman. Sampailah masa agaknya bubar sahajalah PAS, macam mana Kemaman setuju? *[Dewan menjadi riuh seketika dengan ketawa]*

Tuan Ahmad Shabery Cheek [Kemaman]: Terima kasih di atas pandangan Yang Berhormat Sri Gading. Kita banyak bincang bab lain nanti kata pasal ini sudah keluar pula nanti, saya tertarik dengan apa yang disebutkan oleh Yang Berhormat Dungun tadi.

Sebenarnya saya hendak beritahu kepada Yang Berhormat PAS yang lain terutama daripada luar Terengganu, saya kasihan bahawa Yang Berhormat-Yang Berhormat telah ditipu oleh orang Terengganu, oleh PAS Terengganu yang baru sahaja hilang kuasa, yang tidak boleh menjelaskan kepada orang ramai tentang apa sebab mereka hilang kuasa. Selepas pilihan raya, saya dengar satu ceramah yang dibuat oleh seorang pemimpin PAS dia kata, pilihan raya PAS kalah ialah kerana ada penyelewengan Suruhanjaya Pilihan Raya, ada pengundi hantu dan sebagainya. Dia cakap waktu itu tetapi saya hendak beritahu kepada ahli-ahli Yang Berhormat sekalian pada dewan yang mulia.

PAS kalah bukan kerana pengundi hantu, bukan kerana penyelewengan tetapi rakyat benci dengan tingkah laku pemimpin PAS sebagaimana yang saya sebutkan tadi. Sebab itulah saya kasihan kepada Yang Berhormat macam Kubang Kerian boleh diperalatkan oleh orang Terengganu, dia pergi ke sana dan dia tidak tahu cerita yang sebenar dan pemimpin Terengganu yang mengetuai itu sendiri tidak berani hendak duduk berhadapan dengan pihak Barisan Nasional pada waktu itu dalam perundingan, dia lari tinggal Yang Berhormat Kubang Kerian dengan dua, tiga orang luar, terkapai-kapai tidak tahu cerita ini yang berlaku, videonya pun ada sekarang ini. Terkapai, tidak tahu apa cerita, dia hanya tahu, berunding, berundinglah, dia kata berundinglah. Siapa kata tidak ada perundingan?

Tuan Haji Idris bin Haji Haron [Tangga Batu]: *[Bangun]*

Timbalan Yang di-Pertua [Datuk Dr. Yusof bin Yacob]: Yang Berhormat, Tangga Batu.

Tuan Ahmad Shabery Cheek [Kemaman]: Sila Tangga Batu.

Timbalan Yang di-Pertua [Datuk Dr. Yusof bin Yacob]: Jangan lari sangat Yang Berhormat.

Tuan Haji Idris bin Haji Haron [Tangga Batu]: Tidak lari, terima kasih Tuan Yang di-Pertua dan terima kasih Yang Berhormat Kemaman. Saya tengok Yang Berhormat Kemaman ini memang betul-betul mulia hatinya, kalau kami di Melaka, PAS ini memang *negligible* dan memang boleh diabaikan dalam keadaan diabaikan kadang-kadang pun dia tunjukkan sikap-sikap agresif itu. Apabila kerajaan hendak ambil tindakan kepada bangunan-bangunan yang tidak mempunyai permit, mereka mengumpulkan seberapa ramai yang mungkin dan kemudian apabila kita ingin mengambil tindakan, dia kata kita pancung kepala, pancung kepala ...itu ayat-ayat yang dikeluarkan.

Yang Berhormat Kemaman, Yang Berhormat Kemaman ini menegur pemimpin-pemimpin PAS ini dalam keadaan yang tulus dan ikhlas supaya mereka membetulkan tindakan mereka, betulkan cara mereka, budaya mereka. Kalau saya Yang Berhormat saya tidak beritahu, biarkan sahaja, biar rakyat terus membenci mereka, buat apa kita hendak beritahu yang mereka ini supaya mereka betulkan keadaan nanti esok rakyat suka kepada mereka jadi susah pula.

Cukuplah saya ingat, dia tidak betul, biarkan dia terus sesat, jangan kita pula hendak betulkan mereka balik ke pangkal jalan. Tetapi kalau betul Yang Berhormat hendak

buat juga itu memang mulia dan Insya-Allah ia jadi satu ibadah dan jadi satu punca rezeki yang halal, terima kasih Tuan Yang di-Pertua.

Tuan Ahmad Shabery Cheek [Kemaman]: Terima kasih Yang Berhormat Tangga Batu, orang berasa PAS itu di Terengganu itu besar. Ini isu di Kemaman, PAS mengharap...

Tuan Haji Abdul Fatah bin Haji Haron [Rantau Panjang]: Peraturan Mesyuarat.

Timbalan Yang di-Pertua [Datuk Dr. Yusof bin Yacob]: Ya, Yang Berhormat sila.

Tuan Haji Abdul Fatah bin Haji Haron [Tangga Batu]: 36 (1), Seseorang ahli Dewan apabila membahaskan Rang Undang-Undang yang meminda akta induk hanya perkara-perkara yang berkaitan Rang Undang-Undang itu sahaja yang dibenarkan bercakap dan tidak kepada perkara yang melibatkan akta induk, ya itulah.

Timbalan Yang di-Pertua [Datuk Dr. Yusof bin Yacob]: Ya Yang Berhormat, kadang-kadang Yang Berhormat pun sama juga, lebih kurang, jadi saya...

Tuan Ahmad Shabery Cheek [Kemaman]: Saya hendak cerita...

Timbalan Yang di-Pertua [Datuk Dr. Yusof bin Yacob]: Yang Berhormat sila tumpukan kepada ...

Tuan Ahmad Shabery Cheek [Kemaman]: Ya, saya tumpukan perkara ini sebab ini ada kaitan dengan semua undang-undang yang akan kita bentangkan dan hendak diselaraskan dan saya berbalik tadi Yang Berhormat dan Tuan Yang di-Pertua, ada undang-undang PAS sendiri sudah buat, sudah seragamkan tetapi dia sendiri lawan. Ini saya hendak beritahu sendiri Yang Berhormat Dato' Menteri, undang-undang ini kita hendak pinda. Kemudian hendak minta semua negeri seragamkan selepas ini, Terengganu, Kelantan tidak lama hendak seragam, selepas itu kalau dia kalah, dia sendiri yang langgar. Kita hendak beritahu, macam isu masjid tadi, dia sendiri membuat undang-undang tentang tafsiran apa itu masjid macam mana hendak buat masjid.

Apabila dia kalah, waktu dia menang dia tidak buat sebuah masjid pun. Apabila kalah baru buat masjid. Saya tanya kenapa waktu menang dahulu tidak buat masjid? Dahulu kita tidak ada wang. Kita dinafikan peruntukan. Kenapa waktu menang tidak ada wang, apabila sudah kalah baru ada wang? Pelik tidak? Tipu rakyat. Yang sebenarnya saya hendak beritahu dalam kes ini sebenarnya. Perlu didedahkan bahawa PAS telah mengutip wang rakyat dengan begitu banyaknya atas isu tanah. Wakil rakyat dia menggunakan di sana satu koperasi bernama Koperasi Al-Falah. Mengutip wang rakyat kononnya menambun tanah di kawasan paya pada siapa hendak tanah ini, dia akan uruskan dengan pejabat tanah, tetapi sementara kita kena tambun dahulu tanah di kawasan yang berhampiran dengan ... Itu banyak kawasan strategik. Kemaman ini antara kawasan yang mahal tanahnya di Negeri Terengganu.

Berapa dia kutip seorang? RM5000 seorang. Saya beritahu tuan-tuan yang jadi wakil rakyat. Pernah atau tidak kerajaan Barisan Nasional membenarkan wakil rakyat Barisan Nasional kutip wang rakyat?

Beberapa Ahli: Tidak pernah.

Tuan Ahmad Shabery Cheek [Kemaman]: Pernah tidak kita ada JKKK membenarkan JKKK kita kutip wang rakyat?

Beberapa Ahli: Tidak.

Tuan Ahmad Shabery Cheek [Kemaman]: Tetapi PAS membenarkan GSRnya kutip wang rakyat dan wakil rakyatnya kutip wang rakyat dengan banyak. Apabila kalah, orang tanya mana tanah? Tidak dapat tanah. Pada waktu itulah baru dibangunkan apa yang dinamakan masjid, hendak lelong pada orang bukan salah anak, tetapi mereka adalah orang jahat hendak runtuhkan masjid kita. Masjid apa yang dikatakan bangunan itu bukan kerana taqwa, bukan kerana iman, bukan kerana Islam tetapi untuk membungkus kejahatan mereka mengutip wang rakyat dengan cara yang tidak halal. Ini yang sebenarnya. Saya kasihan. Yang Berhormat dari luar datang mempertahankan. Sekarang ini hendak buat

balik, kutip wang lagi. Pemimpin PAS buat ceramah kutip wang lagi. Ini wang rakyat yang tidak diakaunkan yang tidak didedahkan, yang tidak ada siapa hendak dipertanggungjawabkan wang ini. Sekarang ini kutip wang lagi, kononnya dihantar rombongan-rombongan dan wang lagi dikutip. Asasnya ialah wang.

Di kampung yang sama dahulu, apabila PAS halau pelajar ini daripada Tadika, orang kampung kata anak kami hendak belajar mana? Balai Raya sudah tidak boleh. Buat bangunan, kutip.

Tuan Salahuddin bin Ayub [Kubang Kerian]: *[Bangun]*

Timbalan Yang di-Pertua [Datuk Dr. Yusof bin Yacob]: Yang Berhormat bagi Kubang Kerian.

Tuan Salahuddin bin Ayub [Kubang Kerian]: Tuan Yang di-Pertua, saya berharap benda ini tidak panjang dalam Parlimen ini. Kalau Yang Berhormat bagi Kemaman boleh bersetuju, kita tamatkan cerita ini dengan satu persetujuan. Saya cadangkan diadakan pertemuan di antara pimpinan UMNO Terengganu dengan PAS. Saya bersedia untuk jadi wakil, Yang Berhormat bagi Kemaman juga sedia jadi wakil. Kita berjumpa, kita muzakarah. Selesai benda ini dengan baik. Sampai petang kita tidak selesai ini. Adakah Yang Berhormat bersetuju jaminan ini diberikan. Kita muzakarah, Insha-Allah.

Tuan Ahmad Shabery Cheek [Kemaman]: Saya minta Yang Berhormat juga bersetuju turunkan semua kain rentang, poster; hentikan ceramah PAS yang mengatakan Barisan Nasional runtuhkan masjid. Saudara sanggup tidak meminta maaf kepada rakyat Terengganu kerana telah mengelirukan rakyat tentang soal isu masjid ini?

Tuan Salahuddin bin Ayub [Kubang Kerian]: Bagi saya jaminan, Tuan Yang di-Pertua. Bagi saya jaminan kita bersetuju kedua pihak untuk bermuzakarah dan Insha-Allah saya akan tunaikan janji itu, setuju dahulu.

Tuan Ahmad Shabery Cheek [Kemaman]: Saya hendak tengok turun dahulu dan Insha-Allah apabila diturunkan saya ambil tanggungjawab kerana saya adalah Ketua Penerangan UMNO Negeri Terengganu, kalau tidak saya juga akan keliling negeri Terengganu dan seluruh negara terangkan tentang pembohongan, penyelewengan PAS dalam soal ini, bukan sahaja tentang masjid tetapi juga tentang penyelewengan-penyelewengan lain yang dibuat oleh PAS.

Timbalan Yang di-Pertua [Datuk Dr. Yusof bin Yacob]: Yang Berhormat, kita balik kepada akta.

Tuan Ahmad Shabery Cheek [Kemaman]: Betullah, akta ini saya hendak bagi tahu Tuan Yang di-Pertua. Sekarang ini orang bercakap tentang syariah. Syariah ini adalah perkara yang paling banyak dikelirukan, paling banyak disalahgunakan, paling banyak menimbulkan pelbagai masalah. Saya tidak kata syariah itu bermasalah. Ada orang yang menggunakan hujah untuk melaksanakan Undang-undang Islam misalnya bagi mempertahankan kedudukannya dan bagi mempertahankan sistem negara yang *corrupt* dan sebagainya. Ada orang juga yang menggunakan ini semua, syariah dan sebagainya juga untuk mengabui mata orang ramai untuk mendapatkan kuasa. Sebab itulah perlu saya ingatkan kepada rakan-rakan saya dalam PAS, bahawa satu perkara yang paling menakutkan kita buat undang-undang, tetapi syariah bukan sekadar undang-undang.

Syariah melibatkan cara hidup. Syariah melibatkan tatacara bermasyarakat. Syariah yang berasaskan kepada konsep kasih sayang, mewujudkan negara yang baik. Syariah tidak boleh dilaksanakan kalau diambil sececup sana sececup sini hanya untuk mempertahankan mereka yang berkuasa ataupun untuk mendapat kuasa. Sebab itulah dikaitkan dengan peristiwa yang saya sebutkan tadi. PAS apabila berkuasa di Terengganu, ia memerintahkan orang-orangnya untuk tadika, mungkin kalau sebut tempat lain satu dua kes. Ini lebih kepada 350 buah tadika seluruh negeri Terengganu. Ini secara terancang.

UMNO naik, antara program awal di Terengganu buat universiti. Ini pendidikan. Ini konsep Islam Hadhari, membina tamadun, kekuatan ilmu. PAS naik tutup sekolah asas pelajar Melayu Islam di sana. Tetapi dia buat untuk mempertahankan perbuatan ini, dia beritahu sebagaimana yang disebut oleh Yang Berhormat bagi Sri Gading tadi, semua

dibuat atas nama Islam. Pada waktu itulah diperkenalkan hudud, kononnya siapa yang menentang GSR ini menentang tindakan-tindakan mereka mengutip wang rakyat, menipu rakyat, menekan rakyat adalah menentang hudud menentang Islam. Bukan soal zalim sahaja, tetapi pandangan orang, imej Islam itu dirosakkan oleh parti yang bernama PAS ini.

Serentak dalam masa yang sama, kalau Rasulullah pergi ke Mekah, di ampun oleh Abu Sofian. Sepatutnya sebagai parti yang bernama Islam memberi tunjuk yang sama, teladan yang sama, sifat kasih sayang, pengampunan yang disertakan dengan pelaksanaan syariah, pelaksanaan Undang-undang Islam, pelaksanaan hudud bukan imej Islam yang dikaitkan dengan keganasan dan kekerasan. Tetapi ini yang dibuat oleh PAS. Sebab itulah kita boleh buat banyak undang-undang Yang Berhormat, Tuan Yang di-Pertua, Yang Berhormat Menteri, tetapi kalau undang-undang syariah ini dikaitkan dengan dalam masa yang sama dikaitkan dengan penindasan pada rakyat, penipuan pada rakyat, perbuatan mereka yang tamakkan kuasa dan inginkan kuasa menggunakan wang rakyat untuk kekenyangan perut mereka sendiri. Orang tolak PAS, PAS boleh kalah, tetapi kita bimbang akhirnya nama Islam itu yang kita sayang dan sanjung ini akan tercemar bukan kerana Islam yang tidak betul...

Dato' Razali bin Ismail [Kuala Terengganu]: *[Bangun]*

Timbalan Yang di-Pertua [Datuk Dr. Yusof bin Yacob]: Yang Berhormat bagi Kuala Terengganu bangun.

Tuan Ahmad Shabery Cheek [Kemaman]: Sila.

Dato' Razali bin Ismail [Kuala Terengganu]: Terima kasih Tuan Yang di-Pertua. Saya menjadi semakin kusut memikirkan tentang perjuangan parti pembangkang PAS ini. Kadang-kadang dibicarakan isu-isu itu dalam konteks negara Islam, malah pemimpin PAS Terengganu telah mengetengahkan konsep negara Islam. Bilakah dia mengenalkan? Barangkali ini merupakan satu *rebranding* baru. Apabila tidak ada modal-modal lain dengan contoh-contoh yang telah diberikan itu menyebabkan Islam ini semakin terkeliru. Kalau boleh sedikit penjelasan dari Yang Berhormat.

Tuan Ahmad Shabery Cheek [Kemaman]: Sebelum itu, saya mengajak rakan-rakan Yang Berhormat sekalian untuk menyokong rang undang-undang yang dibentangkan pada hari ini, sebab ia adalah merupakan permulaan pada suatu yang lebih besar di bawah kepimpinan Yang Amat Berhormat Dato' Seri Abdullah bin Haji Ahmad Badawi. Peraturan Islam tidak akan berkesan kalau polis kita korup.

Ini Pak Lah kena buat. Peraturan Islam, undang-undang apa, undang-undang yang mulia macam mana pun tidak akan dapat dilaksanakan dengan baik kalau di kalangan pemimpin kita yang memikirkan wang segala-galanya dan ini yang cuba sedang dilakukan sekarang. Kita berdoa Pak Lah berjaya dan kita minta orang PAS menyokong tentang usaha yang dibuat supaya Islam, syariah dilaksanakan, bukan sekadar pecilan undang-undang, secara *legalistic*, tetapi, secara keseluruhan. Sebab itulah, apabila ditanya tadi, bila PAS ini? Saya bukanlah orang yang paling arif tentang sejarah PAS tetapi setahu saya, waktu dahulu PAS bukanlah negara Islam sebagai asasnya. PAS memerintah Kelantan tahun 1959 sehingga tahun 1977. Dia tidak bercakap tentang Hudud di sana, tetapi hanya selepas kalah dalam pilihan raya tahun 1978 secara teruk, di Kelantan tinggal dua kerusi. Di Terengganu kosong. Berlaku keadaan dalam sejarah Terengganu, di dalam pilihan raya di Kelantan, PAS kalah semua kerusi Parlimen dan kerusi Dewan Undangan Negerinya.

Pada waktu itu, PAS mencari *brand* baru untuk ditawarkan kepada rakyat bahawa kita tidak boleh dengan cara lama. Dahulu isu PAS, yang dulu-dulu tentang apa? Fasal kenapa cuti hari Ahad? Kenapa UMNO berkawan dengan MCA, MIC? Kenapa berkawan dengan orang kafir? Siapa berkawan dengan orang kafir, maka mereka kafir. Dahulu, sebelum merdeka, waktu UMNO sibuk memperjuangkan kemerdekaan, UMNO ditubuhkan tahun 1946. Waktu itu PAS tubuh parti dia 1951, lima tahun kemudian.

UMNO tengah memperjuangkan kemerdekaan, dia kata apa guna hendak merdeka? Satu batang jarum pun tidak boleh buat, kerana dia lawan. Bila Sabah dan Sarawak hendak masuk menjadi sebahagian daripada Malaysia, PAS kata ini tidak sah. PAS tentang pada waktu itu, kerana mereka tidak dirundingkan sebab kerajaan hendak jadi

Persekutuan ini, Kelantan adalah sebahagian daripada kelab Kerajaan Persekutuan. Dia tentang kemasukan Sabah dan Sarawak tetapi apabila Sabah dan Sarawak sudah menjadi sebahagian daripada Malaysia, mereka pergi bertanding hendak jadi wakil rakyat di sana. Ya, kosong kalah, di Sarawak bertanding. Sepatutnya mereka tidak layak bertanding di negeri yang mereka tolak, kewujudannya dahulu. Mereka tidak sepatutnya di Malaysia yang merdeka kerana mereka tidak bersama dan menolak perjuangan untuk kemerdekaan pada waktu itu. Tetapi selepas kalah, mereka cari *brand* baru, *brand* baru. Ini yang berlaku dalam tahun 1978. Waktu itu baru bercakap. Waktu dahulu saya ingat pemimpin PAS, isteri-isteri mereka tidak pakai tudung macam sekarang, selendang sahaja.

Yang mula pakai orang-orang daripada ABIM dan kemudiannya baru ditukar cara dan imejnya. Saya ingat zaman Dato' Asri turun pakai baju batik sahaja. Tidak ada panggilan Tuan Guru, Tok Guru. Ini antara pengaruh apa yang disebutkan beberapa gerakan pada waktu itu. Apa yang berlaku di Iran, kepimpinan ulama Wilayatul Fakih dalam bahasa Parsinya, tentang kepimpinan ulama, kita pun ikut kepimpinan ulama.

Ada pemikiran-pemikiran diambil. Kalau diizinkan, misalnya tentang syariah ini, pemikiran daripada Timur Tengah ataupun Pakistan 'Al-Maududi'. Pakistan daripada Timur Tengah Syed Kutub misalnya. Buku yang menjadi bahan bacaan 'Mualim Fi Tareq' Petunjuk Sepanjang Jalan ataupun 'Fi Zilal Al-Quran' pada waktu itu yang mengatakan bahawa dalam dunia Islam ada dua sahaja, Islam atau jahiliah. Kalau buat Islam, Islam total, yang lain itu jahiliah. Kalau sesiapa yang tidak buat Islam total, wajib untuk ditentang dan pemberontakan dihalalkan. Ini yang menjadikan PAS radikal, yang menjadikan isu dua imam timbul pada waktu itu, yang membenarkan mereka buat masjid suku, yang membenarkan mereka berfikir bahawa sembelih orang UMNO tidak sah. Nikah orang UMNO tidak sah. Ini selepas kalah pilihan raya dan mereka terkeluar daripada Barisan Nasional pada waktu itu. Ingat...

Tuan Salahuddin bin Ayub [Kubang Kerian]: Tuan Yang di-Pertua, penjelasan.

Timbalan Yang di-Pertua [Datuk Dr. Yusof bin Yacob]: Ya, Kubang Kerian.

Tuan Salahuddin bin Ayub [Kubang Kerian]: Saya hendak tarik balik "radikal" itu. Tidak betul itu. [Ketawa] Kalau radikal, kami tidak ambil jalan macam ini. Saya boleh terima segala kritikan, tetapi jangan sampai *too much* lah, radikal. [Ketawa] Jadi, bahasa itu kena jaga Dato'.

Tuan Ahmad Shabery Cheek [Kemaman]: Terima kasih. Apabila PAS membawa orangnya ke Terengganu 19 hari bulan yang lepas, dua, tiga minggu yang lepas, mereka berteriak. Pasu-pasu bunga rosak. Kereta salah seorang daripada Exco Yang Berhormat Rasul dirosakkan. Seorang pemimpin mereka daripada dahulunya wakil rakyat Kuala Kedah, kawan saya sekarang ini telah dikalahkan oleh sahabat yang menjadi jiran saya. Ada manteranya. "Hancur, hancur, hancur, hancur UMNO!", ini tidak radikal? "Hancur, hancur, hancur, hancur Idris!". Ini tidak radikal? Dalam ini sahaja sopan sedikit. Bukan Idris Tangga Batu, minta maaf. Idris Jusoh dimaksudkan.

Tuan Haji Idris bin Haji Haron [Tangga Batu]: [Bangun]

Timbalan Yang di-Pertua [Datuk Dr. Yusof bin Yacob]: Ya, Yang Berhormat...

Tuan Haji Idris bin Haji Haron [Tangga Batu]: Berdiri tidak apa. Saya hendak minta patah balik cerita tadi. Saya tengah sedap dengar. Jangan potong yang sekarang ini. Cerita zaman 70-an, 80-an bila dia kalah, bermula dengan slogan-slogan itu, patah balik.

Tuan Ahmad Shabery Cheek [Kemaman]: Ini dua-dua sedap, ada orang kata.

Tuan Haji Idris bin Haji Haron [Tangga Batu]: Okey.

Tuan Ahmad Shabery Cheek [Kemaman]: Radikal tidak radikal. Minta maaf lah saya sebutkan. Dia boleh berkata tuan-tuan, kalau orang Cina sudah buat perumahan baru, dia bina 'tok pekong' dia. Kalau orang India buat kuil dia, kenapa orang ini hendak buat perumahan baru, hendak bina masjid tidak boleh? Dia samakan dengan 'tok pekong' yang tidak perlu mukalaf sebagainya.

Seorang Ahli: Astaghfirullah!

Tuan Ahmad Shabery Cheek [Kemaman]: Kalau benar PAS yakin bahawa konsep hijrah mesti dimulakan dengan masjid, kenapa waktu memerintah dahulu, mereka tidak buat undang-undang, setiap perumahan baru mesti dimulakan dengan masjid, tidak ada di Terengganu, tidak ada di Kelantan sekarang ini. Bila kalah, baru bercakap konsep setiap kawasan perumahan mesti buat masjid dahulu walaupun tidak ada orang di sana.

Seorang Ahli: Astaghfirullah!

Tuan Ahmad Shabery Cheek [Kemaman]: Ini tidakkah radikal?

Tuan Salahuddin bin Ayub [Kubang Kerian]: Tuan Yang di-Pertua, saya minta laluan. Radikal bukan sahaja slogan radikal, apa makna radikal? Buka kamus balik. Roboh rumah itu dengan buldozer, itu tidak radikal? Yang Berhormat Tuan Yang di-Pertua, pada zaman Rasulullah SAW...

Beberapa Ahli: [Menjawab salam]

Tuan Salahuddin bin Ayub [Kubang Kerian]: ... peristiwa sebelum Perang Tabuk. Perang Tabuk ini ialah misi yang terakhir Rasulullah kerana digambarkan pada waktu itu, orang-orang di sebelah Syria yang berada di bawah Rome pada waktu itu akan melancarkan *pre-emptive* terhadap Kerajaan Islam di Madinah pada waktu itu, macam Amerika serang Afghanistan apa, *pre-emptive* daripada pedagang. Rasulullah kerahkan umat Islam, mari kita pergi ke Tabuk, berperang di sana. Dalam sejarah, ini adalah merupakan cabaran yang terbesar Rasulullah kerana Tabuk itu paling jauh. Dahulu berperang dengan kabilah-kabilah.

Saya hendak sebut cerita pasal roboh dikatakan radikal. Pada waktu itu, ramai orang munafik tidak mahu pergi dan ada juga orang menjadi tali barut musuh. Antaranya yang bernama 'Abu Amir Ar-Rahim' seorang bekas pendeta Nasrani pada waktu itu yang sebelum kedatangan Rasulullah ke Madinah, Abu Amir ini terkenal kerana dia punya kesederhanaannya, ibadatnya, apa dan sebagainya dan ini meramal ada pemimpin besar datang. Tetapi Rasulullah sampai dia hilang pengaruh. Dia cemburu dan dia berpakat dengan orang munafik dan musuh Islam. Antaranya dia membuat satu masjid berdekatan dengan Masjid Quba di pinggir bandar Madinah pada waktu itu.

Kata Rasulullah s.a.w. kenapa perlu buat masjid kerana sudah ada masjid di sebelah tu. Dia kata untuk orang perempuan, orang cacat dan untuk orang miskin, dan diletakan imam pada waktu itu seorang yang hafiz Quran dan menjemput Rasulullah s.a.w. datang bersolat untuk memberi pengiktirafan padanya. Rasulullah s.a.w. mengaku "Saya akan datang sepulang saya daripada Tabuk". Saya tidak mahu hurai sejarah Tabuk, tidak ada berlaku peperangan besar kerana tentera musuh lari. Kalau tengok *Kingdom of Heaven* misalnya tahu konsep perang pada waktu itu. Kepulangan Rasulullah s.a.w. dua hari hendak sampai di Madinah, orang daripada masjid tadi menuntut "Ya, Rasulullah, kamu sudah berjanji hendak sembahyang", maka pada waktu itu turun surah At-Taubah ayat 107 hingga 110 yang mengatakan "Jangan sembahyang di masjid itu". Itu timbul perkataan '*masjid dhiraran*' yang bermaksud 'masjid pemusnah' dan Rasulullah s.a.w. bertindak mengerahkan sahabatnya membakar masjid tersebut. Rasulullah s.a.w. pernah membakar bangunan yang digelar oleh golongan munafik sebagai masjid. Saya tidak kata di Bujal itu masjid ataupun tidak tetapi dalam sejarah ada bangunan yang dipanggil masjid pun dibakar, inikan pula bangunan biasa yang dibuat secara haram. Bukan perkara baru. PAS tidak pernah merobohkan ...

Timbalan Yang di-Pertua [Datuk Dr. Yusof bin Yacob]: Sri Gading.

Datuk Haji Mohamad bin Haji Aziz [Sri Gading]: Terima kasih Tuan Yang di-Pertua. Hebat Yang Berhormat bagi Kemaman ini Tuan Yang di-Pertua.

Timbalan Yang di-Pertua [Datuk Dr. Yusof bin Yacob]: Dalam Parlimen ini Yang Berhormat banyak yang hebat.

Datuk Haji Mohamad bin Haji Aziz [Sri Gading]: Hebat. Yang Berhormat bagi Kemaman menceritakan satu sejarah yang telah pun tercatat dalam sejarah. Kalau dalam Rasulullah s.a.w. pun disuruh roboh masjid ini kerana dibuat oleh orang munafik, yang dipanggil munafik di Madinatul Munawarah untuk memesongkan sebenarnya aqidah orang

Islam. Rasulullah s.a.w., apatah lagi masjid di Bujal ini. Ini yang dikatakan masjid apa benda? Ini pun munafiklah juga tetapi oleh sebab PAS, Islam itu mempergunakan dan memperalatkan Islam maka panggillah masjid kerana politik sahaja.

Yang Berhormat Kubang Kerian ini pun faham Tuan Yang di-Pertua, dia ketua Pemuda PAS yang terbaikkah saya ingat tetapi kerana parti suruh dia mempertahankan juga walaupun batil itulah dia bangun. Kesian Yang Berhormat Kubang Kerian, orang baik dan sahabat saya, baik dia tetapi apa hendak buat kerana parti dia. Tetapi kalau tanya hati dia, dia bersetuju dengan Yang Berhormat Kemaman ini tetapi apakan daya sudah termasuk dan terjerat ke dalam parti yang memang memusnahkan agama, apa hendak buat. Sorong jugalah kepala walaupun kepala pecah, hendak diapakan. [Ketawa] Allah, hai kesian.

Tetapi Yang Berhormat Pasir Mas lain pula, dia lain sedikit daripada Yang Berhormat Kubang Kerian, dia pun orang baik juga. Tetapi itulah sudah terjerat dalam parti yang sebenarnya tidak menguntungkan Islam dan bangsa. Sebab itu saya cadangkan tadi bubarkan sahajalah PAS. Memang Yang Berhormat Kemaman tidak ada kuasa untuk mengulas apa yang saya katakan ini tetapi saya harap pemimpin PAS dengarlah rayuan saya ini. Demi kebaikan Islam dan demi kebaikan Melayu bubarkan PAS. Ramai-ramai pakat masuk UMNO maka selesai masalah. Tuan Yang di-Pertua bersetuju? Terima kasih.

Timbalan Yang di-Pertua [Datuk Dr. Yusof bin Yacob]: Tanya Yang Berhormat Kemaman.

Tuan Ahmad Shabery Cheek [Kemaman]: Yang Berhormat Tuan Yang di-Pertua, ini cerita kalau roboh tu dikatakan radikal. Baru-baru ini waktu PAS memerintah diberi kawasan tanah kepada orang dia, dia tengok dalam peta ada kosong dia bagi. Salah satu daripada tempat yang kosong itu ialah sudah ada bangunan fardu 'ain di sebuah kampung yang bernama Kampung Paya Berenjut di Kemaman. Bangunan fardu 'ain ini telah dibuat pada zaman Tan Sri Wan Mokhtar dahulu dengan belanja RM20,000 untuk orang kampung belajar fardu 'ain di situ.

Dia tengok dalam peta tidak ada, ini tanah kerajaan maka bagi pada orang PAS. Bila sampai surat notis kalau tidak buat bangunan apa-apa maka luputlah LMS lesennya pada 31hb Disember 2004 apa dia buat? Ini baru ni, sebelum 31hb Disember yang lepas, dah kalah pun. Dia kerah orang-orang dia pakat ramai-ramai dengan bengisnya datang ramai-ramai meruntuhkan bangunan kelas fardu 'ain tadi kerana hendak buat bangunan dia. Ini dia orang yang dikatakan parti yang bercakap tentang Islam dan menegakkan hudud dan undang-undang Islam.

Timbalan Yang di-Pertua [Datuk Dr. Yusof bin Yacob]: Yang Berhormat Rantau Panjang bangun.

Tuan Ahmad Shabery Cheek [Kemaman]: Sebab tadi timbulkan soal runtuh.

Tuan Haji Abdul Fatah bin Haji Haron [Rantau Panjang]: Ini kawan lama saya ni tetapi nampak dia ada lagi kesan-kesan militan kerana pergi Iran sama saya 40 hari. Tetapi saya sudah tidak, dia ada lagi, orang baru. Biasalah orang baru masuk UMNO dia mesti bersikap lebih UMNO daripada orang UMNO, biasalah ye tak. Baguslah tu.

Cuma saya hendak cakap secara kebetulan, oleh kerana Yang Berhormat ini ialah Ketua Penerangan UMNO negeri Terengganu sekarang ini saya rasa lebih baik kita tunda dahulu untuk membahaskan masalah perkara yang dibentangkan di sini, biar peluang dia bercakap atas tiket UMNO sebagai Ketua Penerangan UMNO Terengganu. Kita pakat ramai-ramai dengar, saya syok dengar UMNO bercakap ni terutama Ketua Penerangan dia. Yang ini kita ketepikan dahulu. Menteri pun ada esok, menteri boleh tunggu lagi esok, yang ini untuk menjawab lusa, kita bahas hari ini. Hari ini kita dengar UMNO bercakap. Setuju Kemaman? Minta jalan setuju.

Timbalan Yang di-Pertua [Datuk Dr. Yusof bin Yacob]: Yang Berhormat, dia dah bercakap kaitkan dengan syariah.

Tuan Ahmad Shabery Cheek [Kemaman]: Saya rasa Tuan Yang di-Pertua, sebenarnya yang duduk di sana itu panas kerana dia tidak boleh mendengar. Bila Sayidina

Omar mengatakan bahawa orang munafik ini, salah satu sifat orang munafik ini tidak pernah memikirkan sifat munafik itu ada pada dirinya sendiri. Saya tidak kata sesiapa, ini ingatan kepada diri saya. Kata Hassan al Basri, seorang ulama yang hebat satu ketika dahulu "kalau orang munafik ada ekor yang panjang-panjang, kita hendak jalan ke kota pun tak boleh mesti terpijak kerana banyak".

Saya tidak tuduh sesiapa munafik tidak mengaitkan kepada sesiapa. Katanya lagi "orang munafik ini tidak ditumbuhkan tanduk,, tidak ditumbuhkan ekor panjang macam gambaran iblis misalnya ada tanduk, tidak ada sebenarnya sama sahaja tetapi antara sifat mereka ialah pertama tamak dan kedua takut kepada kebenaran". Dengarlah kalau ini di jaja di bawah cerita kita robohkan masjid "Eh, siapa ada dengar bahawa Barisan Nasional ialah pembina masjid - kerajaan yang membina masjid tidak akan merobohkan masjid". PAS tidak buat masjid di Kemaman.

Tuan Haji Idris bin Haji Haron [Tangga Batu]: *[Bangun]*

Tuan Ahmad Shabery Cheek [Kemaman]: Sila Yang Berhormat Tangga Batu.

Tuan Haji Idris bin Haji Haron [Tangga Batu]: Terima kasih Tuan Yang di-Pertua dan terima kasih Yang Berhormat Kemaman. Saya bercakap atas tajuk Ketua Penerangan UMNO Melaka, hendak kongsi sedikit dengan Ketua Penerangan Terengganu ini.

Timbalan Yang di-Pertua [Datuk Dr. Yusof bin Yacob]: Yang Berhormat, Yang Berhormat Ahli Yang Berhormat Tangga Batu.

Tuan Haji Idris bin Haji Haron [Tangga Batu]: Ya, saya betul, betul. Tuan Yang di-Pertua, saya lihat apa yang telah dilakukan oleh penyokong-penyokong PAS Terengganu yang merobohkan kelas fardu 'ain sungguh bercanggah dengan apa yang dia katakan seolah-olah mereka ini adalah memperjuangkan dan menegakkan Islam. Di Melaka Yang Berhormat Kemaman, tahun 1990 kerajaan telah berbincang dengan pemimpin PAS yang mewujudkan sebuah sekolah dipanggil al Falah ketika itu, kemudian mengambil alih sekolah itu dan hari ini telah dijadikan Kolej Teknologi Islam yang pertama. Kita tidak robah tetapi kita panggil dia bubarkan sekolah ini kemudian kerajaan ambil alih dan hari ini telah menjadi Kolej Teknologi Islam yang pertama dan telah pun dirasmikan oleh Yang Amat Berhormat Perdana Menteri baru-baru ini. Ha, ini dia beza kerajaan PAS di Terengganu dahulu dengan kerajaan Melaka dari tahun 1993 sehingga hari ini. Itu yang hendak saya beritahu kepada Yang Berhormat.

Tuan Ahmad Shabery Cheek [Kemaman]: Tahniah Yang Berhormat Tangga Batu dan tahniah kerajaan Melaka yang sudi mengambil bangunan begini untuk diperkasakan lagi dan tidak seperti PAS yang merobohkan tempat budak-budak belajar, kelas fardu 'ain untuk orang kampung belajar. Dirobuhkan bukan kata hendak buat tempat berzanji, berzikir ataupun untuk belajar tahfiz Quran ataupun masyarakat hendak buat rumah dia. Tahu tak, bila setengah balai raya itu tidak digunakan kerana sudah tidak ada budak sekolah lalu dilelong RM300 siapa hendak kayu.

Ini berlaku di Terengganu dan dia bercakap atas nama Islam semua ini. Tentang kita hendak buat undang-undang syariah dan sebagainya kena ingat tentang undang-undang syariah yang dibuat oleh PAS dan konsep dan pendekatan Islam yang dibuat oleh PAS. Kita hendak beritahu. Kembali pada soalan Yang Berhormat bagi Kuala Terengganu tadi. Ada pemikiran yang menyatakan bahawa bila disebutkan pemikiran seperti Syed Khutub tadi ini pemikiran yang menjadi asas ideologi yang ada sekarang. Jahiliah, Islam. Islam mesti ini, ini, ini. Tidak buat ini jahiliah wajib perang ataupun ditentang ataupun ditipu. Buat berunding itu adalah muslihat. Lepas perundingan kita buat cara kita. Ini dia. Pemikiran siapa?

Antara yang menjadi pemikiran asas kepada pemikiran ini kembali kepada pemikiran Ibnu Taimiyah, seorang ulama besar abad yang ke 14. Ini menjadi asas yang banyak, menjadi asas pemikiran-pemikiran ideologi Islam terutama di awal kurun ini yang banyak mempengaruhi pemikiran-pemikiran Islam kita, parti Islam, pergerakan Islam dan sebagainya. Ibnu Taimiyah adalah seorang yang hebat pemikirannya. Tetapi kena lihat sejarahnya. Ibnu Taimiyah dilahirkan dalam tahun 1268 Masihi abad yang ke13. Beliau meninggal dunia dalam tahun 1328, 60 tahun kemudiannya. Wujud dalam dua abad. Abad

13 dan abad 14. Di bawah Dinasti Kerajaan Kesultanan Mamluk iaitu selepas wafatnya Sultan Salahudin Al-Ayubi, seorang pemimpin Islam terkenal, itu zamannya hendak beritahu.

Tetapi zaman itu saya hendak beritahu Ibnu Taimiyah dilahirkan di Baghdad tetapi Baghdad telah didatangi oleh tentera Mongol, diserang, dimusnahkan dan ramai yang mati dipancung oleh tentera Mongol pada waktu itu, tentera Kublai Khan datang dan Ibnu Taimiyah antara menjadi mangsa pada usia enam tahun terpaksa lari ke Syria. Bila besar dia menjadi seorang ulama yang besar. Antaranya mempertikaikan sikap banyak pemikir-pemikir Islam pada waktu itu yang sibuk dengan ilmu mistik, tarekatnya, tentang soal kerohanian yang dikaitkan dengan soal-soal cari keramatlah dan sebagainya, sehingga dia tidak popular di kalangan ulama yang ada pada waktu itu.

Tetapi Ibnu Taimiyah tidak pernah menjadi seorang yang penentang kerajaan Mamluk walaupun pernah di penjara atas isu yang tadi. Tetapi di akhir abad ke 13 tadi, saya ingatkan balik dia dilahirkan tahun 1268. Di akhir, kira-kira 20 tahun lepas itu di akhir tahun abad yang ke 13 tadi, tiba-tiba dengan hidayat daripada Allah S.W.T., pemimpin Mongol masuk Islam, menjadi Islam. Pemimpin Mongol yang dipimpin oleh Halagu pada waktu itu tiba-tiba jadi orang Islam. Mengucap dia kalimah syahadah, solat lima waktu, berpuasa di bulan Ramadan tetapi masih lagi dengan cara ganas pada waktu itu menyerang, mengembangkan empayar, mengembangkan takluk Mongolnya sampai sekarang ini yang banyak 'Khan', di Pakistan, 'Khan' di India, Akbar Khan misalnya daripada keturunan Kublai Khan sebagainya. Ini zaman 'Khan' dan sebagainya yang datang sampai ke sini.

Persoalannya, pada waktu itu Ibnu Taimiyah dididik secara membesar dengan keadaan benci pada Mongol. Macam mana orang Palestin dengan Israel sekarang, dengan Yahudi ada sekarang. Pada waktu itu menjadi dilema kepada banyak pemikir Islam. Sekarang ini, Mamluk antara pertahanan yang paling depan Islam, Kerajaan Mamluk pada waktu itu, bagaimana kita hendak lawan Mongol. Tiba-tiba Mongol dah jadi Islam ini. Macam mana? Inilah pemikiran Ibnu Taimiyah, dia kata, apakah cukup seorang itu dianggap Islam kalau hanya sekadar sembahyang, kalau hanya sekadar mengucap dua kalimah syahadat ataupun sekadar berpuasa tetapi dia tidak laksanakan undang-undang Islam. Itu timbul kerana pada waktu itu pemimpin Mongol masih melaksanakan undang-undang dipanggil undang-undang Yassa.

Undang-undang Mongol pada zaman itu, yang campur Mongol, campur Hindu, campur Kristian dan sebagainya, digunakan ini isu untuk mengekalkan semangat Arabnya pada waktu itu menentang kerana dia rasakan bahawa Mongol masih lagi hendak mengembangkan pengaruhnya kepada negara-negara Arab yang lain. Kerajaan Mamluk paling suka dengan pemikiran ini kerana bagaimana hendak gerakkan semangat tenteranya, bagaimana hendak terus kutip cukai. Kalau tidak ada satu pemikiran intelektual, pemikiran yang mengesahkan bahawa Mongol tidak cukup sekadar Islam dan pemikiran ini kadangkala diambil *out of context*, mencari jalan bagaimana untuk mengkafirkan UMNO sebagaimana yang berlaku dahulu. Ini kita bukan Mongol.

Tuan Haji Ismail bin Noh [Pasir Mas]: [Bangun]

Tuan Ahmad Shabey Cheek [Kemaman]: Pada waktu saudara, Yang Berhormat bagi Kubang Kerian.

Timbalan Yang di-Pertua [Datuk Dr. Yusof bin Yacob]: Yang Berhormat Pasir Mas, bangun.

Tuan Haji Ismail bin Noh [Pasir Mas]: Terima kasih, Tuan Yang di-Pertua dan terima kasih, Yang Berhormat bagi Kemaman. Saya berterima kasih banyak di atas penerangan, di atas banyak pandangan yang telah diberi oleh Yang Berhormat. Saya mengikuti daripada awal tadi sehingga ke noktah yang terakhir di mana dikaitkan dengan PAS menyatakan UMNO kafir. Adalah luar daripada ingatan saya, saya mengikuti daripada dewasa sampai sekarang ini, di mana PAS tidak menentukan siapa yang kafir, tidak saya rasa. Cuma dibaca ayat al-Quran nur Karim [*Membaca sepotong ayat al-Quran*] dan dikaitkan dengan Ibnu Taimiyah. Kita bukan mengambil hukum daripada Ibnu Taimiyah dan kita tidak berkesan dengan apa yang dicadangkan oleh Syed Khutub r.a. Walaupun

kita baca buku itu dan sahabat saya pun baca buku itu, sama-sama kita baca. Bukan situ kita pergi. Kalau situ kita pergi kita tidak masuk sistem pilihan raya ini.

Kita masuk pilihan raya, kita menerima kalah dan kita menerima menang. Kelantan berapa kali kalah dan berapa kali menang. Kalau kita gunakan cara Syed Khutub itu bukan cara itu. Kita tidak guna. Kita baca tetapi kita tidak guna. Kita mengikuti situasi yang ada di negara kita berdasar, bersumberkan kepada al-Quran sunnah Rasulullah s.a.w, Ijmak Ulama dan kias muktabar. Bukan rujukan kita kepada kitab, pada buku 'maalfithoriq' ataupun bukan rujukan kita kepada Ibnu Taimiyah. Ibnu Taimiyah lahir pada tahun 1200. Islam lahir lebih awal daripada Ibnu Taimiyah. Bukan kerana kita berkesan dengan apa yang berlaku dilakukan oleh Mongol kepada Kerajaan Islam di waktu itu maka balasan daripada Ibnu Taimiyah yang merasa dendam kepada Mongol dibuat dengan caranya. Mengkafirkan Mongol dan sebagainya ataupun mengkafirkan orang dengan cara dia sendiri.

Kita tidak mengkafirkan siapa-siapa. Beritahu siapa yang mengkafirkan siapa. Sepanjang ingatan saya walaupun saya datang kemudian daripada PAS 1951 dan saya dewasa kemudian baru melibatkan diri dalam PAS tetapi saya baca cerita-cerita sedemikian. Tok Guru Nik Aziz tidak pernah mengkafirkan orang UMNO. Penceramah-penceramah PAS tidak pernah mengkafirkan si polan si polan. Tetapi bila membaca ayat al-Quran secara umum *wamallamyahkum*, Datuk Menteri pun ada bersama dengan kita. *Wamallamyahkum* - ayat ini 'tufidulumum', [*Bercakap dalam bahasa Arab*], maknanya menunjukkan kepada umum tidak kira siapa dia. Dalam keadaan begitu pun bukan garis kepada semua manusia, tidak.

Ada pentafsiran dia, ada dari segi amanah keilmuan dia dan kalau ada pun orang-orang tertentu, orang itu sudah masuk UMNO. Orang-orang tertentu sudah masuk UMNO sudah lama, tidak ada dalam PAS. Sekarang ini tidak ada dalam PAS, orang itu. Tidak perlulah Yang Berhormat kaitkan lagi benda-benda yang bagi saya sudah tidak ada benda itu, dok kait lagi, dok cungkil lagi darah-darah dan bisul-bisul yang lama. Untuk apa sebenarnya? Untuk apa yang kita dok cungkil lagi kudis lama ini kalau tidak bermaksud untuk mencari satu perkara.

Saya tidak hendak berkelahi di sini. Saya boleh sabar mendengar hentaman, mendengar berbagai-bagai lagi yang disebut oleh Yang Berhormat tadi. Yang disebut oleh Yang Berhormat bagi Kubang Kerian kita hentikan dahulu fenomena itu di sini. Kalau kita hendak bincang, kita hendak apa, kita bawa balik ke Terengganu. Yang Berhormat Tuan Salahuddin bersedia untuk menjadi orang tengah dan kalau Yang Berhormat sudah bersetuju, kita buat di Terengganu. Kita alihkan pandangan di sini, jangan cuba...

Saya bukan apa, bukan hendak mempertahankan itu ini tetapi tidak sedap sangatlah bila ditikam-tikam. Orang ini kalau sudah kalah, berhentilah pukul. Tetapi orang Melayu ini kalau sudah kalah, berhenti pukul. Kalau dia bangkit, dia tikam balik. Tabiat dan budaya orang Melayu macam itu. Kami duduk diam, kami tidak kata apa-apa, kami senyap tetapi jangan dok asak lagi. Bila kami sudah 'parak', sudah tidak boleh pergi, barangkali sudah semacam *surrender*, tetapi dipukul dan diketuk lagi.

Saya bimbanglah. Kerana itulah usah dibangkit lagi perkara-perkara sembahyang dua imam, nikah dengan imam lain, kubur - dua kubur dan berbagai-bagai lagi, sembelih, cukup. Ia sudah berlalu, hendak bangkit apa lagi? Kalau hendak bangkit, tidak sudah di sini, boleh bangkit di luar. Yang Berhormat orang jantan, saya pun orang jantan juga.

Beberapa Ahli: [*Menyampuk*]

Tuan Haji Ismail bin Noh [Pasir Mas]: Betul, betul, betul.

Timbalan Yang di-Pertua [Datuk Dr. Yusof bin Yacob]: Ya, cukup Yang Berhormat.

Tuan Haji Ismail bin Noh [Pasir Mas]: Yang Berhormat lelaki, saya lelaki, tidak ada apa pun, tidak ada benda besar sangat hidup dalam dunia ini. Tetapi jangan kita, setelah kita insaf semua untuk mencari... Selalu bila saya berucap ini, saya puji Yang Berhormat Dato' Menteri, usaha Dato' untuk melaksanakan Islam di negara kita. Kelmarin saya puji menteri. Banyak saya puji menteri. Saya tidak hentam menteri sekarang ini.

Kepimpinan PAS sendiri pun sebut, “Ustaz, dalam Parlimen ini kita gunakan medan dakwah kita, bukan hendak hentam siapa-siapa.” Maka kami cari. Bukan kerana kami kalah, tidak. Kalau kami kalah, kami lari.

Lembu yang berlaga, yang kalah dia lari, tetapi kami duduk juga, bukan kami lari, bukan kami kalah, cuma kami tidak menang lagi. Kalau kami kalah, kami lari macam lembu berlaga. Yang Berhormat, lembu bila dia berlaga, berlaga, berlaga, kalah dia, dia lari. Kami tidak lari, kami boleh tahan kerana bukan kami kalah, cuma kami tidak menang dalam pilihan raya. Kami boleh duduk, kami boleh tunggu sini.

Kita akan mengikut suasana ini. Kami masuk pilihan raya, kami kalah, kami menang, kami boleh bersabar, ada. Barangkali baru-baru ini kita kalah, tahun 2008 ini kami boleh menang pula. *[Membaca sepotong Al-Quran]* “Begitulah masa berlaku kepada manusia.” Tetapi janganlah Yang Berhormat bagi Kemaman yang saya kenal peribadinya, saya kenal agamanya, saya kenal akhlakanya, tidak usahlah dok bangkit, dok ungkit benda lama, pedih hati.

Beberapa Ahli: *[Menyampuk] [Ketawa]*

Tuan Haji Ismail bin Noh [Pasir Mas]: Pedih hati. Bukan pedih hati apa, tidak. Hendak mengatakan bahawa kita mengkafirkan orang UMNO, mana ada kita kafirkan orang UMNO. *[Disampuk]* Tidak, betul, saya sebut ini. Ada disebut, siapa dia sebut? Saya tidak pernah mengkafirkan orang UMNO. Tetapi kadang-kadang ayat, *[Membaca sepotong ayat Al-Quran]* “Siapa-siapa yang tidak menghukum dengan hukum Allah, bukan pandangan Ibnu Thamiyah, bukan pandangan Syed Kutub tetapi rujukan kepada Al-Quranul Karim. Tidak kira siapa. Tidak kira siapa itu maknanya baik si polan, baik si polan, baik si polan, tetapi dengan menentukan bahawa “kamu kafir”, itu saya rasa tidak benar.

Dan saya minta maaf, Yang Berhormat bagi Kemaman, tidak usahlah kita bangkit benda ini, kita masuk dan kita bincang dengan baik dan kalau tidak puas hati. Insya-Allah kita buat forum-forum di luar, insya-Allah. Saya bersedia untuk hadir dalam forum bersama-sama dengan Yang Berhormat sekalipun, semata-mata untuk mencari kebenaran dan kebaikan. Apa lagi masalah Terengganu, kita bagi di Terengganu.

Yang Berhormat hentam orang Terengganu sini, pimpinan PAS, dia tidak ada di sini. Hendak bela diri tidak boleh. Saya tidak tahu cerita dia. Adalah tidak adil kalau Yang Berhormat hentam pimpinan PAS Terengganu dalam Dewan ini di waktu mereka tidak berada di sini. Lebih baik Yang Berhormat Menteri Besar di Dewan Undangan Negeri Terengganu hentam balik pimpinan PAS di Terengganu kerana di sana ada pimpinan PAS ini. Saya rasa itu lebih baik daripada Yang Berhormat hentam saya di sini. Saya tidak ada kena-mengena. Hendak keluar, tidak munasabah, saya dengar juga.

Tetapi kalau berat-berat sangat, saya sebutkan tadi bahawa jangan cungkil benda-benda yang tidak baik kerana apa, kerana sudahlah selama ini kita berkelahi, kita tambah lagi dengan unsur-unsur yang boleh memanaskan keadaan, sedangkan pimpinan PAS sebut pada saya, “Ustaz cari cara yang terbaik untuk sama-sama kita bincangkan dalam Parlimen.”

Tuan Ahmad Shabery Cheek [Kemaman]: Terima kasih Yang Berhormat. Saya pun kalau tersinggung hati pun, saya minta maaf ya. Kita cara orang Islam ini tidak mahu hendak tajam sangat kalau tusuk itu, tidak perlu besar, kalau jarum itu kadang-kadang lebih pedih. Dalam soal ini saya..

Datuk Haji Mohamad bin Haji Aziz [Sri Gading]: *[Bangun]*

Timbalan Yang di-Pertua [Datuk Dr. Yusof bin Yacob]: Ya, Yang Berhormat bagi Sri Gading apa pula, Yang Berhormat?

Tuan Ahmad Shabery Cheek [Kemaman]: Boleh saya habiskan dahulu menjawab, Yang Berhormat bagi Sri Gading.

Sebenarnya saya bersyukur kalau dia katakan bahawa PAS sudah insaf dan sebagainya. Cuma bezanya antara PAS Kelantan dengan PAS Terengganulah nampak gaya. PAS Kelantan dan Terengganu nampak besar sangat beza. Betullah kata Terengganu tidak boleh hendak pertahankan diri dia, kalau kata kami tidak tahu apa, kalau

begitu kenapa Yang Berhormat pergi ke Terengganu, kawasan saya kalau betul-betul. *[Disampuk]*

Bujal itu kawasan saya. Yang Berhormat bagi Kubang Kerian tidak boleh jumpa saya dan tanya apa sebenarnya berlaku di Kemaman kalau ikhlas, tetapi keraahkan orang dia ramai-ramai, beribu-ribu bercakap dan naikkan poster, naikkan *banner* mengatakan kami roboh masjid. Saya tersinggung. Yang Berhormat tidak rasa pedih ke hati saya sebagai orang Islam dituduh sebagai merobohkan masjid sama dengan Yahudi, sama dengan perobohan Masjid Babri. Tidak pernah ke fikir?

Kalau fikir bahawa tidak ada tentang soal mengkafirkan, kalau sudah di situ ada masjid lain, kata tidak ada lagi dua imam, kenapa buat lagi masjid ini. Itu bukti yang terdekat, yang terhampir, yang terbaru bahawa PAS tidak pernah insaf. Sekurang-kurangnya PAS Terengganu tolonglah nasihat. Tolonglah nasihat PAS Terengganu. Sudahlah hendak buat masjid lain, masjid sebelah itu ada yang menyatukan orang. Situ ada 20 orang, hendak buat masjid lain pula ini kenapa? Kalau betul-betul mengatakan kami akan bersama dengan orang ramai, tidak akan memisahkan, tidak akan mengkafirkan, ini baru lagi dan cerita ini saudara-saudara yang pergi, orang dari luar Terengganu datang, bercakap, melaungkan kata-kata yang cukup pedih kita dengar bila dituduh bahawa kita merobohkan masjid sama dengan Yahudi dan sebagainya. Tolong nasihatkan mereka.

Sebab itulah, Yang Berhormat sekalian, saya juga mahukan kebenaran. Saya juga tidak mahu hanya senang di dunia tetapi menderita di hari akhirat. Ini semua pandangan rakan-rakan daripada UMNO, Barisan Nasional, kita semua orang Islam. Kita tidak akan buat perkara-perkara sekiranya boleh meruntuhkan perpaduan dan keutuhan kita umat Islam. Sebab itulah saya rasa saya berterima kasih di atas berlapang dada yang dikemukakan oleh Yang Berhormat. Terima kasih kerana sedia mendengar. Kalau pedih, kita sama-sama pedih. Tetapi kita mesti bangkit bersama menjadi umat yang kuat.

Sekian, wabillahitaufik walhidayah assalamualaikum warahmatullahi wabarakatuh.

Timbalan Yang di-Pertua [Datuk Dr. Yusof bin Yacob]: Ya, Yang Berhormat bagi Pasir Mas.

12.59 tgh.

Tuan Haji Ismail bin Noh [Pasir Mas]: Assalamualaikum warahmatullahi wabarakatuh. Terima kasih Tuan Yang di-Pertua dan terima kasih kepada semua Ahli Yang Berhormat. Pada pagi ini juga saya juga ikut sama mengambil bahagian dalam memberi pandangan kepada pindaan-pindaan kepada Rang Undang-undang Tatacara Mal Mahkamah Syariah (Wilayah-Wilayah Persekutuan) 1998.

Timbalan Yang di-Pertua [Datuk Dr. Yusof bin Yacob]: Yang Berhormat, Yang Berhormat hendak gulung ke atau hendak sambung ucapan?

Tuan Haji Ismail bin Noh [Pasir Mas]: Sambung ucapan.

Timbalan Yang di-Pertua [Datuk Dr. Yusof bin Yacob]: Baik, Yang Berhormat. Yang Berhormat sambung sebelah petang.

Tuan Haji Ismail bin Noh [Pasir Mas]: Sebelah petang.

Timbalan Yang di-Pertua [Datuk Dr. Yusof bin Yacob]: Ahli-ahli Yang Berhormat, waktu sekarang jam 1.00, Dewan yang mulia ini ditangguhkan sehingga jam 2.30 petang.

Mesyuarat ditempohkan pada pukul 1.00 tengah hari.

Mesyuarat disambung semula pada pukul 2.30 petang

*[Tuan Yang di-Pertua **mempengerusikan Mesyuarat**]*

Tuan Yang di-Pertua: Ahli-ahli Yang Berhormat, Yang Berhormat dari Pasir Mas akan menyambung ucapan.

Dato' Raja Ahmad Zainuddin bin Raja Haji Omar [Larut]: Peraturan Mesyuarat Tuan Yang di-Pertua. Sekejap ya?

Tuan Yang di-Pertua: Ya.

Dato' Raja Ahmad Zainuddin bin Raja Haji Omar [Larut]: Abang Awe duduk sekejap, ya. Ini pasal kita sedang membincangkan enakmen perbekalan Islam, sila hendak rujuk pada peraturan 14, Tuan Yang di-Pertua, yang dipanggil doa ini. Doa yang kita baca dalam Dewan setiap hari Tuan Yang di-Pertua, kalau ikut di sini saya minta penjelasan Tuan Yang di-Pertua, paragraf tiga yang dibaca oleh Setiausaha Dewan setiap hari itu yang kita mengaminkannya.

"Ya Allah kami sekalian hamba-Mu" saya ambil yang nombor tiga yang paragraf ketiga, "Ya Allah kami sekalian hamba-Mu yang diperkenankan menjadi ahli Dewan Rakyat menyempurnakan kewajipan yang diamanahkan yang terutama bagi negara Malaysia, bagi rakyatnya sekalian". Saya minta penjelasan daripada Tuan Yang di-Pertua adakah Setiausaha ini merupakan ahli Dewan Rakyat? Kalau ikutkan di sini kami sekalian ahli Dewan Rakyat kerana kita sekarang sedang membincangkan enakmen Rang Undang-undang Islam tentulah doa-doa ini bukan perkara yang main-main. Saya mohon penjelasan Tuan Yang di-Pertua kalau tidak sekarang mungkin kemudianlah, terima kasih.

Tuan Yang di-Pertua: Ahli Yang Berhormat, Setiausaha bagi Parlimen dan Setiausaha Dewan Rakyat pada hari itu membacakan doa bagi pihak Ahli-ahli Parlimen, bagi pihak Dewan Rakyat.

Dato' Raja Ahmad Zainuddin bin Raja Haji Omar [Larut]: Adakah kita hendak perbetulkan Tuan Yang di-Pertua? Sebab disebut sini, kami. "Ya Allah kami sekalian hamba-Mu yang diperkenalkan menjadi ahli Dewan Rakyat" Kami yang menjadi ahli, sedangkan Setiausaha bukan ahli.

Tuan Yang di-Pertua: Ya dia berdoa bagi pihak ahli-ahli.

Dato' Raja Ahmad Zainuddin bin Raja Haji Omar [Larut]: Adakah itu hendak diperbetulkan?

Tuan Yang di-Pertua: Kita takrifkan itu bagi pihak ahli-ahli, kemudian diperbetulkan tepat lagi kita akan...

Dato' Raja Ahmad Zainuddin bin Raja Haji Omar [Larut]: Saya bangkitkan perkara ini maklumlah pembangkang tahu sahajalah, sebelum pembangkang timbulkan baik kita, kita pun buat *research* juga jadi itu minta satu penjelasan, terima kasih Tuan Yang di-Pertua.

Tuan Yang di-Pertua: Itu fahaman sayalah sekarang ini mengenai perkara itu.

Dato' Raja Ahmad Zainuddin bin Raja Haji Omar [Larut]: Ya, ya terima kasih.

Tuan Yang di-Pertua: Sekarang sambung Yang Berhormat.

2.34 ptg.

Tuan Haji Ismail bin Noh [Pasir Mas]: Assalamualaikum warahmatullahi wabarakatuh. Tuan Yang di-Pertua, sebelum daripada saya meneruskan ucapan dalam membahaskan rang undang-undang ini suka saya mengucapkan selamat datang kepada guru-guru besar, ustaz-ustaz, penghulu-penghulu dan pemimpin-pemimpin masyarakat daripada kawasan Pasir Salak, selamat datang ke Parlimen.

Alhamdulillah saya bersyukur ke hadrat Allah S.W.T. kerana diberi kesempatan bersama dengan Yang Berhormat-Yang Berhormat lain untuk bersama-sama membahaskan dan membincangkan perkara yang dikira penting dalam sesi Parlimen pada tahun ini ataupun pada penggal ini iaitu membincangkan Rang Undang-undang Jenayah Syariah Wilayah Persekutuan.

Sebelum pada itu suka saya membaca petikan daripada ayat Al-Quran Nulkarim [Membaca sepotong ayat Al-Quran] Allah S.W.T berfirman dengan maksudnya, "Contoh

golongan yang mengambil selain daripada Allah S.W.T. sebagai pelindung kepada mereka, contoh mereka sama dengan labah-labah yang mengambil ataupun membuat sarang sebagai perisai mempertahankan dirinya dan keluarganya. Sesungguhnya rumah yang paling lemah iaitu rumah yang dibina oleh labah-labah”, Sadakallahul azim.

Daripada ayat yang saya bacakan sekejap tadi memberi suatu makna dan mesej, memberi suatu kefahaman bahawa kita manusia yang dijadikan oleh Allah S.W.T daripada semua kalangan yang ada tanpa mengira bangsa, mengira agama dan mengira etnik masing-masing tetapi kita hendak mengaku bahawa kita hamba Allah S.W.T sebagaimana yang selalu saya sebut di dalam Dewan ini bahawa kalau Dewan ini ada tuannya iaitu Tuan Yang di-Pertua sebagai tuan kepada Dewan ini dan negeri, negara ini ada tuannya, Yang di-Pertuan Agong sebagai tuannya maka dunia ini ada tuannya dan tuan itulah yang disebut “Rob”, yang disebut Allah S.W.T. Oleh kerana Allah S.W.T yang mempunyai sifat ketuhanan, sifat rububiyah dan sifat-sifat uluhiyah.

Sifat rububiyah iaitu sifat yang menjadikan segala sesuatu dan sifat uluhiyah iaitu sifat yang lahir daripada manusia untuk memberi ketaatan dan kepatuhan, tidak kepada yang lain tetapi kepada Tuhan yang menjadikan ataupun Tuhan yang mencipta manusia dan seluruh alam ini. Maka perkara-perkara yang terbabit di bawah penguasaan ini maka hendaklah ianya...

Dato' Raja Ahmad Zainuddin bin Raja Haji Omar [Larut]: Boleh minta penjelasan sedikit?

Tuan Yang di-Pertua: Ya, boleh Yang Berhormat Larut.

Dato' Raja Ahmad Zainuddin bin Raja Haji Omar [Larut]: Terima kasih Tuan Yang di-Pertua, sebelum itu saya turut mengalu-alukanlah Ahli-ahli UMNO daripada Parlimen Pasir Salak yang dipilih Tuan Yang di-Pertua yang turut hadir pada hari ini tapi saya minta berucap sedikitlah. Penjelasan daripada sahabat saya daripada Pasir Mas baik, bagus tapi masalahnya PAS sendiri apa juga yang cuba dibuat oleh Kerajaan Barisan Nasional, PAS seolah-olah cuba menidakkan apa juga kebaikan yang cuba diperkenalkan oleh Kerajaan Barisan Nasional. Minta penjelasan sedikit daripada Yang Berhormat terutama di Kelantan ini bagaimana? Terima kasih.

Tuan Haji Ismail bin Noh [Pasir Mas]: Saya bangkit pada hari ini bukan untuk menidakkan, untuk mengiakan satu kalimah yang saya bagi kepada Yang Berhormat. Saya bangkit pada hari ini bukan untuk menidakkan tetapi untuk menyokong apa yang baik kepada rakyat, kepada negara dan kepada ummah keseluruhannya. Apa yang baik kita kata baiklah, tidak akan yang baik kita kata tidak baik. Tunjukkan satu perkara saya bagi lagi satu minit kepada Yang Berhormat, tunjukkan satu perkara yang baik PAS kata tidak baik. Saya bagi peluang lagi, minta izin kepada Tuan Yang di-Pertua.

Dato' Raja Ahmad Zainuddin bin Raja Haji Omar [Larut]: Terima kasih, terima kasih Yang Berhormat. Saya pun tidaklah hendak mencabar Yang Berhormat. Saya menghormati Yang Berhormat sebagai orang tua sebab saya pun sudah tidak ada orang tua dah. Ini senario yang terakhir yang berlaku dalam PAS selepas Muktamar PAS yang diadakan baru-baru ini apabila kemunculan tokoh-tokoh muda baru ini. terutamanya Timbalan Presidennya orang muda, Setiausaha Agungnya daripada Tumpat. Apakah pandangan daripada Yang Berhormat seolah-olah ada transformasi baru yang cuba mengambil alih kepimpinan PAS seolah-olah kepimpinan yang ada sekarang ini tidak bertenaga lagi? Terima kasih.

Tuan Haji Ismail bin Noh [Pasir Mas]: Terima kasih kepada sahabat saya yang bertanya tadi. Sebenarnya pemimpin lama bukan tidak bertenaga. Pepatah Arab kata bahawa (*Membaca sepotong ayat Al-Quran*) tetapi hati manusia ini suka kepada yang baru, yang indah dan yang baru (*Membaca sepotong ayat Al-Quran*) Allah s.w.t sendiri bersifat indah dan Dia mahu benda yang indah. PAS mengemukakan sesuatu yang indah pada tiap-tiap tahun. Yang muda yang baru. Ahli UMNO pun saya kira begitu juga. Hendak yang muda hendak yang baru. Timbalan Perdana Menteri yang muda, apa salahnya. Dan tidak menjadi kesalahan kita mencari yang muda tetapi yang berpotensi, yang tidak bolehnya kita angkat seorang itu melalui wangnya melalui duitnya itu yang tidak boleh. PAS pun tidak boleh UMNO pun tidak boleh.

Kita angkat satu tokoh tadi melalui wang bukan melalui kreatifnya melalui cerdiknya. Melalui abkoryah dalam bahasa Arabnya melalui abkoryah melalui zaka'. Kalau melalui zaka' cerdik dia melalui shakafah, dia melalui *knowledge* dia yang bijak yang apa, tidak ada apa. Tetapi Rasulullah s.a.w pernah melantik Musammah bin Zaid yang baru berumur 16 tahun baru. Ha, ini saya bagi modal kepada Yang Berhormat. 16 tahun Rasulullah melantik Musammah bin Zaid. Timbalan Yang di-Pertua PAS, bukan berumur 16, 43 tahun. Cukup-cukup matang sebenarnya boleh berbahasa dengan dua tiga empat bahasa. Bahasa Arabnya, bahasa Inggerisnya hebat. Saya dengar kata bahasa Cina pun hebat. Payah tokoh muda yang begitu hebat yang dikemukakan oleh PAS maknanya PAS berjaya menonjolkan orang-orang yang mampu tidak melalui duit. Tidak perlu, tidak payah masuk apa ini dia punya tribunal. Tidak payah tubuh tribunal tidak payah tubuh itu berjalan dengan tabii, kita hendak begitu.

Saya tidak hendak masuk campur dalam masalah UMNO tetapi apa yang saya hendak jawab tadi bahawa memang tabiat kerana itulah kita melahirkan anak kerana kita sudah tua. Anak kita akan jadi pembantu kita, menjadi pengganti kita dan kita seronok bila dapat anak lelaki kerana anak lelaki akan mengambil tempat kita. Begitu juga PAS dia akan seronok melihat pemimpin-pemimpin muda akan datang selepas daripada apa ini silih berganti.

Dato' Raja Ahmad Zainuddin bin Raja Haji Omar [Larut]: Saya rasa saya hendak tambah sedikit yang terakhirlah, saya pun tidak mahu mengganggu Yang Berhormatlah. Bermakna Yang Berhormat setujulah dengan pandangan saya tadi umpamanya Pengkalan Chepa sudah ditolak, lepas ini mungkin Yang Berhormat, bagaimana pula Menteri Besar Kelantan ini yang diminta supaya mengundurkan diri sebab sudah berumur? Terima kasih.

Tuan Haji Ismail bin Noh [Pasir Mas]: Saya tengok Menteri Besar Kelantan dia masih mampu. Kita tidak kira umur, kita kira kemampuan. Tun Dr. Mahathir sendiri pun hingga ke 70-an umur dia kerana dia mampu bukan kerana tua, kerana mampu. Bila dia mampu umur berapa pun tidak kiralah, 70 ke, 80 ke dan sebagainya melihat kepada kemampuan. Kalau tidak mampu 30 tahun pun kena *reject*. 20 tahun pun kena *reject* kalau tidak mampu. Yang kita pun ada di sini kerana kita mampu bukan lihat pada umur tetapi melihat kepada kemampuan.

Saya sebutkan tadi bahawa kita mesti rujuk kepada pencipta alam ini iaitu Allah s.w.t dalam semua kegiatan kita dalam erti kata bahawa ada penyelarasan di antara pemerintahan malakut dengan pemerintahan yang berlaku di bumi ini. Pemerintahan Malakut ertinya pemerintahan Allah s.w.t yang menjaga segala *kaenat* - segala makhluknya kemudian yang berlaku di bumi ini juga mesti mempunyai penyelarasan dan keselarasan di antara bumi dengan langit untuk kesejahteraan umat manusia. Kerana itulah Allah s.w.t memberi amaran kepada kita jangan sekali-kali kita mengambil yang lain selain daripada Allah s.w.t.

Yang kedua, kita melihat sekarang ini, rata-rata dapat melihat, rata-rata dapat membaca dan melihat daripada kaca TV, membaca daripada surat khabar dan pelbagai lagi bagaimana jenayah - kita tidaklah mengambil jenayah secara globalnya, kita mengambil secara lebih sempit sedikit iaitu jenayah syariah. Jenayah syariah ini kita lihat di negara kita berkembang hebat, berleluasa hampir-hampir berlaku bukan dikira dengan jam lagi sekarang ini malah dikira sah dengan saat, jenayah-jenayah syariah yang berlaku di kalangan umat Islam di negara kita yang cukup-cukup membimbangkan kita dan penjenayah-penjenayah syariah ini kita nampak tidak gerun mereka dengan undang-undang syariah yang telah sedia ada ataupun dengan undang-undang, lebih umum lagi dengan undang-undang yang tersedia ada di negara kita ini yang membuatkan mereka mencipta hari-hari, mereka hari-hari. Orang lain tidur malam, mereka di waktu malam mereka mencipta, mereka merangka mereka mencipta mereka *create* suatu yang lebih canggih lagi daripada semalam. Kalau kelmarin barangkali mereka buat itu sahaja tetapi besok mereka tambah lagi dengan jenayah-jenayah syariah seolah-olah mereka tidak gerun dan tidak takut dengan sekatan-sekatan undang-undang, mahkamah-mahkamah syariah yang telah sedia ada.

Yang ketiga penjenayah lama melahirkan penjenayah baru. Kalau sekolah juga melahirkan intelektual dan sebagainya, penjenayah-penjenayah ini juga melahirkan

penjenayah-penjenayah baru. Dia seronok. Saya masih ingat lagi di waktu saya kecil di kampung saya ada sebuah pondok kebetulannya bapa saudara saya ini guru kepada pondok. Ada seorang kawan dia, orang ini yang peliknya dia pergi ke madrasah, solat, puasa Ramadhan, pergi solat tarawih tetapi dia suka mencuri. Keluar masuk keluar masuk penjara. Di tanya oleh tok guru ini, apa sebab yang selalu masuk penjara keluar penjara? Apa dia jawab? Dia kata seronok. Masuk penjara seronok. Kenapa tidak seronok dia kata, pagi sudah ada makanan yang tersedia ada di meja, tengah hari makanan yang lebih lazat lagi, petang ada makanan lagi, malam hendak tidur pun ada makanan. Jadi kalau di rumah tidak boleh, dia kata. Mana ada makanan macam itu kerana itulah dia kata, dengan bahasa Kelantannya dia kata, "Hambo, selepas masuk penjara kemudian gheko nak curi apo pulok".

Haa, duduk dalam penjara hendak keluar itu dua tiga hari itu, reka pula hendak curi apa. Hendak curi biri-biri? Hendak curi lembu? Hendak curi kerbau? Dia tidak curi benda-benda besar, dia curi benda-benda yang tiga bulan empat bulan penjara. Seronok dia. Sepanjang hidup dia itulah kerja dia. Kerja dia mencuri, mencuri, mencuri, mencuri sampai kepada akhir hayat dia begitulah keadaannya. Rupa-rupanya dia selalu melakukan kerja ini kerana dia seronok.

Oleh yang demikianlah kita kembali apa yang Allah s.w.t (*Membaca sepotong ayat Al-Quran*) Kebenaran itu daripada Allah, daripada Tuhan kamu, daripada Allah s.w.t dan jangan sekali-kali kita menjadi golongan-golongan yang ragu tentang kebenaran Allah iaitu kembali kepada apa yang dikehendaki oleh Allah s.w.t iaitu hukum syarak.

Tuan Yang di-Pertua yang dihormati, bila kita melihat kepada pindaan-pindaan ini kita melihat kepada banyak yang melibatkan kepada istilah ataupun *isghilaghawi* tetapi walau bagaimanapun bila disebut hukum syarak perpindahan daripada *Islamic Law* tadi kepada hukum syarak setidak-tidaknya dia boleh difahami oleh seluruh umat Islam di negara ini. Ha, ini suatu perkara yang baik dan saya - tadi Yang Berhormat Larut saya puji, setidak-tidaknya kita sudah bagi satu istilah yang tepat dan betul dan boleh dibaca dan boleh difahami oleh seluruh masyarakat Islam di negara kita dengan penukaran daripada *Islamic law* kepada hukum syarak.

Tuan Mohamed Razali bin Che Mamat [Kuala Krai]: [Bangun]

Tuan Haji Ismail bin Noh [Pasir Mas]: Sila.

Tuan Mohamed Razali bin Che Mamat [Kuala Krai] Terima kasih Tuan Yang di-Pertua, terima kasih Yang Berhormat bagi Pasir Mas. Saya tertarik dengan apa yang telah diperkatakan dan kita tahu dua tiga hari baru ini kita hendak tahu mengenai dengan pakar undang-undang ini - pasal Yang Berhormat bagi Jasin ini ada baru dua tiga hari mengenai dengan kas-kas.

Kita hendak tahu bagaimana dengan keadaan ini? Halal atau haramnya daripada penggunaan itu sebab ini telah ditimbulkan dalam akhbar-akhbar dan dalam Dewan ini sendiri. Kita hendak tahu bagaimana pendapat pakar mengikut apa yang telah diperkatakan itu? Terima kasih.

Tuan Haji Ismail bin Noh [Pasir Mas]: Terima kasih kepada Yang Berhormat bagi Kuala Krai. Saya mengucapkan terima kasih kerana Yang Berhormat peka dengan hukum syarak – halal ataupun tidak halal. Barangkali kita boleh rujuk kepada Majlis Fatwa ataupun kepada mereka yang mempunyai bidang khusus kepada perkara-perkara tersebut. Saya sendiri kerana saya tidak melihat dekat dan tidak buat kajian apa dia kas-kas ini, cuma saya makanlah. Kelmarin dahulu, pergi makan kepala ikan, sedap sungguh ada kas-kas ini. Dalam keadaan sebelum keluarnya hukum...

Tuan Mohamed Razali bin Che Mamat [Kuala Krai]: Yang Berhormat, kas-kas ini daripada pokok popi dan itu adalah daripada ganja, itu setahu kita.

Tuan Haji Ismail bin Noh [Pasir Mas]: Di sini pun tidak berani lagi sehingga datang fatwa, biar orang-orang yang tertentu dan disebut sebagai suatu yang baik, dalam keadaan kita tidak tahu ini, kita kena tanya orang yang tahu [*Berkata dalam bahasa Arab*] - tanya orang lebih tahu, sekiranya kita tidak tahu. Ini hukum am. Kaedah yang umum sekiranya kita tidak tahu dalam sesuatu perkara, kita kena tanya orang yang tahu kerana

itulah ada satu cerita, seorang ulama yang mengajar orang. Semasa tengah mengajar, dia kata dalam Al-Quran ini semua ada disebutkan. Anak murid di hadapan dia pun tanya, roti canai ada disebutkan dalam Al-Quran? Ada sebut, roti canai pun ada disebut dalam Al-Quran. Datang besok beramai-ramai, pagi-pagi lagi hendak dengar saya mengajar, saya bawa cerita bahawa dalam Al-Quran ini ada disebut roti canai. Maka datanglah semua.

Bila datang semua pagi itu, tidak disebutkan juga roti canai dalam Quran. Kemudian ditanya, kata tuan guru ada roti canai dalam Al-Quran? Dia kata memang ada. Bersama dia, sudah bawa yang tebar roti canai, dia bawa roti canai, letak tempat dia, kemudian dia kata, buat roti canai. Dia suruh tukang roti canai buat roti canai untuk dimakan semua. Bila sudah kenyang selepas itu, *[Berbahasa Arab]* Kamu kena tanya ahli zikir, tanya orang yang pandai ini kalau kamu tidak tahu. Tanya orang roti canai ini kalau kamu tidak mengerti buat roti canai. Ertinya Quran ini ada asas. Tanya kepada orang yang tahu tentang perkara yang tidak tahu, itulah asasnya. Tetapi kadang-kadang Tuan Yang di-Pertua, ada orang kita berhujah dengan dia sendiri pun tidak tahu.

Saya dengar dalam Parlimen ini, tetapi bukan sesi ini, sesi sebelum ini. Dia mengambil hujah bagaimana satu ketika Nabi S.A.W melalui di tempat orang kahwin pokok tamar. Tamar ini kena kahwin, macam buah salak. Pokok salak ini bunganya kena kahwinkan, bunga jantan dengan bunga betina, kena ambil bunga jantan letak atas yang betina, ha, saya pandai. Tamar pun begitu juga, kena panjat dan kahwinkan, kena ambil bunga ini dan kena kahwinkan di atas bunga yang betina ini. Kata Nabi S.A.W, bagaimana kalau kamu tidak kahwin? Dia mengambil perkataan Nabi itu, kemudian dia terus tahun depan, dia tidak kahwin tamar. Bila dia tidak kahwinkan tamar, maka tidak berbuahlah tamar dia. Dia pergi tanya Rasulullah, ya Rasulullah mengapa tamar saya tidak berbuah? Nabi kata apa sebab? Sebab saya tidak kahwinkan sebab Rasulullah kata kenapa hendak kahwinkan? Maka Nabi S.A.W beritahu bahawa kamu lebih tahu, *[bercakap dalam bahasa Arab]* Kamu lebih tahu tentang urusan dunia kamu.

Ertinya, perkara-perkara yang tidak disentuh di dalam Al-Quran, yang tidak disentuh dalam hadis Rasulullah S.A.W, perkara-perkara ijtihad, perkara-perkara yang kita boleh lakukan sendiri. Maka benda-benda sedemikian mesti difahami dengan sebaik-baiknya. Jangan suatu perkara disandarkan kepada perkara-perkara yang kita tidak tahu kerana Al-Quran menyebut *[Membaca sepotong ayat Al-Quran]*, "Barang kamu tidak tahu, kamu jangan bercakap." Kerana itulah, bila bercakap tadi, saya duduk diam, saya dengar kerana banyak perkara yang saya tidak tahu. Saya hanya mencelah kepada perkara-perkara yang saya tahu sahaja. Benda yang saya tidak tahu, saya tidak mencelah kerana saya tahu bahawa waktu itu adalah harta, waktu itu adalah emas. Kita dok ganggu orang, itu tidak betul. Kalau dia hendak habiskan ucapan dia, *[Bercakap dalam bahasa Arab]* – Tiga perkara; pendengaran, penglihatan dan hati nurani kita akan ditanya oleh Allah S.W.T di akhirat nanti.

Berdasarkan kepada itulah bahawa satu perkembangan baru yang saya kira positif dan insya-Allah kehadiran Yang Berhormat Menteri kita ini memberi suatu yang baik dan insya-Allah ada perubahan-perubahan baru di mana walaupun nampak *simple*, nampak ringan tetapi sebenarnya ia memberikan erti yang begitu besar, setidaknya-tidaknya dari segi istilah. Memperkayakan undang-undang kita dengan istilah yang betul. Setelah kita merdeka 40 tahun lebih, dalam sidang-sidang sebelum ini tidak pernah disebut dan tidak pernah dibaiki, tidak pernah dipinda, dibiarkan begitu sahaja tetapi kali ini dipinda dan dibaiki, diperbetulkan daripada takrif biasa sahaja yang boleh dibaca oleh orang tertentu, tetapi sekarang ini boleh dibaca oleh sesiapa sahaja yang mengunjungi Parlimen ataupun yang baca surat khabar pada besok pagi ataupun membaca *Hansard* yang ada di hadapan kita daripada takrif *Islamic Law* kepada hukum syarak.

Kemudian, daripada hukum syarak itu pula saya melihat kepada takrif yang diberikan dalam kertas ini. Hukum syarak, ertinya hukum syarak mengikut Mazhab Shafie ataupun mengikut mana-mana Mazhab Maliki, Hanafi dan Hambali. Ini juga satu perkara yang positif. Selama ini kalau sebut Mazhab Hanafi, orang Malaysia, orang Melayu khususnya mereka taksub sangat. Bahkan kalau pengajian di sebelah India misalnya, pelajar-pelajar kita yang belajar di India, yang belajar di Iraq, saya yang belajar di Iraq yang banyak kitab rujukan dan kitab bacaannya kitab yang ditulis Abi Yusof, oleh Abi Hanifah sendiri – Hatul Kadir misalnya. Kitab ini Kitab Hanafi. Dahulu kalau baca sahaja Kitab

Hanafi ataupun kita ada pandangan Hanafi, apa orang kata? Orang akan menuduh kita bahawa kita sudah seolah-olah terkeluar daripada agama Islam? Kerana barangkali di negara kita ini hanya semata-mata berpegang dengan Mazhab Shafie.

Bila kita belajar lagi, ramai kawan-kawan kita yang balik dari pengajian masing-masing, ada orang belajar Mazhab Hanafi, ada orang belajar Mazhab Maliki dan pelbagai mazhab. Sekarang ini negara kita nampak buka pintu mazhab ini, peluang kepada mazhab-mazhab lain yang barangkali ada perkara-perkara yang tidak wujud dalam Mazhab Shafie yang membabitkan perkara-perkara hukum syarak tetapi ada dalam mazhab-mazhab lain misalnya masalah fikah. Perkara yang membabitkan zakat, dalam Mazhab Shafie, zakat ataupun harta hanya dibenarkan kepada beberapa perkara sahaja sebagaimana yang kita maklum; zakat gaji saya rasa tidak kena dalam Mazhab Shafie tetapi dalam Mazhab Hanafi mengikut Sheikh Yusof Kardawi, mengenakan zakat gaji, dalam Mazhab Shafie, tidak ada.

Saya minta Yang Berhormat Menteri jelaskan dalam ucapan nanti kerana kita hendak jelaskan harta kita, kena jelaskan *income* kita ini supaya zakat gaji, dan kita tidak menanam padi, kita ini tidak ternak lembu, kerbau dan kita tidak membabitkan kerja-kerja yang dapat mengeluarkan zakat, jadi terlepaslah saya ini.

Tuan Yang di-Pertua pun terlepas dalam masalah ini, Yang Berhormat Menteri kita pun terlepas dalam masalah ini hanya petani-petani kita sahaja. Petani kita hendak pelihara, hendak bela kambing 40 ekor misalnya, hendak bela lembu, hendak bela itu, banyak-banyak mana ada, melainkan Sikh-sikh sahaja yang bela lembu ini. Sikh tidak kena zakat, dia bukan orang Islam, tidak mukalafi.

Yang dikatakan mukalafi ini disebut dalam kaedah fikahnya...*[Bercakap dalam bahasa Arab]*...iaitu mukalafinya. Jadi lembu, kerbau yang dipelihara oleh Sikh-Sikh ini, mereka tidak mahu mukalaf walaupun cukup nisab, walau cukup haul. Orang Melayu kita pelihara lembu, tidak pelihara kerbau jadi hilang peluang zakat.

Kita ini pula, wakil-wakil rakyat ini pula tidak ternak, tidak membajak sawah dan tidak ada apa, maka zakat tidak kenalah, saya rasa tidak adil juga itu. Dewan kita ini pun mesti mengambil suatu ketetapan, setidak-tidaknya kalau tidak ketetapan, "bayan" ertinya memberi penerangan kepada masyarakat bagaimana gaji-gaji yang diterima oleh pekerja-pekerja baik swasta ataupun kerajaan.

Kalau tidak kita tidak ada faedah zakat dan zakat ini tidak di keluar kerana mengikut Mazhab Shafie iaitu zakat tanaman sahaja. Zakat padi ataupun zakat-zakat ternakan, yang kita semuanya bebas, bebas ertinya kita tidak mengendalikan kerja-kerja ini dengan sendiri kita tidak terlibat dengan zakat sedangkan khitabullah yang saya sebutkan tadi iaitu arahan Allah S.W.T yang dia berkait rapat dengan perbuatan-perbuatan orang mukalaf, sama ada dalam keadaan *..[Bercakap dalam bahasa Arab]*... sama ada wajib ataupun dengan cara pilih.

Wajib ertinya sama ada wajib jauh ataupun wajib dekat. Wajib jauh, haram tidak boleh buat. Wajib dekat, wajib mesti kita melakukan iaitu wujud, mesti kita melakukan perkara-perkara tersebut ataupun sunat ataupun makruh ataupun harus bagaimana yang kita pelajari di peringkat-peringkat sekolah rendah kita dahulu.

Apa yang penting yang saya tekan sini iaitu bila sebut mazhab-mazhab tadi, selain daripada hukum syarak ini, saya teringat bahawa mahkamah syariah di negara kita ini daripada dahulu sampai sekarang ini terhenti. Terhenti yang dibicarakan oleh mahkamah syariah ataupun yang berada di bawah penguasaan mahkamah syariah, Hanya beberapa perkara sahaja, tidak merangkumi...

Tuan Yang di-Pertua: Yang Berhormat, Yang Berhormat Lipis.

Tuan Mohamad Shahrum bin Osman [Lipis]: Tuan Yang di-Pertua, mohon penjelasan. Bagi orang-orang PAS ini, kepada siapa mereka membayar zakat. Terima kasih.

Tuan Haji Ismail bin Noh [Pasir Mas]: Kadang-kadang saya hendak jawab pun, apa ini sahabat kita daripada Lipis tahu, masalah zakat ini dia ada asnaf-asnafnya oleh

Majlis Agama Islam sebagai penguasa yang berhak memungut zakat, kemudian kepada asnaf-asnaf yang lapan sebagaimana yang kita ketahui. Walau bagaimanapun terpuhlanglah kepada masing-masing, tinggal lagi hanya Majlis Fatwa, Majlis Agama Islam mengeluarkan arahan-arahan tidak kiralah Pas, UMNO tidak timbul masalah. Yang Berhormat tidak timbul masalah Pas, UMNO di dalam menerima hukum Allah S.W.T.

Tidak kata sembahyang Pas empat rakaat zuhur, sembahyang UMNO tiga rakaat zuhur, tidak betul. UMNO pun empat rakaat juga, Pas empat rakaat juga, ke UMNO tiga rakaat. Saya hendak tanya balik ini.

Tuan Mohamad Shahrudin bin Osman [Lipis]: Tuan Yang di-Pertua, jadi maknanya mengakulah orang Pas bahawa orang UMNO juga Islam.

Tuan Haji Ismail bin Noh [Pasir Mas]: Oh, situ hendaknya...[Ketawa]...Saya sudah faham Yang Berhormat hendak ke situ. Siapa dia kata orang UMNO kafir? Saya hendak tanya Yang Berhormat Lipis, siapa dia kata orang UMNO kafir? Saya tidak pernah kata, keluarga saya ada UMNO. Bukan setakat UMNO Tuan Yang di-Pertua, orang Cina saya pergi waktu dia kenduri-kendera, saya pergi rumah dia. Sebelum sampai rumah dia, dia beritahu, ustaz dia kata orang Melayu potong lembu ini. Orang Melayu yang cuci daging, masak semua, semua orang Melayu, pinggan mangkuk pun orang Melayu, yang menghidangkan pun orang Melayu.

Kalau dia pun tahu, takkanlah saya...

Tuan Yang di-Pertua: Kuala Krai.

Tuan Mohamed Razali bin Che Mamat [Kuala Krai]: Ya. Tuan Yang di-Pertua, saya hendak penjelasan sedikit Yang Berhormat bagi Pasir Mas. Ekoran daripada apa yang ditanya Yang Berhormat Lipis tadi, Tuan Yang di-Pertua. Kita hendak tahu penjelasan sedikit, Yang Berhormat. Yang Berhormat Pas, sebagaimana yang telah diterangkan tadi, kita daripada gaji pun ada bayar zakat. Adakah pihak Yang Berhormat, Yang Berhormat Pas dari Kelantan ini membayar zakat daripada gaji itu, saya ingin tahu penjelasan sahaja. Terima kasih.

Tuan Haji Ismail bin Noh [Pasir Mas]: Itu yang saya sebut sini Yang Berhormat Kuala Krai, yang saya sebut sini ini barangkali sebagai mukadimah yang saya ucapkan di sini moga-moga dengan apa yang kita panjangkan sini kepada Majlis Fatwa dan sebagainya, maka kepada umat Islam yang berada di negara kita ini kita sudah mempunyai suatu cara yang jelas masalah zakat tanpa kiralah dia orang Pas, dia orang apa, sama ada orang Pas sudah buat ke ataupun belum lagi.

Bila ada hukum, bila ada fatwa, maka dengan sendiri kita akan melaksanakan dan siapa yang dia yang tidak melaksanakan, tidak kira dia Pas, tidak kira siapa dia, maka dia termasuk dalam golongan-golongan yang melakukan maksiat kepada Allah S.W.T. Saya meneruskan lagi bahawa bila memasukkan hukum syarak itu satu.

Bila kata hukum syarak ini, saya terlintas apa kita belajar ini dahulu...[Bercakap dalam bahasa Arab]... "Setiap apa yang disyarak oleh Allah S.W.T. " Jadi bertolak daripada itu setiap apa yang disyarakkan oleh Allah, Nabi tidak mensyarakkan dan Nabi bukan ...[Bercakap dalam bahasa Arab]... untuk pengetahuan kita di sini bahawa Nabi Muhammad S.A.W bukan 'as-syarik', yang 'as-syarik'nya [Bercakap dalam bahasa Arab] yang membuat syaraknya itu Allah S.W.T, Nabi Muhammad S.A.W ...[Bercakap dalam bahasa Arab]... Nabi sebagai penunjuk kepada syarak Allah S.W.T.

Dalam erti kata bahawa bila kita sebut Tuan Yang di-Pertua, bila kita sebut hukum syarak ertinya setiap apa yang disyarakkan oleh Allah S.W.T. itu satu hal dan yang kedua, Allah S.W.T melarang kita, dalam ayat, akhir ayat ...[Bercakap dalam bahasa Arab] "Adakah tidak bagi kamu penyokong-penyokong yang mampu, yang boleh membuat peraturan-peraturan hidup". Allah S.W.T tanya kepada manusia.

Adakah kamu ada penyokong-penyokong syurakak, syirik-syirik, penyokong-penyokong untuk menggubal undang-undang yang selain daripada apa yang di izin oleh Allah S.W.T. Ini pun satu hal mesti diperjelaskan oleh Yang Berhormat Menteri di Jabatan Perdana Menteri supaya tidak keliru benda ini dan saya minta penjelasan ini, toleransi, jelas dan tidak ada kepentingan politik.

Kepentingan agama lebih besar daripada keuntungan politik, bukan politik saya Pas, bukan politik Yang Berhormat-Yang Berhormat UMNO sini tetapi berdasarkan kepada ...*[Bercakap dalam bahasa Arab]*

Dato Haji Che Min bin Che Ahmad [Pasir Puteh]: Terima kasih Tuan Yang di-Pertua, Yang Berhormat Pasir Mas, Ahli-ahli Yang Berhormat. Kalau kita menyatakan tadi, saya hendak bertanya kepada Yang Berhormat Pasir Mas apabila kita mengatakan bahawa satu-satu benda itu kita boleh 'kitab' menjadi kafir, apakah itu bertentangan.

Contohnya Amanat Haji Hadi, walaupun dia nama amanat tetapi saya kaji itu fatwa sebab kita berdalil kepada *[Bercakap dalam bahasa Arab]* Ertinya memberitahu hukum Allah S.W.T. berasaskan dalil sesuatu perkara yang berlaku. Misal dia kata, siapa yang tidak payah masuk Yahudi, tidak payah masuk Kristian, tidak payah masuk Hindu, tidak payah masuk Buddha, siapa kata politik suku, agama suku tidak kafir, ini erti pengisytiharan.

Apakah Yang Berhormat bersetuju benda ini, kita masih hendak kekalkan atau hendak tarik balik? Sebab bagi saya, inilah yang merosakkan pemikiran *grass roots*. Orang kampung dia tidak belajar, macam kita Yang Berhormat belajar di Baghdad dan saya belajar di Mesir. Itu tidak ada masalah tetapi yang tidak belajar ini, dia asyik pegang dia berkata Amanat Haji Hadi ini betul, jadi macam mana pandangan Yang Berhormat dengan cara yang hati ke hati. Terima kasih.

Tuan Haji Ismail bin Noh [Pasir Mas]: Tuan Yang di-Pertua, terima kasih kepada Ahli Yang Berhormat kawan saya daripada Pasir Puteh. Saya tidak hendak mengaitkan dengan ucapan Yang Berhormat Tuan Guru Haji Hadi. Tetapi saya hendak tahu dan saya hendak tanya, saya tanya balik Yang Berhormat, apakah boleh tanpa kita melihat kepada ucapan tadi. Apakah boleh kita kata dalam Islam ini politik suku, agama suku? Kena jawab yang itu dahulu, boleh atau tidak kita kata bahawa politik suku, agama suku kerana saya belajar di Al-Azhar juga, daripada Baghdad, saya pergi ke Al-Azhar, kemudian saya mengakhiri pengajian saya di Saudi Arabia. Siasah, di Al-Azhar sendiri mengajar siasah, syari'ah, politik Islam di Azhar sendiri mengajar politik Islam. Apakah kita boleh menafikan bahawa politik tidak ada dalam Islam tanpa kita bahas ucapan itu, Haji Abdul Hadi Awang. Saya hendak tanya tentang itu, apakah boleh kita menyatakan bahawa apa rasional kita menyatakan bahawa politik tidak ada dalam Islam?

Dato' Haji Che Min bin Che Ahmad [Pasir Puteh]: *[Bangun]*

Tuan Haji Ismail bin Noh [Pasir Mas]: Saya beri lagi.

Tuan Yang di-Pertua: Ya, sila.

Dato' Haji Che Min bin Che Ahmad [Pasir Puteh]: Bukan hendak berlawan, Tuan Yang di-Pertua, pasal hukum ini kita tidak boleh bermain-mainkan. Sebenarnya politik suku, agama suku tidak ada sesiapa pun bercakap, memang tidak boleh. Tetapi kalau politik yang berkata ini ialah Haji Hadi, UMNO tidak pernah bercakap sebab UMNO yakin bahawa politik dengan agama itu adalah sama. Sebab aqidah, syariah, siasah, akhlak dan politik, siasah itu politik lah. Jadi, kalau kita kira maknanya Haji Hadi '*mengkhittahkan*' ini ialah betul-betul ialah politik kepartian, kalau tidak saya hendak dia lahirkan dalam Dewan ini atau di mana-mana kita cuba debat, kita cuba *debate*. Mesti dia ditunjukkan, dia '*khittah*' kepada orang UMNO sebab dia kata UMNO ini boleh memisahkan antara politik dengan agama. Itu saya rasa tidak hendak debat, kalau tidak boleh jawab pun tidak apa.

Tuan Haji Ismail bin Noh [Pasir Mas]: *[Bercakap dalam bahasa Arab]* Setiap soalan itu ada jawapannya. *[Bercakap dalam bahasa Arab]* Saya pegang kepada asas tadi. Sekarang ini Yang Berhormat bagi Pasir Puteh mengakui bahawa tidak ada perpisahan antara politik dengan agama, Alhamdulillah, sudah sah. Tidak ada perpisahan di antara politik dengan agama, agama satu juzud yang tidak boleh di~~ext~~kan, tidak boleh kita asingkan di antara satu sama lain. Solat, sembahyang dengan ekonomi tidak boleh dipisahkan, sembahyang dengan jihad tidak boleh dipisahkan. Sembahyang dengan rumah tangga tidak boleh dipisahkan, sembahyang dengan tarbiah anak, keluarga tarbiah, masyarakat tarbiah, negara tidak boleh dipisahkan. Begitu juga politik Islam tidak boleh dipisahkan oleh umat Islam, kerana itulah dalam Islam sahaja unggul Islam kita ini. Islam

kita ini merangkumi semua bidang yang ada dalam itu. PAS cuba hendak menghampiri diri dia dengan apa yang ada dalam Islam ini.

Tok Guru Nik Aziz pernah menyatakan bahawa tidak ada sebab bagi PAS hendak tentang UMNO, tidak ada sebab. Sekiranya UMNO mengisytiharkan bahawa bukan sekadar mengisytiharkan bahawa dia parti Islam tetapi dia mengisytiharkan bahawa perlembagaan dia, undang-undang dia bertolak kepada al-Quran dan Hadis. Tok Guru Nik Aziz buat kerja apa saya ini, tiap-tiap malam berceramah, tiap-tiap malam berceramah, kalau UMNO boleh mengisytiharkan bahawa rang undang-undang dia, perlembagaan dia, al-Quran nur Karim dan Sunnah Rasulullah s.a.w. bukan sekadar saya bersama dengan dia. Saya bantu dia, dia kata. Ini sikap terbuka untuk Tok Guru Nik Aziz dan saya pun mengambil sikap yang sama.

Dato' Raja Ahmad Zainuddin bin Raja Haji Omar [Larut]: Boleh? Sedikit sahaja.

Tuan Yang di-Pertua: Ya, Yang Berhormat Larut bangun, boleh?

Tuan Haji Ismail bin Noh [Pasir Mas]: Sila.

Dato' Raja Ahmad Zainuddin bin Raja Haji Omar [Larut]: Sedikit sahaja, terima kasih, Yang Berhormat bagi Pasir Mas, Pasir Lemas, Islam itu memang unggul Yang Berhormat, kami UMNO ini memang tidak berganjak, PAS yang teruk sedikit berdolak-dalik. Tadi sahabat saya dari Pasir Puteh minta berdebat, Yang Berhormat melencong ke lain, kalau sudi apa salahnya kalau hendak berdebat tentang apa yang telah dikatakan oleh Hadi Awang ini, nafikanlah. Kita kena selesaikan masalah ini. Yang Berhormat ini daripada mula tadi menyatakan bahawa Yang Berhormat menyokong enakmen ini tetapi Yang Berhormat lari dan menyimpang dan terkeluar daripada landasan. Terima kasih, Yang Berhormat, tidak payah jawablah.

Tuan Haji Ismail bin Noh [Pasir Mas]: Saya tidak lari, saya ada di sini dan saya pun ada di tempat saya dan saya berucap dalam lingkungan yang dibenarkan oleh Tuan Yang di-Pertua. Berdebat ini sudah lama sudah, bukan baru. PAS mengajak UMNO bermuzakarah, kalau berdebat takut nampak orang panggil ada pendebatan. Bermuzakarah dan berbincang, tok guru-tok guru kita terbuka di mana-mana sahaja dengan UMNO ini bila-bila pun tidak ada apa. Saya rasa boleh buat kenyataan ini dengan syarat pimpinan bukan saya. Ada pimpinan kita boleh, untuk mencari kebajikan dan kebaikan, tidak ada masalah.

Saudara kita dari Kubang Kerian pernah menghadiri beberapa muzakarah di dalam televisyen dan luar daripada televisyen dan orang lain pun hadir untuk mencari kebenaran dan kita tidak hendak tidak pergi, kita pergi. Kepimpinan-kepimpinan PAS pusat pergi ke mana sahaja mereka diajak. Kita kembali kepada apa yang saya sebutkan tadi bahawa apabila disebut hukum syarak tadi biar dia meluas. Kerana itulah saya tertarik dengan apa yang disebut dalam pentafsiran yang disebut hukum syarak iaitu [*Menyebut sepotong ayat Al-Quran*] Setiap apa yang disyaratkan oleh Allah S.W.T. Berkaitan dengan itu bahawa kita melihat enakmen di negara kita ini, sama ada di negeri-negeri ataupun di Persekutuan, kita melihat bahawa skop Enakmen Keluarga Islam, Ahwah Sahsiah.

Yang disebut Enakmen Keluarga Islam ini skopnya terlalu sempit. Saya lebih selesa dengan Yang Berhormat ini boleh berbahasa Arab dalam perkataan-perkataan tertentu [*Bercakap dalam bahasa Arab*] Terlalu sempit, dalam erti kata bahawa beberapa perkara sahaja yang duduk di bawah jenayah syariah ataupun hukum syarak. Barang kali boleh kita sebut, pertama sekali masalah nikah kahwin. Masalah nikah kahwin, masalah bercerai, masalah talak, masalah munakahat, ada. Kemudian masalah Hadanah, masalah pelihara anak, bela anak, hak suami, hak isteri, kemudian masalah nafkah.

Kemudian mutaah dan beberapa perkara yang terlalu sedikit dan terlalu *simple*. Selama 40 tahun lebih sudah kita merdeka, apakah mahkamah syariah kita ini tidak ataupun dengan bahasa yang saya kira lunak sedikit kalau kata tidak itu takut melampau sangat. Apakah mahkamah syariah kita ini tidak menuntut daripada pihak berkuasa supaya memperbanyakkan sedikit kerana dia sudah pasti terlibat dengan amalan orang-orang Islam, misalnya *syubul kham*, saya bangkitkan dalam soalan saya pada sesi yang lepas.

Misalannya minum arak, orang Islam minum arak. Mengapa orang Islam minum arak tidak dibicarakan di mahkamah syariah? Dibicarakan di mahkamah sivil?

Tuan Haji Idris bin Haji Haron [Tangga Batu]: *[Bangun]*

Tuan Haji Ismail bin Noh [Pasir Mas]: Sila.

Tuan Haji Idris bin Haji Haron [Tangga Batu]: Terima kasih, Tuan Yang di-Pertua dan terima kasih, Yang Berhormat Pasir Mas. Di dalam sesi perbahasan pagi tadi Yang Berhormat bagi Pasir Mas banyak kali menyebut tentang ayat Quran yang berbunyi *[Menyebut sepotong ayat al-Quran]* Barang sesiapa yang tidak menghukum dengan hukum Allah maka tergolong dalam golongan orang-orang yang zalim iaitu yang tidak meletakkan suatu yang betul pada tempatnya. Yang Berhormat bagi Pasir Mas, saya apabila lihat Yang Berhormat bagi Pasir Mas punya rintihan tentang cuma sedikit sahaja di bahagian keseluruhan Islam itu dilaksanakan di dalam bahagian ini. Adakah Yang Berhormat menggulungkan ini, sedikit tadi itu sebagai yang tidak menjalankan hukum dengan hukum Allah? Adakah Yang Berhormat, saya minta jawapan dari Yang Berhormat menggulungkan itu, tergolong di dalam golongan yang tidak menghukum dengan hukum Allah.

Tuan Haji Ismail bin Noh [Pasir Mas]: Kalau kaedah usul fikah *[bercakap dalam bahasa Arab]* Sedikitkah, banyakkah serupa sahaja. Kita dalam keadaan kita bersentuh dengan seekor anak anjing kecil, kemudian dua tiga hari kita bersentuh dengan seekor anjing besar, dari segi hukumnya sama sahaja. Ataupun tidak ambillah masalah bersentuh, masalah jilatan. Anjing kecil ini jilat kita. Kita kena basuh dengan enam kali air biasa, satu kali air tanah. Besok pula kita bersentuh dengan anjing yang tinggi ini *[Menunjukkan paras setinggi pinggang]*, dijilat oleh anjing tinggi, anjing besar bapa anjing, tidak sedap dengar bapa anjing. Kalau orang Kelantan bapa anjing itu, orang... jadi bapa anjing serupa itu. Jadi anjing jantanlah katanya, ganti daripada bapa anjing. *[Ketawa]*. Bapa anjing jilat kita, sama juga kita kena basuh dengan enam kali air dan sekali air tanah, kerana dia adalah najis mughallazah atau najis berat.

Saya hendak sebut di sini, bala siapa-siapa dalam keadaan apabila sesiapa zalim dia. Saya tidak sembahyang misalnya, saya tidak sembahyang. Saya masuk Parlimen ini saya tidak sembahyang. Lupa pun tidak lupa tak ada, tiba-tiba saya tidak sembahyang. Maka zalimlah saya. Maknanya *[Bercakap dalam Bahasa Arab]* takrif yang disebut zalim itu iaitu meletakkan suatu perkara yang tidak kena pada tempatnya ataupun saya pergi *shopping* ke Kuala Lumpur, saya meninggalkan sembahyang ataupun saya membuat maksiat. Ertinya zalimlah saya. Maka kita perlu kepada *[Bercakap dalam Bahasa Arab]* perlu kepada rujuk kepada asal tidak ada apa-apa. Benda bukan payah. Bukan kata bersalin kulit kita, tidak, melecurkah kita, tidak. Tidak ada apa. Kita tidak sembahyang, pergi ambil air sembahyang, sembahyang habis cerita. Qada yang kita tinggal tadi, habis, luputlah daripada ayat yang kita bacakan tadi.

Makna lupa erti kata bahawa hak kena kita sahajalah. Saya teruskan lagi bahawa, contoh yang saya buat tadi *[Bercakap dalam Bahasa Arab]* mengapa kita tidak masukkan. Kalau Persatuan Guru Melayu, saya masih ingat lagi. Guru Melayu, Guru Agama Semenanjung, setiap tahun dia buat tuntutan kepada Persatuan Guru Kebangsaan kepada kerajaan. Dia tuntutan naik gaji, dia tuntutan itu, dia tuntutan ini, Mahkamah Syariah pun saya kira ... tidak tahulah luar daripada ilmu saya. Barangkali saya tidak dapat maklumat sepenuhnya. Tetapi apa yang penting iaitu bukan sahaja perkara-perkara yang membabitkan munakahat, pusaka.

Hatta pusaka kecil pun tidak dibicarakan di Mahkamah Syariah. Pusaka kecil pun yang tidak masuk sedikit pun orang bukan Islam, fasal tidak boleh. Pusaka ini tidak boleh. Apabila bapanya Islam, kemudian dia *riddah* dia murtad. Maka, anak tidak boleh mempusakai harta ayah dia. Lebih awal lagi halangan agama tidak boleh menerima pusaka daripada anak yang murtad ataupun bapa yang murtad ataupun bapa yang kekal daripada tidak Islam asal lagi, anak masuk Islam.

Maka anak tidak boleh menerima harta pusaka dia. Dalam keadaan itu pun Mahkamah Syariah tidak boleh dibicarakan, terpaksa bicara di mahkamah biasa. Saya rasa - bukan rasa memang begitu. Apa kes yang berlaku cumanya apabila dibicarakan di sana maka, adalah perkiraan-perkiraan dari segi syarie barangkali. Shurbul Ham, masalah

khalwat, kita banyak mengambil kes khalwat misalnya. Sedangkan hukum syarak sudah. Saya tengok pada korinah tadi, Ini ada korinah. Korinah yang menunjukkan kepada perbuatan. Korinah yang menunjukkan kepada pelakunya dan berbagai-bagai korinah selain daripada saksi, selain daripada ikrar maka di sana ada korinah. Ada korinah ... korinah ini satu dalil yang menunjukkan dia buat bendanya. Nyata dia buat. Apabila pergi tangkap di dalam bilik. Sudah nyata bahawa korinah, dia berzina. Payah hendak tuduh dia berzina, mesti ada saksi lagi, apa itu lagi dan mesti jelas, tidak jelas tidak boleh kerana hukumannya berat. Tetapi sekiranya korinah ini sudah zahir, sudah nyata, jadi mengapa lagi dicuba cari jalan penyelesaian yang lain. Sedangkan nyata sudah bahawa perkara ini termasuk bukan di bawah hukum takzir lagi.

Saya bercakap dengan Yang Berhormat bagi Pasir Puteh. Yang Berhormat bagi Pasir Puteh dalam sesi lepas mengatakan bahawa di negara kita ini sudah melaksanakan takzir. Sudah melaksanakan di dalam negara kita ini takzir. Sebenarnya saya rasalah mengikut pengajian yang ada pada kita, hukum syarak ini sama ada kisasnya, sama ada hadnya, sama takzirnya. Takzir ini setelah tidak ada ataupun tidak dikenakan hukum had kepada dia. Perkara-perkara yang tidak membabitkan had, tidak membabitkan kisas maka kembali kepada pemerintah. Pemerintah disebut selalu oleh sahabat kita Yang Berhormat bagi Pasir Puteh, berdasarkan [*Bercakap dalam Bahasa Arab*] hujah itu [*Bercakap dalam Bahasa Arab*] Jadi kalau ada nas ada apa, *manu* itu tadi berdasarkan kepada Al-Quran dan sunah Rasul s.a.w

Dato' Haji Che Min bin Che Ahmad [Pasir Puteh]: [*Bangun*]

Tuan Yang di-Pertua: Yang Berhormat bagi Pasir Puteh bangun.

Dato' Haji Che Min bin Che Ahmad [Pasir Puteh]: Terima kasih Yang Berhormat bagi Pasir Mas. Tuan Yang di-Pertua, ahli-ahli Yang Berhormat, kanun jenayah syariah yang kita adakan hari ini ialah dia tidak lari hukum Hudud, kisas, kifar dan hukum takzir, yang ketiga betullah itu. Sebenarnya kalau kita tengok takzir hari ialah bukan sahaja tidak termasuk dalam hak-hak hudud kita hendak tadi, sampai ke hukum bunuh, sampai ke hukum gantung. Ertinya sudah merangkumi hudud walaupun tidak sebut hudud. Tetapi kita yang berjalan hari ini, takzir kuasa kerajaan.

Kalau kita tengok hari ini pun di Mahkamah Syariah kita bagi 3,5,6. Tiga tahun penjara, lima ribu rial - RM5,000 lah, rial itu orang sini tidak faham, RM5,000, 6 kali sebatan. Ertinya telah ditingkatkan daripada dahulu. Maka dengan sebab itu takzir ini dia kan pergi berganjak kepada kisas termasuknya semua sekali hudud. Kalau kita tengok dalam hudud Kelantan, dia sebut 'Kanun Jenayah I', 'Kanun Jenayah II' bergelar hudud Kelantan. Kanun Jenayah II bergelar hudud dan kisas Terengganu, tetapi dia kata kalau tidak boleh jalankan hukum hudud terpaksa dia jalan takzir. Apa pandangan Yang Berhormat? Saya rasa tidak menyalahi kerana Kerajaan [*Bercakap dalam Bahasa Arab*] itu jelas, terima kasih.

Tuan Haji Ismail bin Noh [Pasir Mas]: Terima kasih Yang Berhormat bagi Pasir Puteh. Saya melihat dalam bentuk bahawa, kalau kita tidak dapat melaksanakan hukum saripah itu hukum wujud. Jangan namakan kita sebat dia kita kata hukum takzir. Tidak boleh saripah, kita hendak letak namakan dia hukum takzir. Yang di situ tadi ada masalah pada pihak kerajaan. Kalau ada kemaslahatan kepada kerajaan pun masalah yang tidak betul. *Maslahah bil batil* – masalah yang tidak betul, sama dengan kias yang tidak betul kias bil farith kias dengan perkara yang tidak betul.

Dia tengok guru dia campak, buah terung dia pun campak telur. Anak murid dia tengok guru dia campak buah terung, guru dia campak buah terung dekat isteri dia. Tidak apalah buah terung tidak pecah. Anak murid dia pergi beli telur, pegang telur campak kepada isteri tuan guru, pecah telur. Apabila tanya mengapa kamu buat begitu? Dia kata saya kias, kias dengan buah terung. Tidak jadi kias dengan buah terung, itu kias bil farith dipanggil itu. Kias telur dengan buah terung tidak betul.

Pecalah telurnya. Dia kata ini kias, sebab mengaji kias semalam. Semalam dia mengaji kias. Dia berhujah dengan kias, tidak boleh kias macam itu. Yang hudud, hududlah, yang takzir, takzirlah. Sekarang ini saya sebut di sini, saya belum lagi masuk masalah ini. Cuma saya hendak perbanyakan di bawah enakmen keluarga Islam, kita orang Islam di negara kita dan diisytiharkan bahawa negara kita negara Islam. Dijajah

merata-rata tempat, saya pergi di Mekah tahun lepas. Dia tanya 'anta min fi'... saya kata Malaysia. *Where is Malaysia?* Balat Muslim, dia kata. Dia kata bagus Malaysia, negara Islam. Sampai dia kata Badawi..Badawi..Badawi.. saya ingat Badawi dia.

Dia hendak kata Abdullah Badawi, Perdana Menteri kita. Dia kata Badawi, Badawi. Baguslah itu, saya pun setuju. Saya tidak bagi makan dia pun, saya tidak bagi apa pun, tidak ada komen pun. Saya kata 'taib', saya kata. Saya lihat perkara ini bagus. Tinggal lagi saya hendak perbanyakkan. Minum arak misalnya. Minum arak ini tidak boleh kita hendak masukkan di bawah 'takzir' kerana dia hukum had dan Rasulullah SAW [*Bercakap dalam bahasa Arab*] Nabi SAW sebat dengan 40 kali sebat. Sayidina Umar tambah lagi menjadi 80 kali sebat. Di zaman Rasulullah 40, di zaman Sayidina Umar 80. Ertinya perkara ini perkara hudud. Saya tidak hendak bincang perkara hudud. Saya hendak perbanyakkan supaya dimasukkan dalam Enakmen Keluarga Islam perkara-perkara minum arak, perkara perjudian tidak dibicarakan di Mahkamah Syariah.

[Timbalan Yang di-Pertua ([Datuk Lim Si Cheng) *mempengerusikan Mesyuarat*]

Padahalnya undang-undang Islam ada masalah judi. 'Takzir' boleh 'takzirkan' orang judi sebat sebagaimana Pakistan buat baru ini, sebat dia dua tiga biji atas belakang dia. Saya rasa, kalau sebat tidak ada apa. Itu yang pertama. Perbanyakkan, kita hendak perbanyakkan. Betullah saya dengar, saya bincang kelmarin dengan Yang Berhormat bagi Pasir Puteh. Dia kata, ustaz, kita buat sikit-sikit. Saya pun setuju bukan tidak setuju. Maknanya, kita ada kaedah 'fikahiyah' [*Bercakap dalam bahasa Arab*] Yang bermaksud: Suatu yang kamu tidak boleh semua sekali, jangan kamu tinggal semua sekali. Kita tidak mampu hendak angkat 10 gantang beras, tetapi jangan tinggal semua sekali. Kita angkat dua gantang, tiga gantang, sikit-sikit. Tetapi, jangan kita angkat yang orang lain punya. Oleh kerana hendak banyak angkat orang lain punya, tidak boleh pula. Kita angkat yang kita. Ertinya kita buat hak kita. Hak kita ini maknanya...

Dato' Haji Che Min bin Che Ahmad [Pasir Puteh]: Sikit sahaja.

Tuan Haji Ismail bin Noh [Pasir Mas]: Sila.

Dato' Haji Che Min bin Che Ahmad [Pasir Puteh]: Sebenarnya saya tidak mengatakan bahawa hukum Hudud dibawa ke dalam hukum 'Takzir'. Hudud ini kalau kita tengok pembahagiannya jelas hukum Hudud ini, seperti kita katakan jenayah zina, menuduh zina 'khazaf', mencuri 'syarikah', merompak haribah. Ini semuanya harabah, murtad. Ini semuanya dalam bab hukum Hudud. Tetapi yang kita dok buat hari ini 'takzir'. Siapa yang mengedar arak, menjual arak boleh diambil tindakan dalam jenayah syariah. Sebenarnya tidak salah dah bagi kita tafsir. Kadang-kadang kita dok campur tadi, sebenarnya saya tidak campurkan hukum Hudud.

Saya kata maknanya kalau kerajaan buat secara 'takzir', orang yang pergi ke tempat-tempat perjudian boleh diambil tindakan oleh Mahkamah Syariah, boleh ditangkap, itu maksudnya. Tetapi, yang maksud kita tidak mampu hendak buat semua sekali, jangan tinggal semua sekali, sebenarnya itu kaedah. Tetapi UMNO dok buat hari ini banyak sudah. Saya letak 60% hingga 80% satu-satu bab dibuat oleh kerajaan hari ini, Kerajaan Pusat, sebab kalau kita tengok bab jenayah, bab ibadat boleh dikatakan hampir 100%.

Seorang Ahli: [*Menyampuk*] [*Bercakap tanpa pembesar suara*]

Dato' Haji Che Min bin Che Ahmad [Pasir Puteh]: Ya. [*Bercakap dalam bahasa Arab*] Tangga Batu cadangkan. Terima kasih.

Tuan Haji Ismail bin Noh [Pasir Mas]: Terima kasih kepada Yang Berhormat bagi Pasir Puteh. Saya setuju apa yang disebut oleh Yang Berhormat tadi bahawa kerja-kerja tadi, kerja-kerja yang tidak sabit 'khatai', maka kita boleh *rejectkan* dia kepada hukum 'Takzir'.

Timbalan Yang di-Pertua [Datuk Lim Si Cheng]: Yang Berhormat, panjang lagikah?

Tuan Haji Ismail bin Noh [Pasir Mas]: Tidak panjang, sudah hendak habis dah.

Timbalan Yang di-Pertua [Datuk Lim Si Cheng]: Dekat hendak habis? Baik.

Tuan Haji Ismail bin Noh [Pasir Mas]: Hendak berhenti dah, hendak berhenti dah. Sikit sahaja.

Ir. Haji Hamim bin Samuri [Ledang]: *[Bangun]*

Timbalan Yang di-Pertua [Datuk Lim Si Cheng]: Ledang bangun.

Tuan Haji Ismail bin Noh [Pasir Mas]: Kerana itulah saya mengesakan supaya diperbanyakkan lagi bidang Mahkamah Syariah ini supaya dia boleh membicarakan...

Timbalan Yang di-Pertua [Datuk Lim Si Cheng]: Yang Berhormat, Yang Berhormat. Yang Berhormat Pasir Mas, Ledang bangun.

Tuan Haji Ismail bin Noh [Pasir Mas]: Silakan Ledang.

Ir. Haji Hamim bin Samuri [Ledang]: Terima kasih Tuan Yang di-Pertua dan terima kasih sahabat saya Yang Berhormat bagi Pasir Mas. Saya yakin banyak pandangan daripada Yang Berhormat bagi Pasir Mas yang pada saya berguna sebenarnya, tidak kita boleh buang sama sekali. Ini bukan soal parti atau soal siapa tetapi untuk kepentingan rukun Islam. Tetapi saya juga percaya bahawa kita mempunyai satu iltizam, satu azam untuk terus memperbaiki segala perkara yang masih belum sempurna. Sebagai contohlah Tuan Yang di-Pertua, Kerajaan Negeri Johor yang dipimpin oleh ketua sayalah, telah pun melakukan lawatan ke semua negara-negara Islam yang menjalankan hukum Islam untuk mencari satu model yang boleh kita cadangkan mungkin kepada Kerajaan Pusat ataupun untuk dilaksanakan di peringkat kerajaan negeri. Tetapi, tidak ada satu model yang sama antara negara-negara tersebut.

Akhirnya, Kerajaan Negeri Johor telah menulis surat, Yang Berhormat, Menteri kepada Kerajaan Arab Saudi tentang bagaimana sesuatu hukum itu termasuklah hukum bunuh, pancung diadili sebelum sesuatu hukuman dijalankan. Tetapi untuk makluman Tuan Yang di-Pertua, Yang Berhormat bagi Pasir Mas dan juga Menteri, sampai sekarang belum pun ada jawapan, tidak ada jawapan, telah pun dua tahun. Kita tidak mengatakan mereka tidak betullah, tetapi tidak ada jawapan. Oleh yang demikian, saya berpendapat bahawa yang penting azam kita. Kita tidak boleh buang semua dan sebagainya. Yang penting kita mempunyai suatu azam untuk meneruskan perjuangan kita supaya akhirnya kita sempurna di dalam mengadili sesuatu hukum ataupun kita menjalankan hukum Islam atau hukum Hudud. Oleh yang demikian, adakah Yang Berhormat bagi Pasir Mas bersetuju bahawa kita, sebenarnya kerajaan sedang melakukan sesuatu untuk ke arah kebaikan? Sekian, terima kasih.

Tuan Haji Ismail bin Noh [Pasir Mas]: Terima kasih Yang Berhormat bagi Ledang. Pertama sekali saya hendak taklik ataupun hendak komen Yang Berhormat. Yang Berhormat menyebut bahawa kita mesti mempunyai azam. Saya setuju kita mempunyai azam tetapi azam kita mesti azam terarah, azam ke arah kebajikan dan kebaikan, insya-Allah. Saya rasa tidak ada pertentangan di antara PAS dengan UMNO. PAS mahu itu dan UMNO pun mahu itu, mahu kepada kebaikan. Tetapi biarlah syaratnya kebaikan yang sungguh-sungguh. Barangkali ada, barangkali kesukaran bagi kita di sini iaitu kita mahu pelaksanaan mengikut cara kita di sini, maka itu yang payahnya. Kita mahu dari segi pelaksanaannya mengikut kehendak kita.

Tadi kita sudah buka tadi dalam apa yang kita sebut erti hukum syarak iaitu mengikut Mazhab Maliki, Mazhab Hambali, Mazhab Shafie. Jadi, kita boleh ambil mana-mana mazhab, tidak terikat dengan Mazhab Shafie semata-mata. Misalnya dalam masalah menentukan umur akil baligh ataupun umur 'ruj'. Ada yang mengatakan 13 tahun, 14 tahun, 15 tahun. Ada yang mengatakan 18 tahun.

Dalam Mazhab Hambali 18 tahun. Kita mengambil 18 tahun misalnya, tidak menjadi masalah kerana 18 tahun itu bila dia melakukan dalam usia 18 tahun melakukan benda jenayah, maka hukum syarak mesti dikenakan dia. Tidak payah 15 tahun, 16 tahun. Kita ambil Mazhab Hanafi. Dalam masalah zakat, kita boleh mengambil Mazhab Hanafi sekiranya memberi kebajikan kepada kita. Tetapi kalau kita hendak dengan trend kita, dengan cara kita, barangkali itu yang payah. Di Pahang baru ini, sudah hendak baru-baru ini, hendak sebat dah orang baru ini, tidak bunyi lagi, tidak apa lagi. Bila orang 'qepak' sikit sahaja, 'qepak' tahu 'qepak'?

Seorang Ahli: Buat gempak.

Tuan Haji Ismail bin Noh [Pasir Mas]: Ya? Gempak.

Seorang Ahli: Sergah.

Tuan Haji Ismail bin Noh [Pasir Mas]: Ya. Sergah sikit sahaja. Bila orang sergah sikit sahaja, sudah mengecut dah, takut dah. Sudah hendak enam rotan sebat dah, sekali hendak tahu, kita sebat sekali, tidak adalah yang hendak minum araknya. Tetapi, kita takut kepada sergahan orang. Itulah kita. Oleh kerana itulah Tok Guru Nik Aziz bila Pahang hendak buat, Tok Guru Nik Azizlah di antara Menteri Besar yang mula-mula sekali bersetuju dalam surat khabar. Saya menyokong apa yang dilakukan oleh Pahang. Bukan masalah PAS, UMNO ini. Masalah melaksanakan Islam. Azam tadi bagus, saya setuju. Tetapi, azam itu setakat azam sahaja tidak jadi. Oleh kerana itulah niat itu disebut *[Bercakap dalam bahasa Arab]* Yang bermaksud: Niat itu iaitu 'qosat' azam sesuatu perkara yang diikuti dengan perbuatan. Kalau kita azam semata-mata, tidak buat tidak jadi. Negara Islam Hadhari tidak melaksanakan tidak jadi juga. Islam Hadhari itu begitu. Biarlah saya tidak mahu bahaskan, panjanglah Islam Hadhari ini. Saya sudah sebut.

Tuan Haji Idris bin Haji Haron [Tangga Batu]: *[Bangun]*

Tuan Haji Ismail bin Noh [Pasir Mas]: Sikit lagi Yang Berhormat. Islam Hadhari sikit lagi.

Tuan Haji Idris bin Haji Haron [Tangga Batu]: *[Bercakap tanpa pembesar suara]*

Tuan Haji Ismail bin Noh [Pasir Mas]: Nanti saya bagi, saya bagi. Islam Hadhari yang saya sebut, bahawa bahasa Arab tidak ada. *[Bercakap dalam bahasa Arab]* Itu Tuan Yang di-Pertua, maaf Tuan Yang di-Pertua, ya.

Seorang Ahli: Panjang lagikah?

Tuan Haji Ismail bin Noh [Pasir Mas]: Dalam bahasa Arabnya, dia tidak *mutadokhabah* *[Bercakap dalam bahasa Arab]* tidak ada apa. Islam Hadhari ini tidak boleh, tidak ada. Dalam istilah pun tidak berlaku, apa lagi dalam maknanya. Kalau makna, terbalik, lingkup. Hadharah Islamiah dengan Islam Hadhari. Politik Islam, Islam politik. Politik Islam ada, tetapi Islam politik rosak. Islam politik.

Timbalan Yang di-Pertua [Datuk Lim Si Cheng]: Yang Berhormat, adakah ini semua ada berkaitan dengan rang undang-undang?

Tuan Haji Ismail bin Noh [Pasir Mas]: Ada berkaitan Tuan Yang di-Pertua.

Seorang Ahli: Syariah.

Tuan Haji Ismail bin Noh [Pasir Mas]: Ada berkaitan dengan syariah.

Timbalan Yang di-Pertua [Datuk Lim Si Cheng]: Ya.

Tuan Haji Ismail bin Noh [Pasir Mas]: Ada Tuan Yang di-Pertua, jangan bimbang Tuan Yang di-Pertua. Saya tidak lari. Saya dalam hujah saya. Saya bagi kepada Tangga Batu.

Tuan Haji Idris bin Haji Haron [Tangga Batu]: Terima kasih Tuan Yang di-Pertua dan terima kasih Yang Berhormat Pasir Mas. Saya begitu minat dengan hujah-hujah yang telah diberikan ke arah penambahan ilmu kepada Ahli-ahli Dewan terutamanya saya sendiri, dan saya dapati bahawa setiap hujah yang disampaikan sama ada di pihak kerajaan, Yang Berhormat Kemaman, Yang Berhormat Pasir Mas dan rakan-rakan yang mencelah tadi semua ke arah membawa kita ke satu kedudukan di mana meletakkan Islam itu ke satu kedudukan yang paling mulia yang tidak boleh dipertikaikan kemuliaannya itu.

Saya juga dapat melihat kesemua hujah-hujah itu hendak bawa kepada masyarakat memberitahu yang Islam ini adalah agama cara hidup yang mengajak kita kepada melakukan kebaikan, amal makruf dan mencegah kemungkaran.

Yang Berhormat Pasir MAS, adakah Yang Berhormat bersetuju oleh kerana kita sudah nampak tadi bersetuju hendak letakkan Islam ini sebagai suatu kedudukan yang mulia supaya nama Islam ini kita jaga baik-baik. Adakah Yang Berhormat bersetuju kalau nama Islam ini kita gugurkan daripada parti PAS (Parti Islam Se Malaysia), jangan letak itu kerana sedikit sebanyak amalan ataupun tabiat ahli-ahli PAS ini yang mungkin akan mencemarkan nama baik Islam. Boleh tak kalau kita masukkan ke dalam subseksyen mana-mana supaya mana-mana parti politik yang menggunakan nama agama ini kita tidak benarkan bergiat aktif di dalam negara kita.

Itu saya rasa mungkin akan nampak titik pertemuan kita antara parti kerajaan dan juga parti PAS. Ini muzakarah Yang Berhormat Pasir Mas. Kita gugurkan nama Islam itu daripada parti PAS supaya ia tidak mengelirukan masyarakat. Terima kasih Yang Berhormat Pasir Mas dan Tuan Yang di-Pertua.

Tuan Haji Ismail bin Noh [Pasir Mas]: Terima kasih. Saya tidak setuju.

Tuan Haji Idris bin Haji Haron [Tangga Batu]: Alamak, macam mana ni?

Tuan Haji Ismail bin Noh [Pasir Mas]: Sekali lagi saya kata saya tidak setuju kerana perkara ini sudah pun diputuskan oleh satu keputusan yang dibuat oleh Majlis Raja-raja bahawa tidak boleh dipisahkan dengan apa sahaja Hospital Islam, Universiti Islam, Bank Islam, Parti Islam dan apa sahaja yang disandarkan dengan Islam. Kita perlu perelokkannya sahaja. Kita tidak perelokkan, kita mesti elokkan. Bukan dengan cara kita bunuh tetapi kita perelokkan. Saya perelokkan parti saya, insya-Allah dan tuan-tuan perelokkan parti tuan-tuan, tidak menjadi masalah.

Tuan Haji Idris bin Haji Haron [Tangga Batu]: [Bangun]

Tuan Haji Ismail bin Noh [Pasir Mas]: Saya hendak teruslah kerana masa tak ada dah. Masa tak banyak dan saya pun tidak hendak panjang sangat.

Timbalan Yang di-Pertua [Datuk Lim Si Cheng]: Cukup panjang Yang Berhormat.

Seorang Ahli: [Menyampuk]

Tuan Haji Ismail bin Noh [Pasir Mas]: Tidak boleh, cukup dah.

Tuan Haji Idris bin Haji Haron [Tangga Batu]: Hendak tambah yang tadi tu. Maksud saya tu sebenarnya hendak menjaga kemuliaan dan kebersihan nama ...

Timbalan Yang di-Pertua [Datuk Lim Si Cheng]: Tangga Batu, Pasir Mas tak duduk lagilah.

Tuan Haji Idris bin Haji Haron [Tangga Batu]: Okey. Saya tadi pun bertujuan baik. Oleh kerana yang lain itu okeylah seperti Hospital Islam, Rumah Kebajikan Islam tetapi ini tiba-tiba ada satu parti politik yang meletakkan Islam pula sebagai kita nampak seolah-olah macam hendak menggunakan nama Islam itu untuk mengajak dan meraih sokongan daripada orang ramai.

Timbalan Yang di-Pertua [Datuk Lim Si Cheng]: Yang Berhormat, tadi dia sudah jawab dia tidak bersetuju.

Tuan Haji Idris bin Haji Haron [Tangga Batu]: Itulah bila dekat parti Islam itu saya ... kalau boleh ... bukan kalau boleh lagi, tetapi gugurkanlah.

Timbalan Yang di-Pertua [Datuk Lim Si Cheng]: Yang Berhormat ingin hendak membuat rayuanlah, hendak minta ditimbang semulalah.

Seorang Ahli: Merayu. Cadangan.

Tuan Haji Idris bin Haji Haron [Tangga Batu]: Masukkan dalam undang-undang syariah ini supaya tidak membenarkan parti politik menggunakan nama Islam.

Tuan Haji Ismail bin Noh [Pasir Mas]: Terima kasih, terima kasih. Perkara itu sudah pun diselesaikan sebelum ini dan tidak perlu lagi Yang Berhormat membangkitkan kerana negara kita adalah negara demokrasi berparlimen, ada keluhuran undang-undang dan taat setia kepada raja. Tidak ada apa yang kita ragukan kerana PAS masuk pilihan

raya. PAS patuh kepada peraturan pilihan raya, PAS bertanding, PAS berkempen sama seperti UMNO berkempen tidak ada apa pun, kita kalah kita terima kekalahan kita menang kita terima kemenangan. Tidak ada sesuatu yang perlu ditakutkan oleh wakil rakyat dari Tangga Batu tadi.

Negara kita ini adalah negara yang disebut negara Islam, saya setuju negara Islam tidak ada apa-apa. Kita hendakkan negara Islam. Kita hendakkan masyarakat Islam, kita hendakkan mujtamak Al-Islam, kita hendakkan benda itu dalam keadaan biarlah 'sallimna jadallan' dalam bahasa Arab. Saya terima untuk kita bincang. Dalam negara yang diwar-warkan itu pun saya rasa banyak perkara yang boleh kita bincangkan *basic* sebagai sebuah negara Islam.

Saya sudah bincangkan perkara ini dalam perbincangan-perbincangan yang telah lepas. Cuma saya melihat satu Tuan Yang di-Pertua, saya melihat di mana hukuman di negara kita ini yang dikeluarkan oleh mahkamah syariah adalah terlalu rendah berbanding dengan hukuman atau notis-notis hukuman yang dikeluarkan oleh mahkamah sivil di negara kita. Saya bacakan di sini yang menjadikan kekangan utama mahkamah syariah tidak digeruni oleh masyarakat Islam ialah bidang kuasa menjatuhkan hukuman di dalam kes-kes jenayah yang begitu ringan kita tidak menggambarkan hukuman yang sebenar.

Berdasarkan kepada Akta Mahkamah Syariah (Bidang Kuasa Jenayah) 1965 pindaan 1984, Mahkamah Syariah di negara ini hanya boleh menjatuhkan hukuman maksimum iaitu penjara setakat tiga tahun sahaja ataupun denda sehingga RM5,000 sahaja ataupun kedua-duanya sekali. Ini ertinya terlalu rendah. Orang yang melakukan mukadimah zina sebenarnya bukan mukadimah lagi mukadimah apa, dah dapat anak dengan dia dah. Kita tuduh dia dengan mukadimah zina ataupun kita tuduh dia dengan tuduhan dan bicara dan kemudian sabit kesalahan. Dendanya tidak lebih dari RM5,000. Dalam keadaan sekarang siapa sahaja boleh bayar denda.

Tuan Haji Abdul Fatah bin Haji Haron [Rantau Panjang]: Yang Berhormat terima kasih. Kita dengar lama dah dengan perkataan "mukadimah zina" ini sehingga rakyat rasa keliru apa yang dimaksudkan dengan mukadimah zina ini. Bagi saya kita sepatutnya kena sebut juga walaupun katakanlah mukadimah zina kita kena beritahu keadaan sebenarnya. Apa yang dimaksudkan mukadimah zina ini memang sudah melakukan zina, tetapi oleh kerana kita hendak tuduh zina tidak boleh maka kita guna kaedah dengan menuduhkan mukadimah zina di mana ia bermakna percubaan zina sedangkan hakikatnya sudah pun berzina.

Oleh kerana kita tidak ada undang-undang yang boleh kita tuduh zina maka kita sebut perkataan demikian. Ini menyebabkan kekeliruan berlaku sehingga orang kata, "Eh, mukadimah zina apa memang terang-terang berzina". Kalau mengaku berzina pun mukadimah zina juga disebutkan. Tidak bolehkah kita cari satu jalan supaya tidak menjadi keliru kepada umat Islam yang berada di Malaysia sekarang ini. Terima kasih.

Tuan Haji Ismail bin Noh [Pasir Mas]: Terima kasih Yang Berhormat Rantau Panjang. Itulah yang menjadi masalah kerana kita tidak ada peruntukan undang-undang. Mengapa kita tidak boleh buat peruntukan undang-undang zina ini? Berzina ini berlaku hebat di negara kita. Imam Ghazali bagi amaran sekiranya satu kampung satu negeri satu negara dilanda oleh zina, Allah S.W.T. akan melaknat akan mengutuk negeri itu, kampung itu dengan bala yang begitu besar. Tsunami pertama telah berlaku dan akan berlaku lagi tsunami yang kedua. Sekiranya zina berlaku begitu hebat dan sekarang ini saya dengarlah wallahualam cukup-cukup menakutkan. Zina berlaku di kalangan belia-belia kita dengan begitu mudah sekali. Kalau di Kelantan ...

Dato' Haji Che Min bin Che Ahmad [Pasir Puteh]: [Bangun]

Tuan Haji Ismail bin Noh [Pasir Mas]: ...saya hendak habis, takut ...

Dato' Haji Che Min bin Che Ahmad [Pasir Puteh]: Terima kasih Tuan Yang di-Pertua, terima kasih Yang Berhormat bagi Pasir Mas. Sebenarnya kita kena faham pokok. Kalau kita tidak faham pokok, kita dok main akar umbi begitu sahaja. Sebenarnya pokoknya ialah Islam ialah *state matter not Federal matter*. Kenapa hendak suruh *Federal* buat? Kenapa Kelantan buat dahulu tidak berjalan? Kenapa Terengganu buat tidak berjalan? Sekarang ini tidak apalah, kita terimalah kerana penjelasan Menteri di Jabatan

Perdana Menteri diberi tugas urus setia kepada Majlis Kebangsaan tetapi tugas negeri, agama ini bukan tugas *Federal*.

Yang keduanya, para belia saya tengok, peratus yang besar jugalah di Kelantan ini terjebak dengan gejala ini tetapi takkanlah kita hendak katakan tuduh dengan zina. Menuduh zina itu satu perkara yang tidak tepat, kita harus buat *research*. Setuju tidak? Berdosa besar juga.

Tuan Haji Ismail bin Noh [Pasir Puteh]: Saya melihat kepada fenomena yang ada dalam masyarakat kita sekarang ini. Saya bimbang takut-takut benda itu berlaku. Jadi saya sebagai seorang Islam dan sebagai seorang bapa kepada anak-anak perempuan, jadi saya suka membuat saranan ini supaya kita masing-masing menangani perkara ini supaya anak-anak kita, keluarga kita dan umat Islam tidak terlibat dalam masalah ini. Kerana itulah saya bawa apa yang diberi amaran oleh Imam Al-Ghazali sekejap tadi. Tidak kira di mana-mana pun, baik Kelantan, baik negeri mana, sekiranya zina ini berlaku, kalau tidak berlaku, alhamdulillah. Sekiranya perkara ini berlaku, jadi masalah. Kita pindahkan daripada mukadimah kepada perkara yang sungguh.

Tuan Haji Abdul Fatah bin Haji Haron [Tangga Batu]: Sedikit ya.

Timbalan Yang di-Pertua [Datuk Lim Si Cheng]: Yang Berhormat bagi Pasir Mas, tadi kata tidak panjang lagi, sekejap. Berapa lama lagi?

Tuan Haji Abdul Fatah bin Haji Haron [Tangga Batu]: Tidak, sekali lagi. Saya tertarik dengan masalah tidak ada penyelarasan di antara negeri-negeri dan juga Persekutuan ini. Tadi ada sahabat kita merungut kenapa Kelantan tidak melaksanakan seperti mana apa yang dikehendaki oleh umat Islam di Kelantan, terutama sekali tentang hukum-hukum yang sepatutnya kita jatuhkan hukuman.

Adakah Yang Berhormat setuju kalaulah saya mengatakan sepatutnya pimpinan baru Kerajaan Barisan Nasional sekarang ini memberi kebenaran kepada kerajaan negeri melaksanakan apa yang telah diluluskan oleh kerajaan negeri sewaktu menjatuhkan hukuman-hukuman di Mahkamah Syariah di negeri Kelantan ini kerana kita mengetahui sebelum daripada ini kita mendapat amaran keras melalui satu surat oleh Kerajaan Persekutuan, khususnya Perdana Menteri waktu itu memberi amaran kalau kita melaksanakan apa yang telah kita putuskan undang-undang di dalam Dewan Undangan Negeri itu, maka ia akan jadi satu pertembungan atau percanggahan di antara undang-undang Pusat dan undang-undang negeri.

Apabila berlaku pertembungan di antara undang-undang negeri dengan undang-undang Persekutuan, maka dengan sendirinya terbatal undang-undang negeri. Tetapi kalau kerajaan negeri hendak laksanakan juga, maka ia akan berlaku krisis undang-undang dan akibatnya akan berlaku kepada kerajaan negeri yang meneruskan juga apa yang dimaksudkan oleh Perdana Menteri waktu itu. Apa pandangan Yang Berhormat?

Tuan Haji Ismail bin Noh [Pasir Mas]: Saya bersetuju dan saya merayu kepada Yang Berhormat Dato' Menteri yang ada bersama dengan kita pada petang ini supaya memberi izin kepada Kerajaan Negeri Kelantan melaksanakan Jenayah Syariah (Pindaan) yang kita pinda baru-baru ini, dua, tiga tahun lepas. Saya rasa tidak ada apa-apa pun. Kalau Yang Berhormat boleh bagi kebenaran itu, itulah merupakan [*Membaca sepotong ayat al-Quran*] kepada Yang Berhormat dalam hidup ini iaitu membenarkan untuk melaksanakan sesuatu yang baik. [*Membaca sepotong ayat al-Quran*] "Berlumbalumbalah untuk mendapat kebajikan".

Dan saya rasa bahawa Yang Berhormat Dato' Menteri tidak susah sangat untuk memberi kelonggaran kepada negeri Kelantan dan saya mohon dalam Dewan yang mulia ini kepada Yang Berhormat Dato' Menteri supaya meluluskan permohonan daripada Kelantan untuk melaksanakan Enakmen Negeri Kelantan yang dipinda.

Yang sebelum terakhir, Tuan Yang di-Pertua, iaitu mana-mana pindaan..

Timbalan Yang di-Pertua [Datuk Lim Si Cheng]: Sebelum terakhir, ada berapa perkara lagi? Sebelum terakhir, satu sahajalah.

Tuan Haji Ismail bin Noh [Pasir Mas]: ...sebagai tangkapan yang dibuat oleh mana-mana jabatan Islam.

Tuan Haji Md. Alwi bin Che Ahmad [Pasir Puteh]: [Bangun]

Timbalan Yang di-Pertua [Datuk Lim Si Cheng]: Yang Berhormat, Yang Berhormat bagi Ketereh.

Tuan Haji Ismail bin Noh [Pasir Mas]: Saya hendak habis ini, sedikit lagi.

Tuan Haji Md. Alwi bin Che Ahmad [Ketereh]: Terima kasih Tuan Yang di-Pertua, terima kasih Yang Berhormat bagi Pasir Mas yang berilmu. Saya terpanggil untuk bangun walaupun saya baru masuk petang ini kerana saya menghabiskan masa pagi saya di Mahkamah Sesyen tadi. Saya tertarik bila Yang Berhormat bagi Pasir Mas memohon dalam Dewan ini untuk Menteri membenarkan. *It is a political ploy, it is irrelevant*, dengan izin, sebab ianya tidak dapat dilaksanakan bukan larangan daripada Kerajaan Persekutuan. Ia bukan larangan. *Constitutionally*, agama adalah hak negeri.

Untuk melakukan sesuatu dalam negeri itu, buatlah, tetapi hendak mengatakan Kerajaan Persekutuan tidak membenarkan, sebenarnya tidak betul dan kalau menteri kata boleh buat sekalipun, *Constitution* perlu dipinda, itu yang sebenarnya. Itu Perlembagaan negara ini, itu yang perlu dipinda terlebih dahulu bahawasanya hal-hal agama mestilah menjadi hak Persekutuan dan hendak meminda perkara tersebut, hal agama adalah hak raja-raja dan raja-raja pula kena bersetuju.

Timbalan Yang di-Pertua [Datuk Lim Si Cheng]: Yang Berhormat hendak jawab soalan atau minta penjelasan?

Tuan Haji Md. Alwi bin Che Ahmad [Ketereh]: Tidak, saya hendak bagi penerangan kepada Yang Berhormat sebab bila bercakap begitu, seolah-olah kesalahan itu diletakkan kepada Yang Berhormat Menteri, kesalahan itu diletakkan kepada UMNO, tidak! Saya sebagai orang Islam, saya hendak tengok undang-undang berjalan dengan betul. Tetapi ada had-had tertentu, ada limit tertentu yang terpaksa kita laksanakan, kita mencuba. Kita akan boleh buat tetapi ada masa-masa tertentu.

Meletakkan kesalahan, "Ha, PAS sudah buat. Kan kita sudah buat, UMNO yang tidak bagi, Kerajaan Pusat yang tidak bagi." Itu *political ploy* namanya. *That's wrong, it is unfair*, tidak adil. Sedangkan dalam undang-undang [*Membaca sepotong ayat al-Quran*] "Hukumilah dengan adil dan keadilan itu bukan susah hendak dapat". Sebab itu tadi kita bincang pasal mukadimah zina atau tidak zina. Bukan senang hendak menyaksikan keris masuk dalam sarung. *It's not easy* kena tengok dengan mata kepala. Mana ada orang berzina depan mata orang, tengok mata kepala masuk. Kalau sudah macam itu...

Itu maksud saya, Yang Berhormat. Saya faham maksud Yang Berhormat hendak tengok macam itu. Saya juga begitu tetapi keadaan melihatkan begitu dan kita bersama menuju ke arah itu, saya setuju. Terima kasih.

Tuan Haji Ismail bin Noh [Pasir Mas]: Terima kasih Yang Berhormat bagi Ketereh. Sebenarnya dia tengok kepada Yang Berhormat Menteri tadi, dia angguk hendak setuju. [*Ketawa*] Maknanya daripada angguk tadi hendak setuju, hendak bagi kebenaran kepada Kerajaan Kelantan tetapi Yang Berhormat bagi Ketereh pula nampak tidak setuju, buat halangan-halangan.

Tuan Haji Md. Alwi bin Che Ahmad [Ketereh]: Saya minta maaf. Itu *pre judge, that is wrong* mengatakan saya tidak bersetuju. Saya tidak mengatakan tidak bersetuju. Semasa saya bercakap pun menteri angguk. Angguk bukan makna setuju, angguk itu maknanya apa yang saya katakan itu adalah betul, bukan bermakna setuju. Angguk-angguk itu memahami, banyak orang angguk.

Timbalan Yang di-Pertua [Datuk Lim Si Cheng]: Itu pun anggapan Yang Berhormat.

Tuan Haji Md. Alwi bin Che Ahmad [Ketereh]: Jangan tuduh kata saya tidak setuju. Saya bukan bagi halangan. Saya cerita adalah tidak adil untuk mengatakan Kelantan tidak boleh buat kerana Persekutuan tidak bagi, *that is wrong*. Terima kasih.

Timbalan Yang di-Pertua [Datuk Lim Si Cheng]: Yang Berhormat bagi Pasir Mas faham ya?

Tuan Haji Ismail bin Noh [Pasir Mas]: Saya boleh faham, Tuan Yang di-Pertua. Tinggal lagi ada satu, dua perkara iaitu saya melihat apabila tangkapan yang berlaku, tangkapan yang telah dibuat oleh JAWI ke atau oleh mana-mana badan pencegah maksiat di peringkat negeri, di peringkat ini nampak tidak kuat, keesokan, dua hari, lepas. Jadi mengapa boleh berlaku? Saya hendak tanya Yang Berhormat Menteri sebagaimana yang berlaku di kelab malam, *The Zouk*, satu ketika dahulu. Dia ditahan.

Saya rasalah Yang Berhormat Menteri, ikut kaedah Islam ini, sekiranya dia sudah dimasukkan di Mahkamah Syariah, perkara ini kena diteruskan. Tidak boleh dibatalkan di tengah jalan, itu kaedah. Tidak boleh, bila dimasukkan mesti diselesaikan. Sebab itulah dalam Mazhab Hanafi yang kita bincang ini pun sendiri, dalam sembahyang sunat itu pun bila masuk sahaja dalam sembahyang sunat, maka tidak boleh kita batalkan sembahyang sunat kita. Wajib kita selesaikan kalau mengikut dan ambil kira mazhab. Betul sembahyang sunat itu sunat. Dalam Mazhab Syafie, tidak apa. Allahuakbar, kemudian sembahyang-semahyang, ada kerja, boleh berhenti sembahyang. Dalam Mazhab Hanafi tidak boleh berhenti, berdosa kita.

Walaupun dalam perkara sunat, bila kita sudah masuk dalam perkara sunat tadi, maka kewajipan itu sudah jadi wajib walaupun dia sunat, kekal dengan sunat tetapi perbuatan itu dia jadi wajib kepada kita. Begitu juga penangkapan ini, bila sudah caj di mahkamah, maka tidak ada lagi kuasa-kuasa lain yang boleh membatalkan.

Kerana itulah Nabi Muhammad s.a.w menyebut [*Membaca sepotong ayat al-Quran*] Sekiranya Fatimah binti Muhammad mencuri, saya, Muhammad, bapa dia sendiri, saya akan kerat tangan dia, itu ketegasan. Ada seorang sahabat yang datang kepada Rasulullah s.a.w sehingga Nabi kata [*Membaca sepotong ayat a-Quran*] "*Dimusnahkan kaum sebelum daripada mereka*" Kerana bila kes ini dibawa dan orang-orang dia maka tidak dibicarakan kerana kes ini terbabit dengan anak beranak dia, tidak dibicarakan, Nabi kata *hallaq*. Hancur lebur, punah binasa kaum itu, bangsa itu, keturunan itu. Jadi, bila benda ini sudah sampai kepada Mahkamah Syariah ataupun sampai sudah kepada pengetahuan, sudah direkod benda ini kena teruskan, lain kalau tidak direkodkan. Kalau tidak direkodkan ada perkiraan bawah sana, lain halnya tapi sudah direkodkan.

Kadang-kadang memalukan juga kita sebuah Mahkamah Syariah, pasal JAWI baru-baru ini saya minta penjelasan yang sejelas-jelasnya supaya masyarakat tidak terkeliru, bagaimana ada orang menyatakan bahawa pihak berkuasa lemah dan tidak mempunyai '*quwwah*' tidak ada kekuatan. Barangkali itulah ulama-ulama menyatakan bahawa [*Membaca sepotong ayat Al-Quran*] "*Dakwah itu, Islam itu memerlukan kepada kekuatan, Islam memerlukan kepada kekuatan untuk mempertahankan kemenangan Islam*" Jadi kita melihat semacam Islam di negara kita ini tidak dilindungi, kita mengakui tetapi semacam, semacam dia tidak dilindungi oleh undang-undang. Hendak buat itu, hendak buat ini, hendak keluar, hendak masuk, hendak apa pun hendak pergi.

Bahkan hendak buat apa sahaja pun tidak apa, tidak kira ada halal haram. Kita ini dari Kelantan, kenapa kita tidak boleh kita tidak benarkan Mak Yong? Tadi Yang Berhormat Kota Baharu sebut Mak Yong tadi, saya hendak bangun tidak dapat. Mengapa tidak dibenarkan Mak Yong, Menora? Saya hendak tanya Yang Berhormat bagi Kota Bahru Mak Yong, Menora ini adakah mainan orang Kelantan? Mak Yong, Menora ini bukan mainan orang Kelantan, diimport daripada Siam, daripada Thailand, daripada *Bunza*, daripada orang-orang '*Bunza*' di Thailand. Semua panggung itu ceritanya diambil daripada sana bawa mai kepada orang Kelantan, dan yang menghidupkan cerita ini di mana? Di makbad-makbad ataupun di rumah-rumah Buddha di waktu perayaan-perayaan agama Buddha di tokong-tokong dia, di wat-wat dia.

Takkanlah kita Orang Melayu hendak jadikan budaya dia orang itu hendak jadi budaya kita, Mak Yong baik, Menora baik. Berdikir barat tidak ada apa pun. [*Disampuk*] Tidak, tiada ada apa, saya kena terangkan.

Seorang Ahli: [Menyampuk]

Tuan Haji Ismail bin Noh [Pasir Mas]: Berkaitan dengan syariah juga ini, ini pun berkaitan dengan syariah juga, Yang Berhormat. Berdikir barat tidak ada apa pun, Halim Yazid, kaset Halim Yazid. Halim Yazid sendiri, Tok Guru Nik Aziz berada di hadapan ketika Halim Yazid mendendangkan lagu tupai di Balai Islam, saya ada. Saya pesan dekat anak saya tengok berjayanya Halim Yazid cerita hal tupai ada seekor tupai begini, begini, saya ingat lagu dia. Tidak ada apa pun, lagu nasihat, wayang kulit pun, wayang kulit nasihat tidak ada apa. Yang tidak bolehnya wayang kulit Pak Dogho, Wak Long yang karut, mari di mana tidak tahulah cerita ini, yang macam ini yang tidak bolehnya.

Ada satu wayang kulit yang dibuat oleh Dewan Bahasa dan Pustaka ditayangkan di Kelantan tidak jadi masalah pula, wayang kulit juga ditayangkan di negeri Kelantan dan saya tengok wayang kulit itu di pawagam, di Laman Budaya di Kota Bahru, tidak ada apa pun. Yang tidak bolehnya yang bercanggah dengan unsur Islam. UMNO pun tidak mahu juga benda ini, UMNO sendiri pun tidak hendak juga. Adakah UMNO hendak juga bercanggah dengan Islam? Saya rasa UMNO pun tidak hendak juga.

Timbalan Yang di-Pertua [Datuk Lim Si Cheng]: Yang Berhormat bila hendak sampai terakhir?

Tuan Haji Ismail bin Noh [Pasir Mas]: Ini akhir sudah, akhir, Tuan Yang di-Pertua.

Timbalan Yang di-Pertua [Datuk Lim Si Cheng]: Baik.

Tuan Haji Ismail bin Noh [Pasir Mas]: Yang terakhir sekali iaitu saya lihat bahawa mana-mana undang-undang syariah dan mana-mana undang-undang yang bercanggah dengan Perlembagaan negara kita maka undang-undang itu terbatal. Saya rasa perlu Dewan kita ini, Parlimen kita ini buat satu kajian yang teliti, undang-undang Islam. Undang-undang Islam ini undang-undang yang tertinggi [*Membaca sepotong ayat al-Quran*] Di atas kalimah Lailahaillallah ini saya hidup dan saya mati dan saya akan di bangkit di akhirat dengan Lailahaillallah

Ini kalimah yang paling tinggi, tidak ada kalimah yang tertinggi daripada kalimah yang sedemikian. Jadi, kalaulah undang-undang yang dirangka, kalau kita tidak bukakan ruang ini bila undang-undang Islam sebenarnya? Sampai bila undang-undang Islam sebenarnya dapat dilaksanakan, tidak boleh, memang tidak boleh sebagaimana Yang Berhormat bagi Ketereh sebut tadi. Saya pun memerhati apa yang disebut oleh Yang Berhormat bagi Ketereh memang benar, undang-undang yang digubal di setiap Dewan Undangan Negeri, tambahan undang-undang kisas, hudud, dan sebagainya tidak boleh dilaksanakan. Tambahan pula ada seorang wanita Johor satu ketika dahulu dia mengaku bahawa dia berzina sebagaimana berlaku pada Mais Ghomidiah.

Ghomidiah datang kepada Rasulullah, "Ya Rasulullah, [*Bercakap dalam bahasa Arab*] Ghomidiah sebut depan Rasulullah [*Bercakap dalam bahasa Arab*] Laksanakan hukum hudud kepada saya. [*Bercakap dalam bahasa Arab*] "Saya telah berzina, ya Rasulullah". Nabi kata, kamu gila, nabi kata, kamu hilang akal, nabi kata, begini-begini, nabi kata, balik dahulu. Dia kata, saya mengandung sudah ya Rasulullah. Apa lagi lebih besar daripada dia kata, saya mengandung sudah ya Rasulullah. Maka, Nabi kata, nanti kamu lahirkan anak. Datang lagi, nabi kata biar anak kamu lepas besar sehingga umur dua tahun boleh makan roti dengan sendirinya tidak perlu dibantu oleh orang lain.

Sekarang ini orang Johor datang menemui Jabatan Agama Islam, di Johor kalau tidak silap saya, di Johor pada suatu ketika dahulu, minta supaya dia mengaku dia berzina dijawab dengan senang, *very simple* [*Membaca sepotong ayat al-Quran*] Dijawab dengan senang dengan tidak ada apa-apa, saya tidak dapat melaksanakan undang-undang ini kerana dia tidak ada peruntukan undang-undang yang diberi pada saya. Kalau saya rejam puan, kalau saya sebat puan, saya akan dikenakan hukuman lain kerana saya telah melanggar undang-undang Persekutuan. Jadi, selama mana tuan-tuan, Yang Berhormat-Yang Berhormat kita hendak berada dalam keadaan begitu? Hendak berada dalam keadaan apa yang disebut oleh Dato' Dr. Mashitah.

Berzina tidak apa kerana...berzina tidak apa kerana darurat. Biarlah saya hendak bawa sini pada doktor, apa disebut oleh Yang Berhormat Dato' Dr. Mashitah. Yang

Berhormat bagi Baling, maaf, Setiausaha Parlimen. Saya terkejut, saya kata Subhanallah, Dr. Mashitah ini orang mengaji saya pun kenal dia.

Timbalan Yang di-Pertua [Datuk Lim Si Cheng]: Yang Berhormat, tidak perlu sebut nama, Yang Berhormat.

Tuan Haji Ismail bin Noh [Pasir Mas]: Yang Berhormat doktor kita.

Seorang Ahli: Tarik balik!

Tuan Haji Ismail bin Noh [Pasir Mas]: Balik?

Seorang Ahli: Tarik balik nama itu.

Tuan Haji Ismail bin Noh [Pasir Mas]: Mengaji? Tapi mengapa membuat jawapan yang begitu mudah, padahal kalau Yang Berhormat menjawab, bila orang tanya apa hukum seorang janda, ibu tunggal yang terdesak? Lebih baik dia kata, dalam keadaan darurat begini lebih baik dia minta sedekah, lebih baik dia mencuri daripada dia berzina, lebih baik daripada dia melacur. Melacur ini tidak boleh buka jalan ke dia, berzina tidak boleh buka jalan. Nanti bukan ibu tunggal, bapa tunggal hendak pula. Sedikit lagi bapa tunggal pula, saya pun terdesak juga ini.

Dato' Raja Ahmad Zainuddin bin Raja Haji Omar [Larut]: Boleh minta penjelasan sedikit, Yang Berhormat? Lama Yang Berhormat berucap ini.

Tuan Haji Ismail bin Noh [Pasir Mas]: Boleh, boleh.

Dato' Raja Ahmad Zainuddin bin Raja Haji Omar [Larut]: Saya ingat Yang Berhormat kalau hendak adil mintalah Yang Berhormat Setiausaha Parlimen itu bagi penjelasan sedikit, apa sebenarnya yang dia kata, baru adil. Boleh? Ha? Ha?

Seorang Ahli: Biar dialah.

Tuan Haji Ismail bin Noh [Pasir Mas]: Jawapan, jawapan dalam jawapan isi jawapan saya hendak tanya.

Dato' Raja Ahmad Zainuddin bin Raja Haji Omar [Larut]: Ha itulah, kata tadi Yang Berhormat hendak cari keadilan.

Tuan Haji Ismail bin Noh [Pasir Mas]: Saya hendak tanya sini, kalau saya tanya Yang Berhormat ...

Dato' Raja Ahmad Zainuddin bin Raja Haji Omar [Larut]: Bagi peluang beliau bagi penjelasan, tidak boleh? Boleh tidak boleh ini? Kalau tidak boleh Yang Berhormat menidakkan perempuan, kaum wanita. Ha? Terima kasih.

Tuan Haji Ismail bin Noh [Pasir Mas]: Jawab dalam jawapan, Menteri boleh jawab, Setiausaha boleh jawab, lepas pada ini boleh jawablah, boleh cari nas boleh cari apa, boleh cari hujah. Sekarang ini saya hendak kemukakan, saya kata tidak munasabah Yang Berhormat daripada Baling mengeluarkan fatwa dan hujah begitu. Kerana banyak cara lagi, saya kata. Orang telefon dekat saya, orang Kuala Lumpur telefon dekat saya dia kata, "*Ustaz, bolehkah saya melacurkan? Bolehkah saya, dalam keadaan terdesak begini saya hendak melacur?*" Saya kata, "*Tidak boleh*".

Dia kata, pasal apa pula? Dia kata, Yang Berhormat Baling kata, boleh. Ini hujah dia. Saya kata, tidak munasabah, tidak akanlah Yang Berhormat Baling memberi jawapan begitu mudah. Walaupun dalam keadaan darurat pun kerana darurat itu membuka yang lain, bukan darurat membuka ke arah zina. Yang Berhormat boleh sebut bahawa bila dalam keadaan terdesak sedemikian...

Timbalan Yang di-Pertua [Datuk Lim Si Cheng]: Yang Berhormat ayat terakhir sudah lama.

Tuan Haji Ismail bin Noh [Pasir Mas]: Yalah! Tuan Yang di-Pertua, oleh kerana enakmen ini banyak, luas...

Timbalan Yang di-Pertua [Datuk Lim Si Cheng]: Yang Berhormat macam beri ceramah.

Tuan Haji Ismail bin Noh [Pasir Mas]: Sikit-sikit ceramah tidak apa. Sikit-sikit ceramah. Jadi saya mengharapkan benda-benda jawapan begini tidak dengan mudahnya begitu, tidak mudah kita jawab kerana memberi ruang yang begitu besar sedangkan dalam kaedah-kaedah. Saya perhati dalam Al-Quran *wala takrabu* ini, zina sahaja ada dalam itu. *Wala takrabu* ini bab zina sahaja ada. Daging babi tidak ada *walatakrabu lahma khinzir*. Tidak ada [*membaca sepotong ayat al-Quran*]. Ha itu sahaja dalam syurga itu, bukan dunia, dalam syurga itu dalam syurga tidak ada kena mengena dunia.

Ini menunjukkan bahawa di sini bahawa ada seorang laki-laki Badwi yang datang kepada Rasulullah menanyakan kepada Rasulullah, "Ya Rasulullah, saya hendak masuk Islam tetapi saya hendak berzina. Ya Rasulullah, saya tidak boleh tinggal zina ini." Eh, kalau jawapan tadi saya rasa, jawab boleh tu. Kalau dengan jawapan mudah-mudah apa salahnya berzina sekali, masuk Islam kerana Islam ini besar, Islam ini hebat, bila dia masuk Islam ini dia berzina sekali kemudian berhentilah berzina. Tetapi Nabi tidak jawab begitu, Nabi kata *Attardhauna* adakah kamu juga ...

Dato' Raja Ahmad Zainuddin bin Raja Haji Omar [Larut]: Yang Berhormat saya hendak mintalah Yang Berhormat cepat-cepatlah bagi penjelasan. Ini bukan perkara main-main Yang Berhormat.

Timbalan Yang di-Pertua [Datuk Lim Si Cheng]: Yang Berhormat, Yang Berhormat...

Tuan Haji Ismail bin Noh [Pasir Mas]: Lepas inilah, lepas ini saya bagilah.

Timbalan Yang di-Pertua [Datuk Lim Si Cheng]: Pihak kerajaan boleh jawab nantilah...

Dato' Raja Ahmad Zainuddin bin Raja Haji Omar [Larut]: Yalah, Yang Berhormat kalau betul-betul adil bagilah peluang untuk beliau membuat penjelasan.

Timbalan Yang di-Pertua [Datuk Lim Si Cheng]: Yang Berhormat, Yang Berhormat ...

Dato' Raja Ahmad Zainuddin bin Raja Haji Omar [Larut]: Rantau Panjang ini jangan bising ini saya berhujah, bukannya apa.

Timbalan Yang di-Pertua [Datuk Lim Si Cheng]: Yang Berhormat tidak apalah sebab tidak ada orang minta dia...

Dato' Raja Ahmad Zainuddin bin Raja Haji Omar [Larut]: Tidak, Tuan Yang di-Pertua. Ini satu mengesahkan ...zina itu.

Timbalan Yang di-Pertua [Datuk Lim Si Cheng]: Yang Berhormat pihak kerajaan akan jawab...

Dato' Raja Ahmad Zainuddin bin Raja Haji Omar [Larut]: Saya tahu...

Tuan Haji Ismail bin Noh [Pasir Mas]: Lepas ini kerajaan jawablah.

Dato' Raja Ahmad Zainuddin bin Raja Haji Omar [Larut]: Yalah kalau boleh apa salahnya Yang Berhormat bagi peluang, apa salahnya.

Tuan Haji Ismail bin Noh [Pasir Mas]: Saya bagi peluang lepas ini.

Dato' Raja Ahmad Zainuddin bin Raja Haji Omar [Larut]: Ha, bagilah peluang sekarang kalau beliau hendak buat penjelasan.

Tuan Haji Ismail bin Noh [Pasir Mas]: Tidak, kena buat *research* ini.

Dato' Raja Ahmad Zainuddin bin Raja Haji Omar [Larut]: Tidak adillah. *Research* apa Yang Berhormat daripada tadi sama sahaja.

Timbalan Yang di-Pertua [Datuk Lim Si Cheng]: Yang Berhormat...

Tuan Haji Ismail bin Noh [Pasir Mas]: Nanti saya bagi peluang kepada Yang Berhormat. Jadi, Rasulullah s.a.w letak tangan di dada lelaki tadi apakah kamu redha kalau mak kamu dizinahi. Dia kata, ya Rasulullah.. [*membaca sepotong ayat Al-Quran*] begitulah,

kemudian apakah redha kamu kalau anak kamu dizina oleh orang lain? Saya tidak redha, ya rasulullah. Apakah kalau isteri kamu dizina oleh orang lain? Saya tidak redha, ya rasulullah. Akhir sekali orang ini benci kepada zina, benci sebenci-bencinya kepada zina. Ini menunjukkan bahawa jawapan yang mudah yang dibagi oleh Yang Berhormat Setiausaha Parlimen tadi adalah terlalu sahlah terlalu begitu mudah dengan tidak mengambil kira banyak fakta lain.

Timbalan Yang di-Pertua [Datuk Lim Si Cheng]: Yang Berhormat saya sudah cukuplah perkara ini sudah ulang banyak kalilah..

Tuan Haji Ismail bin Noh [Pasir Mas]: *Last* yang terakhir sekali.

Timbalan Yang di-Pertua [Datuk Lim Si Cheng]: Yang Berhormat tidak tunai janji.

Tuan Haji Ismail bin Noh [Pasir Mas]: Saya sebut tadi Tuan Yang di-Pertua bahawa kita mesti bukakan benteng ini supaya...

Ir. Haji Hamim bin Samuri [Ledang]: Tuan Yang di-Pertua, Peraturan Mesyuarat

Timbalan Yang di-Pertua [Datuk Lim Si Cheng]: Peraturan Mesyuarat.

Tuan Haji Ismail bin Noh [Pasir Mas]: Tak payah guna peraturan.

Ir. Haji Hamim bin Samuri [Ledang]: Ini, esok, kerajaan akan hanya jawab besok. Kerajaan hanya akan jawab besok

Timbalan Yang di-Pertua [Datuk Lim Si Cheng]: Mana satu peraturan mesyuarat..

Ir. Haji Hamim bin Samuri [Ledang]: Saya takut malam ini, Tuan Yang di-Pertua. Saya takut malam ini, malam ini, oleh kerana orang salah faham orang berzina malam ini

Timbalan Yang di-Pertua [Datuk Lim Si Cheng]: Yang Berhormat tidak berkenaan dengan Peraturan Mesyuarat ...

Ir. Haji Hamim bin Samuri [Ledang]: Mintalah peluang, Setiausaha Parlimen jawab.

Tuan Haji Ismail bin Noh [Pasir Mas]: Saya kalau orang berzina tidak dosa saya. Tidak ada saya pun saya. Saya sudah beritahu saya tidak permudahkan, saya kata bab zina ini kalau benda lain boleh kita - boleh kita permudahkan sikit-sikit tetapi masalah zina ini begitu ketat sekali Rasulullah s.a.w. Hendak banding hendak kias dengan yang lain tidak boleh kias. Hendak kias dengan apa ini, anak Sumaiyah yang apa ini, yang diucap supaya tidak mengucap menyebut perkataan-perkataan lain yang boleh membatalkan syahadah. Dia kata dengan mulut dia tetapi hati dia tidak kata.

Boleh dia kata dengan mulut dia. Dia maki agama apa ke, mulut dia tetapi hati dia tetap dengan agama. Zina tidak boleh kerana redha kedua-duanya, redha hati, redha perbuatan, redha hati suka hendak apa itu ini. Maka lebih baik Yang Berhormat saya rasa pada pandangan sayalah menghalakan yang lain, lebih baik minta sedekah, lebih baik menjadi begitu jadi begini jadi penyanyi ke kita kata biarlah jadi penyanyi ha pergi jadi penyanyi daripada jadi pelacur. Jadi saya rasa banyak lagi Yang Berhormat Tuan Yang di-Pertua.

Timbalan Yang di-Pertua [Datuk Lim Si Cheng]: Yang Berhormat...

Tuan Haji Ismail bin Noh [Pasir Mas]: Tuan Yang di-Pertua apa yang saya hendak ucapkan kepada kerana undang-undang ini terlalu banyak sangat tetapi oleh kerana kawan-kawan lain lagi hendak bercakap saya mintak maaf banyak ke atas keterlanjuran saya dan saya pohon izin Yang Berhormat Datuk Menteri memberi jawapan kepada apa yang saya musykilkan tadi.

Saya minta Yang Berhormat Menteri, kalau Yang Berhormat menteri mahu saya bawa balik amanah kepada Tok Guru Nik Aziz supaya Tok Guru Nik Aziz menulis surat kepada Yang Berhormat Menteri untuk membenarkan melaksanakan hukum zina dan syariah di negeri Kelantan ini, saya boleh berbuat demikian. Insya-Allah ataupun Yang

Berhormat sendiri yang meminta mana-mana Enakmen Keluarga Islam yang telah diluluskan dilaksanakan. Saya cukup-cukup bersetuju dengan sebarang pindaan undang-undang Islam kepada ke arah kesejahteraan rakyat kita dan kepada umat Islam. [*Baca doa*]. Assalamualaikum warahmatullah.

Timbalan Yang di-Pertua [Datuk Lim Si Cheng]: Kalabakan.

4.17 ptg.

Datuk Abdul Ghapur bin Salleh [Kalabakan]: Assalamualaikum warahmatullahi wabarakatuh.

Tuan Yang di-Pertua, Ahli-ahli Yang Berhormat, kita nampak rang undang-undang yang dibentangkan ini tidak termasuk negeri Sabah dan Sarawak dan Wilayah Persekutuan. Ini mendukacitakan kerana kita semua sedia maklum Sabah dan Sarawak ini menyertai Malaysia tahun 1963 lagi. Negeri Sabah beranggapan bahawa Kerajaan Persekutuan ini dia punya bapak tetapi nampaknya negeri Sabah ini dianaktirikan kerana semua rang undang-undang termasuk ini tidak melindungi Sabah dan Sarawak. Kita banyak masalah Tuan Yang di-Pertua:

Yang pertama mengenai tanah-tanah wakaf di Sabah. Tanah-tanah wakaf ini tidak ditadbirkan dengan baik kerana sejak kita merdeka tanah-tanah wakaf ditadbirkan oleh jawatankuasa yang bukan dilantik oleh kerajaan. Kita nampak di Sabah banyak salah guna. Tanah-tanah wakaf, pungutan daripada masjid-masjid ditadbirkan oleh satu badan di daerah-daerah. Orang Sabah di daerah-daerah tidak tahu bagaimana kewangan itu dibelanjakan. Atas tabung mana kewangan ini ditaruk atau atas nama individu. Pengerusi yang dilantik oleh masyarakat sahaja bukannya daripada kerajaan, tidak ada tempat untuk orang mengadu di tanah-tanah wakaf dan juga wang-wang Baitulmal.

Wang-wang Baitulmal ini dipungut, dikutip oleh kerajaan beratus juta ada dan ianya dibahagi kepada yang harus menerima. Orang-orang miskin, orang tidak upaya dan lain-lain tetapi masalah di Sabah, Majlis Agama Islam Sabah yang mentadbirkan badan Baitulmal ini mereka bahagi wang-wang ini kadangkala ada digunakan untuk kepentingan politik.

Tuan Yang di-Pertua, kepada siapa kita mahu mengadu? Kalau badan Majlis Agama Islam menggunakan wang ini untuk kepentingan mungkin Pengerusi Majlis Agama atau jawatankuasanya kita mengadu kepada mereka, mereka tidak ambil tindakan kerana ... jadi saya minta mungkin walaupun jawapan menteri saya tahu nanti ini kerajaan negeri punya tanggungjawab.

Banyak perkara yang sudah kemukakan jawapannya ini masalah kerajaan negeri. Wang Baitulmal ini yang sebenarnya sepatutnya digunakan untuk kebajikan rakyat seperti mana Yang Berhormat Sri Gading katakan kelmarin ada orang di Sarawak yang makan siput babi. Tidak ada makan. Wang ini boleh digunakan, wang ini boleh digunakan untuk membantu orang-orang miskin.

Kita minta mungkin kita mahu *highlight* perkara ini, kalau TV1, TV2 takut *highlight* tidak apalah kita minta TV3 *highlight* perkara-perkara seperti ini, penyelewengan dalam menguruskan Baitulmal ini.

Tuan Yang di-Pertua penguatkuasaan undang-undang ini tidak sampai ke Sabah. Jawapan nanti yang dibagi undang-undang negeri Sabah yang begitu tidak berkuasa yang begitu mementingkan orang yang berjawatan sahaja maka tidak dapat kita terima.

Tuan Yang di-Pertua, mungkin pemikiran ini, pemikiran perniagaan untuk keuntungan. Mungkin kementerian sudah ada syarikat *supply* untuk benda-benda ini. Sudah ada satu syarikat yang mahu *supply* benda-benda, tidak fikir apa macam mahu diberikan kepada rakyat, bahkan asal ada peruntukan keluar, *supply* sudah, untung sudah masuk dalam poket. Ini mungkin.

Tuan Yang di-Pertua, halal, haram ini mesti diputuskan terlebih dahulu. Kita tidak mahu Menteri Kesihatan kata kita mahu teruskan rancangan kita untuk memberi kondom

dan jarum ini kepada rakyat jelata. Kita tidak mahu kerana ini belum diputuskan oleh Majlis Fatwa Kebangsaan atau diputuskan oleh badan agama di Jabatan Perdana Menteri. Ini penting.

[Timbalan Yang di-Pertua [Datuk Dr. Yusof bin Yacob] **mempengerusikan mesyuarat**]

Datuk Abdul Ghafur bin Salleh [Kalabakan]: Tuan Yang di-Pertua, banyak masalah rakyat lain terutama sekali di luar-luar bandar, banyak kemiskinan yang ada, wang-wang Baitulmal di Sabah berpuluh-juta ada tetapi kita tidak nampak wang-wang ini diberi ke mana. Kalau kita tanya dalam Dewan yang mulia ini tentu Menteri cakap tadi, Sabah punya kita tidak campur tangan. Kita mintalah berkenaan agama ini...

Timbalan Yang di-Pertua [Datuk Dr. Yusof bin Yacob]: Yang Berhormat Kalabakan, Yang Berhormat Pontian bangun.

Ir. Hasni bin Haji Mohammad [Pontian]: Terima kasih Tuan Yang di-Pertua. Yang Berhormat Kalabakan, apa pandangan Yang Berhormat. Saya berbalik semula, minta maaf Yang Berhormat ya, mengenai kondom dan jarum tadi ini.

Kalau kita buat secara *pilot* projek dahulu. Ini bererti bahawa pengguna yang memerlukan kondom dan jarum ini, memang sudah dikenal pasti terdiri daripada pembawa HIV, mungkin penagih dadah dan pengagihan itu dibuat misal kata di pusat-pusat perubatan yang berdaftar, di klinik-klinik swasta yang mana mereka berdaftar di situ dan mereka ini diberi percuma. Apa pandangan Yang Berhormat, kalau peringkat awal *pilot* ini kita buat begitu?

Datuk Abdul Ghafur bin Salleh [Kalabakan]: Yang pertamanya kita tidak boleh buat pilot projek dahulu kerana kita mahu minta dahulu Majlis Fatwa Kebangsaan mentafsirkan sama ada ia haram atau halal untuk kita menggalakkan ini.

Kedua, kalau kita mahu buat *pilot* projek, kita mahu buat stesen misalnya di mana-mana tempat, di bandar-bandar besar ini, di hospital orang tidak datang. Orang-orang ini tidak datang, takkan orang kata saya ada penyakit HIV AIDS, saya mahu jarum dan kondom, orang tidak datang. Siapa mahu datang, dia malu.

Kalau sekiranya kita katakan penagih dadah, saya sudah katakan dahulu penagih dadah ini dia separuh gila. Dia tidak tahu pun kerajaan mahu bagi kondom yang diberi untuk dia, dia tidak tahu pun. Membaca pun dia tidak tahu, macam mana dia mahu datang. Melainkan kitalah wakil-wakil rakyat pergi di Chow Kit, di mana-mana, di belakang mana-mana tempat yang tertentu kita pergilah, bagi.

Ini bermasalah, tidak boleh, *pilot* pun tidak boleh. Saya tidak setuju sama sekali kerana ini mustahil. Kita membelanjakan wang rakyat beratus juta untuk kita tidak nampak faedahnya untuk masa sekarang dan masa akan datang, kita tidak nampak faedah. Untuk menyelesaikan masalah HIV, AIDS ini orang yang datang mengadu ada penyakit ini, kita cari jalan lain.

Kalau dia penagih, kita letak dia dalam satu pulau, kuarantin sama dia. Jangan kita beri dia bebas berkeliaran di bandar-bandar dan di tempat-tempat tertentu. Kita letak dia dalam pulau-pulau, dia datang kita letak. Belanjakan makan lebih baik daripada kita kasi dia kondom dan jarum ini kerana itu akan memudaratkan mereka lagi. Kerajaan galakkan kita untuk menagih, kerajaan galakkan kita untuk buat ini dan itu kerana mereka bagi, mereka tahu kita mahu. Ini mereka bagi *free*.

Timbalan Yang di-Pertua [Datuk Dr. Yusof bin Yacob]: Ya, Ampang bangun.

Dr. Rozaidah binti Talib [Ampang]: Terima kasih.

Timbalan Yang di-Pertua [Datuk Dr. Yusof bin Yacob]: Yang Berhormat Ampang sila.

Dr. Rozaidah binti Talib [Ampang]: Yang Berhormat Kalabakan, adakah Yang Berhormat bersetuju jika saya katakan bahawa kerajaan sekarang adalah dalam keadaan panik dan Yang Amat Berhormat Perdana Menteri telah mengatakan bahawa keadaan

HIV/AIDS negara kita ini adalah dalam keadaan darurat. Saya boleh bagi statistik bahawa sekarang ini ada lebih 64,000 penghidap HIV/AIDS dan 75.6% adalah penagih dadah.

Sebenarnya yang hendak dijalankan *pilot* projek ini adalah dalam keadaan terkawal, di mana penagih-penagih dadah ini bukan kita mengajak sesiapa sahaja *on the street*, dengan izin, adalah di dalam *rehabilitation center* dan di klinik-klinik kesihatan. Walaupun, bukan saya kata saya setuju tetapi adakah Yang Berhormat sedar bahawa perkara ini akan dibawa terlebih dahulu kepada Majlis Fatwa Kebangsaan dan juga badan-badan agama yang lain sebelum diputuskan. Terima kasih.

Datuk Abdul Ghafur bin Salleh [Kalabakan]: Saya katakan tadi, kita tidak boleh beri kondom dan jarum secara rambang. Kalau kita letak mereka ini di pulau, kita rawat mereka itu mungkin kita tidak membazir wang tetapi kalau dengan cara yang ada sekarang ini tidak boleh, tidak boleh terkawal. Saya katakan hari ini tidak terkawal kalau kerajaan teruskan juga, mungkin satu hari saya juga yang betul yang ia tidak terkawal.

Tuan Yang di-Pertua, saya berbalik kepada wang Baitulmal ini tadi yang saya katakan...

Timbalan Yang di-Pertua [Datuk Dr. Yusof bin Yacob]: Yang Berhormat...

Puan Teresa Kok Suh Sim [Seputeh]: Minta penjelasan.

Timbalan Yang di-Pertua [Datuk Dr. Yusof bin Yacob]: Yang Berhormat Seputeh minta jalan.

Puan Teresa Kok Suh Sim [Seputeh]: Terima kasih Tuan Yang di-Pertua. Tentang cadangan Yang Berhormat tadi, kita letak semua pesakit HIV AIDS dalam pulau tetapi kita lihat sekarang semakin banyak bayi selepas mereka dilahirkan mereka telah menjadi pesakit HIV AIDS dan juga kita lihat beratus-ratus orang telah menjadi pesakit HIV AIDS.

Kalau kita letakkan mereka semua dalam satu pulau, apa mereka buat di sana. Adakah ini akan menghalang penyebaran HIV AIDS. Saya memang faham *point* yang dibuat Yang Berhormat tadi bahawa sama ada pemberian jarum itu adalah satu kaedah yang baik untuk menyekat HIV AIDS itu tetapi saya rasa juga agak bimbang dengan melihat statistik yang mana pesakit HIV AIDS yang semakin bertambah.

Saya rasa buang mereka dalam satu pulau tidak boleh menyelesaikan masalah kerana kita akan lihat lebih ramai orang akan masuk ke pulau itu dan kerajaan akan menghadapi masalah kewangan untuk menampung ke semua pesakit HIV AIDS tersebut.

Datuk Abdul Ghafur bin Salleh [Kalabakan]: Seputeh ini bersetujulah untuk bagi kondom dan jarum ini kepada mereka. Saya mencadangkan mungkin bukan masukkan mereka di pulau, mungkin ada satu tempat-tempat yang tertentu di mana mereka dapat dikawal tetapi kalau kita kata di hospital kita mahu bagi ini semua, saya memang tidak setuju kerana kita mahu ada kaedah-kaedah lain.

Bukan saya katakan mesti di Pulau tetapi satu cara yang paling balik. Kita mahu membincangkan perkara ini secara meluas dahulu. Kita tidak mahu kerajaan atau kementerian buat keputusan dan kita telan sahaja keputusan yang kita tidak ingini ini.

Balik kepada ini Baitulmal ini Tuan Yang di-Pertua, Baitulmal ini saya katakan tadi sepatutnya Kerajaan Persekutuan ada kuasa. Menteri di Jabatan Perdana Menteri yang menjaga hal ehwal Islam ini ada kuasa dari segi Baitulmal, dari segi tanah-tanah wakaf, wang-wang wakaf, harta-harta orang-orang Islam di wakafkan ini. Mereka sepatutnya ada kuasa. Kita tidak boleh biarkan kepada negeri-negeri sahaja. Kalau perlu kita ubah undang-undang untuk Kerajaan Persekutuan mempunyai kuasa, kita tukar undang-undang kerana kalau kita mahu biarkan kepada Kerajaan Negeri, Sabah, Sarawak dan negeri-negeri Semenanjung ini mereka tidak mahu kuasa mereka diambil.

Mereka boleh salah gunakan ini semua. Ini saya cadangkan Menteri di Jabatan Perdana Menteri kalau perlu kita ubah undang-undang untuk bagi kuasa kepada Jabatan Perdana Menteri mengawal semua ini di mana kita dapat mengadu *direct* kepada Menteri berkenaan, ini yang paling baik. Kita tidak mahu dibiarkan begitu sahaja kerana kalau

barang kita biarkan begini dia memang salah gunakan seperti mana yang saya katakan tadi tanah wakaf, wang Baitulmal dan macam-macam.

Saya tidak sebutlah perkara-perkara tertentu, ada satu badan bukan kerajaan yang tidak dikawal oleh Majlis Agama Islam Sabah mempunyai kewangan dalam bank atas nama individu RM7 juta.

Wang Baitulmal, wang wakaf. Apa macam ini? Kita mahu mengadu kepada siapa? Mengadu pergi ke Majlis Agama Islam Sabah, dia tidak peduli mungkin dia ada kepentingan, kepada siapa kita mahu mengadu. Kita minta supaya Menteri di Jabatan Perdana Menteri mencatat apa yang saya katakan ini, buat siasatan dan kalau perlu ubah undang-undang untuk kita mengawal ini semua supaya kita tahu badan yang mengutip dana-dana atau wakaf-wakaf, wang Baitulmal ini dia bertanggungjawab kepada siapa, kita mahu tahu. Kalau kita mengadu kita tahu di mana tempat kita mengadu.

Tuan Yang di-Pertua, saya tidak mahu mengambil panjang kerana saya bukannya seperti yang Pasir Mas tadi, dia memang dikatakan ulama' dan panjang berucap hampir dua jam tetapi saya setakat ini saya minta sungguh pun pendek minta tindakan-tindakan yang sewajarnya maka saya ingin menyokong, terima kasih.

Timbalan Yang di-Pertua [Datuk Dr. Yusof bin Yacob]: Ya, Pasir Puteh.

4.41 ptg

Dato' Haji Che Min bin Che Ahmad [Pasir Puteh]: Assalamualaikum warahmatullahi wabarakatuh dan selamat sejahtera. Tuan Yang di-Pertua, Yang Berhormat Menteri, Ahli-ahli Yang Berhormat yang dikasihi sekalian. Terima kasih kerana dapat peluang untuk turut menyokong satunya Akta Keterangan Mahkamah Syariah, *Syariah Court Evidence*, dengan izin, Akta Tatacara Mal Mahkamah Syariah, *Syariah Court Civil Procedure*, dengan izin dan satu lagi ialah Akta Tatacara Jenayah Syariah, *Syariah Criminal Procedure*, dengan izin.

Tuan Yang di-Pertua, saya amat tertarik dan terpanggil hati saya untuk bangun bersama menyokong tiga akta ini. Kerana kita ketahui bahawa kita adalah negara Malaysia dan kita bersyukur kepada Allah, berada dalam keadaan aman, berada dalam keadaan selamat sejahtera walaupun kita adalah sebuah negara yang berbilang kaum, berbilang agama dan berbilang adat resam. Perlembagaan Persekutuan telah memberi kuasa untuk menggubal dan melaksanakan undang-undang Islam kepada badan-badan perundangan negeri. Sementara bagi Wilayah-Wilayah Persekutuan Kuala Lumpur dan Labuan tidak bermakna Sabah dan Sarawak ketinggalan. Oleh kerana akta ini dibubar berdasarkan kepada Wilayah-Wilayah Persekutuan boleh diterima pakai kepada semua negeri di seluruh negara. Saya amat bersyukur kerana saya tinggal JAKIM 29 tahun lebih.

Alhamdulillah, negeri-negeri telah hampir ke semuanya menerima untuk diselaraskan undang-undang syarak ini. Satu kerja yang berat, saya tahu, Yang Berhormat Menteri adalah satu kerja yang berat, oleh sebab agama adalah *state matter*, *not Federal matter*, saya selalu ulang agama adalah *state matter*, bukan *Federal matter*, tetapi kenapa *Federal matter* boleh campur tangan, kerana kita terdapat bahawa dalam peruntukan 32, 33. 32 ialah *head of the state*, *head of the religious* ialah Sultan. Kemudian mana-mana negeri yang tidak ada Sultan, tidak mempunyai Sultan, 33 ialah Yang di-Pertuan Agong sebagai Ketua Agama. Selat Melaka, Wilayah Persekutuan, Pulau Pinang, Sabah, Sarawak termasuklah Labuan ialah kuasa di bawah Agong. Maka Raja-raja Melayu sebagai ketua agama.

Kita bersyukur kerana Raja-raja Melayu bersetuju pada tahun 1968 dahulu untuk mewujudkan suatu yang dinamakan Majlis Kebangsaan Bagi Hal Ehwal Agama Islam Malaysia untuk membincang dan untuk mengkaji dan menguruskan perkara-perkara yang baik berkaitan dengan undang-undang ini kerana dalam sistem pemerintahan di negara Malaysia kita ini ada kaedahnya. Kita berpegang kepada Fiqh Aulawiyat - Yusof Qardawi dan juga kepada siasat syariah. Maka kita *declare* bahawa Malaysia sebuah negara Islam bukan dengan cara begitu sahaja kerana Malaysia telah pun melaksanakan undang-undang Islam, saya tengok bab ibadah hampir 90 peratus Tuan Yang di-Pertua, Ahli-ahli Yang Berhormat kerana masjid, surau, sekolah agama dan sebagainya telah pun dibantu oleh kerajaan dan dibina oleh kerajaan.

Sementara bab mua'malah pun sama dan juga bab munakahat pun sama, sampai nikah atau pra-perkahwinan pun dilaksanakan dengan cara diselaraskan seluruh negara oleh pihak agensi pusat iaitu JAKIM, termasuklah jenayah kita telah banyak buat undang-undang bukan sahaja tiga akta ini, yang kita tahu yang telah diluluskan dan yang diselaraskan oleh Raja-raja yang pertamanya ialah undang-undang pentadbiran, hukum syarak, keluarga Islam, jenayah syariah walaupun jenayah syariah ini masih dalam kajian. Kemudian termasuklah Akta yang tiga yang saya sebutkan tadi.

Dalam pelaksanaan ini kita dengar Pasir Mas tadi ada menyebut, saya bukan hendak menjawab tetapi saya menyatakan bahawa kerajaan dalam melaksanakan undang-undang Islam ini, manifestasi daripada Malaysia sebuah negara Islam, Islam Hadhari. Saya tidak tahu kenapa beliau tidak boleh menerima atau orang parti pembangkang tidak boleh menerima Islam Hadhari ini, sebab kalaulah kita kata parti pembangkang boleh buat dan membangun bersama Islam kepimpinan ulamak, tidak pernah pun kita sebagai UMNO membantahnya walaupun dia buat itu tidak seberapa dan cakupannya lebih.

Tetapi kita hendak buat ialah hasrat Yang Amat Berhormat Perdana Menteri kita hendak supaya dihighlightkan masalah Islam Hadhari ini. Ini satu kerja yang bukan senang. Kalau kita melihat hak kerajaan boleh melaksanakan apa sahaja demi kepentingan rakyat. Sebab itu saya baca kaedah tadi *Arl-raei' ala ar-raiah manuton bil muslihah*. Maknanya "tugas kerajaan dan peranan kerajaan boleh buat apa sahaja, asalkan kepentingan umum dan kepentingan rakyat untuk kebaikan rakyat." Maka apabila kita menyatakan bahawa soal ketaatan kepada pemimpin ini jelas. Kalau kita melihat dalam kaedah Fiqh Aulawiyat ataupun dalam siasah syariah, jelas.

Saya bacakan sedikit kaedahnya [*Sambil menyebut dalam bahasa Arab*], "Mengurus sesuatu dan menjaga dengan apa cara yang boleh membawa kebaikan kepadanya". Ini peranan kerajaan. Saya baca sedikit lagi, dengan izin Tuan Yang di-Pertua [*sambil menyebut sepotong ayat Al-Quran*] Maksudnya, "Dalam urusan pemerintahan, pendapat dan pandangan yang menyatakan keharusan beramal dalam prinsip-prinsip siasah syariah." Ini merupakan pendapat yang kukuh dan semua mazhab adalah tidak ketinggalan menyokongnya.

Maka dalam soal ini kalau kita melihat dalam firman Allah SWT [*sambil menyebut sepotong ayat Al-Quran*] Ini jelas, "Apabila menghukum di kalangan sesama manusia hendaklah kita menghukum dengan adil." Keadilan itu ialah satu perkara yang perlu di highlight dengan cara yang tepat, bukan sahaja adil kita boleh bercakap tetapi keadilan itu bukan sahaja kita boleh beri songkok dan beli songkok harga 50 ringgit letak di kepala, beli kasut harga 300 ringgit letak di kaki dia kata tidak adil, itulah adilnya kasut di kaki dan songkok di kepala kita. Maka apabila kita meletakkan undang-undang ini, kita harus dan mengambil kira tentang keperluan masyarakat jangan menimbulkan sebarang kezaliman dan kita harus mengambil kira tentang masanya yang sesuai atau tidak sesuai dan kita akan lihat dalam keadaan realiti masyarakat. Mereka faham atau tidak faham mestilah kita mendidik lebih aila daripada kita menghukum. Bukan mestinya kita mewujudkan undang-undang ini kita hendak menghukum tetapi kita hendak mendidik, hendak beri amaran, hendak menakutkan supaya jangan melakukan jenayah. Maka saya berasa untuk melaksanakan undang-undang ini.

Tuan Haji Ismail bin Haji Abd. Muttalib [Maran]: [*Bangun*]

Timbalan Yang di-Pertua [Datuk Dr. Yusof bin Yacob]: Yang Berhormat Pasir Puteh, Yang Berhormat Maran minta jalan.

Dato' Haji Che Min bin Che Ahmad [Pasir Puteh]: Oh! Boleh, sila.

Tuan Haji Ismail bin Haji Abd. Muttalib [Maran]: Terima kasih, Yang Berhormat bagi Pasir Puteh dan terima kasih, Tuan Yang di-Pertua. Saya tengok Tuan Yang di-Pertua, Yang Berhormat bagi Pasir Puteh ini oleh kerana lama di JAKIM, dia macam ghairah menjawab perbahasan kita dan saya kira ini mungkin memudahkan pihak Menteri untuk menjawab. Cuma saya hendak sentuh sedikit, minta pandangan Yang Berhormat. Tadi Yang Berhormat ada menyentuh tentang Islam Hadhari di mana konsep ini diperkenalkan oleh Perdana Menteri kita dalam usaha untuk memberikan kesedaran ataupun merealisasikan penghayatan Islam kepada umat Islam.

Saya kira ini satu pendekatan yang baik, bahkan kalau kita lihat, 10 prinsip utama yang diperkenalkan dalam konsep Islam Hadhari, iaitu saya sebutkan di sini;

- (i) keimanan dan ketakwaan kepada Allah;
- (ii) kerajaan adil dan beramanah;
- (iii) rakyat berjiwa merdeka;
- (iv) penguasaan ilmu pengetahuan;
- (v) pembangunan ekonomi seimbang dan komprehensif;
- (vi) kehidupan berkualiti;
- (vii) pembelaan hak kumpulan minoriti dan wanita;
- (viii) keutuhan budaya dan moral;
- (ix) pemuliharaan alam semula jadi dan,
- (x) kekuatan pertahanan.

Saya tidak perlu hendak menghuraikan 10 prinsip ini. Tetapi saya berasa hairan kepada Yang Berhormat bagi Pasir Puteh kenapa kerajaan PAS yang selama ini dianggap memperjuangkan Islam sebagai agama suci kita, mempersoalkan dan mempertikaikan pelaksanaan Islam Hadhari ini. Apakah sebenarnya mereka menggunakan Islam sebagai agama untuk mempertahankan politik mereka ataupun mereka benar-benar ikhlas untuk melaksanakan Islam sebagai agama yang benar-benar meletakkan nilai agama Islam itu sebagai satu agama yang tinggi di kalangan masyarakat. Minta pandangan.

Dato Haji Che Min bin Che Ahmad [Pasir Puteh]: Terima kasih, Yang Berhormat bagi Maran, Tuan Yang di-Pertua, Ahli-ahli Yang Berhormat. Sebenarnya PAS, ia bukan Parti Islam. Kalau Parti Islam keluar Islam murtad. Keluar parti PAS tiga kali sehari pun boleh. Dia tidak murtad, betul tidak. Kalau PAS itu Islam, ertinya keluar sahaja murtad. Tetapi ini tidak murtad. Tetapi dia bercakap tentang Islam Hadhari ini walaupun dia faham, dia buat tidak faham, itulah falsafah pembangkang.

Kalau dia setuju semua hal yang kita buat tidak ada pembangkang. Kalau kita kata gelas ini kaca pun, di jamah, semua kata tidak, dia kata ini plastik. Sebab itu dalam pokok pala saya pernah bertekak, saya kata burung dia kata kambing, burung kambing, burung kambing, burung kambing, minta maaf Tuan Yang di-Pertua, suruh seorang pergi kejut. Kejut-kejut terbang, aku sudah kata sudah kambing, kambing juga, walaupun burung itu terbang. Itu kaedah pembangkang. Jangan marahlah, jangan kecil hati Yang Berhormat bagi Pendang, itu sahaja cerita.

Dia cerita ini kadang-kadang betul, kadang-kadang tidak betul. Hendak jawab tadi prinsip Islam Hadhari. Keimanan duduk yang pertama. Kalau kita letakkan *basic* takwa dan iman itu yang pertama, tidak tahu kalau kita tidak mahu setuju lagi. Akhirnya, ilmu itu kalau kita tengok, penguasaan ilmu pengetahuan dalam pelbagai bidang, inilah Islam Hadhari. Kalau kita Malaysia baru boleh buat sayap kapal terbang Boeing, boleh buat aksesori dalam kapal terbang Boeing.

Sedikit lagi kita boleh buat kapal terbang. Hari ini kita sudah dengar Muhammad bin Salleh, walaupun ada juga nama Cina dan India bawa kapal terbang. Tetapi kita sudah dengar, dengan izin, *ladies and gentleman our captain*, Muhammad, *please sit down and smoking*. Dia kata, *this flight is a not smoking flight*. Jadi, bolehlah dengan 'Muhammad'. Dahulu Tony Blair macam-macam. Jadi, hari ini 'Muhammad' sudah boleh bawa kapal terbang, dia kata, *we take from KLIA to Jeddah about eight hours* - lapan jam. Kita boleh faham Mamat cakap orang puteh. Sedikit lagi 'Muhammad' boleh buat kapal terbang, bukan mustahil.

Dengan sebab itulah Islam Hadhari ini ertinya Al-Islam, Al-Hadhari. Uztaz tadi bukan dia hendak bahas nahu tetapi dia sebut tadi, kata tidak boleh, tidak betul Islam Hadhari. Al-Islam, Al-Hadhari, sifat 'mausuh' mengembalikan tamadun di era globalisasi ini, kenapa tidak boleh? Kalau hendak bunyi Hadhariah Islamiah, Al-Hadharah, Al-Islamiah, cukuplah itu tidak payah jawab banyak. Kena faham sifat 'mausuh', ertinya kita tidak

ceritalah, aku zaman muda bini tujuh, minta maaf Tuan Yang di-Pertua. Bini tujuh orang, 10 orang. Orang tanya masa itu bini berapa, tidak ada. Sakit kepala seseorang. Tidak gunalah, kita hendak biar hari ini pun ada empat juga, masa tua ini, cakap Kelantan sedikit, pasal Yang Berhormat bagi Pasir Mas ini Kelantan. Maka dengan sebab itulah sepuluh prinsip yang diletakkan kepada prinsip Islam Hadhari ini, saya ulang balik keimanan ketakwaan kepada Allah, kerajaan adil dan berruarah, rakyat berjiwa merdeka, penguasaan ilmu pengetahuan, pembangunan ekonomi seimbang dan progresif, kehidupan berkualiti.

Apa lagi kita hendak? Ketujuhnyanya pembelaan hak kumpulan minoriti termasuk wanita. Saya hairan juga PAS kadang-kadang dia kata perempuan ini aurat, tetapi dia hantar lawan saya aurat. Sebab itu saya boleh menang, kalau orang lelaki berat hari itu. Kalau dia hantar orang lelaki, harus saya kalah. Tetapi kerana dia kata orang perempuan itu aurat, tiba-tiba pergi hantar lawan saya, dia bagi ceramah, aurat macam mana itu, jadi untunglah saya. Keutuhan budaya dan moral, ini yang kita hendak. Keutuhan budaya dan moral ini ialah sebagai prinsip dalam Islam Hadhari dan akhir sekali ialah memelihara alam semula jadi. Saya rasa seronoklah, Yang Amat Berhormat Menteri Besar Kelantan, dia *very creative* hendak jadikan Bandar Kota Baharu Bandar Islam.

Tuan Haji Md. Alwi bin Che Ahmad [Ketereh]: *[Bangun]*

Timbalan Yang di-Pertua [Datuk Dr. Yusof bin Yacob]: Yang Berhormat Ketereh, minta laluan.

Dato Haji Che Min bin Che Ahmad [Pasir Puteh]: Sila.

Tuan Haji Md. Alwi bin Che Ahmad [Ketereh]: Saya tertarik dengan Ustaz Che Min, Yang Berhormat bagi Pasir Puteh dia punya bahasa Inggeris pun indah, dia punya cerita pun sedap. Dia punya layari bahtera itu sedap. Tetapi yang paling saya tertarik tadi cerita fasal aurat. Disebut tadi aurat. PAS menyatakan perempuan itu aurat. Tidak apalah. Saya terbaca satu artikel *interview* Yang Amat Berhormat Menteri Besar Kelantan, yang juga Mursyidul Am PAS. Dia kata, di antara permainan yang dia suka tonton ialah gusti. Saya jarang tengok gusti, malam baru ini saya pun hendak tengok apa yang sebenarnya Yang Amat Berhormat Menteri Besar Kelantan tengok gusti. Rupanya gusti ini orang pakai seluar dalam sahaja. Orang lelaki itu pakai seluar sahaja, Yang Berhormat. Dia bergumpal dengan uratnya dengan auratnya. Jadi, saya hendak tanya Yang Berhormat, apakah itu mendedahkan aurat atau tidak?

Timbalan Yang di-Pertua [Datuk Dr. Yusof bin Yacob]: Saya ingat bukan yang main gusti sahaja, Yang Berhormat, yang tengok gusti itu yang selalunya yang canggih.

Tuan Haji Md. Alwi bin Che Ahmad [Ketereh]: *[Ketawa]* Yang tengok gusti pun macam itu juga. Yang Berhormat bergusti pun pada setahu, sefahaman saya, Almarhum ayah saya ajar, aurat lelaki ini daripada pusat sampai ke lutut. Tetapi apabila tengok gusti ini, bukan setakat aurat, uratnya pun nampak. Boleh Yang Berhormat bagi penjelasan dalam hal ini. Terima kasih.

Dato Haji Che Min bin Che Ahmad [Pasir Puteh]: Terima kasih, rakan saya, sahabat saya Yang Berhormat bagi Ketereh. Sebenarnya saya sendiri pun saya jarang tengok gusti Kita duk tengok pula dengan sorak tepuknya. Sebenarnya saya sendiri saya tidak hukuman haram tidak haram. Itu sebab Majlis Fatwa ada dekat negeri, kebangsaan pun ada. Tetapi aurat itu sudah jelas sebab orang perempuan pun tengok. Macam mana orang perempuan boleh tengok orang lelaki kalau orang lelaki tidak boleh tengok perempuan.

Aurat lelaki antara *[Bercakap dalam bahasa Arab]* pusat dan lutut, tidak kiralah atas lutut pun boleh, kalau nampak, tidak semestinya bawah lutut. Tetapi aurat sudah.. kerana dia pakai itu macam cawat, minta maaf, Tuan Yang di-Pertua dalam ramai-ramai tidak seronok sebut begitu. Saya jarang ayah saya ajar begitu. Tetapi terpaksa sebut. Dan, kita tengok juga penyokong-penyokong perempuan dalam itu dia mari pakai pun lebih kurang juga, cubalah hukum masing-masing. Kalau naik nafsu, bagi saya haram. Bersalam dengan perempuan ini dia kata haram, sedangkan tengok tidak haram macam mana? Saya salam dengan perempuan tidak naik nafsu. Tetapi saya balik ambil wuduk

hilanglah dosa saya. Bagaimana Yang Berhormat bagi Ketereh? Ini kita tengok siapa naik nafsu, yang perangsang cukup kuat.

Tinggalkan berlaku anak tiri, pak tiri ini pun salah satu daripada wabak-wabak yang boleh sumbang muhrim ini. Sebab itu dalam jenayah saya mintakan supaya ambil kiralah, hak ikan haruan makan anak. Sumbang mahram ini kena ambil kira biar berat sedikit. Sebab itu saya sokonglah, makna kalau boleh jangan lupa sebatan. Dalam akta ini kita hendak supaya biar bunyi sebat, walaupun tiga kali, lima kali. Jangan kata kita denda penjara sahaja. *Relax*, dia makan apa semua duduk dalam itu mengajar sembahyang, tetapi kita hendak biar dia sebat.

Balik kepada undang-undang, saya tidak hendak jauh sangat pasal Yang Berhormat bagi Ketereh sudah masuk tadi dan Yang Berhormat bagi Marang sudah masuk tadi. Undang-undang yang kita buat haruslah kita terima pasal prinsip undang-undang Islam seluruhnya yang digariskan oleh Islam dibuat oleh kerajaan kita, Malaysia. Satunya ialah kaedahnya [*Bercakap dalam bahasa Arab*] kurang membebankan.

Kerajaan tidak membebankan. Dia buat satu undang-undang, dia buat *training* dahulu, jelas kepada masyarakat baru diimplementkan. Letak api hijau, kuning, merah dia cerita merah ini jangan pergi, salah, denda RM350. Kuning berjaga-jaga, jangan pergi dulu, nanti motor mari. Hijau baru kita pergi.

Ir. Haji Hamim bin Samuri [Ledang]: [*Bangun*]

Timbalan Yang di-Pertua [Datuk Dr. Yusof bin Yacob]: Yang Berhormat, Ledang bangun.

Dato' Haji Che Min bin Che Ahmad [Pasir Puteh]: Terima kasih.

Ir. Haji Hamim bin Samuri [Ledang]: Terima kasih jiran saya Yang Berhormat bagi Pasir Puteh. Apabila Yang Berhormat bagi Pasir Puteh menyebut tentang undang-undang tadi, saya teringat bahawa ini adalah sebahagian daripada azam kita, azam kerajaan untuk menyempurnakan akta ataupun menyempurnakan tentang kesilapan kita. Tetapi, ada pihak pula Yang Berhormat bagi Pasir Puteh, yang memutarbelitkan fakta azam itu, azam iltizam. Maknanya kita bukan setakat bercakap tetapi dengan perbuatan, secara pelan dan sebagainya. Ada juga Yang Berhormat bagi Pasir Puteh ya, yang dimaksudkan oleh Yang Berhormat bagi Baling lain, tetapi dimaksudkan oleh pihak lain. Apa pandangan Yang Berhormat bagi Pasir Puteh?

Dato' Haji Che Min bin Che Ahmad [Pasir Puteh]: Maksud Yang Berhormat bagi Ledang itu berazam, ya. Kita berazam, bercita-cita ini kalau kita kerja satu tempat yang tidak halal, berazam untuk cari kerja yang halal tetapi jangan tinggal dulu. Ini kaedah dia. Maka, kita Kerajaan Malaysia tidak buat 100% baru dok buat 'takzir' belum masuk kisas, belum masih Hudud. Tetapi, jangan kita kata tidak ada azam, semua sekali kita hendak buat itu.

Oleh kerana Hudud itu ialah *part of, zero* sahaja, bukan besar. Satu cawang dengan izin Tuan Yang di-Pertua, satu cabang sahaja. Yang pokoknya siasah syariah itu. Yang kita dok buat hari ini ialah pokok, siasah syariah. Tetapi, orang parti pembangkang dia suka ambil cabang, dia tidak ambil pokok. Sebab itu orang kita dok kalah hari ini, kerana beli nombor ekor. Kepala dok dekat orang, ekor dekat kita. [*Ketawa*] Cuba beli kepala, barulah boleh menang, kalau hendak main berjudi sungguh. Ini dok beli ekor, kepala dok dekat orang. Dok hisap dadah, pengedar dok dekat orang. Cuba kita mengedar, bukan hendak suruh, biar tentu mati. [*Ketawa*] Biar gantung selalu, senangkan? Dia hisap, buat menyusahkan. Saya dah kena mandikan HIV/AIDS ini Tuan Yang di-Pertua, di Hospital Besar semasa saya Pengarah JAWI dahulu. Saya tengok dah pegawai saya memandikan itu, cukup teruk. Sebab itu, saya hendak supaya dalam undang-undang syariah ini juga mengambil kira, walaupun kita tidak sekali gus, tetapi kita menjelaskan kepada masyarakat bahawa undang-undang jenayah kita ini sudah cukup setakat ini.

Saya tengok semua negeri pun belum jalan lagi sebat ini. Yang saya kata tiga, lima, enam tetapi Yang Berhormat bagi Pasir Mas tadi tidak tahu, sebenarnya yang diselaraskan yang baru ini, ada enam sebatan. LA ada belakang saya, terima kasih. Ada

enam sebatan. Ada tiga tahun penjara RM5,000, enam sebatan. Itu pun belum beri sebatan itu. Kalau boleh, khalayak ramai. Saya sudah minta pinda jenayah besok. Kalau tidak pun dalam jenayah syarak, kita masukkan *Civil law*, *Syariah law*. Biar ada dalam *Civil Law*, biarlah kita sebat di khalayak ramai, panggil keluarga. Bukanlah turun masjid, bukan di Padang Merdeka tetapi turun panggil keluarga sebat dia untuk mengajar.

Dr. Mohd. Hayati bin Othman [Pendang]: *[Bangun]*

Timbalan Yang di-Pertua [Datuk Dr. Yusof bin Yacob]: Yang Berhormat, Pendang minta laluan.

Dato' Haji Che Min bin Che Ahmad [Pasir Puteh]: Terima kasih. Silakan.

Dr. Mohd. Hayati bin Othman [Pendang]: Terima kasih Yang Berhormat bagi Pasir Puteh, terima kasih Tuan Yang di-Pertua. Tadi Yang Berhormat bagi Pasir Puteh ada menyebut tentang bila kita hendak melaksanakan enakmen jenayah Islamiah ini kita perlu memahami masyarakat dahulu. Saya hendak minta persetujuan daripada Yang Berhormat. Apakah kaedah kita hendak memahami dahulu. Misalnya apabila kita mengadakan sesuatu perayaan Islam misalnya Maal Hijrahkah, Maulidur Rasulkah. Setiap kali kita mengadakan sesuatu program itu, kita masukkan salah satu daripada lima prinsip dalam jenayah syariah ini, setiap tahun satu, setiap tahun satu. Maknanya bila sampai macam lima tahun, penuhlah apa-apa yang kita hendak laksanakan itu terhadap jenayah syariah Islamiah ini.

Yang keduanya, apabila kita kata masyarakat, hendak memahami masyarakat, memang proses ini memerlukan satu proses yang berterusan. Kita hendak dapat satu masyarakat yang faham ini maknanya, apabila mati, orang yang muda itu mungkin dia tidak faham. Yang saya sebutkan tadi, kita perlu pemahaman kepada masyarakat ini secara berterusan. Kemudian yang keduanya disebut oleh Yang Berhormat tentang sebat. Kita rasa masalah sebat ini seperti mana yang disebut oleh Yang Berhormat Timbalan Menteri iaitu, dia kena masuk penjara dahulu baru boleh disebat. Apakah syor yang boleh dibuat oleh Yang Berhormat supaya sebat dalam jenayah syariah ini tidak perlu mereka itu masuk penjara dahulu. Minta ulasan daripada Yang Berhormat.

Dato' Haji Che Min bin Che Ahmad [Pasir Puteh]: Terima kasih Yang Berhormat bagi Pendang. Yang hendak kena sebat dulu, belum masuk penjara itu kena Menteri jawab. Kita serah kepada Menteri. Tetapi yang semua Yang Berhormat sebut tadi, saya setuju sebab positif. Inilah saya hendak Yang Berhormat bagi Pendang ini, cara inilah pemikiran pembangkangnya, dia positif.

Seorang Ahli: *[Menyampuk]*

Dato' Haji Che Min bin Che Ahmad [Pasir Puteh]: Itu dia, puji sikit yang baik itu. Cuma, saya hendak balik kepada dengan izin Tuan Yang di-Pertua, *prevention is better than cure*. Kalau salah pun, minta maaf, saya *Arabic speaking*, Hindustan *speaking*. *[Ketawa]* *I am sorry, cannot speak English very well*, dengan izin. *[Ketawa]*

Seorang Ahli: Dengan izin. *[Ketawa]*

Dato' Haji Che Min bin Che Ahmad [Pasir Puteh]: Jadi *prevention is better than cure*. Artinya kita hendak mendidik masyarakat, tidak semestinya undang-undang yang kita luluskan ini, boleh menjamin keselamatan, keamanan rakyat kalau kita tidak dedahkan kepada rakyat. Saya setuju. Kita akan beri pendedahan. Hari-hari kebesaran Islam, berikan penjelasan. Di mana-mana pun kita beri penjelasan, termasuk tok-tok imam di masjid, khutbah berikan penjelasan bab jenayah ini, akibatnya. Sebab itulah, saya hendak jadikan masjid sebagai pusat ibadah, sebagai pusat sosial masyarakat. Jangan kata di masjid khutbah teruk. Sekarang ini, alhamdulillahlah Parlimen Pasir Puteh selamat. Tempat-tempat yang teruk saya pergi, selamat. Tidak ada lagi teruk.

Pengarah Wilayah dulu Tuan Yang di-Pertua, dua tahun. Cabut rambut lima urat satu malam. Fasal apa? Masjid 10 biji dok hentam kita. Ini saya terus teranglah. Sekarang sudah tidak ada lagi. Saya pegang dua tahun, selesai. Saya tidak marah. Saya panggil secara hikmah, saya pujuk dia. Marilah bersama-sama. Dia sudah nampak Barisan Nasional ini, dia sudah nampak UMNO ini bagus. Minta maaf Tuan Yang di-Pertua

saya sebut UMNO kerana tulang belakang kepada negara. Dia buat undang-undang Islam, walaupun *step by step*, walaupun tidak menyeluruh sampai ke Hudud, tetapi saya kata tadi, Hudud adalah satu bab sahaja dalam kaedah siasah syariah tadi. Saya balik sedikit kepada kaedah melaksanakan undang-undang 'qilatultakalif', kurang membebaskan. 'Adamulqaraj' tiada kesukaran dan halangan asas. Kita tidak mahu *implement* satu undang-undang, menjadi satu halangan asas kepada rakyat kita. Kita kena faham.

Yang ketiganya, ialah [*Bercakap dalam bahasa Arab*] dilaksanakan berperingkat-peringkat. Ini yang kita hendak tadi. Tidak mampu hendak buat semua sekali, jangan tinggal semua sekali. Sebenarnya kaedah yang saya pakai tadi, Pasir Mas ambil tadi.

Dato' Raja Ahmad Zainuddin bin Raja Haji Omar [Larut]: [*Bangun*]

Timbalan Yang di-Pertua [Datuk Dr. Yusof bin Yacob]: Yang Berhormat bagi Larut bangun.

Dato' Haji Che Min bin Che Ahmad [Pasir Puteh]: Ooh Abang Larut tidak bolehlah, Timbalan *back-benchers*. [*Ketawa*]

Dato' Raja Ahmad Zainuddin bin Raja Haji Omar [Larut]: Terima kasih Yang Berhormat, sedikit sahaja. Yang Berhormat dahulu pernah berada dalam JAKIM.

Seorang Ahli: Betul.

Dato' Raja Ahmad Zainuddin bin Raja Haji Omar [Larut]: Boleh sedikit Yang Berhormat beri penjelasan sepintas lalu. JAKIM dahulu dengan JAKIM sekarang ini, dari sudut pengalaman Yang Berhormat dalam JAKIM. Terima kasih.

Dato' Haji Che Min bin Che Ahmad [Pasir Puteh]: Sebenarnya Tuan Yang di-Pertua, JAKIM ini akhir-akhir inilah, dahulu Bahagian Agama Jabatan Perdana Menteri. Selepas itu berubah kepada 'BAHIS'. Selepas 'BAHIS' itu saya sempat lagi berubah naik taraf kepada JAKIM. Hari ini JAKIM mempunyai struktur yang cukup mempunyai cawangan-cawangan bahagian yang cukup. Tenaga pun alhamdulillahlah, beribu kalau kita tengok. Maka, apa bezanya dahulu dengan sekarang ini?

Saya terus teranglah saya cakap, saya dahulu *I am not a politician* dalam JAKIM. Saya bukan orang politik dalam JAKIM. Tetapi saya cukup komited dengan dasar kerajaan. Saya terpaksa membuatkan satu *poetess* 30 soalan yang dikeluarkan oleh PAS. PAS dia hendak *test* kita. Dia kata undi PAS masuk syurga. Kita jawablah dengan cara positif, bukankah begitu. PAS itu Islam, Islam itu PAS. Kita jawablah. Amanat Haji Hadi kita jawab dengan cara positif. Saya boleh tunjuk, besok saya boleh bawa 29 persoalan saya jawab satu-satu.

Tujuannya ialah untuk menolong kerajaan, menjelaskan bahawa kerajaan kita Malaysia ini, bukan kerajaan yang tidak berperikemanusiaan dalam mentadbir negara dan mempunyai sokongan dan dukungan yang kuat kepada kerajaan kalau kita tengok. Dalam bab Islam ini, cukup kita nampak bahawa kerajaan di bawah kepimpinan Yang Amat Berhormat Dato' Seri Abdullah bin Haji Ahmad Badawi, Perdana Menteri kita yang kita kasihi, juga Yang Amat Berhormat Timbalan Perdana Menteri, bukan saya hendak puji. Semangat dia kepada Islam Hadhari itu ialah satu platform untuk kita laksanakan. Cuma, kita mintalah agensi pusat.

Saya tidak menyebut sama ada JASA, JAKIM, YADIM, termasuk NGOs yang diwujudkan IKIM. Tetapi kita hendak supaya Islam Hadhari ini ialah amanah Yang Amat Berhormat Perdana Menteri. Di mana, Islam Hadhari ini diterima oleh semua kaum walaupun kita *multi-religious*, *multi-cultural*, *multi* apa satu lagi? [*Bertanya kepada beberapa Ahli Yang Berhormat*]

Seorang Ahli: *Multi-racial. Multi level.* [*Ketawa*]

Dato' Haji Che Min bin Che Ahmad [Pasir Puteh]: Ya?

Beberapa Ahli: *Multi racial.* Multi pasifik.

Dato' Haji Che Min bin Che Ahmad [Pasir Puteh]: Multi...

Seorang Ahli: *Multi racial.*

Dato' Haji Che Min bin Che Ahmad [Pasir Puteh]: ..*aces*.

Ketiga-tiga ini diterima dengan baik maka kita hendaklah supaya agensi pusat JAKIM yang disebut oleh Yang Berhormat Larut tadi bersemangat macam dahulu juga jangan lemah semangat. Kalau orang kata Islam Hadhari ialah Islam had hari iaitu pagi Islam petang tidak Islam maka jawablah. Saya terpaksa menjawab tetapi hari ini saya senyap cuma Yang Berhormat Pasir Mas tadi rakan-rakan dari pembangkang bukan mereka tidak terima Islam Hadhari mereka terima cuma mereka kata semasa perbahasan itu dari segi kalimah dari segi nama, apa ada pada nama?

Bagi saya hendak taruh Islam boleh tidak taruh Islam pun boleh, parti-parti pertubuhan boleh namakan Islam dengan syarat tidak menyeleweng akidah. Inilah asasnya tetapi kalau masuk PAS bererti masuk Islam dan kalau keluar PAS bererti sudah murtad, masuk PAS bererti masuk syurga, itu lari pemikirannya. Bagaimana Tuan Yang di-Pertua? Saya fikir itu satu *statement* yang lari. Kita hendak supaya Bank Islam ... Hong Kong Bank pun tidak mengatakan itu bank kafir sebab telah menjalankan perbankan Islam. Betul tak? Semua bank hari ini sudah menjalankan perbankan Islam. Maka kita terima. Jangan kata kita *declare* kita Islam orang lain hendak *Islamic* dengan izin. Itu kita tidak mahu.

Maka sebab itu bagi saya PAS kekal hendak namakan parti Islam, boleh tetapi syaratnya jangan menyeleweng dan memesongkan *grass root* kerana orang *grass root* ini Tuan Yang di-Pertua dia kira hendak masuk syurga sahaja orang-tua-tua ni. Asalkan masuk PAS dia berlaga ayam pun tidak mengapa lagi, contohnya. Dia dok berlaga ayam, bok-bok-bok- menyabung ayam tetapi bila masuk PAS dia kira *clear*. Kita tidak hendak macam itu.

Kalau dia berjudi tetap dia menanggung dosa, dia dalam parti PAS ialah satu wadah perjuangan. Kalau dalam UMNO dia berjudi dia tetap berdosa tetapi dalam UMNO ialah wadah perjuangan, itu yang kita hendak. Maka sebab itu saya anggap PAS dengan UMNO ini kita dok berbalah pun sebenarnya *ikhtilaf ummati rahmah* dalam hukum syaraknya *ikhtilaf ummati rahmah* boleh selisih pendapat jangan tafaruk. Kalau kita berbeza dan berkelahi itu ertinya berpecah. Kita hendak biarlah berbeza pendapat bukan bermakna kita tidak boleh bersatu matlamat.

Kita hendak supaya berbeza pendapat *wahdatul ummah wahdatul aqidah wahdatul qiblah wahdatul qurani* ini yang kita hendak dengan izin Tuan Yang di-Pertua. Itu yang sebenarnya sahaja hendak tunjuk bahasa Arab sahaja. Pasal Yang Berhormat Pasir Mas cakap Arab tadi.

Dato' Raja Ahmad Zainuddin bin Raja Haji Omar [Larut]: Boleh sikit lagi?

Timbalan Yang di-Pertua [Datuk Dr. Yusof bin Yacob]: Ada dua yang bangun Yang Berhormat.

Ir. Dr. Wee Ka Siong [Ayer Hitam]: [*bangun*]

Dato' Raja Ahmad Zainuddin bin Raja Haji Omar [Larut] Boleh sikit lagi. Terima kasih.

Dato' Haji Che Min bin Che Ahmad [Pasir Puteh]: Selepas Yang Berhormat Larut kita bagi ...

Timbalan Yang di-Pertua [Datuk Dr. Yusof bin Yacob]: Yang Berhormat Larut sila. Ayer Hitam kemudian pun tidak mengapalah. Bererti saya dapatlah melihat secara peribadi pendekatan JAKIM itu masih lagi di tahap yang perlu diperbaiki kerana kita lihat pada hari ini pembangkang terutamanya dalam Dewan di sini pun menyalahkan fakta dan penjelasan yang cuba diberikan oleh pihak kerajaan.

Umpamanya tadi apabila Pasir Mas menimbulkan soal apa yang telah disebut oleh Setiausaha Parlimen, saya minta Yang Berhormat beri jalan membuat penjelasan supaya tidak ada tanggapan negatif dengan apa yang diungkapkan oleh Setiausaha Parlimen tentang apa yang disampaikan oleh beliau. Jadi setuju atau tidak Yang Berhormat, kita minta penjelasan. Kalau tidak ada tanggapan yang mengatakan memang benar apa yang beliau katakan dan betul oleh pihak PAS. Boleh tak Yang Berhormat kita minta sedikit penjelasan apa sebenarnya yang disebut oleh Setiausaha Parlimen tadi.

Dato' Haji Che Min bin Che Ahmad [Pasir Puteh]: Kita beri selepas Yang Berhormat Ayer Hitam.

Dato' Raja Ahmad Zainuddin bin Raja Haji Omar [Larut]: Tidak, kita minta dahulu. Perkara ini tidak boleh ditangguhkan.

Dato' Haji Che Min bin Che Ahmad [Pasir Puteh]: Saya rasa ini kuasa saya.

Dato' Raja Ahmad Zainuddin bin Raja Haji Omar [Larut]: Tidak, saya minta dahulu.

Dato' Haji Che Min bin Che Ahmad [Pasir Puteh]: Beginilah, fasal saya tidak hendak beri ...

Dato' Raja Ahmad Zainuddin bin Raja Haji Omar [Larut]: Saya ingat Ayer Hitam pun setuju.

Dato' Haji Che Min bin Che Ahmad [Pasir Puteh]: Tidak, saya tidak hendak bagi dahulu.

Timbalan Yang di-Pertua [Datuk Dr. Yusof bin Yacob]: Yang Berhormat, Yang Berhormat bertanya kepada Yang Berhormat Pasir Puteh, sekarang Yang Berhormat Pasir Puteh jawablah.

Dato' Raja Ahmad Zainuddin bin Raja Haji Omar [Larut]: Ya, saya minta daripada Yang Berhormat Pasir Puteh minta penjelasan. Kalau tidak boleh lima minit sejam pun tak apalah. Ini perkara serius.

Dato' Haji Che Min bin Che Ahmad [Pasir Puteh]: Tidak bagi dahulu laluan. Saya hendak bagi Yang Berhormat Ayer Hitam lepas itu saya jelaskan sedikit kalau tidak cukup baru minta Yang Berhormat ...

Timbalan Yang di-Pertua [Datuk Dr. Yusof bin Yacob]: Yang Berhormat Ayer Hitam sila.

Ir. Dr. Wee Ka Siong [Ayer Hitam]: Terima kasih Tuan Yang di-Pertua. Saya ingin bertanya kepada Yang Berhormat Pasir Puteh. Saya tertarik dengan apa yang disampaikan itu mengenai Islam Hadhari dan nampaknya masyarakat Malaysia pun menerima Islam Hadhari ini sebagai satu konsep yang menekankan tentang kesederhanaan dan bolehkah Yang Berhormat membuat satu pengesahan bahawa ia satu yang berlandaskan kepada perlembagaan, berlaku adil kepada semua kaum dan bagi saya apa Yang Berhormat cerita itu memang betul.

Kalau kita gunakan taktik-taktik seperti pembangkang yang sentiasa menekankan secara ekstrem tentang agama kadangkala kita sebagai orang bukan Islam rasa takut. Jadi ada orang kata kafir tetapi biarlah kafir zimmi daripada kafir harbi saya rasa yang boleh bekerjasama. Malaysia ini sebagai masyarakat majmuk jadi kita kena melihatnya dari perspektif perlembagaan dan saya yakin apa persepsi yang saya dapat ini Islam Hadhari adalah berpandu kepada prinsip perlembagaan. Saya minta penjelasan daripada Yang Berhormat.

Dato' Haji Che Min bin Che Ahmad [Pasir Puteh]: Terima kasih Yang Berhormat Ayer Hitam. Yang Berhormat Ayer Hitam lebih arif nampaknya daripada pembangkang. Saya hendak *quote* sedikit dengan izin Tuan Yang di-Pertua Perlembagaan Malaysia. Dengan izin. Perkara 3(1) - *Islam is the religion of the Federation; but other religions may be practiced in peace and harmony in any part of Federation*. Tidak tengok teks tu. [Ketawa]. Hafal macam hafal surah *Fatihah*. Islam agama Persekutuan 3(1). Agama rasmi diterjemahkan oleh negara kita, Peguam Negara. Kalau kita tengok bab undang-undang rasmi Malaysia ini tetapi kalau tidak rasmi pun agama persekutuan pun mencakupi semua (universal), hebat dah.

Tetapi agama lain boleh diamalkan di mana-mana penjuruan Persekutuan ini dengan cara aman (*peace and harmony in any part of Federation*). Sedap bahasa 'orang putih' - Di mana-mana penjuruan Persekutuan boleh diamalkan. Maka bertolak titik daripada situlah Yang Amat Berhormat Perdana Menteri, saya ingat lagi lima Perdana Menteri daripada yang Teramat Mulia Tunku Abdul Rahman Putera Al-haj, selepas itu disambung oleh Tun

Razak, disambung oleh Tun Hussein Onn, disambung oleh Tun Mahathir, semua Tun ini selepas mereka habis menjadi Perdana Menteri baru dapat Tun. Ini orang UMNO tidak tamak bab pangkat ni. Tun Mahathir pun selepas habis jadi Perdana Menteri baru dapat Tun, bukan tok guru.

Kemudian sampai Yang Amat Berhormat Perdana Menteri kita hari ini yang baru, semuanya adalah kalau kita tengok mengambil kira dalam aspek ini. Kalau penerapan nilai Islam tahun 1984 - saya masih ingat lagi kita buat di INTAN dan semua kadet-kadet PTD berkursus mengenai penerapan nilai Islam tidak ada timbul masalah, tidak ada diskriminasi, tidak ada sensitif ini semuanya. Saya rasa Yang Berhormat Yang Berhormat ini pernah jadi PTD dahulu kursus di INTAN, saya masih ingat saya bagi ceramah. Tidak ada masalah.

Maka masalah penerapan nilai Islam lahirlah Malaysia sebuah negara Islam, kita *road show* seluruh negara. Saya sendiri turun ke padang sebagai Timbalan Ketua Pengarah masa itu. Turun ke padang semuanya. Semua lapisan masyarakat kita jelas, diterima baik Malaysia sebuah negara Islam. Dahulu dia kata Islam kulit tetapi isi tidak Islam. Sekarang ini sudah sedap disebut. Yang Berhormat Pasir Mas pun terima Malaysia sebuah negara Islam, alhamdulillah. *Take time* lah. Ambil masa hendak mengiktiraf ni.

Ini pula Islam Hadhari. Islam Hadhari ini Islam sekerat hari, pagi Islam petang tidak Islam, dimain-mainkan dan diwarwarkan di *grass root*. Maka dengan sebab itulah kalau rancangan Yang Amat Berhormat Perdana Menteri menerima Islam Hadhari, kita ada Penasihat Agama kepada Yang Amat Berhormat Perdana Menteri iaitu Yang Berbahagia Tan Sri Hamid Othman, dia sebagai penasihat, dalam bahasa arabnya 'mustahsyar', *Adviser* kepada *Prime Minister* tentang hal-hal *religious*.

Kemudian kita ada Majlis Kebangsaan Bagi Hal Ehwal Agama Islam Malaysia, Raja-raja dan Menteri Besar. Kita ada Majlis Fatwa Kebangsaan yang dihadiri oleh mufti-mufti seluruh negara. Apabila diarah oleh raja untuk dibuat fatwa baik bincang sesuatu fatwa termasuklah boleh tak nama Islam ini kepada pertubuhan, dibincang.

Raja-raja Melayu kita ini bijak, dia tidak kata tidak boleh dia kata boleh syaratnya jangan menimbulkan perpecahan. Ini jelas dalam keputusan yang dicapai. Kemudian kita ada majlis yang ditubuhkan untuk membantu negeri untuk melaksanakan undang-undang Jawatankuasa Teknikal Undang-undang. Kita ada Jawatankuasa Teknikal Undang-undang untuk mengkaji bukan sahaja membuat draf bersama Peguam Negara tetapi kita mengkaji apa kelemahan undang-undang semua negeri kerana negeri ini adalah enakmen dan wilayah adalah akta kerana diluluskan Parlimen. Negeri enakmen diluluskan oleh Dewan Undangan Negeri maka kita selaraskan. Inilah tugas Yang Berhormat Menteri kita sebahagiannya portfolio dia menjaga dan menyelaras undang-undang kerana undang-undang ialah *very important* cukup mustahak.

Maka dengan sebab itulah bagi saya, saya amat yakin satu lagi ialah jawatankuasa yang terakhirnya ialah kalau tidak silap saya namanya MAPUN. Majlis ini ialah terdiri daripada ulama-ulama luar negara untuk menasihatkan kerajaan. Ini diwujudkan khas MAPUN ini. Bukan PUM itu, PUM itu Persatuan Ulama Malaysia.

Datuk Rosli bin Mat Hassan [Dungun]: *[Bangun]*

Dato Haji Che Min bin Che Ahmad [Pasir puteh]: Ha, ini kena bagilah pasal orang kuat kita.

Timbalan Yang di-Pertua [Datuk Dr. Yusof bin Yacob]: Ya, Yang Berhormat bagi Dungun.

Datuk Rosli bin Mat Hassan [Dungun]: Yang Berhormat, saya hendak dapat sedikit *detail* tadi yang Yang Berhormat sebut ada masalah zina tadi dalam undang-undang Islam. Mungkin Yang Berhormat Setiausaha Parlimen sendiri pun banyak bercakap dalam surat khabar tentang undang-undang ini sebelum ini, bolehkah Yang Berhormat memberi sedikit penjelasan dan kita juga hendak minta penjelasan daripada Setiausaha Parlimen kerana kadang-kadang agak samar tentang perkara-perkara yang ditimbulkan sebelum ini. Terima kasih.

Dato Haji Che Min bin Che Ahmad [Pasir Puteh]: Undang-undang ini kalau kita tengok, saya sudah sebut tadi, barangkali Yang Berhormat bagi Dungun belum sempat dengar tadi, Undang-undang Pentadbiran Agama Islam, Undang-undang Warga Islam, Undang-undang Keterangan Mahkamah Syariah, Undang-undang Prosedur Mahkamah Syariah yang kita hendak luluskan hari ini ataupun esok, Undang-undang Prosedur Jenayah Syariah, Undang-undang Penubuhan Mahkamah Syariah, Undang-undang Zakat Baitulmal dan Wasiat. Ini semua sudah *complete*.

Saya rasa kalau kita dengar tadi saudara kita daripada parti pembangkang, Yang Berhormat bagi Pasir Mas tadi, sebenarnya dia tidak tahu *detail* sebab...

Setiausaha Parlimen di Jabatan Perdana Menteri [Dato' Dr. Mashitah binti Ibrahim]: [Bangun]

Dato Haji Che Min bin Che Ahmad [Pasir Puteh]: Kita bagi sedikit laluan. Mungkin boleh, dengan izin ya.

Timbalan Yang di-Pertua [Datuk Dr. Yusof bin Yacob]: Ya.

Dato' Dr. Mashitah binti Ibrahim: Terima kasih Tuan Yang di-Pertua.

Dato Haji Che Min bin Che Ahmad [Pasir Puteh]: Terlanjurkan sedikitlah.

Dato' Dr. Mashitah binti Ibrahim: Terima kasih kepada Yang Berhormat bagi Pasir Puteh. Saya ingin menjawab kerana persoalan ini ditimbulkan, saya rasa saya perlu menjawab sendiri tanpa membiarkan Yang Berhormat Menteri untuk menjawab bagi pihak saya.

Saya amat yakin sebenarnya, Yang Berhormat tadi tidak faham ataupun sengaja memutarbelitkan kenyataan untuk mengelirukan sebab saya yakin kalau sekiranya Yang Berhormat bagi Pasir Mas, dia baca *Metro Ahad* dengan penuh teksnya, insya-Allah dia akan faham tetapi mungkin dia baca Harakah sahaja, dia tidak baca *Metro Ahad*. [Disampuk] Kalau menjawab kepada persoalan tadi, Yang Berhormat bagi Pasir Mas kata Setiausaha Parlimen mengatakan memberi fatwa.

Saya ingin mengatakan bahawa ini adalah ruangan soal jawab, bukan ruang fatwa. Ruangan itu pun bunyinya, "Anda Bertanya Dr. Mashitah Menjawab". Ia tidak ada kena-mengena dengan soal fatwa.

Yang kedua, yang bertanya tadi bukan bertanya hendak minta izin. "Kalau saya terdesak, boleh tidak saya berzina?" Sudah tentu kalau itu persoalannya, "Kalau saya terdesak, boleh tidak saya melacur atau bolehkah saya berzina?". Sudah tentu saya akan menjawab, "Tidak boleh" ataupun memberi jawapan sama dengan Yang Berhormat bagi Pasir Mas tadi, "Lebih baik pergi minta sedekah".

Tetapi persoalan yang dia tanya, bukannya "Kalau saya terdesak, boleh tidak saya melacur?" Tidak. Tetapi dia kata, ada orang sudah buat zina. Buat pula dalam keadaan terpaksa demi menyelamatkan nyawa anak-anak yang perlu makan, apa hukumnya? Di situ ada perbezaan. Jadi jawapan saya ialah memberi kaedah di dalam menghukum. Maknanya kalau seseorang itu dalam keadaan terdesak, dia dikira sebagai darurat. Saya tidak mengatakan bahawa seseorang itu boleh berzina dalam keadaan darurat. Tetapi saya memberi hukum kepada orang yang sudah buat, buat pula dalam keadaan terpaksa, maka itu namanya darurat.

Dalam hal ini, orang lain bertanya tentang masalah orang lain. Bukan dia bertanya tentang diri dia, "Kalau saya darurat saya hendak berzina, boleh tidak?" Tetapi dalam hal ini dia bertanya bagi pihak orang lain. Dan untuk itu bila kita bertanya bagi pihak orang lain, kita kena semak keadaan orang itu dahulu. Misalnya, seseorang itu kata, "Apa hukumnya seseorang itu tidak solat?" Kita tidak boleh menjawab, "Hukumnya dia berdosa." Kita kena tanya dahulu, "Kenapa dia tidak solat?" Adakah dia tidak solat kerana dia datang haid, tidak boleh solat.

Sebab itu jawapan saya itu ialah memberi kaedah di mana jawapannya kalau kita baca, saya ada keratannya di sini, "Hukum di dalam Islam berbeza mengikut keadaan seseorang. Mengikut istilah yang dipakai di sini iaitu terpaksa. Ianya membayangkan perbuatan itu dilakukan bukan dengan kehendak hatinya. Dia terdesak berbuat demikian

demikian menyelamatkan anak dan memberi makan. Perkara dilakukan dalam suasana darurat terlepas daripada hukuman biasa.” Itu yang diberi.

Di sini kita lihat dalam keadaan biasa memang melacur itu haram tetapi jika terdesak dan darurat, ia dimaafkan. Yang Berhormat bagi Pasir Putih tidak faham, maaf ada beza dengan diharuskan. Maaf diberi kepada orang yang telah terlanjur...

Dato Haji Che Min bin Che Ahmad [Pasir Puteh]: Pasir Mas, Pasir Mas.

Dato’ Dr. Mashitah binti Ibrahim: Pasir Mas terlanjur tadi. Maafkan saya. Pasir Mas terlanjur tadi. Dia kata, saya memberi keizinan untuk berzina sedangkan yang kita bercakap di sini, dimaafkan iaitu bagi orang yang sudah terlanjur, kerana terdesak, maka ianya dimaafkan. Bukannya diharuskan. Ada beza hukum di situ.

Kita tengok di sini, bagi pihak Barisan Nasional sebenarnya, dia tidak mudah hendak hukum orang tetapi dia mengkaji dahulu keadaan atau kedudukan seseorang itu dan kita berhati-hati, Islam itu mudah tetapi tidak dipermudahkan hukumnya. Dan saya juga bersetuju dengan Yang Berhormat bagi Pasir Mas tadi bila dia kata zina itu memang berat. Tetapi kita bercakap tentang orang yang sudah terlanjur dalam keadaan terpaksa, kita bercakap dalam membuka ruang untuk dia bertaubat.

Jika dia terdesak, kita mengatakan hukumnya di sini. Ada beza bila saya mengatakan bahawa “Jika telah berzina dalam darurat, ianya dimaafkan.” Itu berbeza dengan mengatakan bahawa “Zina boleh jika terdesak”. Ada perbezaannya.

Dan saya sedih sebab Yang Berhormat bagi Pasir Mas baca tidak habis kenyataan saya. Yang terakhirnya, saya kata, “Jika sampai ada lebih bererti dia sudah tidak darurat.” Maknanya hukumannya sudah jelas di sini bahawa dia tidak darurat tetapi kita lihat bahawa dia sengaja memutarbelitkan kenyataan tersebut untuk mengelirukan. Terima kasih Yang Berhormat bagi Pasir Puteh.

Dato Haji Che Min bin Che Ahmad [Pasir Puteh]: Terima kasih Yang Berhormat Setiausaha Parlimen. SUP itu Setiausaha Parlimen [Ketawa] atas jawapan tadi. *Beautiful answer* kata Yang Berhormat bagi Ledang. *Beautiful answer, thank you very much.*

Timbalan Yang di-Pertua [Datuk Dr. Yusof bin Yacob]: Tetapi Yang Berhormat, bahasa Inggeris itu pelat Kelantan.

Dato Haji Che Min bin Che Ahmad [Pasir Puteh]: Ya, pelat Kelantan. [Ketawa] Saya menyambung balik sebab lari daripada ini sedikit.

Tuan Haji Md. Alwi bin Che Ahmad [Ketereh]: [Bangun]

Timbalan Yang di-Pertua [Datuk Dr. Yusof bin Yacob]: Ya, Ketereh.

Dato Haji Che Min bin Che Ahmad [Pasir Puteh]: Oh, Yang Berhormat bagi Ketereh. [Ketawa]

Tuan Haji Md. Alwi bin Che Ahmad [Ketereh]: Terima kasih. Saya ucap tahniah kepada Setiausaha Parlimen, Yang Berhormat bagi Baling kerana telah memberi jawapan. Sebenarnya saya daripada tadi lagi geram hendak menjawab tetapi kerana saya tidak terlibat. Saya bukan hendak minta penjelasan. Saya hendak bagi lagi satu contoh tentang betapa fleksibelnya hukum Islam ini.

Saya terbaca dalam satu kisah, seorang yang datang berjumpa dengan seorang tok guru, dia memberitahu tok guru ini - ulama ini, “Saya ingin bertaubat. Saya telah membunuh 99 orang. Bolehkah saya bertaubat?” Jawab tok guru tersebut, “Tidak boleh”. Lalu terus dipancung tok guru itu, masuklah yang ke-100. Kemudian dia cari seorang ulama yang lain. Dia beritahu, “Saya sebenarnya telah bunuh 99 orang, saya sudah pergi jumpa seorang ulama, ulama ini kata saya tidak boleh bertaubat, saya pancung ulama itu. Maka saya hendak tanya ustaz sekarang, bolehkah saya bertaubat?” Jawab ustaz itu, “Boleh.” Itulah hukum Islam yang telah berlaku.

Jangan kita... Saya hendak pesan kepada semua orang, baik UMNO, baik PAS, hal hukum ini pertamanya jangan main-main. Jangan kita politikkan. Hukum Islam itu haram itu jelas, halal itu jelas. Yang dua ini jelas. Yang *mutasyabiha*, yang menjadi was-

was ini kita elakkan tetapi jangan cuba mempolitikkan perkara ini. Saya dengar ucapan Yang Berhormat bagi Pasir Mas tadi, saya sedih dia mempolitikkan keadaan, soal undang-undang dan sebagainya. Jangan kita politikkan soal agama. Jangan kita main-main soal ini. Kalau kita *lillahi taala*, Allah mendengar, malaikat mencatat. Lebih daripada verbatim hari ini. Tolonglah jangan mainkan isu ini lagi. Minta penjelasan dan persetujuan dari Yang Berhormat bagi Pasir Puteh.

Dato Haji Che Min bin Che Ahmad [Pasir Puteh]: Terima kasih Yang Berhormat bagi Ketereh. Saya setuju semua tadi. Kita tidak hendak di"*politicize*"kan isu hukum tadi.

Timbalan Yang di-Pertua [Datuk Dr. Yusof bin Yacob]: Yang Berhormat, sebab itu bahasa Inggeris Yang Berhormat sedap, pasal bercakap bahasa Inggeris pun macam Kelantan. *[Ketawa]*

Dato Haji Che Min bin Che Ahmad [Pasir Puteh]: Dengan izin. Sebab itu kita tidak hendak lagi mempermain-main dan mempersenda-sendakan hukum Islam. Kalau kita bercakap orang Putih salah, tidak berdosa. *[Ketawa]* Kalau cakap hukum salah, berdosa, Tuan Yang di-Pertua. *[Dewan riuh] [Tepuk] [Ketawa]*

Walaupun kita bercakap itu niat kita tuju kepada Setiausaha Parlimen kita ke, tetapi niat itu pun sudah berdosa. Sebab itu banyak saya tanya tadi, dia tidak jawab sebab dia pun tinggi mengaji, saya pun tinggi mengaji, sama-sama faham. Kalau sama-sama salah, sama-sama tanggung. Sebab itu saya kata boleh nama parti Islam sampai kiamat, boleh, syaratnya jangan menyesatkan.

Timbalan Yang di-Pertua [Datuk Dr. Yusof bin Yacob]: Yang Berhormat.

Dato Haji Che Min bin Che Ahmad [Pasir Puteh]: Jangan mengelirukan.

Timbalan Yang di-Pertua [Datuk Dr. Yusof bin Yacob]: Yang Berhormat, Yang Berhormat boleh sambung besok.

Dato Haji Che Min bin Che Ahmad [Pasir Puteh]: Ha, terima kasih. Boleh.

Timbalan Yang di-Pertua [Datuk Dr. Yusof bin Yacob]: Yang Berhormat, waktu sekarang jam 5.30 petang, kita ada usul.

USUL

MENANGGUHKAN MESYUARAT DI BAWAH PERATURAN MESYUARAT 16(3)

Menteri di Jabatan Perdana Menteri [Dato' Seri Mohamed Nazri bin Abdul Aziz]: Tuan Yang di-Pertua, saya mohon mencadangkan

"Bahawa mengikut Peraturan Mesyuarat 16(3), mesyuarat ini ditangguhkan sekarang."

Menteri di Jabatan Perdana Menteri [Dato' Dr. Abdullah bin Md. Zin]: Saya mohon menyokong.

UCAPAN-UCAPAN PENANGGUHAN

JARUM DAN KONDOM PERCUMA BUKAN JAWAPAN KEPADA MASALAH HIV/AIDS

5.30 ptg.

Tuan Salahuddin bin Ayub [Kubang Kerian]: Bismillahir Rahmanir Rahim. Tuan Yang di-Pertua, penyakit HIV/AIDS yang sedang menular pada hari ini sangat

berbahaya kepada generasi baru dan masa depan negara. Penyakit ini berpotensi untuk menjadi pembunuh utama jika ia tidak ditangani secara berkesan khususnya dengan menyekat punca atau akar umbi kepada penyakit ini. Kita menyedari HIV/AIDS berpunca daripada kegiatan tidak bermoral iaitu zina dan seks bebas dan penagihan dadah. Kes-kes yang melibatkan pemindahan darah dan bayi dalam kandungan, ibu dan bapa menghidap HIV/AIDS boleh menyebabkan kes ini terjadi. Tetapi kes yang melibatkan kes bebas dan dadah adalah seumpama mencampakkan diri ke lembah kebinasaan.

Kempen-kempen untuk menyedarkan masyarakat tentang penyakit ini sudah banyak dibuat oleh kerajaan. Kita ucapkan terima kasih di atas kempen-kempen ini tetapi kita kesal juga kerana kerajaan seolah-olah tidak bersungguh-sungguh untuk memerangi gejala ini dengan menghapuskan akar umbinya. Kita sedar punca utamanya ialah seks bebas dan dadah kerana Kementerian Kesihatan mencadangkan supaya jarum dan kondom percuma dibekalkan kepada kedua-dua golongan ini. Pada saya, jarum dan kondom percuma bukan jawapannya. Kita boleh memperuntukkan sejumlah wang tambahan untuk memberi jarum dan kondom percuma tetapi apakah itu kita pasti ia boleh menyelesaikan masalah.

Jika kondom dibekalkan kepada penzina, ini bermakna kita menggalakkan rakyat berzina. Dalam apa keadaan sekalipun, mana-mana agama melarang perbuatan berzina. Kita sepatutnya mencegah rakyat daripada berzina untuk mengatasi masalah ini dan bukannya membekalkan kondom untuk membolehkan mereka berzina dengan selamat. Kita boleh berhujah bahawa kondom hanya dibekalkan kepada mereka yang berkahwin sahaja tetapi biasanya penghidap HIV ataupun AIDS ini mengamalkan seks bebas, bukannya suami isteri yang sah.

Bagi penagih dadah, mungkin kondom boleh menghalang HIV/AIDS menjangkiti isteri atau anaknya, tetapi kita tidak pasti setakat mana orang-orang yang sedang berkhayal dadah ini boleh berfikir waras untuk menggunakan kondom bagi menyelamatkan keluarga mereka. Jarum-jarum percuma kepada penagih dadah juga belum tentu akan menyelesaikan masalah mereka kerana kita tidak mendaftarkan penagih dadah seperti mendaftarkan pengundi. Maka, ada penagih yang mendapat jarum percuma tetapi tidak mustahil jika rakan-rakan mereka juga tidak mendapat jarum percuma dan meminjam.

Tuan Yang di-Pertua, dalam konteks ini, saya melihat bahawa kerajaan sepatutnya mengambil langkah yang lebih komprehensif dengan menangani masalah masyarakat di peringkat akar umbi. Budaya hedonisme yang melampau, pembukaan kelab malam dan bar-bar secara berleluasa menjadi sarang pengedaran dadah jenis syabu dan berlakunya unsur-unsur merapati zina. Kita melihat kegiatan hiliaran yang berlaku selepas waktu konsert yang liar misalnya, anak muda berlumba haram, bergaul bebas lelaki dan perempuan, minum minuman keras, menghisap dadah, berzina dan sebagainya. Kerana itulah sarang-sarang maksiat ini mesti diambil tindakan yang tegas dan kita juga menentang desakan mana-mana kumpulan yang membantah penguatkuasaan ini iaitu Undang-undang Akhlak ataupun *moral policy*.

Bahkan Tuan Yang di-Pertua, sebagai akhirnya, sebagai seorang Islam, saya mencadangkan sebagaimana yang kita bahaskan sepanjang petang ini kepada kerajaan supaya menerima pelaksanaan hukum Islam bagi mengatasi masalah ini. Islam telah menetapkan hukum bagi penzina dan juga orang-orang yang mengambil sesuatu yang memabukkan arak dan dadah. Kita tidak boleh menganggap zina dan dadah ini sebagai hak individu kepada masyarakat menanggung bebannya. Kita mesti berani untuk mengaplikasikan undang-undang Islam bagi membendung gejala HIV dan AIDS ini selain terus mempertingkatkan kempen-kempen kesedaran dan membantu mangsa-mangsa yang sedia ada. Adalah lebih baik peruntukan untuk memberi jarum dan kondom ini digunakan untuk membantu pesakit-pesakit kronik yang lain daripada terus membazir untuk sesuatu yang tidak akan pasti.

Sekian Tuan Yang di-Pertua.

Timbalan Yang di-Pertua [Datuk Dr. Yusof bin Yacob]: Jawapan daripada Kementerian Kesihatan, sila Yang Berhormat Setiausaha Parlimen.

5.35 ptg.

Setiausaha Parlimen Kementerian Kesihatan [Tuan Lee Kah Choon]: Terima kasih Tuan Yang di-Pertua. Kementerian Kesihatan ingin menarik perhatian Ahli Dewan yang mulia ini bahawa sesungguhnya penularan jangkitan HIV di negara kita sudah sampai kepada tahap pengesanan 19 kes HIV setiap hari. Sehingga akhir tahun 2004, jumlah terkumpul rakyat Malaysia yang dikesan menghidapi HIV/AIDS adalah seramai 64,439 orang di mana 46,806 orang iaitu sebanyak 72.6% daripada mereka adalah daripada kalangan belia berbangsa Melayu yang beragama Islam.

Punca utama jangkitan HIV di negara kita adalah melalui perkongsian jarum semasa menyuntik dadah iaitu sebanyak 75%, manakala mereka yang melakukan perhubungan seks tanpa kondom dengan pasangan yang diragui status HIVnya adalah sebanyak 15%. Perlu diingat bahawa bagi setiap individu yang dikesan menghidapi jangkitan HIV masih ada tiga individu di belakangnya yang menghidap HIV yang masih belum dikesan. Dengan mengambil kira nisbah ini, anggaran warga Malaysia yang dijangkiti HIV pada masa ini adalah sebanyak lebih kurang 200 ribu orang.

Sekiranya tindakan menyeluruh bagi mengekang masalah ini masih belum juga dilakukan, maka kes HIV/AIDS di negara kita akan sampai kepada tahap 300 ribu kes menjelang tahun 2015. Sebenarnya, 14 dari 19 kes HIV yang dikesan pada setiap hari merupakan penagih dadah suntikan yang bilangannya dianggarkan sebanyak 120 ribu orang dari keseluruhan 900 ribu penagih dadah di Malaysia. Kajian oleh Kementerian Kesihatan pada tahun 1998 pula menunjukkan bahawa penagih dadah suntikan ini menyuntik dadah tidak kurang daripada tiga kali sehari dan berkongsi jarum dengan tidak kurang dengan tiga rakannya yang lain. Pada masa yang sama, 80% dari mereka adalah aktif dalam hubungan seks sama ada dengan isteri, teman wanita atau pelacur, manakala hanya 15% daripada mereka yang menggunakan kondom. Ini bermakna, penagih dadah sebenarnya melakukan amalan yang memberikan risiko berganda terhadap jangkitan HIV;

- (i) menjangkiti atau mendapat jangkitan daripada penagih-penagih dadah lain melalui perkongsian jarum;
- (ii) setelah dijangkiti HIV, mereka menjangkiti pula pasangan seksual dengan melakukan perhubungan seks tanpa kondom.

Ekoran daripada risiko seksual ini, maka bilangan jangkitan HIV melalui perhubungan seks telah meningkat daripada 846 kes pada tahun 2001 kepada 1,227 kes pada tahun 2004 dan ini menunjukkan peningkatan sebanyak 34.3% hanya dalam masa empat tahun. Sekali lagi didapati 80% daripada penagih dadah suntikan ini adalah berbangsa Melayu yang beragama Islam. Berdasarkan purata kadar jangkitan HIV di kalangan penagih dadah, suntikan adalah sebanyak 20% daripada 120 ribu penagih dadah suntikan ini. Kira-kira 24 ribu orang yang telah dijangkiti HIV. Jika mereka ini dibiarkan dengan tidak diberikan sebarang *intervention*, golongan inilah yang sangat berpotensi untuk menambah kepada 72 ribu jangkitan iaitu 24 ribu kali dengan tiga yang baru kepada bilangan HIV yang sedia ada.

Realitinya adalah, kita sedang menghadapi dan berdepan dengan ancaman darurat, penularan HIV daripada 24 ribu jangkitan HIV di kalangan penagih dadah suntikan yang berpotensi untuk menularkan virus HIV kepada 72 ribu orang termasuk rakan suntikan dadah, pasangan seksual, isteri, anak daripada ibu kepada bayi kandungannya, penderma darah dan juga penerima darah.

Seterusnya, jika 72,000 kes HIV yang baru ini pula terus mengambil risiko berkongsi jarum bagi penagih dadah dan tidak menggunakan kondom semasa perhubungan seks, maka seramai 72,000 kali tiga lagi yang lain akan menerima jangkitan HIV. Buktinya jangkitan HIV di Malaysia telah meningkat daripada 778 kes pada 1990 kepada 6,427 pada 2004, iaitu peningkatan enam kali ganda dalam masa hanya 14 tahun. Cabaran atau hakikat yang perlu kita akui dan hadapi adalah untuk segera menyekat penularan jangkitan HIV yang kian meningkat berlipat kali ganda daripada semasa ke semasa.

Selagi amalan perkongsian jarum suntikan dadah dan tidak menggunakan kondom semasa melakukan perhubungan seks dengan pasangan yang diragui status HIVnya

berterusan, selagi itulah kita akan terus menghadapi pengesanan yang jauh lebih tinggi daripada 19 kes sehari bagaimana yang berlaku sekarang. Sekiranya perangkaan ini terus meningkat, sudah tentu kita sudah tidak begitu jauh untuk menyerupai pengalaman jangkitan HIV di Uganda yang memaksa para imam di negara itu turun ke padang untuk menghalang penularan HIV, setelah kadar jangkitan HIV mencecah kepada nisbah 10% pada tahun 1997, dan 10 jangkitan pada setiap 100 orang warga dewasa Uganda.

Dalam keadaan seperti ini adakah jarum dan kondom percuma bukan jawapannya? Adakah jawapannya bahawa kita asingkan mereka di sebuah pulau? Program yang dicadangkan oleh pihak Kementerian bukannya program pemberian jarum semata-mata sebaliknya ia merupakan program pertukaran jarum yang tercemar dengan jarum bersih atau *needle exchange program* yang disertakan bersama dengan pemberian kondom apabila keadaan memerlukan.

Penagih perlu menyerahkan jarum yang sudah digunakan untuk mendapatkan gantian jarum bersih. Program ini dikenali sebagai pendekatan mengurangkan kemudaratan atau *harm reduction* merupakan satu cara bagi menangani penularan jangkitan HIV. Sasarannya ditumpukan secara khusus kepada kumpulan yang telah dikenal pasti sebagai paling berisiko terhadap jangkitan HIV dan berpotensi untuk menjangkiti orang lain. Dasarnya ialah pelaksanaan kaedah jangan memudaratkan diri dan memudaratkan orang lain, dan kaedah adalah hindarkan dadah atau bahaya yang lebih besar.

Dalam konteks HIV/AIDS ini membiarkan jangkitan HIV menular ke atas orang lain yang mungkin tidak berdosa seperti isteri dan anak kandung, penerima darah adalah lebih parah akibatnya, yang berzina pastinya akan menanggung dosa akibat penzinaannya, tetapi mereka yang tidak terlibat dengan zina dan dadah yang tidak berdosa perlu dilindungi daripada virus HIV yang dibawa oleh risiko berzina dan berkongsi jarum.

Program pertukaran jarum dan pemberian kondom bukannya aktiviti berdiri di tepi jalan atau di pasar raya untuk mengedarkan jarum dan kondom dengan percuma, sebaliknya program ini telah dirancang dengan rapi untuk mendekati kumpulan penagih dadah suntikan di mana mereka berada yang majoritinya masih bergerak bebas di luar pusat-pusat pemulihan untuk diberi program bimbingan, dan perkhidmatan kaunseling yang mereka perlukan.

Dengan kata lain program ini merupakan titik permulaan kepada penyaluran aktiviti-aktiviti lain yang berkaitan dengan pendekatan *harm reduction* seperti penyampaian informasi, berkomunikasi, kaunseling, saringan HIV, rawatan penagihan dadah, *drug substitution therapy*, bimbingan moral, rawatan anti-retrovirul, program sokongan dan penjagaan serta perawatan-perawatan lain yang diperlukan.

Ini bermakna program ini memerlukan komitmen pelbagai agensi dan disiplin termasuk kepakaran dalam bidang kesihatan, agama, sosial, psikologi, badan bukan kerajaan, agensi-agensi kerajaan, sektor swasta dan juga pemimpin masyarakat. Ianya bukan satu program yang mengambil alih program-program pencegahan lain yang sedang dilaksanakan sebaliknya ia merupakan satu alternatif untuk mempelbagaikan usaha mencegah penularan jangkitan HIV.

Mereka yang diberikan kondom akan diberikan kaunseling bahawa kondom bukannya lesen untuk menghalalkan zina, tetapi sebagai peringatan tanggungjawab untuk tidak menjangkiti diri dan orang lain dengan virus HIV melalui amalan seks yang tidak bertanggungjawab. Seseorang itu pastinya tidak akan berzina sekiranya ia beriman dan mempunyai nilai moral yang tinggi.

Berkaitan dengan penagih dadah perlu diingatkan bahawa penagihan dadah merupakan satu-satunya penyakit kronik yang memerlukan rawatan yang rapi dan berterusan. Sehubungan dengan itu penagih dadah merupakan pesakit kronik yang memerlukan keprihatinan, bimbingan, rawatan psikologi, perubatan serta sokongan dan adalah tidak wajar mereka ini dihukum secara melulu.

Dengan ini tidak timbul isu Kementerian Kesihatan menyokong hak individu untuk berzina dan menagih dadah. Sebenarnya program pertukaran jarum dan pemberian kondom ini adalah langkah untuk menyekat punca jangkitan HIV secara langsung di

samping menggunakannya sebagai langkah awalan bagi menangani masalah yang dihadapi penagih dadah dan pasangan seksnya.

Adalah dengan hanya menumpu perhatian kepada kaedah hapuskan zina dan penagihan dadah dan melaksanakan hukum Islam Hudud terhadap pengzinaan dan penagih dadah sudah cukup komprehensif bagi menangani masalah HIV/AIDS ini. Nampaknya Yang Berhormat Kubang Kerian tidak sedar bahawa mendekati mereka yang berisiko terhadap jangkitan HIV dan yang terlibat dengan HIV/AIDS untuk menghalang jangkitan HIV kepada yang belum dijangkiti HIV serta memberikan mereka setiap corak perawatan yang diperlukan adalah elemen yang tidak kurang pentingnya dalam erti kata pengambilan langkah yang lebih berkomprensif. Anggapan bahawa...

Timbalan Yang di-Pertua [Datuk Dr. Yusof bin Yacob]: Panjang lagikah Yang Berhormat?

Tuan Lee Kah Choon: Saya hendak habis sudah. Anggapan bahawa program jarum dan pemberian kondom hanya menggalakkan rakyat terus berzina dan membazirkan sebenarnya mencerminkan satu pendapat yang dipengaruhi unsur emosi sedangkan yang kita perlukan adalah buah fikiran yang berasaskan penilaian fakta secara rasional.

Seperti mana yang telah diterangkan anggaran penagih dadah suntikan adalah seramai 120,000 orang. Sekiranya mereka diberikan jarum dan kondom, maka kosnya adalah RM100 seorang sebulan atau lebih kurang RM145 juta setahun. Sebaliknya jika mereka dibiarkan...

Timbalan Yang di-Pertua [Datuk Dr. Yusof bin Yacob]: Yang Berhormat, panjang lagi.

Tuan Lee Kah Choon: Bagi tiga minit lagi...

Timbalan Yang di-Pertua [Datuk Dr. Yusof bin Yacob]: Yang Berhormat sudah merancang menjawab tujuh minit setengah.

Tuan Lee Kah Choon: Saya tahu tetapi cuma saya hendak menerangkan berkaitan dengan isu ini yang saya rasa kena terangkan.

Sebaliknya jika mereka dibiarkan sehingga dijangkiti HIV, maka kos rawatan anti-retroviral sahaja untuk rawatan AIDS tidak termasuk kos-kos lain adalah sebanyak RM350 seorang sebulan atau RM504 juta setahun. Sebenarnya kehidupan tanpa HIV/AIDS pastinya lebih berharga berbanding wang ringgit, maka langkah menghalang 120,000 orang penagih suntikan daripada dijangkiti HIV dan menjangkiti pula sekurang-kurangnya 70,000 mangsa yang baru adalah lebih bererti daripada mencurahkan RM145 juta pada setiap tahun.

Bayangkan berapa banyak wang ringgit yang diperlukan untuk merawat dan menjaga 72,000 individu dan keluarga mereka yang terlibat dengan HIV/AIDS dan ini tidak termasuk beban psiko sosial yang terpaksa ditanggung oleh mereka yang terlibat dengan HIV/AIDS.

Sedangkan pencegahannya dapat dimulakan dengan hanya inisiatif jarum bersih dan kondom. Ini dijelaskan bahawa kerajaan tidak pernah mengabaikan aspek pencegahan dan pelaksanaan undang-undang dalam usaha menangani penularan HIV AIDS. Program pencegahan HIV telah bertemakan HIV pembunuh, katakan tidak kepada HIV dan jauhilah zina telah dilancarkan seawal tahun 1990 dan diperkukuhkan lagi dengan pelbagai forum, majlis dialog dan stamina mengenai HIV AIDS. Seterusnya pendidikan moral kepada golongan remaja...

Timbalan Yang di-Pertua [Datuk Dr. Yusof bin Yacob]: Ya, Yang Berhormat, Yang Berhormat sepatutnya semak jawapan sebelum menjawab dan mengambil masa cuma 7 minit setengah untuk menjawab.

Tuan Lee Kah Choon: Okey, kalau begitu saya cuma hendak menyatakan bahawa kerajaan memang mengambil berat tentang perkara ini dan kita rasa adalah penting bahawa kita menerangkan dan memberikan informasi yang tepat kepada rakyat supaya kita bersama-sama untuk mengatasi masalah ini dan bukan kita menggunakan emosi kita supaya kita sama-sama tidak dapat mengatasi masalah ini.

Timbalan Yang di-Pertua [Datuk Dr. Yusof bin Yacob]: Cukuplah Yang Berhormat.

Tuan Lee Kah Choon: Sekian, terima kasih.

**MEMORANDUM UMNO WILAYAH PERSEKUTUAN
BAGI MENGEHADKAN KUASA DATUK BANDAR KUALA LUMPUR**

Timbalan Yang di-Pertua [Datuk Dr. Yusof bin Yacob]: Yang Berhormat Tuan Tan Kok Wai.

Puan Teresa Kok Suh Sim [Seputeh]: Hah! Jangan lari.

Tuan Tan Kok Wai [Cheras]: Terima kasih, Tuan Yang di-Pertua. Langkah...

Timbalan Yang di-Pertua [Datuk Dr. Yusof bin Yacob]: Yang Berhormat, saya hendak beri amaran, Yang Berhormat jangan lari daripada teks asal.. *[Ketawa]*

5.51 ptg

Tuan Tan Kok Wai [Cheras]: Saya ada sedikit perubahan untuk memaniskan ayat-ayat. *[Ketawa]* Tuan Yang di-Pertua, langkah badan perhubungan UMNO Wilayah Persekutuan mengemukakan cadangan kepada Yang Amat Berhormat Perdana Menteri yang menggesa kerajaan menyusun semula pejabat Dato' Bandar Kuala Lumpur termasuk mengkaji kembali status kuasa Dato' Bandar seperti mengesyorkan Jabatan Perkhidmatan Awam mengambil-alih urusan pelantikan Dato' Bandar dan bukan lagi melalui proses kelulusan oleh Duli Yang Maha Mulia Sri Paduka Baginda yang di-*Pertuan Agong* atas *recommendation* daripada Perdana Menteri.

Seperti yang diamalkan sekarang, alasan UMNO Wilayah Persekutuan ialah Dato' Bandar sekarang mempunyai kuasa yang cukup luas dengan dibantu oleh sebuah Lembaga Penasihat tetapi malangnya Lembaga Penasihat tidak mempunyai kuasa untuk mengarahkan atau mempengaruhi keputusan Dato' Bandar. Dengan sebab itu UMNO mencadangkan kuasa *authority* dan tempoh perkhidmatan Dato' Bandar di semak semula dan kuasa pentadbiran diserahkan kepada sebuah Majlis Dewan Bandaraya yang baru yang anggotanya akan terdiri daripada Ahli-ahli Parlimen Barisan Nasional, Ketua UMNO dan anggota komponen Barisan Nasional supaya dasar-dasar yang akan diputuskan kelak adalah selaras dan bertepatan dengan strategi politik Barisan Nasional.

DAP membantah cadangan sedemikian kerana ia mendatangkan kesan yang tidak menguntungkan warga kota keseluruhannya tetapi semata-mata untuk kepentingan diri sendiri Barisan Nasional sahaja. Tuan Yang di-Pertua, kami memerhatikan ada tiga unsur tersembunyi, *hidden agenda* dalam cadangan ini iaitu;

- (i) Apabila anggota Majlis Dewan Bandaraya adalah terdiri daripada ketua-ketua bahagian UMNO dan komponen Barisan Nasional maka mereka mudah mengawal dan mempengaruhi keputusan dasar dan keperluan politik Barisan Nasional sahaja dan bukan untuk kepentingan orang ramai. Dengan mengehadkan kuasa Dato' Bandar, segala keputusan pentadbiran dan dasar untuk bandar raya yang terkaya dalam negara tidak lagi menempuh halangan besar untuk dilaksanakan kerana kuasa;
- (ii) Apabila sistem pelantikan Ahli Majlis Dewan Bandaraya diperkenalkan sudah pasti memberi ruang untuk membolehkan lebih ramai ahli-ahli dan penyokong Barisan Nasional termasuk

mereka yang tewas atau ditolak oleh pengundi semasa pilihan raya menjadi ahli majlis;

- (iii) Apabila mereka berkuasa maka mereka akan melakukan penindasan atau diskriminasi ke atas parti-parti pembangkang supaya mereka mendapat laluan mudah yang memihak kepada Barisan Nasional dan dengan ini memudahkan mereka menguasai semua kerusi Parlimen dalam ibu negara.

Saya ingin menegaskan di sini bahawa DAP bersetuju dengan Barisan Nasional dari segi menegakkan kuasa Dato' Bandar kerana kuasa yang ada memang terlalu besar. Oleh itu, langkah untuk mengawal dan menegakkan kuasa tersebut adalah cara terbaik untuk memastikan pembangunan yang adil untuk warga kota bukan melalui sistem pelantikan ahli-ahli majlis yang melibatkan ahli-ahli politik parti pemerintah dalam membuat keputusan dasar dan program DBKL tetapi hendaklah menerusi mengembalikan semula pilihan raya kerajaan tempatan secara demokratik.

DAP membantah keras dengan apa jua niat untuk menakluki atau menyerap pengaruh politik Barisan Nasional dalam Majlis Dewan Bandaraya Kuala Lumpur. Kami juga yakin bahawa warga kota pun tidak bersetuju dengan cadangan ini yang merupakan satu langkah mundur untuk membangunkan amalan demokrasi di negara ini. Saya ingin menggesa Yang Amat Berhormat Perdana Menteri supaya berfikir terbuka atas cadangan yang hanya mendatangkan faedah kepada segelintir orang yang tamakkan kuasa.

Perdana Menteri hendaklah mengkaji kesan buruk baik jika langkah ini dilaksanakan dengan menghormati hasrat rakyat yang mahukan pilihan raya kerajaan tempatan untuk memilih Dato' Bandar dan ahli-ahli majlis. Sekian, Tuan Yang di-Pertua.

Timbalan Yang di-Pertua [Datuk Dr. Yusof bin Yacob]: Yang Berhormat Kementerian Wilayah dan Setiausaha Parlimen.

5.55 ptg

Setiausaha Parlimen Kementerian Wilayah Persekutuan [Tuan Yew Teong Look]: Tuan Yang di-Pertua, untuk makluman Ahli Yang Berhormat dari Cheras, Kementerian Wilayah Persekutuan telah menerima cadangan secara rasmi berhubung dengan perkara yang dibangkitkan oleh Yang Berhormat bagi Cheras tadi. Kementerian Wilayah Persekutuan akan mengkaji sebarang cadangan untuk meningkatkan kualiti perkhidmatan untuk kebaikan penduduk Kuala Lumpur. Peruntukan-peruntukan yang berhubung dengan kuasa dan fungsi Dato' Bandar Kuala Lumpur, ada dinyatakan di bawah Akta Ibu Kota Persekutuan 1960 dan beberapa akta serta peraturan yang lain yang telah dipersetujui oleh kerajaan.

Kementerian Wilayah Persekutuan sentiasa meneliti akta-akta yang berkaitan seperti mana yang diarahkan oleh Yang Amat Berhormat Perdana Menteri untuk memastikan Dewan Bandaraya Kuala Lumpur berupaya memberi perkhidmatan yang terbaik kepada penduduk Kuala Lumpur, pelawat dan mereka yang berurusan dengannya. Kementerian Wilayah Persekutuan juga bersedia menimbang mana-mana cadangan yang baik dan praktikal dan menguntungkan warga kota untuk dilaksanakan oleh DBKL atau Kementerian Wilayah Persekutuan.

Tuan Yang di-Pertua, ke arah itu satu *retreat* telah pun diadakan pada 15 hari bulan hingga 17 hari bulan Mei 2005 yang dihadiri oleh pegawai-pegawai dari Kementerian Wilayah Persekutuan, DBKL, Perbadanan Putrajaya, Perbadanan Labuan, Kementerian Perumahan dan Kerajaan Tempatan dan Jabatan Peguam Negara. Satu jawatankuasa penambahbaikan undang-undang telah diwujudkan di Kementerian Wilayah Persekutuan. Undang-undang yang dikaji ialah akta-akta yang di bawah pentadbiran DBKL, Perbadanan Labuan dan Perbadanan Putrajaya serta akta-akta dan peraturan lain yang diterima pakai dalam menjalankan operasi agensi masing-masing.

Antaranya ialah Akta Ibu Kota Persekutuan 1960, Akta Perbadanan Labuan 2001, Akta Perbadanan Putrajaya 1995, Akta Perancangan Wilayah Persekutuan 1982, Akta Hiburan Wilayah Persekutuan Kuala Lumpur 1982, Akta Perancangan Bandar dan Desa 1976., Akta Jalan, Parit dan Bangunan 1974, Akta Hotel Wilayah Persekutuan Kuala Lumpur 2003 dan beberapa akta yang berkaitan.

Selain itu, kajian juga telah dilakukan ke atas semua perundangan kecil lain yang digubal menurut kuasa yang diperuntukkan di dalam akta-akta seperti yang dinyatakan sebelum ini. Berhubung dengan cadangan supaya mengadakan semula pilihan raya kerajaan tempatan. Perkara ini bukan di bawah bidang kuasa Kementerian Wilayah Persekutuan. Mengenai perkara ini sila rujuk jawapan Kementerian Perumahan dan Kerajaan Tempatan bagi pertanyaan lisan dalam Penyata Rasmi Dewan Rakyat pada 30 Mac 2005. Sekian, terima kasih.

Timbalan Yang di-Pertua [Datuk Dr. Yusof bin Yacob]: Ahli-ahli Yang Berhormat kita selesai ucapan penangguhan. Oleh yang demikian, Dewan yang mulia ini kita tangguhkan dan bersidang semula pada jam 10.00 pagi esok.

Dewan ditangguhkan pada pukul 5.59 petang.